

16/11/18  
2.11.18





proli a m<sup>re</sup> de Canailles Lecomung  
de 1<sup>re</sup> Cyprien.

a m<sup>re</sup> de m<sup>re</sup> ceux de m<sup>re</sup> de  
Polignac le p<sup>re</sup> tome de m<sup>re</sup> de

X u ~~A. Colomban. Le commentaire sur~~

~~la Bible de St. Jérôme par le p. Mathieu~~

a m<sup>re</sup> p<sup>re</sup> de le p<sup>re</sup> tome de l'abbé

de St. Jérôme traduite en français par

A. Grille. vol. 1. avec le 2. tome

~~de l'abbé de l'abbé.~~

Donne a m<sup>re</sup> Abraham les m<sup>re</sup> de  
Strachet.

M




F. G. Card. Bejubij


XX B 22

21. B.

March 2nd 1872

1872









*Si quis vult post me venire, abneget semetipsū,  
et tollat crucem suam et sequatur me. Matt. XVI. 24.*

*N. de Platts Montagne deli.*

*J. Eddelinet sculp. C. P. Regis*

*Ex libris cony. I. maurj. Roma fatal. infensj  
anno 1688.*

JOHANNIS GERSEN

Abbatis Sancti Stephani Vercellensis

Ordinis Sancti Benedicti,

DE IMITATIONE  
CHRISTI

ET CONTEMPTU  
OMNIUM VANITATUM MUNDI.

LIBRI IV.



LUTETIÆ PARISIORUM.

Apud LUDOVICUM BILLAINE in Palatio  
Regio.


---

M. DC. LXXIV.

*Cam Privilegio Regis & Superiorum licentia.*







ILLUSTRISSIMO PARISIORUM  
 ARCHIEPISCOPO  
 DUCI AC FRANCIAE PARI  
**FRANCISCO HARLÆO**  
 S. P. D.

F. FRANCISCUS DELFAU, Monachus ac Presbyter  
 Congr. S. Mauri.



RISCIS Ecclesiae legibus  
 constitutum erat, Archi-  
 præsul Illustrissime, ut ne  
 sacri homines apud Iudices  
 fori sæcularis litem contestarentur,  
 ā iij

EPISTOLA NUNCUPATORIA.

& ut si quid intercedebat controversiæ communis parentis Episcopi iudicio dirimeretur : procul hinc ambages, longè malæ artes, omnia planè, omnia, ut decet sanctos, veri & æqui studio peragebantur.

Elanguit subinde disciplinæ vigor, ac fatiscentibus in dies moribus longissimè deflexit ; sed rursus efflorescere cœpit in Ecclesia Parisiensi, ex quo te illa communibus omnium ordinum votis singulari merito tuo Archipræsulem nancisci optavit, ac sapientissimi Regis iudicio nacta est.

Nempe illud debebatur temporis an regni hujus felicitati, ut una nobis essent Imperator, qui summa æquitate populis jus diceret ut legum adsertor ; & Archiepiscopus qui subortas lites

# EPISTOLA NUNCUPATORIA.

amicè componeret, ut charitatis Conciliator. Nihil olim sibi potius ducebant sacri Antistites, quàm ut sopirent lites, sedarent iras, farcirent amicitias. Tu quò eos propiùs imitare, nihil antiquius habes quàm ut ordines omnes sancta necessitudine tibi atque invicem devincias, & pacatam plebem Auctori pacis repræsentes.

Præclara hæc tui nomînis fama, procul positos homines Johannem Gersenum, ac Thomam de Kempis ad Celsitudinis tuæ tribunal accivit, ut jamdiu motam inter eos controversiam, tuo judicio diffinires: seu enim ea litteraria est, à nullo melius æstimari potest quàm ab homine eruditissimo; seu Ecclesiastica, à nemine potius disjudicari debet, quàm ab Archiepiscopo; seu implicata, abs te omnium oculatissimo dirimenda videtur.

â iiij

## EPISTOLA NUNCUPATORIA.

Et si verò reputantibus singillatim eas animi dotes, quibus te natura affatim cumulavit, aut illud Sacerdotij fastigium, quò te religio provexit, verendum erat, ne tantillam quæstionem despectui haberes; eum nihilominus timorem levavit humanitas illa singularis, qua reliquas dotes ita temperas, ut earum copiâ magnus, usu major, contemptu maximus habearis.

Sed ut ea controversia suapte humilis fuerit, tuo certè judicio nobilitata est, quando moribus ita comparatum videmus, ut parvæ res contactu ac consuetudine Summorum hominum crescant, tuque in re tenui haud tenue ingenij tui specimen edideris; quam enim antiquitatis peritiam, quam in dispungendis codicibus solertiam, quod in proponendis difficultatibus acumen,

## EPISTOLA NUNCUPATORIA.

quam in dissolvendis sapientiam in te  
suspexerunt viri illi eruditissimi, qui &  
causæ nostræ cognitores & tuæ pruden-  
tiæ testes adfuere?

Quæ quidem laudum tuarum com-  
memoratio, etsi procul est ab adula-  
tione, multò longiùs abest à modestia  
tua, sed eò forsitan excusanda, quò cau-  
sæ necessaria, ut omnes intelligant te di-  
ligentissimè in ea versatum esse, nul-  
lumque, ut ita dicam, apicem ambi-  
guum fuisse reliquum, quem non ad  
judicij tui libram expenderis.


Quod nos attinet, Illustrissime Archi-  
præsul, officij nostri esse duximus, hanc  
sacri libelli editionem quàm potuimus  
accuratam, unà cum nostris qualibuf-  
cumque castigationibus, Celsitudini  
tuæ consecrare, non solùm ut animum  
in te nostrum testatum faceremus, qui  
ā iiiij

## EPISTOLA NUNCUPATORIA.

tibi, ut opinor, satis perspectus est; sed ut facti tui adsertor, ac fidei nostræ vindex appellareris, si Thomæ patroni nos in suspicionem adduxissent. Neque propterea Celsitudinis tuæ Judicio stare renuent, seu quòd eis integrum sit pari conditione agere, seu quòd æquitas tua gratiæ obnoxia non sit, seu denique quòd te causæ Arbitrum magis quàm Libra Mæcenatem adoptaverimus: ut tandem aliquando decretorio Judicio abs te diffineretur. Quo facto, Illustrissime Archipræsul, non modò nos ipsos, sed & Rempublicam Litterariam ea quæstione jamdudum divisam ac fatigatam demereberis,

PRÆF.

## PRÆFATIO.

UM multæ ac graves contro-  
versæ de sacris aliquot Scri-  
ptoribus exortæ sint, tum nul-  
la umquam aut acrioribus studiis ven-  
tilata est, aut animos in varias magis  
sententias distraxit, quàm quæ ad li-  
brum attinet *de Imitatione Christi*. Fue-  
runt qui S. Bernardo istud operis ad-  
scriberent; sed ij cùm animadvertissent  
Beatum Franciscum, qui totis 80. annis  
Bernardo posterior est, diserte laudari  
l. 3. c. 10. Jam olim causâ decesserunt;  
alii Johanni Gersoni Cancellario Pari-  
sensi hoc Opusculum tribuere, sed  
perperam, cùm is numquam Mona-  
chum induerit, qualem se piissimus  
scriptor indigitat nec obscure nec se-  
mel. Pauci Carthusiano nescio cui, aut  
quam ob rem assignavere: verùm & ij  
sponte dilapsi sunt, cùm eos argumen-

## PRÆFATIO.

ta destituerent. Pars multò maxima in Thomam de Kempis Canonicum regularem, aut in Johannem Gersen seu Gessen de Canabaco, Abbatem Monasterij Sancti Stephani Vercellensis, consensisse visa est; atque eatenus restetit in medio, decertantibus hinc Canonicis regularibus Ord. S. Augustini, inde Monachis S. Benedicti pro suo quique sodali.

Quamquam si satis habuissent Thomæ vindices rem haud dubiè nostram ad se transtulisse, nullam propterea litterem eis intendissemus, seu in gratiam ejus necessitudinis quæ nobis cum ipsis intercedit, æternúmque intercedet, seu quod ordini nostro affatim scriptorum est, quorum præclara multitudo unius quantumvis nobilis jacturam facile solari possit. Nunc verò cum Majores nostros corruptorum exemplarium reos palam ac publicè egerint, officij nostri esse duximus, fœdam hanc



## PRÆFATIO.

c pudendam notam amoliri atque ab-  
tergere.

Id ut bona fide, & æquis conditioni-  
bus fieret, non minore diligentia col-  
legimus instrumenta quæ Thomæ,  
quam quæ Johanni nostro faverent.  
Hinc magnis precibus impetravimus,  
ut codex ille percelebris, cui tota ad-  
versariorum causa innititur, Antuerpiâ  
Lutetiam ad nos transmitteretur, beni-  
gnè concedentibus RR. PP. Societatis  
J. apud quos adservabatur, deinde quâ-  
tum potuimus maximum exemplarium  
MSS. numerum corrogavimus, non  
omissis iis quæ adversarij falsi postula-  
verant, ut ex eorum comparatione in-  
telligi posset, quid quemque juris atti-  
neret.

Ea controversia ( ut vides Lector )  
litteraria cùm sit, abs rei antiquariæ  
potiùs quàm juris peritis dispungenda  
fuit. Sed ut in utroque præcellit illu-  
strissimus Senatûs Princeps, infulas suas

## PRÆFATIO.

ad eum usque pulverem demisit, adhibitis unà viris cum quibus litem finiret. Neque verò ambigendum, quin obtinuisset jam tum Abbas Vercellensis, si tam expeditum nactus esset actorem quàm integer & oculatus erat Judex, quàm bona erat causa, quàm periti illius cognitores. Verùm longiori perorantis sermone, & mutuis altercationibus (nam duo aderant Canonici Regulares clarissimi, scilicet Reverendus Pater Lallemand sanctæ Genovefæ tum Prior, & R. Pater du Molinet à Secretis Reverendissimi Patris sui Generalis) tempus contritum est, vixque ullo habito codicum MSS. examine, non rogatis cognitorum suffragiis, imminens nox cœtum dissolvit. Exinde respriore loco stetit usque dum interjecto haud magno temporis spatium illustrissimus Parisiorum Archiepiscopus eam ad se referendam, ejusque rationem habendam duxit: quod

## PRÆFATIO.

ostremum qua diligentia ab eo præ-  
stitum sit, probat rei gestæ Instrumen-  
tum, quod inferius exhibendum est;  
probat in primis ingenij ejus perspicua-  
ritas atque solertia, tum virorum cla-  
rissimorum, quos ad hoc negotium de-  
egit eruditio & experientia omnibus  
estata, quorum tibi nomina satis sit re-  
præsentasse ad fidem Instrumento con-  
siliandam. Hi nimirum fuere clarissi-  
mi viri, Antonius Faure Doctor Pari-  
sienfis Sorbonicus, Carolus le Cointe  
Oratorij Presbyter Annalium Eccles.  
Francorum conditor, Antonius de Vion  
dominus d'Herouval Rationum publi-  
carum Auditor, Hadrianus Valesius  
Historiographus Regius, Stephanus  
Balusius Colbertinæ Bibliothecæ Pre-  
fectus, & Johannes Baptista Cotele-  
rius Socius Sorbonicus.

Quibus etiam accessit, qui ad hoc  
examen delectus opportuno tempore  
adesse non potuit, Carolus du Fresne

## PRÆFATIO.

dominus du Cange Regij ærarij Quæstor , qui expensis seorsim codicibus suffragium suum jam confecto instrumento ultrò adjunxit. Atque ut intelligas, studiose lector, posterius hoc examen non esse prioris alterius subterfugium , iidem causæ cognitores ad utrumque rogati sunt : neque visum est in posteriori interpellare illustrissimum Senatûs Principem , ne temere sacro ejus otio abuti videremur. Id verò liberaliter nobis annuit illustriss. Parisiorum Archiepiscopus , qui prioris examinis arbiter unâ cum illustriss. Senatûs Principe rogatus, præsentiam suam exhibere non potuerat.

Tam perspicacibus, tam incorruptis, tamque à partium studio alienis hominibus litis contestandæ Instrumenta coram illustrissimo Archiepiscopo exhibuimus , ut eâ quâ cetera solent diligentia excuterent , ac de his pro sua integritate censerent: fecerunt illi per-  
strenuè,

## PRÆFATIO.

strenuè, & ambiguis quibusque codicum apicibus ad leges severioris critices exactis, judicarunt nostros ab omni legitima falsi suspicione abesse: ex adverso autem palam ac viva voce declararunt Autographum Antuerpianum exscriptorem magis quàm auctorem referre.

Hæc tu te meliùs intelliges, Lector, ex Aëtis coram illustrissimo Archiepiscopo, quæ huic præfationi subjungimus, veluti secururæ dissertationis fundamentum. Nempe eo judicio integrata est fides codicum nostrorum, quos in falsi suspensionem adduxerant adversarij nostri, ac subinde instaurandæ controversiæ orta occasio.

Iis porro argumentis, quæ ab restituta exemplaribus auctoritate eruuntur, alia atque alia è re nata conjunximus, ut totius quæstionis summam complecteremur: quò si non aliud commodum ex hac qualicumque scriptione

## PRÆFATIO.

referres , tædio saltem legendi prolixiores in eam rem disceptationes leveris.

Fortasse conquerentur adversarij , quòd huic examini non interfuerint ; verùm cùm non judicanda sed tantùm instruenda esset causa , non fuit necessarium utramque partem adesse , sed alteram tantùm , cujus erat codices falsi postulatos Arbitris exhibere. Tum quia adversæ partis postulata Inquisitoribus perspecta erant , ut potè qui totam controversiam probè tenerent , & priori examini jam plerique interfuissent ubi adversariorum objecta audierant , tum quia apud eos homines res agebatur , de quorum equitate nemo dubitare posset. Tum denique quia causæ cognitio pendebat ex sola veterum MSS. sinceritate , quæ oculis conspici potiùs quàm oratione explicari debebat. Verùm ut adversariis omnis demum causandi occasio præcluderetur,

## PRÆFATIO.

de clarissimorum assessorum consilio decrevit illustriss. Antistes, ut adversæ parti copia fieret Instrumenti hac de re confecti, dareturque facultas alterius confessus, in quo si quid objiciendum aut reponendum illis fortassè videretur, aut certè si quos pro Thoma MSS. haberent codices, coram Arbitris exponerent. Si verò oblatæ occasione deforent, in gratiam Johannis Gerseni sententia rata esset. Iis rebus uti statutum erat ad amissim perfectis, elapsum est ferè triennium; nec tamen adversarij comparuere, tametsi frequenter à nobis amicè conventi, ut diuturnam litem concordibus animis simul componeremus. Quamobrem cùm ab illis diu multumque comperendinatum esset, visum est tandem omni procrastinatione præclusa prædictum Instrumentum publici juris facere, quo nostrorum codicum sinceritas assereretur.

His omnibus bona fide peractis,  
é ij

## PRÆFATIO.

tota controversia jam confecta censeri debet, non quidem viâ juris forensis, sed legibus censuræ litteratoriæ, cujus legitimum iudicium causæ nostræ satis superque esse existimamus.

An verò adversarij tantorum virorum fidem aut æquitatem incusabunt? numquam id opinor eos admissuros; quamquam si quid scrupuli super sit, nullus obsistam quin eos conveniant si lubet, in vivis agunt notissimi, clarissimi que. Denique si quæ habent instrumenta causæ suæ, nec dum hæcenus exhibita, proferant, per nos licet, tametsi jam satis morarum ab ipsis acceperit controversiæ definitio: Interim verò MSS. nostra exemplaria falsi postulare desinant, & Johannem Gersen aut Gessen de Canabaco, Abbatem Vercellensem, cujus nomen præferunt MSS. codd. Italici omnium vetustissimi, pro indubitato auctore libri de Imitatione Christi haberi patiantur.





## INSTRUMENTVM,

*In quo MSS. codices librorum de IMITATIONE CHRISTI coram Illustriss. Archiepiscopo Parisiensi ventilati atque discussi indicantur.*



NNO Domini millesimo sexcentesimo septuagesimo primo, die quarta-decima mensis Augusti, cū ex Mandato Illustrissimi Domini D. Francisci de Harlay Parisiensis Archiepiscopi, Nos infrascripti convenissemus in Aula ipsius Archiepiscopali; idem Illustrissimus Dominus Archiepiscopus jussit nobis exhiberi plures codices manu descriptos, in quibus continetur Opusculum de Imitatione Christi: dixitque se velle, ut super his suffragium quisque nostrum ferremus.

### PRIMUS CODEX.

In primis oblatus est nobis codex

é iij

membraneus, in cujus primo folio præmittitur hæc inscriptio : *Liber Monasterij Canonorum Regularium in monte S. Agnetis Virginis ac Martyris prope Suuollis*. Dein recentiori manu hæc addita leguntur : *Quem F. Ioannes Latomus Professus Ordinis Regularium in Throno B. MARIE propè Herentals, ejusdem Ordinis generalis Minister, facta visitatione Monasterij B. Agnetis prope Suuollam, ejusdem Monasterij ruinis ereptum, ne penitus interiret, Antuerpiam allatum, Ioanni Bellerio amico veteri & fideli D. D. anno salutis 1577. Porro Ioannes Bellerus PP. Societatis JESU in grâtiâ suorum filiorum, quos eadem societas Religiosos fovet, lubens donavit Kalend. Iunij 1590.*

Postea in proximo folio verso habetur indiculus eorum quæ in toto codice continentur in hunc modum :

*Qui sequitur me non ambulat in tenebris.*

*Regnum Dei intra vós est, dicit Dominus.*

*De Sacramento venite ad me omnes.*

*Audiam quid loquatur in me Dominus*

*Deus.*

Et post alia ultimo loco.

*Brevis admonitio ab exterioribus, &c.*

In fine verò codicis post prædictam admonitionem leguntur hæc verba minio descripta: *Finitus & completus anno Domini M. cccc. xli. per manus fratris Thomæ Kemp. in monte S. Agnet. prope Zuvoll.*

In libris quatuor de Imitatione Christi, qui in isto codice exstant primo loco, deprehenduntur errata non pauca, ex quibus hæc sint in exempla.

1. Transpositio libri de Sacramento altaris, qui cùm in omnibus aliis quartus sit, in hoc codice est tertius, tum in indiculo superiùs relato, tum in ipsa librorum serie, incipiens à folio verso post librum secundum.

2. Omissiones quædam insignes, ut in lib. 1. cap. 13. fol. 11. post illum ver-

é iiij

sum, *Principiis obsta sero medicina paratur*, omittitur sequens ad sensum necessarius: *Cùm mala per longas invaluere moras*.

Et in lib. 2. cap. 11. folio 35. verso, *Rarò invenitur tam spiritalis*, &c. omittitur verbum *invenitur*, quod in margine suppletum est manu recentiori.

3. Solæcismi nonnulli: ut in lib. quarto (qui in aliis tertius) cap. 36. folio 94. verso, *Quòd si ad præsens tu videris succumbi*, pro *succumbere*, & cap. 55. folio 113. verso, *stips inutilis* pro *stirps inutilis*.

4. Lituræ quorundam verborum, quæ fallente oculorum jactu, extra ordinem scripta fuerant, ut in lib. 1. cap. 19. folio 15. verso, *Exercitia & Sanctorum suffragia*, tria postremò verba minio deleta, quintâ pòst lineâ leguntur post idem vocabulum, *exercitia*, quod repetitum fefellit scribentis oculos: & libri 2. cap. 8. folio 31. *Potes citò perdere*

etiam hæc vox *perdere* quæ post tria vocabula subsequitur, minio deleta est.

## SECUNDUS CODEX.

Codex Monasterij S. Udalrici apud Augustam Vindelicorum, in quo præter multa habetur liber primus de Imitatione Christi, & in fine hujus libri hæc subduntur: *Et est finis hujus tractatus scripti in Concilio Basiliensi anno Domini M. cccc. xxxvij. Et sic cum Dei adjutorio finitus est iste Tractatus per me Georgium de Gottingen, tunc temporis Capellan. in Vviblingen.*

## TERTIUS.

Codex Vveingartenensis papyraceus, uti & præcedens, ita incipit: *Qui sequitur me*, &c. & in fine tertij libri de Imitatione: *Explicit liber internæ consolationis finitus anno Domini M. cccc. xxxiij. secundâ feriâ ante festum Assumptionis Beatæ Virginis Mariæ per me fratrem Conradum Obersperg, tunc temporis Conventualem in Veingarten.*



#### QUARTUS.

Codex Mellicensis papyraceus, in quo habetur primo loco *Manuale D. Augustini, tum Regula vivendi in Monasteriis edita à B. Hieronymo*. Postea libellus de reformatione hominis, qui in quatuor partes dividitur. Primus de Imitatione Christi & contemptu omnium vanitatum mundi. Et post hos libros quatuor de Imitatione Christi, sequuntur varij Tractatus Johannis Gerson, in his. *Considerationes ejus xxv. de Confessionibus audiendis*: in quarum considerationum fine legitur pagina 120. in margine inferiori: *Explicit die Kiliani 34.* id est anno 1434. Quod probatur ex registro nobis oblato librorum ejusdem Monasterij Mellicensis, scripto & absoluto anno 1517. sic enim legitur in calce Registri: *Scriptum & collectum per fratrem Stephanum Purckhardi anno Domini 1517.* In eo autem Registro recensetur primaria manu prædictus codex,

qui proinde anno 1434. scriptus dici debet, non anno 1534. quo jam ante annos septemdecim Registrum erat absolutum: nec anno 1334. propter Opuscula Gersonis quæ in eo continentur sub numero I. 78.

#### QUINTUS.

In eodem Registro designatur etiam alius codex itidem nobis oblatus, in papyro scriptus, in quo exstat primo loco *Tractatus S. Augustini de visitatione infirmorum*: & post alia, liber primus de *Imitatione Christi*. Tum *Contemplatio S. Bernardi de Passione*; in cuius fine hæc subscriptio legitur: *Explicit contemplatio B. Bernardi de Passione Domini, finita anno xxi. in die S. Iohannis Baptiste*, id est anno M. cccc. xxi. ob rationem superius expositam de tempore scripti Registri, in quo inscribitur iste codex sub numero D. 43.

#### SEXTUS.

Codex Monasterii S. Jacobi apud

Leodium papyraceus, præter alia continens *librum de Sacramento altaris*, incipientem ab his verbis, *Venite ad me omnes, &c.* In præcedente verò folio verso leguntur hæc verba recentiori manu adscripta *Anno Domini M. cccc. xvij. xv. die mensis Octobris indutus fui habitum Ordinis S. Benedicti in Monasterio edificato in honore Sanctorum Apostolorum Iacobi & Andrea.*

#### SEPTIMUS.

Codex Salzbουργensis itidem papyraceus, in quo varii Tractatus, quorum Indiculus initio præmittitur, & in eo Indiculo id legitur, *de Imitatione Christi Ioh. Gers.* Et in fine libri tertii de Imitatione: *Explicit liber internæ consolationis per fratrem Benedictum die Sabbati ante festum omnium Sanctorum, anno M. cccc. lxij. & scriptus Saltzburg Monasterij S. Petri.*

#### OCTAVUS.

Codex Monasterii S. Germani à Pra-



tis, eleganter in membranis exaratus, hanc inscriptionem præfert: *Incipit libellus devotus & utilis magistri Iohannis Gerson de Imitatione Christi & contemptu omnium vanitatum mundi.* Et in fine libri quarti subditur: *Explicit liber quartus & ultimus de Sacramento altaris anno Domini 1460. 13. Kal. Septembris.* Quibus verbis subjungitur testimonium Caroli le Breton Doctoris Medici Facultatis Parisiensis, concedentis hunc libellum Patribus Benedictinis Congregationis S. Mauri anno 1652.

#### N O N U S.

Codex Gerardi-montensis, veteris jamque detritæ scripturæ in membranis, unà cum litteris Notarij publici Bruxellensis, testantis factum coram se juramentum à R. P. Petro Almaert Monacho ac Bibliothecario Monasterij S. Adriani dicti Gerardi-montis, visam scilicet à se ac lectam in istius codicis ultimo folio, quod ante annos aliquot

incerto casu avulsum est, subscriptionem in hæc verba. *Hic liber conscriptus fuit à F. Ludovico de Monte, qui obiit ante annum millesimum quadringentesimum.*

DECIMUS.

Codex Monasterij S. Benedicti de Padolirone in papyro præter primum folium membraneum, sic inscriptus: *Incipit liber Iohannis Gersen primus de contemptu mundi & de Imitatione Christi.* In qua inscriptione sana est omnino scriptura in nomine proprio, & nulla falsi legitima suspicio apparet, neque in subscriptione, quæ in fine codicis primaria manu exarata est hoc modo: *Explicit liber quartus Iohannis Gersen de Sacramento Eucharistiæ.* Codex videtur scriptus ante annos minimùm ducentos.

UNDECIMUS.

Codex Allatianus in papyro, in quo præter alia habentur libri quatuor de Imitatione Christi, præferentes hunc

titulum : *Incipit Tractatus Iohannis de Canabaco de Imitatione Christi & contemptu omnium vanitatum mundi, &c* dividitur in quatuor libros. Cognomentum de Canabaco interscriptum habetur supra lineam, sed tamen eadem manu eodemque minio.

#### DUODECIMUS.

Codex Cavenfis optimæ notæ, in membranis vetustis eleganter scriptus, in cuius prima littera vocis *Qui*, imago Monachi nigri crucem gestantis initio repræsentatur.

Cujus imaginis exprimendæ occasio nata videtur ex illis verbis, quæ Auctor ipse dicit in lib. 3. cap. 56. *Suscepi de manu tua crucem, portabo eam usque ad mortem sicut imposuisti mihi : verè vita boni Monachi crux est, sed dux Paradisi.* In hoc codice habentur quatuor libri de Imitatione.

#### PRO TERTIO DECIMO.

Exhibiturum est nobis testimonium

publici Notarij opidi Aronę in ditione  
Mediolanensi , quo nobis facta fides  
est , exstare in Bibliotheca Collegij  
Aronensis Societatis Jesu *quemdam li-  
brum antiquum manuscriptum in charta  
pergamena, incipientem per litteras rubeas,  
videlicet L. I. ac deinde sequi hæc ver-  
ba; Incipiunt capitula primi libri Abbatis  
Iohannis Gersen sub numero viginti quin-  
que: & primum capitulum sic incipere;  
Qui sequitur me non ambulat in tenebris.*  
Et post librum quartum: *Explicit liber  
quartus & ultimus Abbatis Iohannis Gersen  
de Sacramento altaris.* Lecta sunt etiam  
nobis Bernardini Rossignolij, Andreæ  
Maioli, Possevini, ac Bellarmini testi-  
monia de isto codice Aronensi, quem  
*per antiquum* Possevinus vocat.

Præterea ostensæ sunt etiam nobis  
variæ ejusdem opusculi editiones pri-  
mariæ, sub nomine sancti Bernardi,  
una absque temporis nota, aliæ sub no-  
mine Johannis Gerson, una etiam ver-  
sionis

fionis Gallicæ sub nōmine Thomæ à Kempis facta anno 1494. in cujus fronte præfigitur monitum istud , libellum scilicet de Imitatione à quibusdam eatenus attributum fuisse S. Bernardo aut Magistro Johanni Gersoni.

In quorum fidem communi consensu hoc Instrumentum subsignavimus die quinta decima ejusdem mensis, anno prædicto.

Subscripserunt in originali A. FAURE, CAROLUS LE COINTE Congreg. Oratorij Presbyter, DE VION D'HEROUVAL, DE VALOIS, BALUZE, COTELIER.

FRANCISCUS miseratione divina & sanctę sedis Apostolicę gratia Archiepiscopus Parisiensis , ea omnia quę in superiori Instrumento exposita sunt, bona fide , cum maturo ac diligenti examine de nostra auctoritate , & in præsentia nostra facta esse testamur.

Datum Parisiis anno , mense & die  
quibus supra.

FR. ARCHIEP. PARIS.

*De mandato Illustrissimi ac Religio-  
sissimi Domini D. Archiepiscopi.*

LOCUS SIGILLI.

MORANGE.

Ego infrascriptus cùm ab Illustrissi-  
mo Domino Archiepiscopo , unâ cum  
viris clarissimis delectus fuisset ad exa-  
minandos prædictos codices MSS. nec  
horâ indictâ adesse potuissem ; visis &  
accuratè perspectis iisdem codicibus,  
testor ea omnia ut in præmisso Instru-  
mento exposita sunt , ita se habere.

Du FRESNE DU CANGE.

1668. Die Lunæ vigesimo sexto  
mensis Martij.

*Attestatio  
Rectoris Do-  
mūs Socie-  
tatis Iesu in  
burgo Aro-  
na.*



*N mei Notarij testiūmque in-  
frascriptorum præsentia, & in stu-  
dio mei Notarij infrascripti.*

*Comparuit admodum R. Pater FRAN-  
CISCUS Paravicinus Rector Domūs Socie-  
tatis IESU, aliàs Abbatia Sanctorum Gra-  
tiani & Felini burgi Aronæ, Diœcesis Me-  
diolanensis, & exhibuit quemdam librum  
antiquum manuscriptum in carta pergame-  
na, petens litteras testimoniales dari super  
recognitione ejusdem ad perpetuam rei me-  
moriā: qui quidem liber à me dicto & in-  
frascripto Notario prae manibus acceptus,  
visus & inspectus, conspicitur & legitur in  
primo folio, ubi decernitur tabella capitu-  
lorum ejusdem libri incipiens per litteras  
rubeas ultimi L. I.*

*Deinde sequuntur hæc verba, videli-  
et:*

Incipiunt Capitula primi libri AB-  
Batis JOHANNIS GERSEN sub numero  
viginti quinque, & primum capitulum  
sic incipit, videlicet: qui sequitur me  
non ambulat in tenebris.

*Et sic de secundo, tertio & quarto libro  
dicti Abbatis Iohannis Gersen, in cujus  
fine leguntur hæc verba, videlicet;*

Explicit liber quartus & ultimus AB-  
Batis JOHANNIS GERSEN de Sacramen-  
to Altaris.

*Qui liber est coopertus duabus tabulis li-  
gneis more antiquo; & quæ recognitio fuit  
à me Notario infra scripto facta, sic requi-  
rente dicto admodum R. Patre Rectore So-  
cietatis JESU Arona, presentibus testibus  
D. Carolo Francisco Cauzrano Presbyte-  
ro Domni Bernardini & Causidico, D.  
Johanne Rampono patre mei Notarij, am-  
bobus habitantibus Arona notis.*

*Ego Julius Franciscus Ramponus pu-  
blicus Apostolica & Imperiali auctoritate  
Mediolanensis Notarius, Collator prædicti*



D. Causidici Iohannis habitator Aronæ,  
manuscriptum librum, & ut supra, reco-  
gnovi, & attestor adesse scriptum ut supra;  
& in fidem. Signatum cum monogrammate  
Julius Franciscus Ramponus.

Nos I. C. Iohannes Mandegatius Præ-  
tor & Commissarius Oppidi Aronæ & Obi-  
nentiorum, &c. fidem facimus & attesta-  
mur Iurisconsultum D. Iulium Franciscum  
Ramponum esse publicum & legalem No-  
tarium, ejusque instrumentis & scripturis  
publicis plenam adhiberi fidem in judicio  
& extrâ. In quorum fidem, &c. Ex of-  
ficio Prætorio Aronæ die Luna vigesima  
sexta mensis Martij 1668. Signatum I.  
Mandegatius, & sigillatum. Et inferius  
signatum, Paulus Camillus.

EX PRÆMISSO INSTRUMENTO

eruantur ARGUMENTA, quibus demonstratur non THOMAM KEMPENSEM, sed JOHANNEM GERSENUM Libri controversi esse Auctorem.

*Quod etiam è re nata aliunde petitis rationibus confirmatur.*

PARS PRIMA.

Thomam non esse auctorem libri de Imitatione Christi.

§. I.

*Codex manu THOMÆ exaratus, eum exscriptorem probat, non auctorem.*



NGENS profectò optimæ causæ privilegium est, jus suum statuere instrumentis adversariorum, quod si umquam aliàs, nusquam certè auspiciùs, quàm in ea qua de agitur controversia contigit. Codex siquidem ille celebris manu Thomæ exaratus, qui nec paucos, nec ignobiles scriptores prono errore

delusit ; in quo illius vindices spem omnem,  
aut certè præcipuam posuere, is ipse est qui  
susceptam ab iis causam funditus labefactat.

In eo nimirum duo momenta perpenden-  
da sunt , subscriptio & ætas : Subscriptio  
Thomæ nomen exhibet ; ætas annum refert  
1441. ambæ res his verbis concluduntur : *Fi-*  
*nitus & completus anno Domini M. cccc. xli. per*  
*manus Fratris Thomæ Kemp. in monte Sanctæ*  
*Agnetis Virginis & Martyris prope Zuvoillis.*  
Neutra tamen Auctorem designat, utraque  
Thomam repudiat.

*Hæ subscri-*  
*ptio habetur*  
*in calce co-*  
*dicis MS.*  
*Antuerpia-*  
*ni.*

Atque ut à subscriptione exordiar, ea  
Amanuensis tessera est non Auctoris. Illud  
namque interest Auctor & Amanuensis,  
quòd ille si nomen suum ad posteros trans-  
mitti velit, operibus ab se editis illud præ-  
figere studeat ; huic verò satis sit, prisco  
libellionum more, codicibus à se exaratis  
subscripsisse : quod postremum adeò vul-  
gatum est, ut vel ipse Malleolus totidem  
fermè verbis nomen suum subtexuerit Mis-  
sarum libro, ac sacris Bibliis, quæ etiam  
hodie *visuntur Colonia & Lovanij*, teste Ros-  
vveido, in notis ad vitam Thomæ n. 9. &  
10. *Finitus & completus anno Domini M. cccc.*  
*xxxix. in vigilia Sancti Iacobi Apostoli per ma-*  
*nus Fratris Thomæ Kemp. &c.* ut luce clariùs

pateat non inde eum magis habendum esse auctorem opusculi de Imitatione, quàm Evangeliorum aut Epistolarum Beati Pauli, cum utrisque pari forma parique ratione subscripserit. Eccur enim ex eodem principio non eadem consecutio erueretur?

Instrumentum, siue Acta coram Illustriss. Archiep. Parisiensis n. 7.

Quid? quòd non absimili argumento sacratissimum libellum sibi vindicabunt exscriptores plerique, qui nomen suum, eadem ratione qua Thomas, exarato à se libro de Imitatione affixerunt; ut ille: *Explicit liber internæ consolationis per Fratrem Benedictum die Sabbati ante festum omnium Sanctorum Anno M. cccc. lxiij. &c.* & alter; *Et est finis hujus tractatus scripti in Concil. Basileensi an. D. M. cccc. xxxvij & sic cum Dei adjutorio finitus est iste tractatus per me Georgium de Gottingen, &c.* Quæ verborum formula longè significantius auctorem designare videtur, quàm ea qua usus est Thomas de Kemp. unde fit, ut si ex subscriptionibus controversia dirimenda esset, multo plus juris tribuendum foret Georgio de Gottingen aut Fratri Benedicto, qui completum à se librum de Imitatione Christi adfirmant, quàm Thomæ de Kemp. qui per manus suas dumtaxat exscriptum, non verò ingenio elaboratum contestatur.

ibidem n. 2.

Neque verò mirandum est Thomam operibus non suis, nomen suum indidisse, quippe, qui librariam exerceret, *ac libros exscriberet*, non solum *pro domo sed etiam pro pretio*; ut testatum reliquit continuator Chronic. Montis Sanctæ Agnetis p. 137. nam ut habet ipse Malleolus in eodem chronico cap. 8. *quia pauperes adhuc erant, aliquos fratres pro pretio scribere ordinavit (Frater Iohannes de Kempis illius Asceterij Præpositus.)* Cæterum quòd libris à se Exscriptis nomen suum affixerit insignis ille amanuensis, non magis ei vitio verti debet, quàm nostris typographis, qui alienis lucubrationibus nomen itidem suum adscribunt.

At, inquit, reliqua opuscula quæ in Antuerpiano codice continentur, hæud dubiè sunt Thomæ de Kempis, quidni & liber de Imitatione, eadem manu exaratus atque unà compactus? Egregium profectò argumentum. Verùm quibus tandem auctoribus ea qualiacumque opuscula Thomæ adferuntur, cùm ea ipsa reperiantur in codice Gerardi-Montensi, Thoma, ut quidem videtur, antiquiore. Deinde, ut eis id concedamus, quis adeò rei antiquariæ rudis atque imperitus est, quin apprimè no-

verit aliorum atque aliorum auctorum lucubrationes in unum fascem sæpe compaginari? quod certè eo verisimilius est in præsentī controversia, quò Thomæ subscriptio non proximè sequitur librum de Imitatione Christi, quod observatione dignum est, *sed brevem ammonitionem spiritalis exercitij*, ut ipse loquitur.

Nunc ut illius Autographi ætatem expendamus, istud in primis scire cupio ab adversariis, num illud pro Archetypo habeant, an verò pro apographo? Et pro Archetypo quidem agnoscunt plerique Thomæ vindices, uti Sommalius, qui monitum istud præmisit editioni anni 1607. *Testatur ipse auctor se hunc librum manu propria composuisse anno D. 1441.* Sommalio accesserunt Rosvveidus Vindic. c. 19. & ipsi venerabiles Canonici Sanctæ Genovefæ in editione Gallica ab eis procurata Parisiis anno 1651. cui hunc titulum præfigunt: *Traduit. en François du Latin pris sur le MS. Original de 1441.* Atqui si ita res habet, actum est de causa Malleoli, siquidem præsto nobis sunt codices MSS. qui annos referunt 1421. 1433. 1434. 1437. iisque etiam longè vetustiores, de quorum antiquitate præscribimus vel teste Hefero, ergo si anno 1441. primum elucubratum opus

*In actis coram Illustr. Arche. a. n. 5. 6. n. 3. c. n. 4. d. n. 2.*

à Thoma confingunt ejus vindices, suo ip-  
forum calamo conficiuntur. Quid? quòd  
exemplar Gerardi-Montense & sua ipsius  
antiquitate, & oculati testis adsertione ante  
an. 1400. scriptum proditur, quo necdum  
tyrocinium exegerat Thomas à Kempis. Eò-  
dem accedit codex Leodiens. quem ante an.  
1400. exaratum esse liquet, quando longè  
recentiori manu aliquis inibi adnotavit se  
an. 1417. Monachum induisse, ut liabetur  
*in Actis n. 6.*

Hoc argumento territi nonnulli pedem  
retulerunt, non sine gravi præjudicio ma-  
læ causæ ab eis susceptæ; aiunt scilicet alia  
atque alia exemplaria seriùs ociùs à Tho-  
ma edita, ejusque etiam, si superis placet,  
nomine insignita; sed istud qua facilita-  
te ab iis dicitur, eadem à nobis negatur;  
etsi enim ab exorta lite nullum non la-  
pidem moverint Canonici regulares, scri-  
ptis quaquaversum epistolis, ut aliquot  
ejusmodi codices corrogarent; necdum ta-  
men unum indepti sunt, qui Thomæ no-  
men in fronte exhibeat: nisi quòd vetu-  
stioribus nonnullis temeraria manu nuper  
adscriptum fuit, cujus rei habemus præ-  
manibus luculentum testimonium, ac recens  
exemplum. Sed demus eis hanc veniam, ut

dictum indictum sit, factum infectum, verum  
falsum, archetypum ectypum, non erit  
quò hæc abeant impunè, dummodò erudi-  
torum iudicio stare velint. Sciunt illi suo ex-  
perimento primos lucubrationum conatus  
incompositos ferme esse, posterioribus subin-  
de curis nitorem atque ordinem iis accedere.  
Atque hinc fit, ut auctores quo frequentius  
opera sua recognoscunt; eò castigatiùs ea  
describant. E contra verò Amanuenses, quo  
sepiùs alienos labores transcribunt, eo etiam  
mendosiùs. Quæ si certa sunt, uti sunt cer-  
tissima, exemplar anni 1441. non auctorem  
refert, sed exscriptorem, cum iis mendis sca-  
teat, quæ nemo grammaticus admiserit in  
prima sui operis designatione; nedum in  
postrema recognitione. Possem hîc ego er-  
ratorum myriades attexere, nî otio in iis  
minutiis abuti pueret: sed hujus rei speci-  
men reperiet cordatus lector in actis coram  
illust. Archiepiscopo n. 1. Quamquam ea sa-  
tis confessa est apud Thomæ Patronos. Ut  
enim sileam Frontonem ea errata excusare  
benigniùs, Sommalius Amanuensis indili-  
gentiâ offensus emendavit non pauca, Ros-  
vveidus subsidio codicis Martiniani penè  
centum loca restituit. Usque adeò ei cruda  
visâ est codicis Antuerpiani barbaries, ut ei  
con-



concoquendæ par non fuerit , tam-etsi partium studiis exæstualet. Quotquot deum in eo opusculo expurgando operam posuerunt, etiam Canonici Regulares, multa præter fidem exemplaris Antuerpiani castigarunt. Atqui si Thomas alia exemplaria ante istud exarasset, reliqua omnia ad hoc cui postrema manus accesserat, exigenda forent: non verò istud ad alia recensendum.

Rursus auctores majore diligentia orationem comere, quàm characteres depingere student. Thomas verò totus est in litteris effingendis ac sic ubi incauto exciderint calamo, aut litura coercendis, aut minio instaurandis, quod proprium amanuensium officium est. Interim verò neglectim habet solacismos ac barbarismos, phrasés aliquas omittit, plures decurtat, & quod his omnibus gravius est, librorum seriem interturbat, ac quartum loco tertij reponit, ut ex Actis evincitur. Siccine verò auctores opera sua retractare, aut viros eruditos de CC. MSS. censere, aut adversarios exscriptorem libri de Imitatione tam levi argumento pro vero auctore venditare? Neque verò ea errata sunt hominis in recta scribendi ratione aberrantis, sed haud planè capientis quid scriberet, ut patet ex eo quod habet stips,

pro quo legendum erat stirps, & ex aliis  
quamplurimis quibus totum opus comma-  
culavit, quibus enumerandis in præsens su-  
per sedeo.

§. II.

*Liber de Imitatione Christi Doctoribus  
Angelicis Bonaventuræ ac Thomæ fa-  
miliaris, adeoque Thoma Malleolo an-  
tiquior.*

**N**ON erit, opinor, molestum si istud  
argumentum identidem inculcemus;  
nam ex eo tantum momenti nostræ cau-  
sæ accedit, deceditque Kempensi, ut licet  
adversarij nervos omnes huic elevando con-  
tenderint, nusquam nisi irritò impetu in il-  
lud arietarint.

Nota resest Beatum Bonaventuram, qui  
cælos petiit anno 1274. octo supra centum  
ante natum terris Kempensem, collatione  
7. ad Novitios, librum de Imitatione his  
verbis laudasse; *Vt patet in devoto libello de  
Imitatione Christi.* Ex cujus parte 1. c. 25. ea  
omnia delibaverat. Quis igitur Thomas po-  
terit esse atque haberi auctor opusculi à Do-  
ctore Seraphico tot ante annos laudati? aut

quî Doctor Seraphicus ex libro nondum edito sibi aliquid decerpere potuisset? Hoc argumento dudum commotos Hispanos à Kempensium partibus recessisse fatetur Rosvveid. vindic. c. 12. qui tamen ex eo animosior factus, totus est in abjudicandis hisce collationibus S. Bonaventuræ; sed eo licet reluctante, illas Doctori Seraphico vindicant, qui de rebus Franciscanis egerunt plerique, atque inter eos Lucas Wadingus scriptâ in eam rem apologiâ. Consentiant editiones Argentoratensis 1495. Veneta 1564. Romana, Moguntina, Lugdunensis, omnes denique una excepta vetustiori Argentinensi 1489. Sic nimirum ferente usu, ut veterum scriptorum opera aliqua sui parte minuta primùm prodeant, posterioribus verò curis auctiora recudantur.

At enim collationem primam mutuatur ex Ubertino aliquanto suppare. Quid tum? me vide lector, Ubertinus in prologo Arboris vitæ crucifixi, innuit se sub Johanne Parmensi Generali Minorum Administro tyrocinium posuisse, quod ipsum testantur Rodolphus Tossiniacensis lib. 3. hist. Marcus Ulisipon. Chron. parte 2. cap. 22. Lucas Wadingus & alij. Atqui iisdem auctoribus Johannes de Parma præfectura dejectus est an.

Ubertinus  
ipse de se  
narrat.

1256. indeque in carcerem trusus per continuos 18. annos, non erat, opinor Novitiis per id tempus in ordinem coaptandis idoneus, ante annum igitur 1256. sacris Franciscanis à Johanne Parmensi addictum oportuit Ubertinum, nihil proinde vetat quin S. Bonaventura qui an. 1274. diem suum clausit, aliquid ab Ubertino seu concionante, seu familiariter colloquente, seu schedas, ut fit inter Ascetas communicante, sibi sublegere potuerit, maximè cùm talis ac tantus esset Ubertinus, ut de eo vulgatum esset proverbium, *quòd si ejus mores doctrinæ consensissent, unus toti mundo in melius mutando par fuisset*; sed Ubertinus, inquiunt, an. 1305. à conversione sua 32. edidisse se narrat librum arboris vitæ. Istud ego non inficio. Verùm Ubertino ea narranti oppono Ubertinum testantem se sub Johanne de Parma meruisse ante annum 1256. Qui igitur coincidit annus conversionis 32. cum anno 1305. Si ipse Johanni de Parma operam dedit ante annum 1256. nodum hunc dissolvant adversarij, ac tam diversa scribentem Ubertinum Ubertino concilient, si conciliando sunt pares.

At ne controversiam obscurare, aut lites ex lite ferere velle videamur, lucem aliquam his tenebris adfundamus, scilicet Ubertinus,  
non

non de prima sui à sæculo conversione, aut de prima libelli designatione loquitur, sed de sua in meliorem frugem restitutione, post decursum Parisiis Theologiæ studium, *sedatamque*, ut ipse quidem loquitur, *priorem reformationem*. Hoc Ubertinus innuit non obscure, dum se ait per visum à Christo admonitum, ac gravius correptum, mutationem magnam subiisse, indeque forsitan annos conversionis suæ computavit, ac castigandis lucubrationculis animum appulit.

Sed ut illæ Collationes non sint Bonaventuræ, sunt certè hominis Thomæ antiquioris; nam Marianus Florentinus, quem Rodulfus Tossiniacensis & Henricus Villotus an. 1400. floruisse scribunt, inter opera S. Doctoris eas recensuit, ac deinceps qui editionem Argentinensem 1495. procurarunt, eas cum reliquis illius operibus emisere in lucem, ambo utique ex fide aliquorum exemplarium MSS. se ipsis adeoque & Thomas de Kempis vetustiorum. Quis enim jure suspicetur eos tam obesæ fuisse naris, ut opus recens scriptum antiquo Doctóri grâti affingerent? Affingerent autem ineptissimè, si Thomas auctor esset librorum de Imitatione Christi. Exstabat igitur anno 1495. imma 1400. annosus aliquis codex ex quo ejusce-

modi Collationes erui possent ac Bonaventurę adferi; ille porrò erat Thoma antiquior, recentior verò auctore libri de Imitatione qui collatione 7. laudatur aperte, ergo non auctor Thomas, sed exscriptor.

Huic conjecturę robur accedit ex Doctore Angelico, qui pleraque ex libro 4. de Imitatione derivavit in officium Ss. Sacramenti, quod argumento est jam inde ab ejus ævo piissimum opusculum longè latèque vulgatum fuisse, concurrentibus in eam assertionem testimoniis utriusque Doctoris Thomę ac Bonaventurę.

Ac nequis ex adverso augeret auctorem libri de Imitatione mutuas se non nihil à Beato Thoma, non Thomam ex eo delibasse, intercedit constans illa eruditorum observatio, quā quid à quoque desumptum fuerit dijudicant. Nempe fere fieri ut recentiores scriptores, quę ab aliis decerpunt loca, fusiore stylo diducant, adeoque is primus auctor alicujus sententię habendus videatur, qui rem paucioribus verbis complexus sit, maximè verò si gravem aliquam sententiam argumento imprimis accommodam omiserit. Nuncautem comparanti facilè liquet Doctorem Angelicum, quę ex opusculo de Imitatione desumpsit, nova accessione cu-

mulasse. Exemplo sit antiphona quę præcitur ad *Magnificat* in festo Ss. Sacramenti. *O quàm suavis est, Domine, spiritus tuus, qui ut dulcedinem tuam in filios demonstrares, pane suavissimo de cælo præstato, esurientes reple bonis; fastidiosos divites dimittens inanes.* Quę verba mutuatus est S. Doctor ex lib. 4. de Imitatione c. 13: ubi sic habetur: *O quàm suavis est spiritus tuus, Domine, qui ut dulcedinem tuam in filios demonstrares, pane suavissimo de cælo descendente, illos reficere dignaris; quibus subjunxit Doctor Angelicus versiculum ex Luc. I. cap. quem haud dubiè non rejecisset auctor libri de Imitatione si ex S. Thoma reliqua descripsisset. Non igitur ex officio Ss. Sacramenti in librum de Imitatione; sed ex libro de Imitatione in officium Ss. Sacramenti ea transmissa fuere:*

### §. III.

*Librum de Imitatione Christi Thoma antiquiorem agnovit Trithemius. Evincit codex Matthiæ Farinatoris manu exaratus.*

GEMINO errori sese implicuit Trithemius geminos comminiscendo Thomas, sed ut nullum malum totius boni, aut

6 ij.

nullum falsum omnis veritatis expers reperi-  
ri observavit Augustinus, vel ex his tenebris  
sincerius lumen erumpit. *Thomas de Kempis*  
( inquit Trithemius libro de illustribus Ger-  
manicę viris ) *Gerardi Magni Daventriensis*  
. . . . *discipulus claruit 1410. & notandum*  
*quòd duo feruntur hujus nominis, quorum primus*  
*temporibus magistri Gerardi Magni ad Religionem*  
*conversus; secundus verò adhuc nostris penè tem-*  
*poribus viguit in humanis, libellus autem de Imit-*  
*tatione Christi, primi fertur auctoris, quem ante*  
*multos annos Seniores nostri suos ferunt legisse Se-*  
*niores.*

In qua narratione Trithemium bifariam  
hallucinatum agnoscunt nobiscum adversa-  
rij: in primis quòd Kempensem illum, qui  
Gerardo Magno operam dedit, Thomam  
appellavit. Huic enim Johanni nomen erat  
non Thomę, teste Brusichio l. 2. Chron. c.  
35. quem nihil aliud scriptionis molitum esse  
commemorat præter libros Ecclesię, Capitu-  
li, Missale, Graduale, & Constitutiones. Fal-  
litur rursus quòd libros de Imitatione illi ad-  
scripserit secus quàm ipsi sentiant ac nos.

Atqui ex gemino errore geminum argu-  
mentum eruitur, quo Thomam Malleolum  
nostri Gersenis emulum demonstremus non  
esse auctorem libri de Imitatione Christi.



Primum, quòd is Trithemio equalis propè fuerit: nam Trithemius novennis erat cùm Thomas de Kempis excessit è vivis. Alterum, quòd Trithemij majores, æquales utique Kempensis, sacrum opusculum à suis majoribus, majoribus proinde Thomæ, *ante multos annos lectitatum* adfirmarent. Ex quibus haud obscurè conficitur libellum esse antiquiorem, quàm ut à Thoma lucubrari potuerit. Neque verò ejus argumenti vim elidunt, qui aiunt moribus receptum apud Ascetas, ut Seniores vocentur qui ante alios professionem emiserunt. Si enim eò respexisset Trithemius, eam de Senioribus Seniorum narrationem, non ex aliorum fide retulisset, sed veluti rem à se auribus exceptam atque oculis usurpatam memoriæ prodidisset.

At ne junióri Thomæ per vim aptentur quæ de Seniore commentus est Trithemius, obstat in primis, quòd hîc sub Gerardo Magno meruerat, qui annò 1384. diem obiisse dicitur in Chronico Montis sanctæ Agnetis c. 3. Cùm ille Thomas quo de agimus vix tum vitæ quadriennium exegisset: deinde quòd vel eo argumento Thomæ sacrum opusculum abjudicavit, quo eum sua prope ætate vixisse noverat, ita ut librum à Senio-

ribus Seniorum suorum lectitatum minimè condere potuisset. Sed unde, inquis, venit in mentem Trithemio, ut Thomæ ficticio librum sæpeditum tribueret? nimirum quòd Trithemius opus suum de scriptoribus Ecclesiast. ediderit post excusum Nurembergæ sub Thomæ nomine librum de Imitatione Christi. Cumque hoc opusculum Thomæ sui temporis adscribi non posse videret, alium existuisse Seniore existimavit.

Ad fine est huic argumento, illud quodcumque sit, quod de codice Bibliothecæ Augustanæ, Matthiæ Farinatoris manu exarato, Thomæque inscripto, magnificis verbis, magisquàm veris enarrant adversarij. Ut enim exscripserit Matthiæ, certè Thomæ adscribere nequivit, quem ætate longè præcessit.

Erat Farinator Carmelita Germanus, ob egregias animi dotes Johanni 22. Pontifici in primis carus, cujus jussu ( inquit Posslevinus in Apparatu ) *digestit librum moralitatum, quem prænotavit lumen animæ fidelis, in septem distinctum capita è Patribus, è Doctoribus, Philosophis, Poëtis atque Oratoribus, &c.* talia molientem non apud vulgus, sed apud supremum Ecclesiæ Hierarcham, quot annos natum existimas, mi lector? tuum hic judicium

expecto ; Intérim si meum non displicet, tam  
variæ litteraturæ hominem non crediderim  
fuisse tricenario minorem.

Cum igitur Johannes 22. Petri Cathedram  
occupârit ab anno 1316. ad 1333. sequitur na-  
talem Farinatoris, qui illi per id tempus in  
pretio fuit, ad annum circiter 1300. referen-  
dam esse: talem ac tantum virum anno circi-  
ter 1300. natum, quis porrò existimet alienis  
libris exarandis fuisse idoneum post annum  
1441. cùm vix ac ne vix quidem tamdiu su-  
perstes esse potuerit ; id qui in animum indu-  
xerit, inducat quoque per me licet Thomam  
esse auctorem libri de Imitatione, fabulas  
fabulis congerat, numquam me adversarium  
nanciscetur.

Ad hæc, quàm difficilis fuerit antè inven-  
tam artem typographicam novorum libro-  
rum distributio atque propagatio in varias  
Orbis plagas nemo nescit. Nec id quibusvis  
libris contingebat, sed his solùm quos au-  
ctoris dignitas commendaret. Atqui initio  
sæculi xv. cum necdum Thomas Orbi inno-  
tuisset, ut pote juvenis, ac ut ita dicam, nul-  
lius nominis, habebantur exemplaria libri de  
Imitatione in singulis ferme Europæ regio-  
nibus. Exstabant in Superiore Austria in  
Monasterio Mellicensi procul à Monte san-

etæ Agnetis diffito, exstabant in Alamannia, illud scilicet quo Frater Benedictus usus est in suo apographo exscribendo tempore Concilij Basiliensis. Exstabant in Gallia plura, & quidem unum, quo usus est ille qui Hefdinij versionem Gallicam adornavit an. M. cccc. XLVII. cujus autographum habetur in Bibliotheca Patrum Præmonstrat. apud Ambianos, in cujus autographi fine hæc leguntur. *Et la parfaite imitation de JESUS-CHRIST, & du contempt de toutes les vanitez du monde, translaté de Latin en François en la ville de Heiden au mois de Fevrier l'an mil quatre cens quarante-sept.* Habebatur & aliud in Bibliotheca Comitis Engolismensis anno 1467.

Denique ut ceteras regiones fileam, plura habebantur in Italia, eaque, quod observatione dignum est, reliquis longè vetustiora, Aronense, Cavense, Palidoronense, quod annos amplius ccl. præfert, Olivetanum quod ab hujus ordinis visitatore longè post scriptum apographum, cuidam Monacho concessum est, anno M. cccc. LXVIII. quod nobis pro sua humanitate è suo musæo commodavit eruditiss. D. de Saint Hilaire. Quis porro existimet opusculum decimo quinto sæculo conditum, ab homine per id tempus

obscurο, qualis erat Thomas, in tam varias tamque ab invicem diffitas regiones deportatum esse, atque in scrinio Comitis Engolismensis, litteris prae vetustate caducis exaratum reperiri potuisse?

#### §. IV.

*Librum de Imitatione Thomae abjudicant  
Censorius index supellectilis Comitis  
Engolismensis, codex MSS. an. 1460.*

#### *Editiones vetustiores.*

**C**onsentiunt monumenta publica privatis instrumentis, ad fidem faciendam antiquitati opusculi de Imitatione, eaque non ex quovis archivo petita, sed ex ipsomet regio *Rationario*. Exstat illic inventarium supellectilis Johannis Comitis Engolismensis, in quo recensetur libellus sacer prae vetustate caducus his verbis.

*Inventaire des livres trouvez en l'armoire de  
feu Monseigneur, le premier jour de Juin 1467.*

Tum statim fol. 5. verso, articulo 1.

*La Imitation de S. Bernard avec plusieurs  
oraisons & devotions en papier, en lettres com-*

*munes bien caduques , commençant au premier  
feuille. Deus omnipotens : à la fin totale , hono-  
rabilisque.*

Nihil igitur cunctandum, quin codex xvo Thomæ caducus Thomâ annosior fuerit, si quidem chartæ in scrinio Principis studiosè adservatæ, caducitatem tam citò contrahere non possunt; subinde verò cum illud exemplar non fuerit Archetypum, ex aliquo vetustiori exscriptum esse apparet. Neque officit quod nonnulli vitilitigandi magis quàm veritatis indagandæ studio effutiunt, libello de Imitatione non istud esse initium, *Deus omnipotens*, præter quàm quòd enim inerant huic codici precesiones aliquot piæ, ad quarum primam quæ his utique verbis inchoari poterat istud principium referri posset, ferè evenit, ut ubi caducorum librorum primæ ac novissimæ chartæ interciderint, aliud tum demum principium aliumque finem incolumes quaterniones exhibeant.

Sed quid ego iis diutiùs immoror? is erat liber de Imitatione Beato Bernardo vulgato errore non semel adscriptus, hoc est, ipse ille de quo contentiosum funem tamdiu ducimus, quæ res & per se perspicua est, & vetustioribus editionibus comprobari potest. Siquidem earum pleræque omnes, facta ve-

luti adversum Thomam conspiratione sancto Bernardo aut Johanni Gersoni istud opus constanter adscribunt.

Nimius sim in eis scrupulosius recensendis, sed una fuerit instar omnium editio Gallica anni 1494. aut altera Latina *Vide act. n.* eo ipso anno Nurembergæ evulgata, quæ <sup>13.</sup> ambæ eo probabiliores videri debent adversariis, quòd Thomæ Malleolo impensè faveant, hac adhibita cautione, librum nimirum ea tenus tributum esse S. Bernardo Abbatì, aut Johanni Gersoni Cancellario Parisiensi.

Iis accedit codex ille elegantissimo calamo exaratus an. 1460. quo Johanni Gersoni *Vide act. n.* liber inscribitur, superstite ac tum maximè <sup>2.</sup> efflorescente nec quidquam reclamante Thoma. Qui enim tam luctuosam orbitatem tacito pectore tulisset piissimus parens, si istud opus legitimum ingenij sui partum esse sensisset? Rursus cum is codex ex alio desumptus sit, non obscure conficitur Thomam in vivis agente librum de Imitatione non esse illi suppositum.

§. V.

*Auctores nihilo juvare causam  
Kempensem.*

**C**onducant licèt testium nubem, ac magno verborum apparatu testimoniorum an fabularum plaustra congerant, non conficient umquam ut id effectum sit quod factu impossibile esse demonstravimus, aut Thomam esse auctorem ejus libri, qui pridem ante ejus ætatem in lucem publicam exierat.

Verùm ne ea controversiæ pars indicta abeat, aut eam à nobis consultò omissam conquerantur, paucis illam hîc expedire juverit. Non decertabo tamen rationibus, quin priùs egerim præjudiciis, quæ adversum ejusmodi testimonia militant, nec pauca, nec levia. Constat enim inprimis ex editionibus aliisque instrumentis superiore §. laudatis Thoma superstite usque ad annum 1494. librum de Imitatione Sancto Bernardo aut Johanni Gersoni adscriptum esse. Rursus clarissimus Fronto Canonicus Regularis, studiosissimus Malleoli vindex, fatetur ævo Trithemij rem fuisse obscuram; tametsi Trithemius, qui librum de viris illustribus Germaniæ edidit anno 1495. & curatores



editionis operum Sancti Bonaventuræ, eodem anno librum Thomæ abjudicarint. Primus, quod ego quidem sciam, Pirkamerus Carthusiensis Germanus, vir haud satis diligens, ut fatetur Rosvveidus, eam lucubrationem Thomæ supposuit anno 1494. ea quam suprâ attulimus cautione, eatenus librum tributum esse Gersoni. Qui deinceps testes adducuntur, aut domestici, aut partium studio addicti plerumque sunt, ut vel inde exauctorentur.

Sed ut illis eam injuriam non irrogemus, quantum momenti insit eorum testimoniis perpendendum est. Agmen ducat Buschius testis, ut quidem videtur Thomæ compar ac sodalis, cui succenturiant recentiores plerique, qui pedibus manibusque in eam quam refellimus sententiam abierunt. *Contigit* ( inquit Buschius ) *ante paucos dies sui obitus* ( *Iohannis de Owveden* ) *ut duo Fratres notabiles de Monte sanctæ Agnetis prope Zuvollas, Ordinis nostri dictum Priorem nostrum super certis rebus consulturi in Vindeshen advenirent, quorum unus Frater Thomas de Kempis, vir probatæ vitæ* ( animum advertito ) ( *qui plures devotos libros composuit, videlicet qui sequitur me de Imitatione Christi* ) *cum aliis nocte infecuta somnium vidit præfagium futurorum.* vereor ut risu exci-

pias, mi lector, tam intempestivam; tamque ineptam narrationem; quid enim huic libro & somnio? Quid denique Buschius tacitus præterit ceteras lucubrationes, unam de qua controvertitur dumtaxat recenset; certè aut vanus sum augur, aut tam incompodata, tam ambigua, tamque affectata diligentia falsi suspitione non caret.

Non temerè igitur adfirmare ausim, eam parenthesim alicunde accitam; atque assutam Buschio: nam ut fileam Franciscum Tolensem Canonicum Regularem disertè profiteri, nulli eorum qui cum Thoma vitam agitaverunt curæ fuisse res illius gestas memoriæ proderet: ut omittam Auctorem anonymum qui in se receperat indicem opusculorum Thomæ contexere; aut fidem non exsolvisse, aut libelli de Imitatione non meminisse: ut dissimulem continuatorem Chronici Montis sanctæ Agnetis ne verbo quidem tenus id innuisse: Georgius Heferus non postremus Malleoli vindex testatur Buschij Chronicon lectum esse Trithemio; ab eoque laudatum sub nomine Arnaldi de Busco, qui si eam parenthesim in eo comperisset; Thomæ juniore (ut vocat) favisset haud dubiè impensius. Spuria ergo est illa parenthesis, temeraria aliqua manu Buschiano chronico inserta.

*Sommal.  
advers. Ca-  
jetan, p. 10.  
Item Ros-  
suetus ad  
elogium Tri-  
themij præ-  
fixum edi-  
tioni ejus-  
dem Chro-  
nici.*

Sed cedo sponte de gradu isto, ita licet senserit Buschius, cum ego animi falsum esse contendo, errore eo magis venia digno, quo Thomas librum edidisse fertur de Contemptu mundi, qui erat titulus ejus, qui nunc vulgò dicitur de Imitatione. Viscebatur insuper codex manu Thomæ exaratus anno 1441. cum sua subscriptione. Hincque orta apud Germanos suspicio Malleolum auctorem esse ejus libri qui omnium manibus terebatur. Hæc prima mali labes, hic fons hallucinationis, hic scopulus in quem impegerunt Thomæ Patroni.

Neque verò mirandum Buschium si tale quidpiam scripsit, adeò turpiter offendisse, cum & nostra ætate vir cetero quin diligentissimus in re non minùs nota deceptus sit. Scribit enim in observationibus ad librum 5. epist. Petri Cellensis epist. 1. utrumque Cœnobium Sancti Crispini Sueffionensis, esse Benedictinæ familiæ, cum tamen eorum alterum sit Canoniorum Regularium; quanto magis Buschium, qui neque ingenio neque diligentia clarissimo huic viro comparari potest, in re per id tempus obscura (Teste Frontone) hallucinari proum ac facile fuit?

Et si verò Buschio denso agmine succen-

turient recentiores plerique, non est tamen cur causæ nostræ pertimescamus, præterquam quod enim eorum maxima pars suum arietem secuta est, aut cæco impetu, aut partium studio ducta, tanta porro fides testibus non oculatis haberi debet, quantam ipsi sibi seu allatis rationibus, seu corrogatis aliunde testimoniis fecerint, nunc cum tota Kempen-  
sis fabula, chronico Buschiano aut codici Antuerpiensi superstructa sit, eaque superius exauctoraverimus, fluxis adeo fundamentis innixam conjectationem satis confutasse nobis videmur.

§. VI.

*Liber ipse adversum Thomam se se  
vindicat.*

**V**T patrisant plerumque filij, ut causas suas effectus ferè representant, ut insunt non rarò proli gentiliciæ notæ, ita libro de Imitatione argumenta non ambigua quibus legitimum sui auctorem prodat atque designet, subditicium abdicet ac respuat.

Stilus inprimis hominem Italum refert, non Germanum, qui per quam familiariter patriam linguam Latinæ adjungit, ut testantur hæ voces: *fontaliter*, *großè*, *passionatus*,  
*bassari*,

*bassari, contentari, sentimenta, aliaque hujusmodi quas ex Italico idiomate in Latinum efformat & effingit, uti perspicuum est omnibus, qui quidem Latine atque Italicè sciunt.*

Deinde Auctor l. 3. c. 10. Monachum se haud obscurè profitetur his verbis : *Fecisti ultra omnem spem misericordiam cum servo tuo, & ultra omne meritum gratiam & amicitiam exhibuisti. Quid retribuam tibi pro gratia ista; non enim omnibus datum est, ut omnibus abdicatis sæculo renuntient, & Monasticam vitam assumant. Et cap. 56. Suscepi de manu tua crucem & portabo eam usque ad mortem sicut imposuisti mihi: verè vita boni Monachi crux est & dux paradisi, &c.*

Thomam verò nusquam se suosve Monachos indigitasse comperio, immo & ipsi venerabiles Canonici libentiùs audiunt Clerici aut Canonici regulares, eoque nomine se velle censeri palam contestantur, sive de se ipsi loquuntur sive scribunt.

Denique hujus Scriptoris ævo Ordines Monastici, inprimis Cistercienses, eximiâ vitæ sanctimoniâ Orbi præfulgebant, cum contra sæculo Christiano decimo quinto, quo Thomas effloruit, vel ipso teste, vix ulla primævæ pietatis vestigia in Monasteriis su-

pereissent, quæ cum eruditis notissima sint, & à nostro Quatremario luculenter adserta, tam acerbam recordationem lacrymis obliterare quàm stilo prosequi malim.

Sed hæc eminus rem atinent, nunc comminus ut agamus comparandus est ipse auctor cum Thoma Kempensi: certè quisquis ille tandem fuerit, qui eximio hocce libello religionem illustravit, homo erat multo rerum spiritualium usu detritus, cui non solum spectata inter bonos morum integritas, sed vel cana senectus, aut dignitatis amplitudo auctoritatem conciliaverat, ut è superiore loco dicere posset ea verba, quæ nemo abs tyrunculo æquis auribus accipiat,

Patere candide lector, ut Thomam hîc quantus quantus fuit non adsciticiis coloribus sed proprio ipsius penicillo depingamus, quò hujus argumenti vis clariùs elucescat: *Eodem*, inquit, *anno 1399. ego Thomas Kempis Scholaris Daventriensis processi lectus ad Montem S. Agnetis, & feci instantiam pro mansione in eodem loco, & fui misericorditer acceptus.*

Ac ne hominem sublimioribus disciplinis imbutum in Schola Daventriensi arbitrere, narrat iterum in vita Arnoldi Schonoviensis in hunc modum, *Ibi quippe didici scribere &*

Chron. S. Agnetis, c. 8.  
1399.

*sacram scripturam legere, & quæ ad mores spe-*  
*ctant devotosque tractatus audire.* Denique in Lib. de dis-  
 Chronico Montis S. Agnetis cap. 10. sub- cipul. Flo-  
 dit : *Anno 1406. in die Sacramenti, quæ tunc* rent. c. 14.  
*fuit in profesto Sancti Barnabæ investiti sunt*  
*duo Fratres, Clerici . . . . Frater Thomas He-*  
*merken de Campis.* Istius porro moræ cau-  
 sas tute ipse conjicies fuisse animi levitatem  
 aut tarditatem, quod non obscurè innuit  
 Badius in ejus vita. Ecquid enim causæ in-  
 tercessisset quominus adolescens 27. anno-  
 rum post annuam probationem religioni se  
 obligaret? Equidem Auctor anonymus ejus  
 vitæ eam fuisse existimat Cœnobij Montis  
 S. Agnetis consuetudinem, ut per annos sex  
 Novitij probarentur, sed huic sententiæ ad-  
 versatur ipse Thomas in chronico cap. 10.  
*Anno M. cccc. in Crastino divisionis Apostolo-*  
*rum fuit investitus Frater Iohannes Dryck, qui*  
*infra annum professus est.* Continuator ejusdem  
 chronici sub initium scribit eum sustinuisse  
 ab exordio Monasterij magnam penuriam,  
 tentationes & labores unde forsitan nonnihil  
 cunctabundus diu egit inter tyrones. Ros-  
 vveidus auguratur Thomam ne quid præ-  
 properè committeret vota sua seriùs Deo  
 nuncupasse. Badius tandem animi seu levi-  
 tatem seu tarditatem non obscurè causatur.

En qualis quantusve fuerit per id tempus Thomas de Kempis Scholaris Daventriensis, qui scribere ac legere utcumque noverrat, vite spiritualis adeo rudis, ut nisi post exactum toto sexennio tyrocinium nuncupandis votis idoneus non fuerit; hunc porro hominem quoto anno librum de Imitatione Christi, hoc est, totius Theologiæ mysticæ summam cumulatissimam edidisse putabimus? Si quis libri natalem ad annum 1441. referat adversus eam adsertionem vetustiorum exemplarium antiquitate præscribimus: si ad annum 1407. cum Guillelmo Heisen-grenio, aut 1410. ut definit Heferus, aut 1412. ut alij vaticinantur, aut ante emissam professionem, vel non multò post, quod existimat Werlinus. Facinus profectò eatenus inauditum audire mihi videor. Ecquis enim ferat virum tantum quantum Thomani fuisse per id tempus comprobavimus, his ac consimilibus verbis lectorem suum cum nostro auctore interpellantem? *Numquam inveni aliquem tam religiosum qui non habuerit gratiæ subtractionem*, l. 2. c. 9. bona verba: vixdum inter tyrones meruit, & ejusmodi hominem se non invenisse causatur novitius inquisitor. Iterum, *sæpe sentimus ut meliores & puriores in initio conversionis nos fuisse inve-*



niamus , quàm post multos annos professionis , 1.  
I. C. II. & 13. Quidam in principio conver-  
sionis graviores tentationes patiuntur , quidam  
autem in fine , quidam verò quasi per totam  
vitam.

Denique cap. 22. ejusdem libri ; Bene opus  
esset quod adhuc iterum institueremur tanquam  
boni novitij ad mores optimos , si fortè spes es-  
set de futura emendatione. Hui tam citò , non  
ego eam contumeliam Thomæ inferam ut  
eum à primævo fervore statim recessisse pu-  
tem. Sed illi ipsi ejus nomini atque mode-  
stia parum consulunt , qui rudem adhuc ty-  
ronem talia locutum esse confingunt. Hæc,  
inquàm , à me jaçtata non sunt , ut ullam re-  
ligiosissimo Kempensi labem inuram , sed ut  
ostendam eos longè à verisimili aberrare , qui  
eum tam levi ætate tantæ lucubrationi ani-  
mum adjecisse putarunt.

At audio instare rursus adversarios , quòd  
Thomas an. 1410. trigésimum ætatis annum  
ageret , adeoque non esset scribendis libris  
immaturus. Quod ego si inficier improbus  
sim , sed ut per ætatem potuerit , non po-  
tuit certè per usum , non per eruditionem ,  
non per ingenium , homo rudis , scribendi  
legendique dumtaxat peritus , qui necdum  
in sanctiore militia meruerat , nisi fortè eum

divino numine ad miraculum usque afflatum  
comminisci velint. Sed istud intestatum cum  
sit, nullam fidem apud cordatos obtinere  
debet.

## PARS SECUNDA.

Johannem Gersen aut certè Gessen de  
Cannabaco S. Stephani Vercellen-  
sis esse auctorem libri de Imitatio-  
ne Christi.

### §. I.

*Quæ superius disseruimus JOHANNI Ger-  
sen impensè favere, codices MSS.  
multo impensius.*

**E**T si omnis controversia duas in partes  
tribui soleat, quarum unâ falsum con-  
futari, alterâ verum adstrui debet, cæ tamen  
adeò invicem adfines sunt, ut qui primam  
absolverit, reliquam fermè exegisse videat-  
tur. Quamobrem Gersenis causam non me-  
diocriter promovisse nos existimamus, qui  
Kempensem tot tantisque argumentis labe-  
factavimus, ut toto competitorum grege  
summoto unus supersit Abbas Vercellensis,  
qui legitimus auctor sacri opusculi esse &  
haberi possit.

Verùm ne alienæ gloriæ detrahere magis  
quàm jus nostrum asserere velle videamur,  
ea quoque parte defungendum est, & quibus  
momentis Abbatis nostri jus adstruatur de-  
monstrandum.

Ac si quidem ex Instrumentorum fide con-  
troverfia dirimenda est, favent imprimis duo  
codices MSS. qui nomen illius disertè refe-  
runt, non in calce dumtaxat, ut ille Antuer-  
pianus, sed & in fronte veluti si magnâ sui  
juris fiduciâ caput erigeret Johannes Ger-  
sen.

*Acta coram  
illustr. Ar-  
chiepiscopo,  
n. 10. & 11.*

Hos sequitur ille alter ex Monasterio Ca-  
vensi à nobis accitus, in quo imago Mona-  
chi nigri crucem gestantis exhibetur, ut A-  
manuensis respexisse visus sit ad eum locum,  
quo se piissimus auctor crucem de manu Dei  
fussecepisse gestit, lib. 3. cap. 56. quod argu-  
mentum & si pro ridiculo habuerit adversa-  
riorum non nemo, tanti nihilominus fecit il-  
lustrissimus juxta ac consultissimus Archie-  
piscopus, ut eo se multùm commoveri, mul-  
tùmque momenti causæ nostræ ex eo acce-  
dere palam contestatus sit.

*Act. n. 12.*

Denique, ut reliquos omittam, de quorum  
vetustate præscribimus adversùs Kempen-  
sem: exemplar MS. perantiquum Collegij  
Aronensis Societatis Jesu, nomen Abbatis

*Act. n. 13.*

Bellarmini,  
Bernardini,  
Rossignolij,  
Pescuini.

Johannis Gersen in principio simul ac fine  
cujusque libri sine ulla ambiguitate refert,  
quod & si ad manum non habeamus, non  
existimo tamen ullum adeò improbum infi-  
ciatorem reperiri qui istud negare ausit post  
tot illustrium scriptorum testimonia, publi-  
ci etiam Notarij chirographo confirmata.  
Codex itidem MS. Bibliothecæ Em. Cardi-  
nalis Bischiij in eum modum inscribitur : *In-  
cipit tractatus Iohannis de Cannabaco de Imita-  
tione Christi. Et de contemptu omnium vani-  
tatum mundi, & dividitur in quatuor libros.*

Nec obtundant nobis diutiùs aures de adul-  
teratis codicibus. Ut enim sileam Aronen-  
sem & Bischianum ab ea calumnia prorsus  
abesse; parciùs ista, ut opinor, nobis ob-  
jectare accipient adversarij, ubi intellexe-  
rint ea exemplaria, quæ tot probris infama-  
verant, nobis præsto esse, eaque illustrissimi  
Archiepiscopi judicio ac eorum virorum,  
quos ad eam inquisitionem adhibuit, omni  
legitima falsi suspitione carere : Age jam no-  
stra hæc cum adversariorum argumentis  
componamus, ut quid juris quemque atti-  
neat tandem aliquandò perspiciatur, oppo-  
nimus codices, ut minimum quinque unico  
Antuerpiensi, illis non solum subscriptis  
Johannes Gersen uti Amanuensis, sed & no-

men præfixit solemnī auctōrum more : Ad hujus verò calcem nomen suum retulit Thomas de Kempis quem *manibus* exarasse, non ingenio elucubrasse testatur. Nostri, tam-etsi vetustate superent, emendatiores sunt ac aptiori ordine dispositi, is longè recentior ac multò mendosior, præter quàm quòd libros inverso ordine representat,

Atqui tot instrumentis probè fidei innixa causa cadere non potest ; nam si de fortuna aut de capite sub eo testium numero decernitur ; quidni de auctore hujusce libelli tandem aliquando definiatur secundùm Abbatem Vercellensem, cui tot testimonia suffragantur?

At enim ignotus est Abbas ille Johannes Gersen, à nullo celebratus auctore, aut equali aut subpari, jacuissetne in tenebris homo tantus, quantus fuit ille quicumque est hujus libelli auctōr, nullusne ipsius vitam ad posterōs transmisisset? Verùm quot & quanti auctōres in idem discrimen adducti sunt, qui nisi repertis ipsorum operibus in oblivione fuissent ; quis Facundum noverat ante libros ejus hoc tempore editos ? immo quis Guibertum Novigenti Abbatem qui justum volumen diversorum operum condidit ? Floruit ille sæculo 12. incunte, quo vigeabant lit-

terati complures, maximè historici, & tamen de illo filet omnis illa ætas, immo & posteriorum temporum nemo de illo meminit, & nisi ipse vitam suam scripsisset, nullus Guibertum qualis quantusve fuit agnovisset. Quid? quod cùm Papirius Massonus Agobardi Archiepiscopi Lugdunensis opera è tenebris primùm eruit, ac ex MSS. codd. venerandæ antiquitatis edidit in lucem. Cardinalis Perronius, atque alij non pauci non modò ea falsi insimularunt, verùm & ipsum Agobardum nusquam in humanis egisse contenderunt. Quid porro obstat quominùs idem dicamus de nostro Gersene, qui floruit sæculo XIII. quo quidem tempore nullus Historicus res Italicas aut Venetas memoriæ prodidit, immo nec sequiorum temporum quisquam. Atque ut aliquis memoriæ mandasset res Italicas, potuit ignorasse aut certè præteriisse Gersenem, hominem Claustrì latebris contentum, cùm id etiam in Facundo, Guiberto, quodque iis videtur incredibilius, in Agobardo illustrissimo Archiepiscopo, atque aliis contigisse sciamus.

*Cõstat istud  
ex Epistol.  
Gallica D.  
Gillotij ad  
Iosephum  
Scaligerum  
data 18.  
Jan. 1605.*

Denique si nullius nominis Johannes Gersen, vacant omni falsi suspitione codices nomen ipsius præferentes. Quis enim tam sto-

lidę mentis nebulo fuisset, qui falsum auctorem Thomę Kempensi suffecturus non potius elegisset, hominem ę nostris aliunde notum, celebrem, ac famosum, quàm humilem & obscurum; apage ergo à nobis eam suspicionem.

§. II.

*Iohanni Gerseni librum vindicant Auctores plerique.*

**H**Aud adversariorum more agendum mihi existimò, qui magno verborum apparatu, domesticorum inprimis testium, fidem appellant, qui quantumvis inculpatissimi, ab omni suspitione suę affectatę partis eximi non possunt; quamquam, ut dicam quod res est, gravissima quęque testimonia pro Gersen interciderint, ex quo illud Cœnobium à Paulo tertio Canonicis regularibus concessum est an. 1536. ac deinde solo æquatum an. 1581. ut testatur Franciscus Augustinus ab Ecclesia in chronico Pedemontano.

At, quę fuit hujus scriptoris diligentia, accuratissimum Abbatum catalogum ę tenebris eruit, eosque inter Johannem Gersen ab anno 1230. ad 1245. disertè recenset his verbis.

*Iohannes Gersen , qui eruditissimum tractatum de Imitatione composuit.*

Quæ quidem narratio eo majori fide digna est, quòd ab homine rerum Pedemontanarum callentissimo, & ab omni partium studio alieno, instituta sit, quique ingenuè fatetur se nihil certi comperisse de origine vetustissimi, ut vocat, Cœnobij; indeque magna religione abstinuit à superioribus Abbatibus commemorandis ante annum 1172. ne dubia pro veris obtrudere videretur.

Ad. n. 13. Huic accedit Ferdinandus Ughellus, cui satis superque visum est in sua Italia sacra, Augustinum ab Ecclesiis laudasse, & ad illius historiam quam accuratissimam noverat lectorem remisisse, ubi de rebus Vercellensibus ageretur. Sequuntur inclito agmine Eminentissimus Bellarminus Cardinal. Antonius Possevinus, Andræas Mayolus, Bernardinus Rossignolius, clarissimus Michael Marillacius Galliæ Procancellarius, ac demum totius antiquitatis scrutator diligentissimus Johannes Launoïus; qui duo postremi scriptis in eam rem dissertationibus pro Gersene adversus Thomam de Kempis sententiam dixerunt.

Tres verò reliqui re diligentius expensâ, codicis Aronensis imprimis auctoritate con-



viâti , causæ nostræ calculum adjecerunt. Omissos nunc facio ceteros seu domesticos seu extraneos , tametsi nec pauci nec obscuri sint , quod ejuscemodi suffragia pensanda magis sint quàm numeranda : illi porrò quos modò commemoravi , non ex aliquo vulgi rumore , sed ex certo codicis Aronensis examine in nostras partes concesserunt , concessissent verò multò libentiùs , si in reliqua exemplaria MS. quæ coram illustrissimo Archiepiscopo exhibuimus , incidissent.

Neque hîc omittendum , quod ab iis sapientissimè observatum invenimus , nimirum hoc opusculum tributum esse Johanni Gersoni Cancellario ob eam nominis affinitatem , quæ illi cum Johanne Gersen intercedit. *Apparet* , inquit Bellarminus , *hoc opus tributum fuisse Iohanni Gersoni propter similitudinem nominis , quia verus illius auctor erat Iohannes Gersen* : quod multo luculentius adseritur à Bernardino Rossignolio , qui rem hîc perpensam vestigaverat ; sic enim ille apud Possevinum. *Iohannes Abbas de Gessen , vel de Gersen scripsit aureum illum libellum de contemptu mundi , & Christi imitatione , qui inscribitur propter nominis similitudinem Gersoni , & ab aliis propter stili ac phra-*

*seos formulas tribuitur Thomæ de Kempis*, ita habetur in perantiquo exemplari MS. quod in Monasterio Aronensi, in ditione Mediolanensi, ex vetusta Bibliotheca reliquum est: ex quo etiam intelligitur hunc Abbatem fuisse sancti Benedicti Monachum.

Inde sequitur omnia exemplaria, omnesque itidem editiones, quæ nomen Gersonis præferunt, Johanni nostro militare, quamquam audio restitare nonnullos, ac dicere Cancellario Parisiensi adscribendum opusculum, neque obstare quòd auctor Monachum sese indigitet; cùm Johannes Gerson rogatu fratris sui æquivoci, Cælestinorum apud Lugdunenses Præpositi, scripsisse potuerit sub persona Monachorum: sed ad hæc

Repono, stilum omnino abhorrrere à stilo Johannis Gersonis, qui pro Scholasticorum more salebrosus est, insuavis & inconditus. contra verò in opusculo de Imitatione inest suavitas admiranda & absoluta res divinas explicandi facilitas, à salebris scholasticorum longè remota. Deinde auctoritas Bonaventuræ Gersonem excludit. Ad hæc, codices Italici, qui annos maximè 300. præferunt. Præterea ubi ex nominum affinitate quoddam erratum acci-

dit, longè magis pronum est, ut virignotus in notum ac famosum, quàm ut notus in ignotum & obscurum transferatur. Cui enim venire posset in mentem, ut lecto Johannis Gersonis nomine Johannem Gersenem supponeret, hominem utique nusquam notum? Deinde quis ita demens esset qui Johannem Gersenem fingeret Abbatem, si Johannes Gersen nusquam extitisset? At verò facile venit in mentem ut librarij, qui Johannem Gersenem haud noverant, lecto ipsius nomine Johannem Gersonem toto orbe famosum ac celebrem scripserint. Postremò ut dissimulem gratis dici hoc opusculum à Gersone compositum hortatu fratris, ad usum & in persona Cælestinorum Monachorum, ut id, inquam, dissimulem, in indice operum Gersonis, quem indicem post auctoris obitum frater æquivocus ordinavit, nullatenus compareret opusculum de Imitatione Christi, ac proinde etiam ex confessione fratris ipsius Gersonis hoc opus Johanni Gersoni Cancellario Parisiensi abjudicandum est.

Non me fugit aliquos Germaniæ Typographos præpostero in popularem suum studio eam Bellarmini de Johanne Gersen  
ü viij

assertionem ausu temerario summovisse, sed istud facinus ab iis injussis perpetratum plus indignationis quàm fidei liberalibus animis ingerere debet, & Thomæ de Kempis non minus officere quàm reliquæ editiones an. 1613. 1617. 1621. 1630. 1644. quæ constanter eam sententiam repræsentant. Eccui enim veritati patrocinantur qui eam à mendacio inducunt?

§. III.

*Tempus atque ejus circumstantia, vitæ institutum auctoris in Iohannem Gersensem conveniunt.*

POSTquàm ea expedivimus argumenta, quæ extrinsecus Johanni Gerseni adimiculantur, reliquum est, ut ea quæ ex ipso libello eruuntur seu ex causæ visceribus exsequamur. Ea autem sunt, siquidem rectè intelligo, ut minimum tria, auctoris videlicet antiquitas, professio, seu vitæ institutum, dignitas. Auctorem quisque ille sit antiquiorem esse oportet Beato Bonaventura, à quo laudatur, juniorem nihilominus sancto Francisco Assisinate, quem laudat; Monachum deinde, quandoquidem

quidem eo se nomine indigitavit non semel: Abbatem denique, ut conjicere est, ex variis loquendi formulis, quæ nonnisi è superiore loco proferre queat vir modestissimus, ut à nobis jam observatum est.

Atqui ea omnia, ut à Thoma Malleolo aliena admodum sunt, ita in nostrum Gerfenem ad amissim quadrant. Ætas inprimis; nam sanctus Franciscus Assisinas anno 1226. in cælum migravit, & anno 1228. in sanctorum Album à Gregorio XI. relatus est, nostrum verò Johannem ab anno 1230. ad 1245. floruisse narrat rerum Vercellensium scriptor: ipseque innuere videtur se non multo post obitum sancti Francisci huic scriptioni animum adjecisse, ubi eum velut in vivis agentem appellat his verbis, ut *dicit humilis sanctus Franciscus* ( vox *Sanctus* deest in aliquibus antiquis MSS. codicibus) nunc cum seraphicum Doctorem mors occuparit an. 1274. nihil cunctandum quin medius inter utrumque vixerit Abbas Vercellensis, utpote qui an. 1245. serius ocyus diem suum obiisse perhibeatur.

Quod deinde attinet ad vitæ institutum, Gerfenem sub sancti Benedicti legibus me-

L. 1. c. 25.

*Vide hanc  
epistol. Eugenij in No-  
monastico Cisterciensi  
pag. 664.  
cum non-  
nullis alijs  
eiusdem ar-  
gumenti.*


ruisse ex superioribus satis constat. Meruisse autem aio per id tempus, quo vix ullum Monastico ordini feliciter contigit, quia vix ullum à Monachis sanctius exactum est; Ut enim fileam Carthusienses, Cistercienses, ac diversæ religionis Monachos ob eximiam vitæ sanctimoniam à multis historicis, ab eoque ipso auctore commendatos. An non illud fuit aureum sæculum, quo SS. Dominicus & Franciscus numerosissimas juxta ac religiosissimas gentes Ecclesiæ pepererunt? cum ex adverso Thomæ de Kempis ætate ordines Monastici atque imprimis Cistercienses, perpetuo rerum humanarum fato à primævo fervore longissimè deflexissent, cujus rei testis locuples Eugen. IV. in epistola sua data an. 1444. qua lapsum ordinis Abbati & Capitulo Cisterciensi dolenter improperat.

Abbatem denique indigitant eum Scriptor suprâ laudatus, tum etiam manuscriptum exemplar Aronense, ut nullus supersit ambigendi locus, eum in quem tot tantaque præjudicia consentiant, cui tot viri graves suffragentur, tot codices MSS. favcant, adversum Thomam Malleolum ob-

tinere , cujus nomen ne unum quidem  
exemplar præfert; in quem neque ætas,  
neque professio , neque dignitas auctoris  
de Imitatione Christi ullatenus convenire  
possunt.



DE IMIT.







DE  
IMITATIONE  
CHRISTI.  
LIBER PRIMUS.

*De imitatione Christi, & contemptu  
omnium vanitatum mundi.*

CAPUT I.



QUI sequitur me, non ambu- IOH. 8. 12.  
lat in tenebris: dicit Do-  
minus. Hæc sunt verba  
Christi, quibus admone-  
mur, quatenus vitam ejus, & mores  
imitemur, si velimus veraciter illu-

A

2 DE IMITAT. CHRISTI,  
minari, & ab omni cæcitate cordis liberari. Summum igitur studium nostrum sit, in vita JESU CHRISTI meditari.

2. Doctrina Christi omnes doctrinas Sanctorum præcellit: & qui spiritum ejus haberet, absconditum ibi manna inveniret. Sed contingit, quòd multi ex frequenti auditu Evangelij pium desiderium non sentiunt, quia spiritum Christi non habent. Qui autem plenè vult & sapidè Christi verba intelligere, oportet ut totam vitam suam illi studeat conformare.

3. Quid prodest tibi alta de Trinitate disputare: si careas humilitate, unde displiceas Trinitati? Verè alta verba non faciunt sanctum & justum: sed virtuosa vita efficit Deo charum. Opto magis sentire compunctionem, quàm ejus scire definitionem. Si scires totam Bibliam, & omnium Philosophorum dicta, quid tibi totum

prodesset sine Dei gratia & charitate?

*Vanitas ergo vanitatum, & omnia va-* Eccles. 1. 1.  
*nitas*, præter amare Deum, & illi soli  
 servire. Ista est summa sapientia, per  
 contemptum mundi tendere ad cæ-  
 lestia regna.

4. Vanitas est, divitias perituras  
 quærere, ac in illis sperare. Vanitas  
 est, honores ambire, atque in altum  
 se extollere. Vanitas est, carnis desi-  
 deria sequi: & illud desiderare, unde  
 postmodum graviter puniri oportet.  
 Vanitas est, longam vitam optare, de  
 bona autem vita modicum curare.  
 Vanitas est, præsentem vitam solum  
 attendere, & quæ futura sunt non  
 prævidere. Vanitas est, illud diligere,  
 quod cum omni celeritate transit: &  
 illuc non festinare, ubi gaudium per-  
 manet sempiternum.

5. Memento illius frequenter Pro-  
 verbij: quia *non satiatur oculus visu*, Eccles. 1. 8.  
*nec auris impletur auditu*. Stude ergo

A ij

4 DE IMITAT. CHRISTI,  
cor tuum ab amore visibilium abstra-  
here, atque ad invisibilia transferre.  
Nam sequentes suam sensualitatem,  
maculant conscientiam, & perdunt  
Dei gratiam.

---

*De humili scire, seu cognitione  
suiipsius.*

C A P. II.

1. OMNIS homo naturaliter scire  
desiderat, sed scientia sine ti-  
more Dei quid importat? Melior est  
profectò humilis rusticus, qui Deo ser-  
vit, quàm superbus Philosophus, qui,  
se neglecto, cursum cæli considerat.  
Qui bene se ipsum cognoscit, sibi ipsi  
vilescit, nec laudibus delectatur hu-  
manis. Si scirem omnia, quæ in mun-  
do sunt, & non essem in charitate,  
quid me juvaret coram Deo, qui me  
judicaturus est ex facto?

2. Quiesce à nimio sciendi deside-

rio : quia magna ibi distractio invenitur & deceptio. Scientes libenter volunt videri, & sapientes dici. Multa sunt, quæ scire, parum, vel nihil animæ prodest. Et valde insipiens est, qui aliis intendit, quàm iis, quæ salutis suæ deserviunt. Multa verba non fatiant animam, sed bona vita refrigerat mentem : & pura conscientia magnam præstat ad Deum confidentiam.

3. Quantò plus & meliùs scis, tantò graviùs inde judicaberis, nisi sanctiùs vixeris. Noli ergo extolli de arte ulla, vel scientia ; sed potiùs time de data tibi notitia. Si tibi videtur, quòd multa scis, & fatis bene intelligis : scito tamen, quia sunt multò plura, quæ nescis. *Noli altùm sapere,* Rom. 11. 20. sed ignorantiam tuam magis fatere. Quid te vis alicui præferre, cùm plures doctiores te inveniantur, & magis in lege periti ? Si vis utiliter scire

6 DE IMIT. CHRISTI;  
aliquid, & discere, ama nesciri, &  
pro nihilo reputari.

4. Hæc est altissima, & verissima  
lectio, sui ipsius vera cognitio, & de-  
spectio. De seipso nihil tenere, de  
aliis autem bene semper, & altè sen-  
tire, magna sapientia est, & perfe-  
ctio. Si videres aliquem apertè pec-  
cantem, vel aliqua gravia perpetrân-  
tem, non deberes tamen te melio-  
rem illo æstimare; quia nescis quam-  
diu possis in bono stare. Omnes fra-  
giles sumus, sed tu neminem fragi-  
liorem teipso tenebis.

---

*De doctrina veritatis.*

CAP. III.

1 **F**ELIX, quem veritas per seip-  
sam docet, non per figuras, &  
voces transeuntes, sed sicuti se habet.  
Nostra opinio, & noster sensus sæpe

nos fallunt, & modicum vident. Quid prodest magna cavillatio de occultis, & obscuris rebus, de quibus non arguemur in judicio quia ignoravimus? Grandis insipientia, quòd, neglectis utilibus & necessariis, ultrò intendimus curiosis & damnosis: Oculos habentes non videmus.

2. Et quid curæ nobis de generibus, & speciebus? Cui æternum Verbum loquitur, à multis opinionibus expeditur. Ex uno Verbo omnia, & unum loquuntur omnia: & hoc est principium, quod & loquitur nobis. Nemo sine illo intelligit, aut rectè judicat. Cui omnia unum sunt, quique ad unum omnia trahit, & omnia in uno videt; potest stabilis corde esse, atque in Deo pacificus permanere. O veritas Deus, fac me unum tecum in charitate perpetua! Tædet me sæpe legere multa, & audire: in te est totum, quod volo, & desidero. Ta-

8 DE IMITAT. CHRISTI;  
ceant omnes doctores : fileant univ-  
ersæ creaturæ in conspectu tuo ; tu  
mihi loquere solus.

3. Quantò quis magis unitus sibi,  
& interiùs simplicatus fuerit, tantò  
plura, & altiora sine labore intelliget,  
quia desuper lumen intelligentiæ acci-  
piet. Purus, simplex, & stabilis spiri-  
tus, in multis operibus non dissipatur:  
quia omnia ad Dei honorem opera-  
tur; & in se otiosus, ab omni propria  
exquisitione esse nititur. Quis te ma-  
gis impedit, & molestat, quàm tua  
immortificata cordis affectio? Bonus  
& devotus homo opera sua priùs in-  
tùs disponit, quæ foris agere debet.  
Nec illa trahunt eum ad desideria vi-  
tiosæ inclinationis, sed ea ipse inflectit  
ad arbitrium rectæ rationis. Quis ha-  
bet fortius certamen, quàm qui niti-  
tur vincere seipsum? Et hoc deberet  
esse negotium nostrum; vincere vide-  
licet seipsum, & quotidie seipso for-



tiorem fieri, atque in melius aliquid proficere.

4. Omnis perfectio in hac vita, quamdam imperfectionem habet sibi annexam; & omnis speculatio nostra, quadam caligine non caret. Humilis tui cognitio, certior via est ad Deum, quàm profunda scientiæ inquisitio. Non est culpanda scientia, aut quælibet simplex rei notitia, quæ bona est in se considerata, & à Deo ordinata: sed præferenda est semper bona conscientia, & virtuosa vita. Quia verò plures magis scire desiderant, quàm bene vivere: ideò sæpe errant, & penè nullum, vel modicum fructum ferunt.

5. O si tantam adhiberent diligentiam ad extirpanda vitia, & virtutes inferendas, sicut ad movendas quæstiones! non fierent tanta mala, & scandala in populo: nec tanta dissolutio in Cœnobiis. Certè, adveniente

10 DE IMITAT. CHRISTI,  
die judicij non quæretur à nobis quid  
legerimus, sed quid fecerimus: nec  
quàm bene dixerimus, sed quàm reli-  
giosè vixerimus. Dic mihi, ubi sunt  
modò omnes illi magistri, quos no-  
visti bene dum adhuc viverent, &  
in studiis flourerent? Jam eorum Præ-  
bendas alij possident; & nescio utrùm  
de eis recogitent. In vita sua videban-  
tur aliquid, modò autem de illis ta-  
cet.

6. O quàm citò transit gloria mun-  
di! Utinam vita eorum concordasset  
scientiæ ipsorum! tunc bene studuis-  
sent, & legissent. Quàm multi pereunt  
per vanam scientiam in hoc sæculo,  
qui parum curant de Dei servitio! Et  
quia magis eligunt magni esse, quàm  
*Rom. 1. 22.* humiles, ideò *evanescent in cogitationi-  
bus suis.* Verè magnus est, qui ma-  
gnam habet charitatem; qui parvus  
in se est, & omne culmen honoris du-  
cit pro nihilo. Verè prudens est, qui

terrena omnia arbitratur ut stercora, ut Christum lucrifaciat. Et verè bene doctus est, qui Dei voluntatem facit, & suam relinquit.

---

*De prudentia in agendis.*

C A P. I V.

1. **N**ON est credendum omni verbo, nec instinctui; sed cautè ac longanimitè res est secundùm Deum ponderanda. Proh dolor! sæpe malum faciliùs, quàm bonum de alio creditur, & dicitur; ita infirmi sumus. Sed perfecti viri non facilè credunt omni enarranti, quia sciunt humanam infirmitatem ad malum proclivem, & in verbis fatis labilem.

2. Magna sapientia est, non esse præcipitem in agendis, nec pertinaciter in propriis sensibus stare. Ad hanc etiam pertinet, non quibuscumque hominum verbis credere: nec audita,

12 DE IMITAT. CHRISTI,  
vel credita mox ad aliorum aures ef-  
fundere. Cum sapiente & conscien-  
tioso viro consilium habe: & quære  
potiùs instrui à meliori, quàm tuas  
adinventiones sequi. Bona vita facit  
hominem sapientem secundùm Deum,  
& expertum in multis. Quantò quis  
in se humilior fuerit, & Deo subje-  
ctior; tantò in omnibus erit sapien-  
tior atque pacatior.

---

*De lectione sanctarum Scripturarum.*

C A P. V.

1. **V**ERITAS est in Scripturis san-  
ctis quærenda, non eloquen-  
tia. Omnis Scriptura sacra eo spiritu  
debet legi, quo facta est. Quærere  
potiùs debemus utilitatem in Scriptu-  
ris, quàm subtilitatem sermonis. Ita  
libenter devotos, & simplices libros  
legere debemus, sicut altos, & pro-  
fundos. Non te afficiat auctoritas scri-

bentis, utrùm parvæ, vel magnæ literaturæ fuerit; sed amor puræ veritatis te trahat ad legendum. Non quæras quis hæc dixerit, sed quid dicatur, attende.

2. *Homines transeunt, sed veritas* Psal. 38. 7.  
Psal. 116. 2. *Domini manet in æternum.* Sine personarum acceptione variis modis loquitur nobis Deus. Curiositas nostra sæpe nos impedit in lectione Scripturarum, cùm volumus intelligere, & discutere, ubi simpliciter esset transeundum. Si vis profectum haurire, lege humiliter, simpliciter, & fideliter: nec umquam velis habere nomen scientiæ. Interroga libenter, & audi tacens verba Sanctorum: nec displiceant tibi parabolæ seniorum, sine causa enim non proferuntur.



*De inordinatis affectionibus.*

## CAP. VI.

1. **Q**UANDOCUMQUE homo inordinatè appetit aliquid, statim in se inquietus fit. Superbus, & avarus numquam quiescunt : pauper & humilis spiritu in multitudine pacis conversantur. Homo, qui necdum in se perfectè mortuus est, citò tentatur, & vincitur in rebus parvis, & vilibus. Infirmus in spiritu, & quodammodò adhuc carnalis, & ad sensibilia inclinat, difficulter se potest à terrenis desideriis ex toto abstrahere. Et ideo sæpe habet tristitiam cùm se subtrahit : leviter etiam indignatur, si quis ei resistit.

2. Si autem consecutus fuerit quod concupiscit, statim ex reatu conscientiae gravatur : quia secutus est passionem suam, quæ nihil juvat ad

pacem, quam quæsit. Resistendo igitur passionibus invenitur vera pax cordis, non autem serviendo eis. Non est ergo pax in corde hominis carnalis: non in homine exterioribus dedito, sed in fervido & spirituali.

---

*De vana spe, & elatione fugienda.*

## CAP. VII.

1. **V**ANUS est, qui spem suam ponit in hominibus, aut in creaturis. Non pudeat te aliis servire pro amore JESU CHRISTI: & pauperem in hoc sæculo videri. Non stes super te ipsum, sed in Deo spem tuam constitue. Fac quod in te est, & Deus aderit bonæ voluntati tuæ. Non confidas in tua scientia, vel cujusquam astutia viventis: sed magis in Dei gratia, qui humiles adjuvat, & de se præsumentes humiliat.

2. Non glorieris in divitiis, si ad-

16 DE IMITAT. CHRISTI,  
sunt ; nec in amicis , quia potentes  
sunt ; sed in Deo , qui omnia præstat,  
& seipsum super omnia dare deside-  
rat. Non te extollas de magnitudine,  
vel pulchritudine corporis , quæ mo-  
dica infirmitate corrumpitur & defœ-  
datur. Non placeas tibi ipsi de habi-  
litate , aut ingenio tuo , ne displiceas  
Deo , cujus est totum quidquid boni  
naturaliter habueris.

3. Non te reputes aliis meliorem ,  
ne fortè coram Deo deterior habe-  
aris , qui scit , quid est in homine. Non  
superbias de operibus bonis : quia ali-  
ter sunt judicia Dei , quàm hominum :  
cui sæpe displicet quod hominibus  
placet. Si aliquid boni habueris , cre-  
de de aliis meliora , ut humilitatem  
conserve. Non nocet , si omnibus te  
supponas : nocet autem plurimùm , si  
vel uni te præponas. Jugis pax cum  
humili , in corde autem superbi ze-  
lus , & indignatio frequens.

*De*



*De nimia familiaritate cavenda.*

## CAP. VIII.

1. **N**ON *omni homini reveles cor*<sup>Eccli. 8. 22.</sup>  
*tuum*, sed cum sapiente &<sup>Eccli. 37.</sup>  
 timente Deum age causam tuam. Cum  
 juvenibus & extraneis rarus esto. Cum  
 divitibus noli blandiri, & coram ma-  
 gnatibus non libenter appareas. Cum  
 humilibus & simplicibus, cum de-  
 votis & bene morigeratis sociare: &  
 quæ ædificationis sunt pertracta. Non  
 sis familiaris alicui mulieri, sed in  
 communi omnes bonas mulieres Deo  
 commenda. Soli Deo & Angelis ejus  
 opta familiaris esse, & hominum no-  
 titiam devita.

2. Caritas habenda est ad omnes,  
 sed familiaritas non expedit. Quando-  
 que accidit, ut persona ignota ex bo-  
 na fama luceat, cujus tamen præ-

B

18 DE IMITAT. CHRISTI  
fentia oculos intuentium offuscat. Pu-  
ramus aliquando aliis placere ex con-  
iunctione nostra, & incipimus magis  
displicere ex morum improbitate in  
nobis considerata.

---

*De obedientia & subjectione.*

C A P. I X.

1. **V**ALDE magnum est in obe-  
dientia stare, sub Prælato vi-  
vere, & sui juris non esse. Multò tu-  
tius est stare in subjectione, quàm in  
Prælatura. Multi sunt sub obedientia  
magis ex necessitate, quàm ex cari-  
tate: & illi pœnam habent, & leviter  
murmurant. Nec libertatem mentis  
acquirent; nisi ex toto corde pro-  
pter Deum se subjiciant. Curre huc,  
vel illuc, non invenies quietem, nisi  
in humili subjectione sub Prælati re-  
gimine. Imaginatio locorum & mu-

tatio multos fefellit.

2. Verum est quòd unusquisque libenter agit pro sensu suo, & inclinatur ad eos magis qui secum sentiunt. Sed si Deus est inter nos, necesse est ut relinquamus etiam quandoque nostrum sentire propter bonum pacis. Quis est ita sapiens, qui plenè omnia scire possit? Ergo noli nimis in sensu tuo confidere, sed velis etiam libenter sensum aliorum audire. Si bonum est tuum sentire, & hoc ipsum propter Deum dimittis, & aliud sequeris, magis exinde proficies.

3. Audivi etiam sæpe: securius esse audire atque accipere consilium, quàm dare. Potest etiam contingere ut bonum sit uniuscujusque sentire, sed nolle aliis acquiescere, cum id ratio vel causa postulat, signum est superbiæ ac pertinaciæ.

*De cavenda superfluitate verborum.*

## CAP. X.

**C**AVAS tumultum hominum quantum potes: multum enim impedit tractatus secularium gestorum, etiam si simplici intentione proferantur. Citò enim inquinamur vanitate & captivamur. Vellem me pluries tacuisse, & inter homines non fuisse. Sed quare tam libenter loquimur, & invicem fabulamur, cum tamen raro sine læsione conscientie ad silentium redierimus? Ideò tam libenter loquimur, quia per mutuas locutiones ab invicem consolari quærimus: & cor diversis cogitationibus fatigatum optamus relevare. Et multum libenter de his, quæ multum diligimus, vel cupimus, vel quæ nobis contraria sentimus libet loqui & cogitare.

2. Sed, proh dolor! sæpe inaniter & frustra. Nam hæc exterior consolatio, interioris & divinæ consolationis non modicum detrimentum est. Ideò vigilandum est & orandum, ne tempus otiosè transeat. Si loqui licet & expedit, quæ ædificabilia sunt loquamur. Malus usus, & negligentia profectûs nostri multùm facit ad incustodiam oris nostri. Juvat tamen non parum ad profectum spiritalem devota spiritualium rerum collatio, maximè ubi pares animo & spiritu in Deo sibi sociantur.

---

*De pace acquirenda, & zelo proficiendi.*

C A P. XI.

1. **M**ULTAM possemus pacem habere, si non vellemus nos cum aliorum dictis aut factis, quæ ad nostram curam non spectant, occupare.

B iij

## 22. DE IMITAT. CHRISTI

Quomodò potest ille diu in pace manere, qui alienis curis se immiscet? qui occasiones forinsecus quærit? qui parum vel rarò se intrinsecus colligit? Beati simplices, quoniam multam pacem habebunt.

2. Quare quidam Sanctorum tam perfecti & contemplativi fuerunt? Quia omnino seipsum mortificare ab omnibus terrenis desideriis studuerunt: & ideò totis medullis cordis Deo inhærere, atque liberè sibi vacare potuerunt. Nos nimium occupamur propriis passionibus, & de transitoriis nimis sollicitamur. Rarò etiam unum vitium perfectè vincimus, & ad quotidianum profectum non accendimur: ideò frigidi & tepidi remanemus.

3. Si essemus nobismetipsis perfectè mortui, & interiùs minimè implicati; tunc possemus etiam divina sapere, ac de cælesti contemplatione aliquid experiri. Totum & maximum

impedimentum est, quia non sumus à passionibus & concupiscentiis liberi: nec perfectam Sanctorum viam conamur ingredi. Quando etiam modicum adversitatis occurrit nimis citò deijcitur, & ad humanas consolationes convertimur.

4. Si niteremur sicut viri fortes stare in prælio; profectò auxilium Domini super nos videremus de cælo. Ipse enim certantes, & de sua gratia sperantes paratus est adjuvare: qui nobis certandi occasiones procurat ut vincamus. Si tantùm in istis exterioribus observantiis profectum Religionis ponimus, citò habebit finem devotio nostra. Sed ad radicem securim ponamus: ut purgati à passionibus pacificam mentem possideamus.

5. Si omni anno unum vitium extirparemus, citò viri perfecti efficemur. Sed modò è contrario sæpe sentimus, ut meliōres & puriores in ini-

tio conversionis nos fuisse inveniamus, quàm post multos annos professionis. Fervor & profectus noster quotidie deberet crescere; sed nunc pro magno videtur, si quis primi fervoris partem possit retinere. Si modicam violentiam nobis faceremus in principio, cuncta postea possemus facere cum levitate & gaudio.

6. Grave est assueta dimittere; gravius contra propriam voluntatem ire. Sed si non vincis parva & levia, quando superabis difficiliora? Resiste in principio inclinationi tuæ, & malam dedisce consuetudinem, ne fortè paulatim ad majorem te ducat difficultatem. O si adverteres quantam tibi pacem, & aliis lætitiā faceres, te ipsum bene habendo! puto quòd sollicitior esses ad spiritalem profectum.





*De utilitate adversitatis.*

## CAP. XII.

1. **B**ONUM est nobis quòd habeamus aliquando gravitates aliquas & contrarietates; quia sæpe hominem ad cor revocant, quatenus se in exilio esse cognoscat: nec spem suam in aliqua re mundi ponat. Bonum est nobis quòd patiamur quandoque contradictores: & quòd malè atque imperfectè de nobis sentiatur, etiam si bene agimus & intendimus. Ista sæpe juvant ad humilitatem, & à vana gloria nos defendunt. Tunc enim meliùs interiorem testem Deum quærimus, quando foris vilipendimur ab hominibus, & non bene de nobis creditur.

2. Ideo deberet se homo in Deo totaliter firmare, ut non esset ei necesse

multas humanas consolationes quære-  
re. Quando homo bonæ voluntatis tri-  
bulatur, vel tentatur, aut malis cogi-  
tationibus affligitur; tunc Deum sibi  
necessarium magis intelligit, sine quo  
nihil boni se posse deprehendit. Tunc  
etiam tristatur, gemit & orat pro mi-  
seriis quas patitur. Tunc tædet eum  
diutius vivere, & mortem optat veni-  
re: ut possit dissolvi & cum Christo  
esse. Tunc enim bene advertit, perfe-  
ctam securitatem & plenam pacem in  
mundo non posse constare.

---

*De resistendo tentationibus.*

C A P. XIII.

I. **Q**UAMDIU in mundo vivimus  
sine tribulatione ac tentatio-  
ne esse non possumus. Unde in Job scri-  
ptum est: *Tentatio est vita hominis  
super terram.* Ideo unusquisque sollici-

tus esse deberet circa tentationes suas,  
 & vigilare in orationibus: ne diabolus  
 locum inveniret decipiendi, qui num-  
 quam dormitat, sed *circuit quarens*, x. Pet. 5.  
*quem devoret.* Nemo tam perfectus est  
 & sanctus, qui non habeat aliquando  
 tentationes; & plenè illis carere non  
 possumus.

2. Sunt tamen tentationes homini  
 sæpe valde utiles, licèt molestæ sint  
 & graves; quia in iis homo humiliatur,  
 purgatur & eruditur. Omnes Sancti  
 per multas tribulationes & tentatio-  
 nes transierunt, & profecerunt: &  
 qui bene tentationes sustinere nequi-  
 verunt, reprobi facti sunt & defece-  
 runt. Non est aliquis Ordo tam san-  
 ctus, nec locus tam secretus, ubi non  
 sint tentationes, vel adversitates.

3. Non est homo securus à tenta-  
 tionibus totaliter quamdiu vixerit:  
 quia in nobis est unde tentamur, ex  
 quo in concupiscentia nati sumus. Una

tentatione, seu tribulatione recedente, alia supervenit, & semper ad patiendum aliquid habebimus : nam bonum felicitatis nostræ perdidimus. Multi quærunt tentationes fugere, & graviùs incidunt in eas. Per solam fugam non possumus vincere, sed per patientiam & veram humilitatem omnibus hostibus efficimur fortiores.

4. Qui tantummodò exteriùs declinat, nec radicem evellit, parum proficiet, immo citiùs tentationes ad eum accedent, & peius sentiet. Paulatim, & per patientiam cum longanimitate, Deo juvante, meliùs superabis, quàm cum duritia & importunitate propria. Sæpius accipe consilium in tentationibus, & cum tentato noli duriùs agere: sed consolationemingere sicut tibi optares fieri.

5. Initium omnium malarum tentationum inconstantia est animi, & parva ad Deum confidentia. Quia si-

cut navis sine gubernaculo hinc & inde à fluctibus impellitur, ita homo remissus, & suum propositum deferens, variè tentatur. *Ignis probat ferrum*, & Ecclesi. 31. 31. tentatio hominem justum. Nescimus sæpe quid possimus, sed tentatio aperit quid simus. Vigilandum tamen est præcipuè circa initium tentationis; quia tunc faciliùs hostis vincitur, si ostium mentis nullatenus intrare finitur: sed extra limen statim ut pulsaverit, illi obviatur. Unde quidam dixit:

*Principiis obsta, serò medicina paratur*, Ovid. lib. 2. de remed. amo.

*Cùm mala per longas invaluere moras.*  
Nam primò occurrit menti simplex cogitatio; deinde fortis imaginatio; postea delectatio, & motus pravus, & assensio: sicque paulatim ingreditur hostis malignus ex toto, dum illi non resistitur in principio. Et quantò diutius ad resistendum quis torpuerit, tantò in se quotidie debilior fit, &

30 DE IMITAT. CHRISTI  
hostis contra eum potentior.

6. Quidam in principio conversionis suæ graviores tentationes patiuntur: quidam autem in fine. Quidam verò quasi per totam vitam suam malè habent. Nonnulli satis leviter tentantur secundùm divinæ ordinationis sapientiam & æquitatem; quæ statum & merita hominum pensat, & cuncta ad Electorum suorum salutem præordinat.

7. Ideò non debemus desperare cùm tentamur: sed eò ferventiùs Deum exorare, quatenus dignetur in omni tribulatione nos adjuvare: qui utique secundùm dictum Sancti Pauli, *Talem faciet cum tentatione proventum, ut possimus sustinere.* Humiliemus ergo animas nostras sub potenti manu Dei in omni tentatione & tribulatione, quia *humiles spiritu salvabit, & exaltabit.*

8. In tentationibus & tribulationi-

<sup>1</sup> 1. Cor. 10.

<sup>13.</sup>

<sup>1</sup> Iudic. 8.

<sup>16.</sup>

<sup>1</sup> 1. Pet. 5. 6.

<sup>1</sup> Ps. 33. 19.

## LIBER I. Cap. XIII. 31

bus probatur homo quantum profecerit: & majus meritum ibi existit, & virtus meliùs patescit. Nec magnum est, si homo devotus sit & fervidus cum gravitatem non sentit: sed, si tempore adversitatis patienter sustinet, spes magni profectûs erit. Quidam à magnis tentationibus custodiuntur, & in parvis quotidianis sæpe vincuntur: ut humiliati numquam de se ipsis in magnis confidant, qui in tam modicis infirmantur.

---

*De temerario judicio vitando.*

## CAP. XIV.

I. **A**D te ipsum oculos reflecte, & aliorum facta caveas judicare. In judicando alios homo frustrà laborat, sæpius errat, & leviter peccat: seipsum verò judicando & discutendo semper fructuosè laborat. Sicut

32 DE IMITAT. CHRISTI  
nobis res cordi est, sic de illa frequen-  
ter judicamus : nam verum iudicium  
propter privatum amorem facile per-  
dimus. Si Deus semper esset pura in-  
tentio nostri desiderij, non tam fa-  
cilè turbaremur pro resistentia sensûs  
nostri.

2. Sed sæpe aliquid ab intra latet,  
vel etiam ab extra concurrit, quod  
nos etiam pariter trahit. Multi occultè  
seipsum quærunt in rebus quas agunt,  
& nesciunt. Videntur etiam in bona  
pace stare quando res pro eorum vel-  
le fiunt & sentire. Si autem aliter fit  
quàm cupiunt, citò moventur, & tri-  
stes fiunt. Propter diversitatem sen-  
suum & opinionum satis frequenter  
oriuntur dissensiones inter amicos &  
cives; inter Religiosos & devotos:

3. Antiqua consuetudo difficulter  
relinquitur : & ultra proprium videre  
nemo libenter ducitur. Si rationi tuæ  
magis inniteris, vel industriæ, quàm  
virtuti



virtuti subjectivæ JESU CHRISTI, rarò vel tardè eris homo illuminatus; quia Deus vult nos sibi perfectè subjici, & omnem rationem per inflammatum amorem transcendere.

---

*De operibus ex caritate factis.*

C A P. XV.

1. **P**RO nulla re mundi, & pro nullo hominis dilectione aliquod malum est faciendum; sed pro utilitate tamen indigentis bonum opus aliquando intermittendum est, aut etiam pro meliori mutandum. Hoc enim facto bonum opus non destruitur, sed in melius commutatur. Sine caritate opus externum nihil prodest: quidquid autem ex caritate agitur, quantumcumque parvum sit & despectum, totum efficitur fructuosum. Magis siquidem Deus pensat

C

34 DE IMITAT. CHRISTI  
ex quanto quis agit, quàm quantum  
facit.

2. Multum facit, qui multum diligit. Multum facit, qui rem bene facit. Bene facit, qui magis communitati quàm suæ voluntati servit. Sæpe videtur esse caritas, & est magis carnalitas: quia naturalis inclinatio, propria voluntas, spes retributionis, affectus commoditatis, rarò abesse volunt.

3. Qui verò perfectam caritatem habet, nulla in re seipsum quærit, sed Dei gloriam solummodò in omnibus fieri desiderat. Nulli etiam invidet, quia nullum privatum gaudium amat: nec in seipso vult gaudere, sed in Deo, super omnia bona optat beatificari. Nemini aliquid boni attribuit, sed totaliter ad Deum refert, à quo finaliter omnia procedunt, & in quo finaliter omnes Sancti fruibiliter requiescunt. O qui scintillam haberet

veræ caritatis ! profectò omnia terrena sentiret plena fore vanitatis.

---

*De sufferentia defectuum aliorum.*

C A P. XVI.

1. **Q**UÆ homo in se, vel in aliis emendare non valet, debet patienter sustinere donec Deus aliter ordinet. Cogita quia sic melius est fortè pro tua probatione & patientia, sine qua non sunt multum ponderanda merita nostra. Debes tamen, pro talibus impedimentis supplicare, ut Deus dignetur tibi subvenire, & possis benignè portare.

2. Siquis semel, aut bis admonitus non acquiescit, noli cum eo contendere; sed totum Deo committe, ut fiat voluntas ejus & honor in omnibus servis suis, qui bene scit malum in bonum convertere. Stude pa-

36 DE IMITAT. CHRISTI  
tiens esse in tolerando aliorum defectus , & qualescumque infirmitates ; quia & tu multa habes , quæ ab aliis oportet tolerari. Si non potes te talem facere qualem vis , quomodò poteris alium ad tuum habere beneplacitum ? Libenter volumus alios esse perfectos , sed tamen proprios non emendamus defectus.

3. Volumus quòd alij districtè corrigantur , & ipsi corrigi nolumus. Displicet larga aliorum licentia , & tamen nobis nolumus negari quod petimus. Alios restringi per statuta volumus , & ipsi nullatenus patimur ampliùs cohiberi. Sic ergo patet quàm rarè proximum sicut nos ipsos pensamus. Si essent omnes perfecti , quid tunc haberemus ab aliis pro Deo pati ?

4. Nunc autem Deus sic ordinavit , ut discamus alter alterius onera portare ; quia nemo sine defectu , nemo sine onere , nemo sibi sufficiens ,

nemo sibi satis sapiens ; sed oportet nos invicem portare , invicem consolari , pariter adjuvare , instruere & admonere. Quantæ autem virtutis quisque sit , meliùs patet occasione adversitatis. Occasiones namque hominem fragilem non faciunt, sed qualis sit, ostendunt.

---

*De Monastica vita.*

C A P. XVII.

I. **O**PORTET, ut discas teipsum in multis frangere , si vis pacem & concordiam cum aliis tenere. Non est parvum in monasteriis, vel in congregatione habitare , & ibi sine querela conversari , & usque ad mortem fideliter perseverare. Beatus qui ibidem bene vixerit , & feliciter consummaverit. Si vis debite stare, ac proficere , teneas te tamquam exulem

38 DE IMITAT. CHRISTI  
& peregrinum super terram. Oportet  
te stultum fieri propter Christum si  
vis religiosam ducere vitam.

2. Habitus & tonsura modicum  
conferunt ; sed mutatio morum , &  
integra mortificatio passionum verum  
faciunt Religiosum. Qui aliud quærit  
quàm purè Deum , & animæ suæ sa-  
lutem , non inveniet nisi tribulatio-  
nem & dolorem. Non potest etiam  
diu stare pacificus , qui non nititur  
esse minimus & omnibus subjectus.

3. Ad serviendum venisti , non ad  
regendum ; ad patiendum scias te vo-  
catum & ad laborandum , non ad  
otiaudum vel fabulandum. Hîc ergo  
probantur homines sicut aurum in  
fornace. Hîc nemo potest stare, nisi  
ex toto corde se voluerit propter  
Deum humiliare.

*De exemplis sanctorum Patrum.*

## CAP. XVIII.

I. INTUERE sanctorum Patrum vida exempla, in quibus vera perfectio refulsit & religio, & videbis quàm modicum sit, & pene nihil quod nos agimus. Heu, quid est vita nostra si illis fuerit comparata? Sancti & amici Christi Domino servierunt in fame & siti, in frigore & nuditate, in labore & fatigatione, in vigiliis & orationibus, in jejuniis & sanctis meditationibus, in persecutionibus & opprobriis multis.

2. O quàm multas & graves tribulationes passi sunt Apostoli, & Martyres, Confessores, Virgines, & reliqui omnes qui Christi vestigia voluerunt sequi! Nam animas suas in hoc mundo oderunt, ut in vitam

æternam possiderent eas. O quàm strictam, & abdicatam vitam sancti Patres in eremo duxerunt! quàm longas & graves tentationes pertulerunt! quàm frequenter ab inimico vexati sunt! quàm crebras & fervidas orationes Deo obtulerunt! quàm rigidas abstinentias peregerunt! Quàm magnum zelum & fervorem ad spiritalem profectum habuerunt! Quàm forte bellum adversus edomationem vitiorum gesserunt! Quàm puram & rectam intentionem ad Deum tenuerunt! Per diem laborabant, & noctibus orationi diutinæ vacabant: quamquam laborando ab oratione mentali minimè cessarent.

3. Omne tempus utiliter expendebant; omnis hora ad vacandum Deo brevis videbatur, & præ magna dulcedine contemplationis etiam oblivioni tradebatur necessitas corporalis refectionis. Omnibus divitiis, digni-



ratibus, honoribus, amicis, & cognatis renunciabant; nihil de mundo habere cupiebant; vix necessaria vitæ sumebant, corpori etiam servire in necessitate dolebant. Pauperes igitur erant rebus terrenis, sed divites valde in gratia, & virtutibus. Foris egebant, sed intus gratia & consolatione divina reficiebantur.

4. Mundo erant alieni, sed Deo proximi & familiares amici. Sibiipfis videbantur tamquam nihili & huic mundo despecti, sed erant in oculis Dei pretiosi & electi. In vera humilitate stabant, in simplici obedientia vivebant, in caritate & patientia ambulabant; & ideo in spiritu quotidie proficiebant, & magnam apud Deum gratiam obtinebant. Dati sunt in exemplum omnibus Religiosis; & plus provocare nos debent ad bene proficiendum, quàm tepidorum numerus ad relaxandum.

5. O quantus fervor omnium Religioforum in principio suæ sanctæ institutionis fuit ! O quanta devotio orationis ! quanta æmulatio virtutis ! quàm magna disciplina vigit ! quanta reverentia & obedientia sub regula magistri in omnibus effloruit ! Testantur adhuc vestigia derelicta, quòd verè viri sancti & perfecti fuerunt, qui tam strenuè militantes mundum supeditaverunt. Jam magnus putatur si quis transgressor non fuerit : si quis quod accepit cum patientia tolerare potuerit.

6. O tepor & negligentia status nostri, quòd tam citò declinamus à pristino fervore ; & jam tædet vivere præ lassitudine & tepore ! Utinam in te penitus non dormiret profectus virtutum, qui multa sæpius exempla vidisti devotorum.

*De exercitiis boni Religiosi.*

## CAP. XIX.

1. **V**ITA boni Religiosi omnibus virtutibus pollere debet: ut sit talis interiùs, qualis videtur exteriùs hominibus. Et meritò multo plus debet esse intus quàm quod cernitur foris: quia inspector noster est Deus, quem summo opere revereri debemus ubicumque fuerimus, & tamquam Angeli in conspectu ejus mundi incedere. Omni die renovare debemus propositum nostrum, & ad fervorem nos excitare, quasi hodie primùm ad conversionem venissemus, atque dicere: Adjuva me Domine Deus in bono proposito & sancto servitio tuo: & da mihi nunc hodie perfectè incipere, quia nihil est quod hætenus feci.

#### 44 DE IMITAT. CHRISTI

2. Secundum propositum nostrum extendit se cursus profectus nostri: & multa diligentia opus est bene proficere volenti. Quod si fortiter proponens sæpe deficit, quid ille qui raro aut minus fixè aliquid proponit? Variis tamen modis contingit desertio propositi nostri: & levis omissio exercitiorum vix sine aliquo dispendio transit. Justorum propositum in gratia Dei potius quam in propria sapientia pendet: in quo & semper confidunt quidquid arripiant: Nam homo proponit, sed Deus disponit,

*Jer. 10. 23. nec est in homine via ejus.*

3. Si pietatis causâ, aut fraternæ utilitatis proposito quandoque consuetum omittitur exercitium, facile postea poterit recuperari. Si autem tædio animi aut negligentia faciliter relinquitur, satis culpabile est, & nocivum sentietur. Conemur quantum possumus, adhuc leviter deficiemus

in multis. Semper tamen aliquid certi proponendum est, & contra illa præcipuè quæ ampliùs nos impediunt. Exteriora nostra & interiora pariter nobis scrutanda sunt & ordinanda; quia utraque expediunt ad profectum.

4. Si non continuè te vales colligere, saltem interdum, & ad minus semel in die, mane videlicet aut vespere. Mane propone, vespere discute mores tuos; qualis hodie fuisti in verbo, opere & cogitatione: quia in his sæpius forsitan Deum offendisti & proximum. Accinge te sicut vir contra diabolicas nequitias: fræna gulam, & omnem carnis inclinationem faciliùs frænabis. Numquam sis ex toto otiosus; sed aut legens, aut scribens, aut orans, aut meditans, aut aliquid utilitatis pro communi laborans. Corporalia exercitia discretè sunt agenda, nec omnibus æqualiter assumenda.

5. Quæ communia non sunt, non sunt foris ostendenda: nam in secreto tutius exercentur privata. Cavendum tamen ne piger sis ad communia, & ad singularia promptior: sed expletis integrè atque fideliter debitis & adjunctis, si jam ultrà vacat, redde te tibi prout devotio tua desiderat. Non possunt omnes habere unum exercitium, sed aliud isti, aliud illi magis deservit. Etiam pro temporis congruentia, diversa placent exercitia: quia alia in festis, alia in feriatis magis sapiunt diebus. Aliis indigemus tempore tentationis, & aliis tempore pacis & quietis. Alia cùm tristamur libet cogitare: & alia cùm læti in Domino fuerimus.

6. Circa principalia festa renovanda sunt bona exercitia, & Sanctorum suffragia ferventiùs imploranda. De festo in festum proponere debemus quasi tunc de hoc sæculo migra-

turi simus, & ad æternum festum per-  
venturi. Ideoque sollicitè nos præpa-  
rare debemus in devotis temporibus,  
& devotiùs conversari, atque omnem  
observantiam strictiùs custodire tam-  
quam in brevi præmium laboris no-  
stri à Deo percepturi.

7. Et si dilatum fuerit, credamus  
nos minùs bene præparatos, atque in-  
dignos tantæ adhuc gloriæ, quæ re-  
velabitur in nobis tempore præfinito:  
& studeamus nos meliùs ad exitum  
præparare. *Beatus servus* (ait Evange-  
lista Lucas) *quem cum venerit Dominus,*  
*invenerit vigilantem. Amen dico vobis,*  
*super omnia bona sua constituet eum.*

<sup>Matth. 24.</sup>

<sup>43.</sup>  
<sup>LUC. 12. 43.</sup>

---

*De amore solitudinis & silentij.*

C A P. XX.

I. **Q**UÆRE aptum tempus vacandi  
tibi, & de beneficiis Dei fre-

48 DE IMITAT. CHRISTI  
quentet cogita. Relinque curiosa. Tales perlege materias, quæ compunctionem magis præstent quàm occupationem. Si te subtraxeris à superfluis locutionibus & otiosis circuitibus, nec non à novitatibus & rumoribus audiendis, invenies tempus sufficiens & aptum, quo bonis meditationibus insistas. Maximi Sanctorum humana consortia ubi poterant, vitabant, & Deo in secreto vivere eligebant.

*Seneca.*

2. Dixit quidam: Quoties inter homines fui, minor homo redij. Hoc sæpius experimur quando diu confabulamur. Facilius est omnino tacere, quàm verbo non excedere. Facilius est domi latere, quàm foris se posse sufficienter custodire. Qui igitur intendit ad interiora & spiritalia pervenire, oportet eum cum Jesu à turba declinare. Nemo securè apparet, nisi qui libenter latet. Nemo securè loquitur, nisi qui libenter tacet. Nemo



mo securè præst, nisi qui libenter subest. Nemo securè præcipit, nisi qui bene obedire didicit.

3. Nemo securè gaudet, nisi qui bonæ conscientiae in se testimonium habet. Semper tamen Sanctorum securitas plena timoris Dei extitit. Nec eo minùs solliciti & humiles in se fuerunt, quia magnis virtutibus & gratia emicuerunt. Pravorum autem securitas ex superbia & præsumptione oritur, & in fine in deceptionem sui vertitur. Numquam promittas tibi securitatem in hac vita, quamvis bonus videaris Cœnobita, aut devotus Eremita.

4. Sæpe meliores in æstimatione hominum graviùs periclitati sunt propter suam nimiam confidentiam. Unde multis utilius est, ut non penitus tentationibus careant, sed sæpius impugnentur, ne nimiùm securi sint, ne fortè in superbiam eleventur; ne etiam

50 DE IMITAT. CHRISTI  
ad exteriores consolationes licentiùs  
declinent. O qui numquam transito-  
riam lætitiàm quæreret, qui numquam  
cum mundo se occuparet, quàm bo-  
nam conscientiam servaret ! O qui  
omnem vanam amputaret sollicitudi-  
nem, & salutaria dumtaxat ac divina  
cogitaret, totamque spem suam in Deo  
constitueret, quàm magnam pacem  
& quietem possideret !

5. Nemo dignus est cælesti conso-  
latione, nisi diligenter se exercueris  
in sancta compunctione. Si vis corde  
tenus compungi, intra cubile tuum,  
& exclude tumultus mundi, sicut scri-  
ptum est : *In cubilibus vestris compun-*  
*gimini.* In cella invenies quod deforis  
sæpius amittes. Cella continuata dul-  
cescit, & malè custodita tædium ge-  
nerat. Si in principio conversionis tuæ  
bene illam incolueris & custodieris,  
erit tibi postea dilecta amica, & gra-  
tissimum solatium.

6. In silentio & quiete proficit anima devota, & discit abscondita Scripturarum. Ibi invenit fluentia lacrymarum, quibus singulis noctibus se lavet & mundet; ut Conditori suo tanto familiarior fiat, quanto longius ab omni sæculari tumultu degit. Qui ergo se abstrahit à notis & amicis, appropinquabit illi Deus cum Angelis sanctis. Melius est latere, & sui curam agere, quàm se neglecto signa facere. Laudabile est homini religioso rarò foras ire, fugere videri, nolle etiam homines videre.

7. Quid vis videre quod non licet habere? *Transit mundus, & concupiscentia ejus.* 1. Jo. 2. 17. Trahunt desideria sensualitatis ad spatiandum: sed cum hora transierit, quid nisi gravitatem conscientiae, & cordis dispersionem reportas? Lætus exitus tristem sæpe reditum parit: & læta vigilia serotina triste mane facit. Sic omne carnale gaudium

blandè intrat , sed in fine ut vipera mordet & perimit. Quid potes alibi videre , quod hîc non videas ? Ecce cælum , & terra , & omnia elementa : nam ex istis omnia sunt facta.

8. Quid potes alicubi videre, quod diu possit sub sole permanere ? Credis te forsitan satiari ; sed non poteris pertingere. Si cuncta videres præsentia, quid esset nisi visio vana ? Leva oculos tuos ad Deum in excelsis , & ora pro peccatis tuis & negligentis. Dimitte vana vanis ; tu autem intende illis , quæ tibi præcepit Deus. Claude super te ostium tuum , & voca ad te JESUM dilectum tuum. Mane cum eo in cella , quia non invenies alibi tantam pacem. Si non exisses , nec quidquam de rumoribus audisses , meliùs in bona pace permanisses. Ex quo nova delectat aliquando audire , oportet te exinde turbationem cordis tolerare.

*De compunctione cordis.*

## CAP. XXI.

1. **S**I vis aliquid proficere conserva te in timore Dei, & noli esse nimis liber, sed sub disciplina cohibe omnes sensus tuos, nec ineptæ tradas te lætitiæ. Da te ad cordis compunctionem, & invenies devotionem. Compunctio multa bona reperit, quæ dissolutio citò perdere consuevit. Mirum est quòd homo possit umquam perfectè in hac vita lætari: qui suum exilium, & animæ suæ pericula tam multa considerat & pensat.

2. Propter levitatem cordis & negligentiam defectuum nostrorum non sentimus animæ nostræ dolores; sed sæpe vanè ridemus quando meritò flere deberemus. Non est vera libertas, nec bona lætitia, nisi in timore Dei

D iij

54 DE IMITAT. CHRISTI  
cum bona conscientia. Felix qui ab-  
jicere potest omne impedimentum di-  
stractionis, & ad unionem se recolli-  
gere sanctæ compunctionis. Felix qui  
à se abdicat quidquid conscientiam  
suam maculare potest, vel gravare.  
Certa viriliter, consuetudo consuetu-  
dine vincitur. Si tu scis homines di-  
mittere, ipsi bene te dimittent tua fa-  
cta facere.

3. Non attrahas tibi res aliorum,  
nec te implices causis majorum. Habe  
semper oculum super te primum, &  
admoneas reipsum specialiter præ om-  
nibus tibi dilectis. Si non habes favo-  
rem hominum, noli ex hoc tristari;  
sed hoc sit tibi grave, quia non ha-  
bes te satis bene ac circumspectè si-  
cut decet Dei servum, & devorum re-  
ligiosum conversari. Utilius est sæpe  
atque securius, quòd homo non ha-  
beat multas consolationes in hac vita,  
secundum carnem præcipuè. Tamen

quòd divinas non habemus , aut rariùs sentimus , nos in culpa sumus , quia compunctionem cordis non quaerimus , nec vanas & externas abjicimus.

4. Cognosce te indignum divina consolatione , sed magis dignum multa tribulatione. Quando homo est perfectè compunctus , tunc gravis & amarus est ei totus mundus. Bonus homo sufficientem invenit materiam dolendi & flendi. Sive enim se considerat , sive de proximo pensat , scit quia nemo sine tribulatione hîc vivit. Et quanto strictiùs sese considerat , tanto amplius dolet. Materiae justî doloris & internæ compunctionis sunt peccata & vitia nostra , quibus ita involuti jacemus , ut rarò cælestia contemplari valeamus.

5. Si frequentius de morte tuâ , quàm de longitudine vitæ tuæ cogitares , non dubium quin te ferventiùs

56 DE IMITAT. CHRISTI  
emendares. Si etiam futuras inferni,  
sive purgatorij pœnas cordialiter per-  
penderes, credo quòd laborem & do-  
lorem sustineres libentiùs, & nihil ri-  
goris formidares. Sed quia ad cor ista  
non transeunt, & adhuc blandimen-  
ta amamus, ideo frigidi & valde pi-  
gri remanemus.

6. Sæpe est inopia spiritûs, unde  
tam leviter conqueritur miserum cor-  
pus. Ora igitur humiliter ad Domi-  
num, ut det tibi compunctionis spi-  
ritum; & dic cum Propheta: *Ciba-  
me, Domine, pane lacrymarum, & po-  
tum da mihi in lacrymis in mensura.*

---

*De consideratione humane miseriae.*

C A P. XXII.

I. **M**ISER es ubicumque fueris,  
& quocumque te verteris,  
nisi ad Deum te convertas. Quid tur-



baris quia non succedit tibi sicut vis & desideras? Quis est qui habet omnia secundum suam voluntatem? Nec ego, nec tu, nec aliquis hominum super terram. Nemo est in mundo sine aliqua tribulatione, vel angustia; quamvis Rex sit, vel Papa. Quis est qui melius habet? utique qui pro Deo aliquid pati valet.

2. Dicunt multi imbecilles & infirmi: Ecce quàm bonam vitam ille homo habet, quàm dives, quàm magnus; quàm potens & excelsus! Sed attende ad cælestia bona, & videbis quòd omnia ista temporalia nulla sunt; sed valde incerta & magis gravantia, quia numquam sine sollicitudine & timore possidentur. Non est hominis felicitas habere temporalia ad abundantiam, sed sufficit ei mediocritas. Verè miseria est vivere super terram. Quantò homo voluerit esse spiritualior, tantò præsens vita fit ei amarior; quia

sentit meliùs , & videt clariùs humanæ corruptionis defectus. Nam comedere , bibere , vigilare , dormire , quiescere , laborare , & ceteris necessitatibus naturæ subjacere , verè magna miseria est & afflictio homini devoto , qui libenter esset absolutus & liber ab omni peccato.

3. Valde enim gravatur interior homo necessitatibus corporalibus in hoc mundo. Unde Propheta devotè rogat , quatenus liber ab istis esse valeat , dicens : *De necessitatibus meis erue me Domine.* Sed væ non cognoscentibus suam miseriam : & ampliùs væ illis , qui diligunt hanc miseram & corruptibilem vitam. Nam in tantum quidam hanc amplectuntur ( licèt etiam vix necessaria laborando aut mendicando habeant ) ut si possent hîc semper vivere de Regno Dei nihil curarent.

4. O infani , & infideles corde , qui

ram profundè in terris jacent , ut nihil nisi carnalia sapiant ! Sed miseri adhuc in fine graviter sentient quàm vile , atque nihilum erat quod amaverunt. Sancti autem Dei , & omnes devoti amici Christi non attenderunt quæ carni placuerunt , nec quæ in hoc tempore floruerunt ; sed tota spes eorum & intentio ad æterna bona anhebat. Ferebatur totum desiderium eorum sursum ad mansura & invisibilia , ne amore visibilium traherentur ad infima. Noli frater amittere confidentiam proficiendi ad spiritualia ; adhuc habes tempus & horam.

5. Quare vis procrastinare propositum tuum ? Surge & in instanti incipe , & dic : Nunc tempus est faciendi , nunc tempus est pugnandi , nunc aptum tempus emendandi. Quando malè habes & tribularis , tunc tempus est promerendi. Oportet te transire per ignem & aquam antequam venias in

60 DE IMITAT. CHRISTI  
refrigerium. Nisi tibi vim feceris, vi-  
tium non superabis. Quamdiu istud  
fragile corpus gerimus sine peccato  
esse non possumus, nec sine tædio, &  
dolore vivere. Libenter haberemus  
ab omni miseria quietem; sed quia  
per peccatum perdidimus innocen-  
tiam, amisimus etiam veram beatitu-  
dinem: ideo oportet nos tenere pa-  
tientiam, & Dei expectare misericor-  
diam, *donec transeat iniquitas hæc,*  
*2. Cor. 5. 4.* & *mortalitas absorbeat à vita.*

6. O quanta fragilitas humana,  
quæ semper prona est ad vitia! Hodie  
confiteris peccata tua, & cras iterum  
perpetras confessa. Nunc proponis ca-  
vere, & post horam agis quasi nihil  
proposuisses. Meritò ergo nos ipsos  
humiliare possumus, nec umquam ali-  
quid magni de nobis sentire, quia tam  
fragiles & instabiles sumus. Citò po-  
test etiam perdi per negligentiam,  
quod multo labore vix tandem acqui-

fitum est per gratiam.

7. Quid fiet de nobis adhuc in fine , qui tepescimus tam mane ? Væ nobis si sic volumus declinare ad quietem , quasi jam pax sit & securitas ; cùm necdum appareat vestigium veræ sanctitatis in nostra conversatione. Bene opus esset quòd adhuc iterum institueremur tamquam boni novitij ad mores optimos , si fortè spes esset de aliqua futura emendatione & majori spiritali profectu.

*De meditatione mortis.*

C A P. XXIII.

I. **V**ALDE citò tecum erit hîc factum ; vide ergo qualiter modò te habeas. Hodie homo est , & cras non comparet. Cùm autem sublatuſ fuerit ab oculis , etiam citò transit à mente. O hebetudo & duri-

## 62. DE IMITAT. CHRISTI

tia cordis humani, quod solum præsentia meditatur, & futura non magis prævidet! Sic te in omni facto & cogitatu deberes tenere, quasi hodie vel statim esses moriturus. Si bonam conscientiam haberes, non multum mortem timeres. Melius esset peccata cavere, quàm mortem fugere. Si hodie non es paratus, quomodò cras eris? Cras est dies incerta: & quid scis si crastinum habebis?

2. Quid prodest diu vivere quando tam parum emendamur? ah longa vita non semper emendat, sed sæpe culpam magis auget. Utinam per unam diem bene essemus conversati in hoc mundo. Multi annos conversionis computant, sed sæpe parvus est fructus emendationis. Si formidolosum est mori, forsitan periculosius erit diutius vivere. Beatus qui horam mortis suæ semper ante oculos habet, & ad moriendum quotidie se disponit.

Sì vidisti aliquando hominem mori ,  
cogita quia & tu per eandem viam  
transibis.

3. Cùm mane fuerit, puta te ad ves-  
perum non perventurum. Vespere au-  
tem factò, mane non audeas tibi pol-  
liceri. Semper ergo paratus esto, &  
taliter vive, ut numquam te impara-  
tum mors inveniat. Multi subitò &  
improvisè moriuntur. Nam *hora, qua* LUC. 12 40.  
*non putatur, Filius hominis venturus est.*  
Quando illa extrema hora venerit mul-  
tùm aliter sentire incipies de tota vita  
tua præterita, & valde dolebis, quia  
tam negligens & remissus fuisti.

4. Quàm felix & prudens, qui ta-  
lis nunc nititur esse in vita, qualis op-  
tat inveniri in morte! Dabit namque  
magnam fiduciam feliciter moriendi  
perfectus contemptus mundi, fervens  
desiderium in virtutibus proficiendi,  
amor disciplinæ, labor pœnitentiæ,  
promptitudo obedientiæ, abnegatio

suū, & supportatio cujuslibet adversitatis pro amore Christi. Multa bona potes operari dum sanus es: sed infirmatus nescio quid poteris. Pauci ex infirmitate emendantur: sicut qui multum peregrinantur, rarò sanctificantur.

5. Noli confidere super amicos, & proximos, nec in futurum tuam salutem differas: quia citiùs obliviscuntur tuī homines quàm æstimas. Melius est nunc tempestivè providere, atque aliquid boni præmittere, quàm super aliorum auxilio sperare. Si non es pro teipso sollicitus modò, quis erit sollicitus pro te in futuro? Nunc  
 2. Cor. 6. 2. tempus est valde pretiosum. *Nunc sunt dies salutis, nunc tempus acceptabile.* Sed proh dolor, quòd hoc utiliùs non expendis, in quo promereri vales, unde æternaliter vivas! Veniet quando unum diem, seu horam pro emendatione desiderabis, & nescio an impetrabis.

6. Eia



6. Eia carissime , de quanto periculo te poteris liberare : de quàm magno timore eripere , si modò semper timoratus fueris & de morte suspectus. Stude nunc taliter vivere , ut in hora mortis valeas potiùs gaudere , quàm timere. Disce nunc mori mundo , ut tunc incipias vivere cum Christo. Disce nunc omnia contemnere , ut tunc possis liberè ad Christum pergere. Castiga nunc corpus tuum per pœnitentiam , ut tunc valeas certam habere confidentiam.

7. Ah stulte , quid cogitas te diu victurum cùm nullum diem habeas hîc securum ? Quàm multi decepti sunt , & insperatè de corpore extracti ? Quotiens audisti à dicentibus : quia ille gladio cecidit , ille submersus est , ille ab alto ruens cervicem fregit , ille manducando obriguit , ille ludendo finem fecit. Alius igne , alius ferro , alius peste , alius latrocinio in-

terit : & sic omnium finis mors est ,  
& vita hominum tamquam umbra per-  
transit.

8. Quis memorabitur tuî post mor-  
tem ? aut quis orabit pro te ? Age ,  
age nunc , carissime , quidquid agere  
potes : quia nescis quando morieris ,  
nescis etiam quid te post mortem se-  
quetur. Dum tempus habes congre-  
ga tibi divitias immortales. Præter sa-  
lutem tuam nihil cogites : solum quæ  
Dei sunt cures. Fac nunc tibi amicos  
venerando Dei Sanctos , & eorum actus  
imitando , ut cùm defeceris in hac vi-  
ta , illi te recipiant in æterna taber-  
nacula.

9. Serva te tamquam peregrinum  
& hospitem super terram , ad quem  
nihil spectat de mundi negotiis. Ser-  
va cor liberum , & ad Deum sursum  
erectum , quia non habes hîc manen-  
tem civitatem. Illuc preces & gemi-  
tus quotidianos cùm lacrymis dirige ,

ut spiritus tuus mereatur ad Dominum post mortem feliciter transire.  
Amen.

---

*De judicio, & pœnis peccatorum.*

## CAP. XXIV.

I. IN omnibus rebus respice finem ;  
& qualiter ante districtum stabis  
Judicem, cui nihil est occultum, qui  
muneribus non placatur, nec excusa-  
tiones recipit : sed quod justum est  
judicabit. O miserrime & insipiens pec-  
cator, quid respondebis Deo omnia  
mala tua scienti, qui interdum for-  
midas vultum hominis irati ? Ut quid  
non provides tibi in diem judicij ;  
quando nemo poterit per alium excu-  
sari vel defendi : sed unusquisque suf-  
ficiens onus erit sibiipso ? Nunc labor  
tuus est fructuosus, fletus acceptabi-  
lis, gemitus exaudibilis, dolor satis.

E ij

68 DE IMITAT. CHRISTI  
factorius & purgativus.

2. Habet magnum & salubre purgatorium patiens homo, qui suscipiens injurias plus dolet de alterius malitia, quàm de sua injuria: qui pro contrariantibus sibi libenter orat, & ex corde culpas indulget: qui veniam ab aliis petere non retardat: qui faciliùs miseretur, quàm irascitur: qui sibi ipsi violentiam frequenter facit, & carnem omnino spiritui subjugare conatur. Melius est modò purgare peccata, & vitia refecare, quàm in futuro purganda reservare. Verè nos ipsos decipimus per inordinatum amorem, quem ad carnem habemus.

3. Quid aliud ille ignis devorabit, nisi peccata tua? Quantò tibi ipsi amplius nunc parcis, & carnem sequeris, tantò duriùs postea lues, & majorem materiam comburendi reservas. In quibus homo peccavit, in illis graviùs punietur. Ibi acediosi ardentibus

stimulis pungentur, & gulosi ingenti  
firi ac fame cruciabuntur. Ibi luxu-  
riofì & voluptatum amatores ardenti  
pice, ac fœtido sulphure perfunden-  
tur: & ficut furiofi canes præ dolore  
invidiofi ululabunt.

4. Nullum vitium erit, quod suum  
proprium cruciatum non habeat. Ibi  
superbi omni confusione replebuntur;  
& avari miserrima egestate arctabun-  
tur. Ibi erit una hora gravior in pœ-  
na, quàm hîc centum anni in amarif-  
fima pœnitentia. Ibi nulla requies est,  
nulla consolatio damnatis: hîc tamen  
interdum cessatur à laboribus, atque  
amicorum fruitur solatiis. Esto modò  
sollicitus & dolens pro peccatis tuis,  
ut in die judicij sis securus cum Bea-  
tis. *Tunc enim justi stabunt in magna* <sup>cap. 1. 2.</sup>  
*constantia adversus eos, qui se angustia-*  
*verunt, & depresserunt. Tunc stabit*  
*ad judicandum qui modò se subjecit*  
*humiliter judiciis hominum. Tunc ma-*

gnam fiduciam habebit pauper & humilis, & pavebit undique superbus.

5. Tunc videbitur sapiens in hoc mundo fuisse, qui pro Christo didicit stultus & despectus esse. Tunc placebit omnis tribulatio patienter perpessa, *ps. 106. 42. Et omnis iniquitas oppilabit os suum.* Tunc gaudebit omnis devotus, & mœrebit omnis irreligiosus. Tunc plus exultabit caro afflicta, quàm si in deliciis fuisset semper nutrita. Tunc splendet habitus vilis, & obtenebrescet vestis subtilis. Tunc plus laudabitur pauperculum domicilium, quàm deauratum palatium. Tunc plus juvabit constans patientia, quàm omnis mundi potentia. Tunc ampliùs exaltabitur simplex obedientia, quàm omnis secularis astutia.

6. Tunc plus lætificabit pura, & bona conscientia, quàm docta Philosophia. Tunc plus ponderabit contemptus divitiarum, quàm totus thesau-

rus terrigenarum. Tunc magis consolaberis super devota oratione , quàm super delicata comestione. Tunc potius gaudebis de servato silentio, quàm de longa fabulatione. Tunc plus valebunt sancta opera , quàm multa pulcra verba. Tunc plus placebit stricta vita , & ardua pœnitentia, quàm omnis delectatio terrena. Disce nunc in modico pati , ut tunc valeas à gravioribus liberari. Hîc primò proba quid possis postea. Si nunc tam parum non vales sustinere , quomodò æterna tormenta poteris sufferre? Si modò modica passio tam impatientem efficit , quid gehenna tunc faciet? Ecce verè non potes duo gaudia habere : delectari hîc in mundo, & postea regnare cum Christo.

7. Si usque in hodiernum diem semper in honoribus & voluptatibus vixisses , quid totum tibi prodesset , si jam in instanti mori contingeret? Om-

nia ergo vanitas , præter amare Deum , & illi soli servire. Qui enim Deum ex toto corde amat , nec mortem , nec supplicium , nec iudicium , nec infernum metuit ; quia perfectus amor securum ad Deum accessum facit. Quem autem adhuc peccata delectant , non mirum si mortem & iudicium timeat. Bonum tamen est , ut si necdum amor à malo te revocat , saltem timor gehennalis coërceat. Qui verò timorem Dei postponit , diu stare in bono non valebit , sed diaboli laqueos citiùs incurret.

---

*De ferventi emendatione totius vite.*

C A P. XXV.

I. **E**STO vigilans , & diligens in Dei servitio , & cogita frequenter ad quid venisti , & cur sæculum reliquisti. Nonne ut Deo viveres , &



spiritalis homo fieres ? Igitur ad perfectum ferveas, quia mercedem laborum tuorum in brevi recipies ; nec erit tunc ampliùs timor, aut dolor in finibus tuis. Modicùm nunc laborabis, & magnam requiem, immo perpetuam lætitiã inuenies. Si tu permanferis fidelis & fervidus in agendo; Deus procul dubio erit fidelis & locuples in retribuendo. Spem bonam retinere debes quòd ad palmam pervenies; sed securitatem capere non oportet, ne torpeas, aut elatus fias.

2. Cùm quidam anxius inter metum & spem frequenter fluctuaret, & quadam vice mœrore confectus in Ecclesia ante quoddam altare se in oratione prostravisset, hæc intra se revolvit dicens : O si scirem quòd adhuc perseveraturus essem ! statimque audivit intus divinum responsum : Quid, si hoc scires, facere velles ? Fac nunc

quòd tunc facere velles , & bene securus eris. Moxque consolatus , & confortatus divinæ se commisit voluntati , & cessavit anxia fluctuatio. Noluítque curiosè investigare ut sciret quæ sibi essent futura , sed magis studuit inquirere quæ esset voluntas Dei beneplacens & perfectæ ad omne opus bonum inchoandum & perficiendum.

*Pf. 36. 3.* - 3. *Spera in Domino , & fac bonitatem , ( ait Propheta ) & inhabita terram , & pascaris in divitiis ejus.* Unum est quod multos à profectu & ferventi emendatione retrahit ; horror difficultatis , seu labor certaminis. Enimverè illi maximè præ aliis in virtutibus proficiunt , qui ea , quæ sibi magis gravia & contraria sunt , viriliùs vincere nituntur. Nam ibi homo plus proficit , & gratiam meretur ampliore , ubi magis seipsum vincit , &

in spiritu mortificat.

4. Sed non omnes habent æquè multum ad vincendum & moriendum. Diligens tamen æmulator valentior erit ad proficiendum, etiam si plures habeat passiones, quàm alius benemorigeratus, minùs tamen fervens ad virtutes. Duo specialiter ad magnam emendationem juvant; videlicet, subtrahere se violenter ab eo, ad quod natura vitiosè inclinatur: & ferventer instare pro bono, quo ampliùs quis indiget. Illa etiam cavere magis studeas: & vincere, quæ tibi frequentius in aliis displicent.

5. Ubique profectum tuum capias: ut si bona exempla videas vel audias, ad imitandum accendaris. Si quid autem reprehensibile consideraveris, cave ne idem facias; aut si aliquando fecisti citius te emendare studeas. Sicut oculus tuus alios considerat, sic ite-

76 DE IMITAT. CHRISTI  
rum ab aliis notaris. Quàm jucundum  
est & dulce videre fervidos & devo-  
tos fratres, bene morigeratos & dis-  
ciplinatos ! Quàm triste est & grave  
videre inordinatè ambulantes : qui ea,  
ad quæ vocati sunt , non exercent !  
Quàm nocivum est negligere vocatio-  
nis suæ propositum ; & ad non com-  
missa sensum inclinare !

6. Memor esto arrepti propositi ;  
& imaginem tibi propone Crucifixi.  
Bene verecundari potes inspectâ vitâ  
JESU CHRISTI : quia necdum magis il-  
li te conformare studuisti , licet diu  
in via Dei fuisti. Religiosus , qui se in-  
tentè & devotè in sanctissima vita &  
passione Domini exercet , omnia uti-  
lia & necessaria sibi abundanter ibi  
inveniet : nec opus est ut extra JESUM  
aliquid melius quærat. O si Jesus cru-  
cifixus in cor nostrum veniret , quàm  
citò & sufficienter docti essemus !

7. Religiosus fervidus omnia bene portat & capit quæ illi jubentur. Religiosus negligens & tepidus habet tribulationem, & ex omni parte patitur angustiam; qui interiori consolatione caret, exteriorem autem quærere prohibetur. Religiosus extra disciplinam vivens graui patet ruinæ. Qui laxiora quærît & remissiora, semper in angustiis erit; quia aut unum aut reliquum sibi displicebit.

8. Quomodò faciunt tam multi alij religiosi, qui satis arctati sunt sub disciplina claustrali? Rarò exeunt, abstractè vivunt, pauperrimè comedunt, grossè vestiuntur, multùm laborant, parum loquuntur, diu vigilant, maturè surgunt, orationes prolongant, frequenter legunt, & se in omni disciplina custodiunt. Attende Carthusienses, Cistercienses, & diversæ Religionis Monachos ac Moniales, qua-

78 DE IMITAT. CHRISTI  
liter omni nocte ad pfallendum Do-  
mino assurgunt. Et ideo turpe esset ;  
ut tu deberes in tam sancto opere pi-  
grirare, ubi tanta multitudo Religio-  
sorum incipit Deo jubilaré.

9. O si nihil aliud faciendum in-  
cumberet, nisi Dominum Deum no-  
strum toto corde & ore laudare ! O  
si numquam indigeres comedere, nec  
bibere, nec dormire; sed semper pos-  
ses Deum laudare, ac solummodò spi-  
ritalibus studiis vacare ! tunc multo  
felicior esses, quàm modò cùm carni  
ex qualicumque necessitate servis. Uti-  
nam non essent istæ necessitates, sed  
solummodò spirituales animæ refectione-  
nes, quas, heu ! satis rarò degusta-  
mus.

10. Quando homo ad hoc perve-  
nit, quòd de nulla creatura consolati-  
onem suam quærit, tunc ei Deus pri-  
mò perfectè sapere incipit: tunc etiam

bene contentus de omni eventu rerum erit. Tunc nec pro magno lætabitur, nec pro modico contristabitur : sed ponet se integrè ac fiducialiter in Deo, qui est ei omnia in omnibus : cui nihil utique perit, nec moritur ; sed ei vivunt omnia, & ad nutum incunctanter deserviunt.

II. Memento semper finis, & quia perditum non redit tempus. Sine sollicitudine atque diligentia numquam acquires virtutes. Si incipis tepescere, incipies malè habere. Si autem dederis te ad fervorem ; invenies magnam pacem, & senties leviorem laborem propter Dei gratiam, & virtutis amorem. Homo fervidus & diligens ad omnia est paratus. Major labor est resistere vitiis & passionibus, quàm corporalibus insudare laboribus. Qui parvos non vitat defectus paulatim labitur ad majores. Gau-

80 DE IMITAT. CHRISTI  
debis semper vespere si diem expen-  
deris fructuosè. Vigila super teipsum;  
excita teipsum; admone teipsum; &  
quidquid de aliis sit non negligas tei-  
psum. Tantum proficies, quantam ti-  
bi ipsi vim intuleris. Amen.

*Explicit. Liber primus.*



DE





DE  
IMITATIONE  
CHRISTI.  
LIBER SECUNDUS.

---

*De interna conversatione.*

CAPUT I.

1. **R**EGNUM Dei intra vos<sup>Luc. 17. 21.</sup>  
est, dicit Dominus. <sup>Con.</sup> <sup>1001. 2. 12.</sup>  
*verte te ex toto corde tuo*  
*ad Dominum: & relinque*  
hunc miserum mundum, & inveniet  
anima tua requiem. Disce exteriora  
contemnere, & ad interiora te dare,  
F

& videbis Regnum Dei in te venire.

*Ro. 14. 17.* *Est enim Regnum Dei iustitia & pax ,*  
*& gaudium in Spiritu sancto ,* quod non  
 datur impiis. Veniet ad te Christus  
 ostendens tibi consolationem suam,  
 si dignam illi ab intus paraveris man-  
 sionem. Omnis gloria ejus & decor  
 ab intra est, & ibi complacet sibi. Fre-  
 quens illi visitatio cum homine inter-  
 no, dulcis fermocinatio, grata con-  
 solatio, multa pax, familiaritas stu-  
 penda nimis.

2. Eia anima fidelis præpara huic  
 sponso cor tuum: quatenus ad te ve-  
 nire, & in te habitare dignetur. Sic  
*Joan. 14. 23.* enim dicit: *Si quis diligit me, sermo-*  
*nem meum servabit, & ad eum venie-*  
*mus, & mansionem apud eum faciemus.*  
 Da ergo Christo locum, & ceteris  
 omnibus nega introitum. Cum Chri-  
 stum habueris, dives es, & sufficit ti-  
 bi. Ipse erit provisor tuus, & fidelis  
 procurator in omnibus, ut non sit

opus in hominibus sperare. Homines enim citò mutantur, & deficiunt velociter. *Christus* autem *manet in æternum*, & astat usque in finem firmiter. <sup>10. 12. 34.</sup>

3. Non est magna fiducia ponenda in homine fragili & mortali, etiam si utilis sit & dilectus: neque tristitia multa capienda ex hoc, si interdum adversetur & contradicat. Qui hodie tecum sunt, cras contrariari possunt: & è converso, sæpe ut aura vertuntur. Pone totam fiduciam tuam in Deo, & sit ipse timor tuus, & amor tuus. Ipse pro te respondebit, & faciet bene sicut melius fuerit. Non habes hîc manentem civitatem; & ubicumque fueris, extraneus es & peregrinus: nec requiem aliquando habebis, nisi Christo intimè fueris unitus.

4. Quid hîc circumspicis, cùm iste non sit locus tuæ requietionis? In cælestibus debet esse habitatio tua, & sicut in transitu cuncta terrena sunt

aspicienda. Transeunt omnia, & tu cum eis pariter. Vide ut non inhæreas, ne capiaris & pereas. Apud Altissimum sit cogitatio tua, & deprecatio tua ad Christum sine intermissione dirigatur. Si nescis alta speculari & cælestia, requiesce in passione Christi, & in sacris vulneribus ejus libenter habita. Si enim ad vulnera & pretiosa stigmata Jesu devotè confugeris magnam in tribulatione confor-tationem senties: nec multum curabis hominum despectiones, facileque verba detrahentia perferes.

5. Christus fuit etiam in hoc mundo ab hominibus despectus, & in maxima necessitate, à notis & amicis inter opprobria derelictus. Christus pati voluit & despici, & tu audes de aliquo conqueri? Christus habuit adversarios & oblocutores, & tu vis omnes habere amicos & benefactores? Unde coronabitur patientia tua, si nihil ad-

versitatis occurrerit? Si nihil contrarium vis pati, quomodò eris amicus Christi? Sustine te cum Christo & pro Christo, si vis regnare cum Christo.

6. Si semel perfectè introisses in interiora Jesu, & modicum de ardenti amore ejus sapiisses, tunc de proprio comodo vel incommodo nihil curares, sed magis de opprobrio illato gauderes, quia amor Jesu facit hominem seipsum contemnere. Amator Jesu, & verus internus, & liber ab affectionibus inordinatis, potest se ad Deum liberè convertere, & levare se super seipsum in spiritu, ac fruitivè quiescere.

7. Cui sapiunt omnia prout sunt, non ut dicuntur, aut æstimantur, hic verè sapiens est & doctus magis à Deo, quàm ab hominibus. Qui ab intra scit ambulare, & modicum res ab extra ponderare, non requirit loca, nec tempora expectat ad habenda devota exer.

citia. Homo internus citò se recolli-  
git; quia numquam se totum ad exte-  
riora effundit. Non illi obest labor ex-  
terior, aut occupatio ad tempus ne-  
cessaria; sed sicut res eveniunt, sic se  
illis accommodat. Qui intus bene dis-  
positus est & ordinatus, non curat mi-  
rabiles & perversos hominum gestus.  
Tantum homo impeditur & distrahi-  
tur, quantum sibi res attrahit.

8. Si rectè tibi esset, & bene pur-  
gatus esses, omnia tibi in bonum ce-  
derent & profectum. Ideo multa tibi  
displicent, & sæpe conturbant, quia  
adhuc non es perfectè tibiipso mor-  
tuus, nec segregatus ab omnibus ter-  
renis. Nihil sic maculat & implicat  
cor hominis, sicut impurus amor in  
creaturis. Si renuis consolari exteriùs,  
poteris speculari cælestia, & frequen-  
ter jubilarè interiùs.

*De humili submissione sui.*

## CAP. II.

1. **N**ON magni pendas quis pro te, vel contra te sit; sed hoc age & cura, ut Deus tecum sit in omni re quam facis. Habeas conscientiam bonam, & Deus bene te defensabit. Quem enim Deus adjuvare voluerit, nullius perversitas nocere poterit. Si tu scis tacere & pati, videbis procul dubio Domini auxilium. Ipse novit tempus & modum liberandi te, & ideo debes te illi resignare. Dei est adjuvare, & ab omni confusione liberare. Sæpe valde prodest ad majorem humilitatem conservandam, quòd defectus nostros alij sciant & redarguant.

2. Quando homo pro defectibus suis se humiliat, tunc facilè alios pla-

F iiij

cat, & leviter satisfacit sibi irascentibus. Humilem Deus protegit & liberat: humilem diligit & consolatur: humili homini se inclinat: humili largitur gratiam magnam, & post suam depressionem levat ad gloriam. Humili sua secreta revelat, & ad se dulciter trahit & invitat. Humilis accepta contumelia & confusione, satis bene est in pace, quia stat in Deo, & non in mundo. Non reputes te aliquid profecisse, nisi omnibus inferiorem te esse sentias.

---

*De bono pacifico homine.*

C A P. I I I.

I. **P**ONE te primò in pace, & tunc poteris alios pacificare. Homo pacificus plus prodest, quàm bene doctus. Homo passionatus etiam bonum in malum trahit, & faciliter malum



credit. Bonus pacificus homo omnia ad bonum convertit. Qui bene in pace est de nullo suspicatur. Qui autem malè contentus est & commotus, variis suspicionibus agitur : nec ipse quiescit , nec alios quiescere permittit. Dicit sæpe quod dicere non deberet, & omittit quod sibi magis facere expediret. Considerat quid alij facere teneantur , & negligit quod ipse facere tenetur. Habe ergo primò zelum super teipsum , & tunc zelare poteris justè etiam proximum tuum.

2. Tu bene scis facta tua excusare & colorare , & aliorum non vis excusationes recipere. Justius esset ut te accusares , & fratrem tuum excusares. Si portari vis , porta & alium. Vide quàm longè es adhuc à vera caritate & humilitate , quæ nulli novit indignari vel irasci , nisi tantùm sibiipsi. Non est magnum cum bonis & mansuetis conversari : hoc enim omnibus naturaliter

90 DE IMITAT. CHRISTI  
placet, & unusquisque libenter pacem  
habet, & secum sentientes magis di-  
ligit. Sed cum duris & perversis, aut  
indisciplinatis, aut nobis contrarian-  
tibus pacificè posse vivere, magna gra-  
tia est, & laudabile nimis virileque  
factum.

3. Sunt qui seipfos in pace tenent,  
& cum aliis etiam pacem habent. Et  
sunt qui nec pacem habent, nec alios  
in pace dimittunt: aliis sunt graves,  
sed sibi sunt semper graviores. Et sunt  
qui seipfos in pace retinent, & ad pa-  
cem alios reducere student. Et tamen  
tota pax nostra in hac misera vita po-  
tiùs in humili sufferentia ponenda est;  
quàm in non sentiendo contraria. Qui  
meliùs scit pati, pacem tenebit ma-  
jorem. Iste est victor suù & dominus  
mundi, amicus Christi, & heres cæli.



*De pura mente , & simplici intentione.*

## CAP. IV.

1. **D**UABUS alis homo sublevatur à terrenis, simplicitate scilicet & puritate. Simplicitas debet esse in intentione, puritas in affectione. Simplicitas intendit Deum, puritas apprehendit & gustat. Nulla te actio bona impedit, si liber intus ab inordinato affectu fueris. Si nihil aliud, quàm Dei beneplacitum & proximi utilitatem intendis & quæris, interna libertate frueris. Si rectum cor tuum esset, tibi omnis creatura speculum vitæ ac liber sanctæ doctrinæ esset. Non est creatura tam parva & vilis, quæ bonitatem Dei non representet.

2. Si tu esses intus bonus & purus, tu omnia sine impedimento videres, & caperes bene. Cor purum penetrat

92 DE IMITAT. CHRISTI  
cælum & infernum. Qualis unusquisque intus est, taliter iudicat exterius. Si est gaudium in mundo, hoc utique possidet puri cordis homo. Et si est alicubi tribulatio & angustia, hoc melius novit mala conscientia. Sicut ferrum missum in ignem amittit rubiginem, & totum candens efficitur: sic homo ad Deum se integrè convertens torpore exuitur, & in novum hominem transmutatur.

3. Quando homo incipit repescere, tunc parvum metuit laborem, & libenter externam accipit consolationem. Sed quando perfectè incipit se vincere, & viriliter in via Dei ambulare; tunc minùs ea reputat, quæ sibi priùs gravia esse sentiebat.



*De propria consideratione.*

## CAP. V.

1. **N**ON debemus nobis ipsis nimis credere, quia sæpe gratia nobis deest & sensus. Modicum lumen est in nobis, & hoc cito per negligentiam amittimus. Sæpe etiam non advertimus, quòd tam cæci intus sumus. Sæpe malè agimus, & pejùs excusamus; & passione interdum movemur, & zelum putamus. Parva in aliisprehendimus, & nostra majora pertransimus. Satis cito sentimus & ponderamus quod ab aliis sustinemus, sed quantum alij de nobis sustinent non advertimus. Qui bene & rectè sua ponderaret, non esset quòd de alio graviter judicaret.

2. Internus homo suiipsius curam omnibus curis anteponit. Et qui sibi-

94 DE IMITAT. CHRISTI  
ipſi diligenter intendit , faciliter de  
aliis tacet. Numquam eris internus &  
devotus , niſi de aliis ſilueris , & ad te-  
ipſum ſpecialiter reſpexeris. Si tibi &  
Deo totaliter intendis , modicum te  
movebit quod foris percipis. Ubi es  
quando tibi ipſi præſens non es ? Et  
quando omnia percurriſti , quid , te  
neglecto , profeciſti ? Si deſideras ha-  
bere pacem & unionem veram , oportet  
quòd totum adhuc poſtponas , &  
te ſolùm præ oculis habeas.

3. Multùm proinde proficies , ſi te  
feriatum ab omni temporali cura con-  
ſervaveris. Valde deficies ſi aliquid  
temporale reputaveris. Nihil altum ,  
nihil magnum , nihil gratum , nihil ac-  
ceptum tibi ſit , niſi purè Deus aut de  
Deo ſit. Totum vanum exiſtima quid-  
quid conſolationis occurrit de aliqua  
creatura. Amans Deum anima ſub Deo  
deſpicit univerſa. Solus Deus æternus  
& immenſus , implens omnia , ſolatum

*De lætitia bonæ conscientie.*

C A P. VI.

I. **G**LORIA boni hominis, est testimonium bonæ conscientie. Habe bonam conscientiam, & semper habebis lætitiā. Bona conscientia valde multa potest portare, & valde læta est inter adversa. Mala conscientia semper timida est & inquieta. Suaviter requiesces si te cor tuum non reprehenderit. Noli lætari nisi cūm benefeceris. Mali numquam habent veram lætitiā, nec internam sentiunt pacem; quia *non est pax impiis, dicit* <sup>Isai 57. 21.</sup> *Dominus.* Et si dixerint: In pace sumus, <sup>Eccl Sap. 48. 22.</sup> non venient super nos mala; & quis nobis nocere audebit? Ne credas eis, quoniam exurget repente ira Dei, & in nihilum redigentur actus eorum,

96 DE IMITAT. CHRISTI  
& cogitationes eorum peribunt.

2. Gloriari in tribulatione, non est grave amanti: sic enim gloriari, est in cruce Domini gloriari. Brevis gloria, quæ ab hominibus datur & accipitur. Mundi gloriam semper comitatur tristitia. Bonorum gloria in conscientia eorum, & non in ore hominum. Justorum lætitia de Deo & in Deo est: & gaudium eorum de veritate. Qui veram & æternam gloriam desiderat, temporalem non curat. Et qui temporalem quærit gloriam, aut non ex animo contemnit, minùs amare convincitur cælestem. Magnam habet cordis tranquillitatem, qui nec laudes curat nec vituperia.

3. Facile erit contentus & pacatus, cujus conscientia munda est. Non es sanctior si laudaris; nec vilior si vituperaris. Quod es, hoc es; nec major dici vales, quàm, Deo teste, sis. Si attendis quid apud te sis intùs, non curabis



rabis quid de te loquantur homines foris. *Homo videt in facie, Deus autem* 1. Reg. 16. 7. *in corde.* Homo considerat actus, Deus verò pensat intentiones. Bene semper agere, & modicùm de se sentire, humilis animæ indicium est. Nolle consolari ab aliqua creatura, magnæ puritatis & internæ fiduciæ signum est.

4. Qui nullum extrinsecus pro se testimonium quærit, liquet quòd se totaliter Deo commisit. *Non enim* 2. Cor. 10. *qui seipsam commendat, ille probatus est,* <sup>18.</sup> (ait B. Paulus) *sed quem Deus commendat.* Ambulare cum Deo intus, nec aliqua affectione teneri foris, status est interni hominis.

*De amore JESU super omnia.*

C A P. VII.

1. **B**EATUS qui intelligit quid sit  
amare JESUM, & contemnere  
G

seipsum propter JESUM. Oportet dilectum propter dilectum relinquere omnia, quia JESUS vult solus amari super omnia. Dilectio creaturæ fallax est & instabilis: dilectio JESU fidelis & perseverabilis. Qui adhæret creaturæ, cadet cum labili; qui amplectitur JESUM, firmabitur in ævum. Illum dilige, atque amicum retine tibi: qui omnibus recedentibus, te non relinquet, nec patietur in fine perire. Ab omnibus oportet te aliquando separari sive velis, sive nolis.

2. Teneas te apud JESUM vivens & moriens, & illius fidelitati te committe, qui omnibus deficientibus solus te potest adjuvare. Dilectus tuus talis est naturæ, ut alienum non velit admittere; sed solus vult cor tuum habere, & tamquam Rex in proprio throno sedere. Si scires te bene ab omni creatura evacuare, JESUS vellet libenter tecum habitare. Pænè totum perditum

invenies quidquid extra JESUM in hominibus posueris. Non confidas, nec innitaris super calamum ventosum: quia *omnis caro fœnum, & omnis gloria ejus ut flos fœni cadet.* Isa. 40. 6.

3. Citò decipieris si ad externam hominum apparentiam tantum aspexeris. Si enim tuum in aliis quæris solatium & lucrum, senties sæpius detrimentum. Si quæris in omnibus JESUM, invenies utique JESUM. Si autem quæris teipsum, invenies etiam teipsum, sed ad tuam perniciem. Plus enim homo nocivus est sibi, si JESUM non quærit, quàm totus mundus & omnes adversarij sui.

---

*De familiari amicitia JESU.*

C A P. VIII.

I. **Q**UANDO JESUS adest, totum bonum est, nec quidquam dif-

G ij

ficile videtur. Quando verò JESUS non adest, totum durum est. Quando JESUS intus non loquitur, exterior consolatio vilis est. Si autem JESUS unum verbum loquitur tantum, magna consolatio sentitur. Nonne Maria Magdalena statim surrexit de loco in quo  
 264. 22. 29. flebat, quando Martha illi dixit: *Magister adest, & vocat te?* Felix hora, quando JESUS vocat de lacrymis ad gaudium spiritus. Quàm aridus & durus es sine JESU! Quàm insipiens & vanus si cupis aliquid extra JESUM! Nonne hoc est majus damnum, quàm si totum perderes mundum?

2. Quid potest mundus conferre sine JESU? Esse sine JESU gravis est infernus: & esse cum JESU dulcis est paradysus. Si fuerit tecum JESUS, nullus poterit nocere inimicus. Qui invenit JESUM, invenit thesaurum bonum: imo bonum super omne bonum. Et qui perdit JESUM, perdit nimis multum,

& plus quàm totum mundum. Pauperrimus est qui vivit sine JESU; distissimus qui bene est cum JESU.

3. Magna ars est scire conversari cum JESU, & scire JESUM tenere, magna prudentia. Esto humilis & pacificus, & erit tecum Jesus. Sis devotus & quietus, & permanebit tecum Jesus. Potes citò fugare JESUM, & gratiam ejus perdere, si volueris ad exteriora declinare. Et si illum effugeris & perdideris, ad quem fugies? & quem quæres amicum? Sine amico non potes bene vivere; & si JESUS non fuerit tibi præ omnibus amicus, eris nimis tristis & desolatus. Fatuè igitur agis, si in aliquo altero confidis & lætaris. Eligendum est magis totum mundum habere contrarium, quàm JESUM offensum. Ex omnibus ergo caris sit Jesus solus dilectus specialis.

4. Diligantur omnes propter JE-  
G iij

SUM, JESUS autem propter seipsum. Solus JESUS CHRISTUS singulariter est amandus; qui solus bonus & fidelis invenitur præ omnibus amicis. Propter ipsum & in ipso tam amici, quàm inimici tibi sint cari: & pro omnibus his exorandus est, ut omnes ipsum cognoscant & diligant. Numquam cupias singulariter laudari, vel amari, quia hoc solius Dei est, qui similem sibi non habet. Nec velis quòd aliquis in corde suo tecum occupetur; neque tu cum alicujus occuperis amore: sed sit JESUS in te & in omni bono homine.

5. Esto purus & liber ab intus sine alicujus creaturæ implicamento. Oportet te esse nudum, & purum cor ad Deum gerere, si vis vacare, & videre quàm suavis sit Dominus. Et revera ad hoc non pervenies, nisi gratia ejus fueris præventus & attractus: ut omnibus evacuatis & licentiatis, solus

cum solo uniaris. Quando enim gratia Dei venit ad hominem, tunc potens fit ad omnia. Et quando recedit, tunc pauper & infirmus erit, & quasi tantum ad flagella relictus. In his non debes dejici, nec desperare; sed ad voluntatem Dei æquanimiter stare; & cuncta supervenientia tibi ad laudem JESU CHRISTI perpeti: quia post hyemem sequitur æstas, post noctem reddit dies, & post tempestatem magna serenitas.

---

*De carentia omnis solatii.*

C A P. IX.

1. **N**ON est grave humanum contemnere solatium, cum adest divinum. Magnum verò est & valde magnum tam humano, quàm divino posse carere solatio: & pro honore Dei libenter exilium cordis velle susti-

G iiij

104 DE IMITAT. CHRISTI  
nere, & in nullo seipsum quærere;  
nec ad proprium meritum respicere.  
Quid magni est si hilaris sis & devo-  
tus adveniente gratia? Optabilis cun-  
ctis hæc hora. Satis suaviter equitat,  
quem gratia Dei portat. Et quid mi-  
rum si onus non sentit, qui porta-  
tur ab Omnipotente, & ducitur à sum-  
mo Ductore? :

2. Libenter habemus aliquid pro  
solatio, & difficulter homo exiit à  
seipso. Vicit sanctus Martyr Laurentius  
sæculum cum suo Sacerdote; quia om-  
ne, quod in mundo delectabile vide-  
batur, despexit: & summum Dei Sa-  
cerdotem Sixtum, quem maximè dili-  
gebat, pro amore Christi etiam à se  
tolli clementer ferebat. Amore igitur  
Creatoris amorem hominis superavit;  
& pro humano solatio divinum bene-  
placitum magis elegit. Ita & tu ali-  
quem necessarium & dilectum ami-  
cum pro amore Dei disce relinquere.



Nec graviter feras cùm ab amico derelictus fueris, sciens quoniam oportet nos omnes tandem ab invicem separari.

3. Multùm & diu oportet hominem in seipso certare antequam discat seipsum plenè superare, & totum affectum suum plenè in Deum trahere. Quando homo stat super seipsum, facilè labitur ad consolationes humanas. Sed verus amator Christi, & studiosus sectator virtutum non cadit super consolationes, nec quærit tales sensibiles dulcedines; sed magis fortes exercitationes, & pro Christo duros sustinere labores.

4. Cùm igitur spiritualis consolatio à Deo datur, cum gratiarum actione accipe eam; sed Dei munus intelligesse, non tuum meritum. Noli extolli, noli nimium gaudere, nec inaniter præsumere: sed potius esto humilior ex dono, cautior quoque ac ti-

106 DE IMITAT. CHRISTI  
morator in cunctis actibus tuis: quoniam transibit hora illa, & sequetur tentatio. Cùm ablata fuerit consolatio, non statim desperes: sed cum humilitate atque patientia expecta cælestem visitationem; quoniam potens est Deus ampliorem tibi redonare gratiam, & consolationem. Istud non est novum, nec alienum viam Dei expertis: quia in magnis Sanctis, & in antiquis Prophetis fuit talis sæpe alternationis modus.

5. Unde quidam, præsentem jam gratia, dicebat: *Ego dixi in abundantia mea non movebor in æternum.* Absente verò gratia quid se fuerit expertus, adjungit dicens: *Avertisti faciem tuam à me, & factus sum conturbatus.* Inter hæc tamen nequaquam desperat, sed instantiùs Dominum rogat, & dicit: *Ad te Domine clamabo, & ad Deum meum deprecabor.* Denique orationis suæ fructum reportat, & se exauditum.

testatur, dicens: *Audivit Dominus*, <sup>Ibid. 11.</sup>

*& misertus est mei: Dominus factus est  
adjutor meus.* Sed in quo? *Converti-* <sup>Ibid. 12.</sup>

*sti*, inquit, *planctum meum in gaudium  
mibi, & circumdedit me latitia.* Et si

sic actum est cum magnis Sanctis, non

est desperandum nobis infirmis & pau-

peribus, si interdum in fervore, & in-

terdum in frigiditate sumus; quoniam  
Spiritus venit & recedit secundum suæ  
voluntatis beneplacitum. Unde bea-

tus Job ait: *Vistas eum diluculo, &* <sup>Iob. 7. 18.</sup>

*subito probas illum.*

6. Super quid igitur sperare pos-

sum, aut in quo confidere debeo, ni-

si in sola magna misericordia Dei, &

in sola spe gratiæ cælestis? Sive enim  
adsint homines boni, sive devoti fra-

tres, & amici fideles, sive libri sancti,  
vel tractatus pulcri, sive dulcis can-

tus & hymni, omnia hæc modicum  
juvant, modicum sapiunt, quando

desertus sum à gratia, & in propria

108 DE IMITAT. CHRISTI  
paupertate relictus. Tunc non est melius remedium, quàm patientia, & abnegatio meî in voluntate Dei.

7. Numquam inveni aliquem tam religiosum, qui non habuerit interdum gratiæ subtractionem, aut non senserit fervoris diminutionem. Nullus Sanctus fuit tam altè raptus & illuminatus, qui priùs, vel postea non fuerit tentatus. Non enim dignus est alta Dei contemplatione, qui pro Deo non est exercitatus aliqua tribulatione. Solet enim sequentis consolationis tentatio præcedens esse signum. Nam tentationibus probatis cælestis promittitur consolatio. \* *Qui vicerit,* inquit, *dabo ei edere de ligno vitæ.*

8. Datur etiam consolatio divina, ut homo fortior sit ad sustinendum adversa. Sequitur etiam tentatio, ne se elevet de bono. Non dormit diabolus, nec caro adhuc mortua est, ideo non cesses præparare te ad certa-

men, quia à dextris & à sinistris sunt hostes qui numquam quiescunt.

---

*De gratitudine pro gratia Dei.*

C A P. X.

1. **C**UR quæris quietem cùm natus sis ad laborem? Pone te ad patientiam magis, quàm ad consolationem: & ad crucem portandam magis, quàm ad lætitiā. Quis enim sæcularium non libenter consolationem & lætitiā spiritalem acciperet, si semper obtinere posset? Excedunt enim spirituales consolationes omnes mundi delicias & carnis voluptates. Nam omnes deliciæ mundanæ aut turpes, aut vanæ sunt. Spiritales verò deliciæ solæ jucundæ & honestæ, ex virtutibus progenitæ, & à Deo puris mentibus infusæ. Sed istis divinis consolationibus nemo semper pro suo affectu

frui valet : quia tempus tentationis non diu cessat.

2. Multum contrariatur supernæ visitationi falsa libertas animi, & magna confidentia suâ. Deus bene facit consolationis gratiam dando; sed homo malè agit non totum Deo cum gratiarum actione retribuendo. Et ideo non possunt in nobis dona gratiæ fluere, quia ingrati sumus auctori, nec totum refundimus fontali origini. Semper enim debetur gratia dignè gratias referenti: & auferetur ab elato quod dari solet humili.

3. Nolo consolationem, quæ mihi aufert compunctionem: nec affecto contemplationem, quæ ducit in elationem. Non enim omne altum, sanctum; nec omne desiderium, purum; nec omne dulce, bonum; nec omne carum, gratum Deo. Libenter accepto gratiam unde humilior & timorator inveniar, atque ad relinquendum me

paratior fiam. Doctus dono gratiæ, & eruditus subtractionis verbere non sibi audebit quidquam boni attribuerè: sed potius se pauperem & nudum confitebitur. Da Deo quidquid Dei est: & tibi adscribe quod tuum est: hoc est, Deo gratias pro gratia tribue; tibi autem soli culpam & dignam pœnam pro culpa deberi sentias.

4. Pone te semper ad infimum, & dabitur tibi summum; nam summum non stat sine infimo. Summi Sancti apud Deum minimi sunt apud se. Et quantò gloriosiores, tantò in se humiliores. Pleni veritate & gloria cælesti non sunt vanæ gloriæ cupidi. In Deo fundati & confirmati nullo modo possunt esse elati. Et qui totum Deo adscribunt quidquid boni acceperunt, gloriam ab invicem non quærunt: sed *Ioan. 5. 44.* gloriam, quæ à solo Deo est, volunt: & Deum in se & in omnibus Sanctis laudare super omnia cupiunt, & sem-

112 DE IMITAT. CHRISTI  
per in idipsum tendunt.

5. Esto igitur gratus pro minimo,  
& eris dignus majora accipere. Sit  
tibi minimum etiam pro maximo,  
& magis contemptibile pro specia-  
li dono. Si dignitas datoris inspi-  
citur, nullum datum parvum, aut mu-  
nus vile videbitur. Non enim par-  
vum est quod à summo Deo dona-  
tur. Etiam si pœnas & verbera do-  
naverit, gratum esse debet: quia sem-  
per pro salute nostra facit quidquid  
nobis evenire permittit. Qui gratiam  
Dei retinere desiderat, sit gratus pro  
gratia data, patiens pro ablata: oret,  
ut redeat; cautus sit & humilis ne  
amittat.





*De paucitate amatorum Crucis JESU.*

## CAP. XI.

**H**ABET JESUS nunc multos amatores regni sui cælestis, sed paucos bajulatores suæ crucis. Habet multos desideratores consolationis, sed paucos tribulationis. Plures invenit socios mensæ, sed paucos abstinentiæ. Omnes volunt cum Christo gaudere, sed pauci volunt pro ipso aliquid sustinere. Multi JESUM sequuntur usque ad fractionem panis, sed pauci ad bibendum calicem passionis. Multi miracula ejus venerantur, sed pauci ignominiam crucis sequuntur. Multi JESUM diligunt quamdiu adversa non contingunt. Multi illum laudant & benediciunt quamdiu consolationes aliquas ab ipso percipiunt. Si autem JESUS se

H

absconderit, & modicùm eos reliquerit, aut in querimoniam, vel in dejectionem nimiam cadunt.

2. Qui autem JESUM propter JESUM, & non propter suam propriam aliquam consolationem diligunt, ipsum in tribulatione, atque angustia cordis sicut in summa consolatione benedicunt. Et si numquam eis consolationem dare vellet, ipsum tamen semper laudarent, & semper gratias agere vellent.

3. O quantum potest amor JESU purus, nullo proprio commodo, vel amore permixtus! Nonne omnes mercenarij sunt dicendi, qui consolationes semper quærunt? Nonne amatores suû magis, quàm Christi probantur, qui sua commoda & lucra semper meditantur? Ubi invenietur talis qui velit Deo servire gratis?

4. Rarò invenitur tam spiritualis aliquis qui omnibus sit nudatus. Nam ve-

rum pauperem spiritu, & ab omni creatura nudum. *quis inveniet? Procul & de ultimis finibus pretium ejus.* Si dederit homo omnem substantiam suam, adhuc nihil est. Et si fecerit pœnitentiam magnam, adhuc exiguum est. *Et si apprehenderit omnem scientiam,* adhuc longè est. Et si habuerit virtutem magnam, & devotionem nimis ardentem, adhuc multum sibi deest: unum scilicet, quod summè sibi necessarium est. Quid illud? Ut omnibus relictis se relinquat, & à se totaliter exeat, nihilque de privato amore retineat. Cùmque omnia fecerit quæ facienda noverit, nihil se fecisse sentiat.

5. Non grande ponderet, quod grande æstimari possit: sed in veritate servum se inutilem pronuntiet; sicut Veritas ait: *Cùm feceritis omnia, quæ præcepta sunt vobis, dicite, quia servi inutiles sumus.* Tunc verè pauper & nudus

spiritu esse poterit , & cum Propheta  
*Ps. 24. 16.* dicere : *Quia unicus , & pauper sum*  
*ego.* Nemo tamen isto ditior , nemo li-  
 berior , nemo potentior , qui scit se &  
 omnia relinquare , & ad infimum se po-  
 nere.

*De regia via sanctæ Crucis.*

C A P. XII.

I. **D**URUS hic multis videtur fermo:  
*Luc. 9. 23.* *Abnega te ipsum, tolle crucem*  
*tuam, & sequere JESUM.* Sed multò du-  
 rius erit audire illud extremum ver-  
*Matth. 25.* *bum : Discedite à me maledicti in ignem*  
*41.* *æternum.* Qui enim modò libenter au-  
 diunt & sequuntur verbum crucis; tunc  
 non timebunt ab auditione damnatio-  
*Matth. 24.* *nis æternæ. Hoc signum crucis erit in*  
*30.* *cælo, cùm Dominus ad judicandum vene-*  
*rit.* Tunc omnes servi crucis , qui se

Crucifixo conformaverunt in vita, ad Christum accedent iudicem cum magna fiducia.

2. Quid igitur times tollere crucem, per quam itur ad Regnum? In cruce salus, in cruce vita, in cruce protectio ab hostibus; in cruce infusio supernæ suavitatis, in cruce robur mentis, in cruce gaudium spiritûs; in cruce virtutis summa, in cruce perfectio sanctitatis. Non est salus animæ, nec spes æternæ vitæ, nisi in cruce. Tolle ergo crucem tuam, & sequere JESUM, & ibis in vitam æternam. Præcessit ille bajulans sibi crucem, & mortuus est pro te in cruce: ut & tu tuam portes crucem, & mori affectes in cruce. Quia si commortuus fueris, etiam cum illo pariter vives. Et si socius fueris pœnæ, socius eris & gloriæ.

3. Ecce in cruce totum constat, & in moriendo totum jacet, & non est

alia via ad vitam , & ad veram internam pacem , nisi via sanctæ crucis , & quotidianæ mortificationis. Ambula quô vis , quære quodcumque volueris , & non invenies altiorem viam supra , nec securiorem viam infra , nisi viam sanctæ crucis. Dispone & ordina omnia secundum tuum velle ac videre , nec invenies nisi semper aliquid pati debere aut sponte , aut invitè : & ita crucem semper invenies. Aut enim in corpore dolorem senties , aut in anima spiritûs tribulationem sustinebis.

4. Interdum à Deo relinquêris , interdum à proximo exercitaberis , & quod amplius est , sæpe tibi metipsi gravis eris ; nec tamen aliquo remedio , vel solatio liberari seu alleviari poteris : sed donec Deus voluerit , oportet ut sustineas. Vult enim Deus ut tribulationem sine consolatione discas pati , & ut illi totaliter te subjicias , & humilior ex

tribulatione fias. Nemo ita cordialiter sentit passionem Christi, sicut is cui contigerit similia pati. Crux igitur semper parata est, & ubique te expectat. Non potes effugere quocumque currens: quia quocumque veneris te ipsum tecum portabis, & semper te ipsum invenies. Convertte te suprà, convertte te infrà, convertte te extrà & intrà: & in his omnibus invenies crucem: & necesse est te ubique tenere patientiam, si internam vis habere pacem, & perpetuam promereri coronam.

5. Si libenter crucem portas, portabit te, & deducet te ad desideratum finem: ubi scilicet finis patiendi erit, quamvis hîc non erit. Si invitè portas, onus tibi facis, & te ipsum magis gravas; & tamen oportet ut sustineas. Si abjicis unam crucem, aliam procul dubio invenies, & forsitan graviorem.

H iiij

6. Credis tu evadere quod nullus mortalium potuit præterire? Quis Sanctorum in mundo sine cruce & tribulatione fuit? Nec enim Dominus noster JESUS CHRISTUS unâ horâ sine dolore passionis fuit quamdiu in hoc mundo vixit. \* *Oportebat enim Christum pati, & resurgere à mortuis, & ita intrare in gloriam suam.* Et quomodò tu aliam viam quæris, quàm hanc regiam viam sanctæ crucis?

\* Luc. 24.  
46.

7. Tota vita Christi crux fuit & martyrium, & tu tibi quæris requiem & gaudium? Erras, erras, si aliud quæris quàm pati tribulationes, quia tota ista vita mortalis plena est miseriis, & circumsignata crucibus. Et quantò altiùs quis in spiritu profecerit, tantò graves sibi cruces inveniet: quia exilij ejus pœna magis ex amore crescit.

8. Sed tamen iste sic multipliciter afflictus non est sine levamine conso-



lationis : quia fructum magnum sibi sentit accrescere ex sufferentia suæ crucis. Nam dum sponte illi se subjicit, omne onus tribulationis in fiduciam consolationis divinæ convertitur. Et quantò caro magis per afflictionem atteritur, tantò spiritus ampliùs per internam consolationem roboratur. Et nunnumquam in tantum confortatur ex affectu tribulationis & adversitatis, ob amorem conformitatis crucis Christi, ut non sine dolore ac tribulatione esse vellet : quoniam tantò se acceptiorem Deo credit, quantò plura & graviora pro eo perferre potuerit. Non est istud virtus hominis, sed gratia Christi ; quæ tanta potest & agit in carne fragili, ut quod naturaliter semper abhorret & fugit, hoc fervore spiritûs aggrediatur & diligat.

9. Non est secundùm hominẽ crucem portare, crucem amare, corpus

castigare, & servituti subicere; honores fugere, contumelias libenter sustinere, seipsum despiciere, & despici oportere; adversa quæque cum damnis perpeti, & nihil prosperitatis in hoc mundo desiderare. Si ad teipsum respicis, nihil hujusmodi ex te poteris. Sed si in Domino confidis, dabitur tibi fortitudo de cælo, & subjicientur ditioni tuæ mundus & caro. Sed nec inimicum diabolum timebis, si fueris fide armatus, & Jesu cruce signatus.

10. Pone ergo te sicut bonus & fidelis servus Christi ad portandam viriliter crucem Domini tui, pro te ex amore crucifixi. Præpara te ad toleranda multa adversa, & varia incommoda in hac misera vita; quia sic tecum erit ubicumque fueris: & sic revera invenies ubicumque latueris. Oportet te ita esse: & non est remedium evadendi *à tribulatione malorum,*

& dolore , quàm ut patiaris. Calicem Domini affectanter bibe , si amicus ejus esse & partem cum eo habere desideras. Consolationes Deo committe: faciat ipse cum talibus sicut sibi magis placuerit. Tu verò pone te ad sustinendum tribulationes , & reputa eas maximas consolationes; quia *non sunt* Rom. 8. 18. *condignæ passiones hujus temporis ad futuram gloriam promerendam* , etiamsi solus omnes posses sustinere.

11. Quando ad hoc veneris , quòd tribulatio sit tibi dulcis , & sapiat pro Christo; tunc bene tecum æstima esse , quia invenisti paradisum in terra. Quamdiu verò pati grave tibi erit , & fugere quæres; tamdiu malè habebis , & sequetur te ubique fuga tribulationis.

12. Si ponis te ad quod esse debes , videlicet ad patiendum & moriendum , fiet citò melius , & pacem invenies.

Etiam si raptus fueris usque ad tertium cælum cum Paulo, non es propterea securus de nullo contrario sustinendo.

*Mat. 9. 16.* Ego (inquit JESUS) *ostendam illi quanta oporteat eum pro nomine meo pati.* Pati ergo tibi remanet si JESUM diligere, & perpetuò illi servire placet.

13. Utinam dignus esses pro nomine JESU aliquid pati: quàm magna gloria remaneret tibi, quanta exultatio omnibus Sanctis Dei, quanta quoque ædificatio esset proximi! Nam patientiam omnes commendant, quamvis pauci tamen pati velint. Meritò deberes libenter modicùm pati pro Christo, cùm multi graviora patiantur pro mundo.

14. Scias pro certo quia morientem te oportet ducere vitam. Et quantò quisque plus moritur sibi, tantò magis Deo vivere incipit. Nemo aptus est ad comprehendendum cælestia, ni-

si se submiserit ad portandum pro Christo adversa. Nihil Deo acceptius, nihil tibi salubrius in mundo isto, quàm libenter pati pro Christo. Et si eligendum tibi esset, magis optare deberes pro Christo adversa pati, quàm multis consolationibus recreari; quia Christo similior esses, & omnibus sanctis conformior. Non enim stat meritum nostrum, & profectus statûs nostri in multis suavitatibus & consolationibus: sed potiùs in magnis gravitatibus, & tribulationibus perferendis.

15. Si enim melius aliquid aliud & utilius saluti hominum quàm pati fuisset, Christus utique verbo & exemplo ostendisset. Nam & sequentes se discipulos, omnésque eum sequi cupientes, manifestè ad crucem portandam hortatur, & dicit: *Si quis vult venire post me, abneget semetipsum, & tollat crucem suam, & sequatur me.* Matth. 16. Omnibus

ergo perlectis & scrutatis, sit ista conclusio finalis: *Quoniam per multas tribulationes oportet nos intrare in Regnum Dei.*

*Explicit Liber secundus.*





DE  
IMITATIONE  
CHRISTI.


LIBER TERTIUS.

De interna consolatione.

---

*De interna Christi locutione ad animam  
fidelem.*

CAPUT I.

1.  **U**DIAM quid loquatur *ps. 84. 9.*  
Dominus Deus in me. Beata anima, quæ Dominum  
in se loquentem audit, &  
de ore ejus verbum consolationis ac-

cipit. Beatæ aures , quæ venas divini  
 fufurri fufcipiunt , & de mundi hujus  
 fufurationibus nihil advertunt. Bea-  
 tæ planè aures quæ non vocem foris  
 fonantem , fed intus aufcultant veri-  
 tatem loquentem & docentem. Beati  
 oculi qui exterioribus claufi , interio-  
 ribus autem funt intenti. Beati qui in-  
 terna penetrant, & ad capienda arcana  
 cæleftia magis æ magis per quotidiana  
 exercitia fe ftudent præparare. Bea-  
 ti qui Deo vacare geftiunt , & ab om-  
 ni impedimento fæculi fe excutiunt.

2. Animadvertete hæc , ô anima mea, &  
 claude fenfualitatis tuæ oftia , ut possis  
 audire quid loquatur in te Dominus  
 \* Pf. 34. 3. Deus tuus. Hæc dicit dilectus tuus: *Sal-*  
*lus tua ego fum*, pax tua, & vita tua. Serva  
 te apud me, & pacem invenies. Dimit-  
 te omnia tranfitoria , & quære æterna.  
 Quid funt omnia tranfitoria nifi sedu-  
 ctoria? Et quid juvabunt omnes crea-  
 turæ fi fueris à Creatore deferta? Om-  
 nibus



nibus ergo abdicatis Creatori tuo te  
redde placitam ac fidelem, ut veram  
valeas apprehendere beatitudinem.

*Quod veritas intus loquitur sine strepitu  
verborum.*

## CAP. II.

## DISCIPULUS.

**L**OQUERE, Domine, quia audit 1. Reg. 3. 9.  
servus tuus. Servus tuus sum Psal. 118.  
ego, da mihi intellectum, ut sciam testi-  
monia tua. Inclina cor meum in verba Psal. 118. 36.  
oris tui: fluat ut ros eloquium tuum. Dent. 32. 2.  
Dicebant olim filij Israël ad Moysen:  
Loquere tu nobis, & audiemus: non lo- Exo. 20. 19.  
quatur nobis Dominus, ne fortè moria-  
mur. Non sic, Domine, non sic oro:  
sed magis cum Samuele Propheta hu-  
militer, ac desideranter obsecro: Lo- 1. Reg. 3. 9.  
quere Domine, quia audit servus tuus.  
Non loquatur mihi Moyses, aut ali-

quis ex Prophetis: sed tu potiùs loquere Domine Deus, inspirator & illustrator omnium Prophetarum, quia tu solus sine eis potes me perfectè imbue-  
re, illi autem sine te nihil proficient.

2. Possunt quidem verba sonare, sed spiritum non conferunt. Pulcher-  
rimè dicunt, sed te tacente cor non accendunt. Litteras tradunt, sed tu sensum aperis. Mysteria proferunt, sed tu reſeras intellectum signatorum. Mandata edicunt, sed tu iuvas ad per-  
ficiendum. Viam ostendunt, sed tu confortas ad ambulandum. Illi foris tantùm agunt, sed tu corda instruis & illuminas. Illi exteriùs rigant, sed tu fœcunditatem donas. Illi clamant verbis, sed tu auditui intelligentiam tribuis.

3. *Non ergo loquatur mihi Moyses, sed tu Domine Deus meus æterna veri-  
tas: ne fortè moriar, & sine fructu ef-  
ficiar, si fuero tantùm foris admoni-*

tus, & intus non accensus: ne sit mihi ad iudicium verbum auditum, & non factum: cognitum, nec amatum: creditum, & non servatum. *Loquere igitur Domine, quia audit servus tuus.*

*Verba enim vitæ æternæ habes.* Loquere mihi ad qualemcumque animæ meæ consolationem, & ad totius vitæ meæ emendationem, tibi autem ad laudem & gloriam, & perpetuum honorem. Ioa. 6. 69.

*Quòd verba Dei humiliter sunt audienda: & quòd multi ea non ponderant.*

## CAP. III.

## SALVATOR.

I. **A**UDI fili verba mea, verba suavissima, omnem Philosophorum, & Sapientum hujus mundi scientiam excedentia. *Verba mea spiritus,* Io. 6. 67.  
*& vita sunt*, nec humano sensu pensanda. Non sunt ad vanam complacen-

132 DE IMITAT. CHRISTI  
tiam trahenda, sed in silentio audien-  
da, & cum omni humilitate atque af-  
fectu magno suscipienda:

DISCIPULUS.

Ps. 92. 12. Et dixi: *Beatus quem tu erudieris,  
Domine, & de lege tua docueris eum; ut  
mitiges ei à diebus malis, & non deso-  
letur in terra.*

SALVATOR.

2. Ego, inquit Dominus, docui Pro-  
phetas ab initio, & usque nunc non  
cesso omnibus loqui: sed multi ad vo-  
cem meam surdi sunt & duri. Plures  
libentiùs mundum audiunt, quàm  
Deum; faciliùs sequuntur carnis suæ  
appetitum, quàm Dei beneplacitum.  
Promittit mundus temporalia & parva,  
& servitur ei aviditate magna; ego pro-  
mitto summa & æterna, & torpescunt  
mortalium corda. Quis tanta cura mi-  
hi in omnibus servit, & obedit, sicut

mundo & dominis ejus servitur? \* *Erubescere Sidon, ait mare.* Et si causam quæris, audi quare: Pro modica Præbenda longa via curritur: pro æterna vita à multis vix pes semel à terra levatur. Vile pretium quæritur: pro uno numismate interdum turpiter litigatur: pro vana re & parva promissione, die noctûque fatigari non timetur.

3. Sed, proh dolor! pro bono incommutabili, pro præmio inæstimabili, pro summo honore & gloria interminabili, vel ad modicum fatigari pigritatur. Erubescere ergo serve piger & querulose, quòd illi paratiores inveniuntur ad perditionem, quàm tu ad vitam. Gaudent illi ampliùs ad vanitatem, quàm tu ad veritatem. Equidem à spe sua nonnumquam frustrantur, sed promissio mea neminem fallit, nec confidentem mihi dimittit inanem. Quod promisi, dabo; quod dixi, implebo; si tamen usque in finem

fidelis in dilectione mea quis perman-  
ferit. Ego remunerator sum omnium  
bonorum, & fortis probator omnium  
devotorum.

4. Scribe verba mea in corde tuo,  
& pertracta diligenter : erunt enim in  
tempore tribulationis seu tentationis  
tibi valde necessaria. Quod non in-  
telligis cùm legis, cognosces in die  
visitationis. Dupliciter soleo visitare  
meos electos, tentatione scilicet, &  
consolatione. Et duas lectiones eis  
quotidie lego, unam increpando eo-  
rum vitia, alteram exhortando ad vir-  
tutum incrementa. *Qui habet verba  
mea, & spernit ea, habet qui judicet eum  
in novissimo die.*

*Oratio ad impetrandam devotionis  
gratiam.*

DISCIPULUS.

5. DOMINE Deus meus, omnia bo-  
na mea tu es. Et quis ego sum,

ut audeam ad te loqui? Ego sum pauperrimus servulus tuus & abjectus vermiculus: multò pauperior & contemptibilior, quàm sciam, vel dicere audeam. Memento tamen, Domine, quia nihil sum, nihil habeo, nihilque valeo. Tu solus bonus, justus, & sanctus; tu omnia potes, omnia præstas, omnia imples, solum peccatorem inanem relinquens. *Reminiscere miserationum tuarum, Domine, & imple cor meum gratia tua, qui non vis vacua esse opera tua.* Pf. 24. 6.

6. Quomodò possum me tolerare in hac misera vita, nisi me confortaverit misericordia & gratia tua? Noli avertere faciem tuam à me: noli visitationem tuam prolongare: noli consolationem tuam abstrahere; *ne fiat anima mea sicut terra sine aqua tibi.* Pf. 142. 6.  
Pf. 142. 10. Domine doce me facere voluntatem tuam; doce me coram te dignè & humiliter conversari: quia sapientia mea tu es,

qui in veritate me cognoscis , & cognovisti antequam fieret mundus , & antequam natus essem in mundo.

---

*Quòd in veritate , & humilitate coram  
Deo conversandum est.*

## CAP. IV.

## SALVATOR.

I. **F**ILI ambula coram me in veritate , & in simplicitate cordis tui quære me semper. Qui ambulat coram me in veritate , tütabitur ab incurfibus malis : & veritas liberabit eum à feductoribus , & detractionibus iniquorum. Si veritas te liberaverit , verè liber eris , & non curabis de vanis hominum verbis.

## DISCIPULUS.

Domine verum est ficut dicis : ita , quæfo , mecum fiat. Veritas tua me



doceat, ipsa me custodiat, & usque ad salutarem finem conservet. Ipsa me liberet ab omni affectione mala, & inordinata dilectione: & ambulabo tecum in magna cordis libertate.

## SALVATOR.

2. Ego te docebo, ait Veritas, quæ recta sunt, & placita coram me. Cogita peccata tua cum displicentia magna & mœrore: & numquam te re-putes aliquid esse propter opera tuâ bona. Revera peccator es, & multis obnoxius passionibus & implicatus. Ex te semper ad nihil tendis, citò laboris, citò vinceris, citò turbaris, citò dissolveris. Non habes quidquam unde possis gloriari, sed multa unde te debeas vilificare: quia multò infirmior es, quàm valeas comprehendere.

3. Nihil ergo magnum tibi videatur ex omnibus quæ agis. Nihil gran-

138 DE IMITAT. CHRISTI  
de, nihil pretiosum & admirabile, nihil reputatione appareat dignum: nihil altum, nihil verè laudabile, ac desiderabile, nisi quod æternum est. Placeat tibi super omnia æterna veritas, displiceat tibi super omnia semper maxima tua vilitas. Nihil sic vituperes, sic timeas, sic fugias, sicut vitia & peccata tua: quæ magis displicere tibi debent, quàm quælibet rerum damna. Quidam non sincere coram me ambulant, sed quadam curiositate atque arrogantia ducti volunt secreta mea scire, & alta Dei intelligere, se ac suam salutem negligentes. Hi sæpe in magnas tentationes & peccata propter suam superbiam, & curiositatem, me eis adversante, labuntur.

4. Time judicia Dei, expavesce iram Omnipotentis. Noli autem discutere opera Altissimi, sed tuas iniquitates perscutare in quantis deliqui-

sti, & quàm multa bona neglexisti. Quidam portant suam devotionem solum in libris, quidam in imaginibus, quidam autem in signis exterioribus & figuris. Quidam habent me frequenter in ore, sed modicum in corde. Sunt alij qui intellectu illuminati, & affectu purgati, ad æterna semper anhelant: de terrenis graviter audiunt, necessitatibus naturæ graviter inferviunt: & hi sentiunt quid Spiritus veritatis loquitur in eis; quia docet eos terrena despiciere, & amare cælestia: mundum negligere, cælum tota die ac nocte desiderare.

---

*De mirabili affectu divini amoris.*

C A P. V.

D I S C I P U L U S.

I. **B**ENEDICO te Pater cælestis,  
Pater Domini mei JESU CHRI-

STI, quia mei pauperis dignatus es recordari. *O Pater misericordiarum; & Deus totius consolationis*, gratias tibi ago, qui me indignum omni consolatione quandoque tua recreas consolatione. Benedico te semper & glorifico, cum unigenito Filio tuo, & Spiritu sancto paraclito in sæcula sæculorum. Eia Domine Deus, amator sancte meus, cum tu veneris in cor meum exultabunt omnia interiora mea. Tu es gloria mea, & exultatio cordis mei. Tu spes mea, & refugium meum in die tribulationis meæ.

2. Sed quia adhuc debilis sum in amore, & imperfectus in virtute: ideò necesse habeo à te confortari, & consolari: propterea visita me sæpius, & instrue disciplinis tuis sanctis. Libera me à passionibus malis, & sana cor meum ab omnibus affectionibus inordinatis: ut intus sanatus & bene purgatus, aptus efficiar ad amandum, for-

tis ad patiendum, stabilis ad perseverandum.

3. Magna res est amor, magnum omnino bonum, quod solum leve facit omne onerosum, & fert æqualiter omne inæquale. Nam onus sine onere portat, & omne amarum dulce ac sapidum efficit. Amor JESU nobilis, ad magna operanda impellit, & ad desideranda semper perfectiora excitat. Amor vult esse sursum, nec ullis infimis rebus retineri. Amor vult esse liber, & ab omni mundana affectione alienus; ne intimus ejus impediatur affectus; ne per aliquod commodum temporale implicationes sustineat, aut per incommodum succumbat. Nihil dulcius est amore, nihil fortius, nihil altius, nihil latius, nihil jucundius, nihil plenius, nec melius in cælo & in terra: quia amor ex Deo natus est, nec potest nisi in Deo super omnia creata quiescere.

4. Amans volat, currit, & lætatur; liber est, & non tenetur. Dat omnia pro omnibus, & habet omnia in omnibus; quia in uno summo bono super omnia quiescit, ex quo omne bonum fluit & procedit. Non respicit ad dona, sed ad donantem se convertit super omnia bona. Amor sæpe modum nescit, sed super omnem modum fervescit. Amor onus non sentit, labores non reputat; plus affectat, quàm valet, de impossibilitate non causatur, quia cuncta sibi licere ac posse arbitratur. Valet igitur ad omnia; & multa implet, & effectui mancipat, ubi non amans deficit & jacet.

5. Amor vigilat, & dormiens non dormitat. Fatigatus non laxatur; arctatus non coarctatur; territus non conturbatur; sed sicut vivax flamma, & ardens favilla sursum erumpit, securèque pertransit. Si quis amat, novit quid hæc vox clamat. Magnus clamor

in auribus Dei est ipse ardens affectus animæ, quæ dicit: Deus meus, amor meus: tu totus meus, & ego tuus.

6. Dilata me in amore, ut discam interiori ore cordis degustare, quàm suave sit amare, & in amore liquefieri & natare. Tenear amore, vadens supra me præ nimio fervore ac stupore. Cantem amoris canticum, sequar te dilectum meum in altum, deficiat in laude tua anima mea jubilans ex amore. Amem te plusquam me, nec me nisi propter te; & omnes in te, qui verè amant te, sicut jubet lex amoris lucens ex te.

7. Est amor velox, sincerus, pius, jucundus & amœnus; fortis, patiens, fidelis, prudens, longanimis, virilis, & seipsum numquam quærens. Ubi enim seipsum aliquis quærit, ibi ab amore cædit. Est amor circumspèctus, humilis, & rectus: non mollis, non levis, nec vanis intendens rebus; sobrius,

144 DE IMITAT. CHRISTI  
castus, stabilis, quietus, & in cunctis  
sensibus custoditus. Est amor subje-  
ctus, & obediens Prælati, sibi vilis, &  
despectus, Deo devotus, & gratificus,  
fidens, semper sperans in eo, etiam  
cùm sibi non sapit Deus: quia sine do-  
lore non vivitur in amore.

8. Qui non est paratus omnia pa-  
ti, & ad voluntatem stare dilecti, non  
est dignus amator appellari. Oportet  
amantem, omnia dura, & amara pro-  
pter dilectum amplecti libenter; nec  
ob accidentia contraria ab eo defle-  
cti.

---

*De probatione veri amatoris.*

C A P. VI.

S A L V A T O R.

1. **F**ILI non es adhuc fortis & pru-  
dens amator.

DISCIPULUS.



## DISCIPULUS.

Quare Domine ?

## SALVATOR.

Quia propter modicam contrarietatem deficis à cœptis, & nimis avidè consolationem quæris. Fortis amator stat in tentationibus, nec callidis credit persuasionibus inimici. Sicut ei in prosperis placeo, ita nec in adversis ei displiceo.

2. Prudens amator non tam donum amantis considerat, quàm dantis amorem. Affectum potiùs attendit, quàm censum; & infra dilectum omnia data ponit. Nobilis amator non quiescit in dono, sed in me super omne donum. Non est ideo totum perditum, si quandoque minùs bene de me vel de Sanctis meis senseris, quàm velles. Affectus ille bonus & dulcis, quem interdum percipis, effectus gratiæ præsen-

K

tis est, & quidam prægustus patriæ cælestis: super quo non nimium innitendum est, quia vadit & venit. Certare autem adversus incidentes malos animi motus; & suggestiones spernere diaboli, insigne est virtutis & magni meriti.

3. Non ergo te conturbent alienæ phantasiæ de quacumque materia ingestæ. Forte serva propositum, & intentionem rectam ad Deum. Non est illusio quòd aliquando in excessum subito rapiaris, & statim ad solitas cordis ineptias revertaris. Illas enim magis invitè pateris quàm agis: & quamdiu displicent ac reniteris, meritum est & non perditio.

4. Scito quòd antiquus inimicus omnino nititur impedire desiderium tuum in bono, & ab omni devoto exercitio evacuare: à Sanctorum scilicet cultu, à pia passionis meæ memoria, à peccatorum utili recordatione, à pro-

prij cordis custodia, & à firmo proposito proficiendi in virtutibus. Multas malas cogitationes ingerit ut tædium tibi faciat & horrorem, ut ab oratione revocet atque à sacra lectione. Displacet ipsi humilis confessio, & si posset à communione cessare faceret. Non credas ei, neque cures illum, licet sæpius tibi deceptionis tetenderit laqueos. Ipsi imputa cùm mala ingerit & immunda. Dico illi: Vade immunde spiritus, erubescere miser, valde immundus es tu, qui talia infers auribus meis. Discede à me, seductor pessime, non habebis in me partem ullam, sed Jesus mecum erit, tamquam bellator fortis, & tu stabis confusus. Malo mori, & omnem pœnam subire, quàm tibi consentire. *Tace & obmutesce*, non audiam te amplius licet mihi plures moliaris molestias. *Dominus illuminatio mea, & salus mea, quem timebo. Si consistant adversum me castra, non time-*

\* Marc. 4.

36.

\* Psal. 26. 1.

&amp; 3.

*Ps. 118. 15. bit cor meum: Dominus adjutor meus,  
& redemptor meus.*

5. Certa tamquam miles bonus; & si interdum ex fragilitate corrueris, resume vires fortiores prioribus confidens de ampliori gratia mea: & præcave à vana complacentia & superbia. Propter hoc in errorem ducuntur multi, & in cæcitatem pæne incurabilem quandoque labuntur. Sit tibi in cautelam & perpetuam humilitatem ruina hæc superbiorum, de se stultè præsumentium.

---

*De occultanda gratia sub humilitatis  
custodia.*

## C A P. VII.

### S A L V A T O R.

1. **F**ILI utilius est tibi & securius devotionis gratiam abscondere, nec in altum te efferre, nec multum

inde loqui, neque multum ponderare: sed magis temetipsum despiciere, & tamquam indigno datam timere. Non est huic affectioni tenacius inhærendum, quæ citius potest mutari in contrarium. Cogita in gratia quàm miser & inops esse soles sine gratia. Nec est in eo tantum vitæ spiritualis profectus, cum consolationis habueris gratiam; sed cum humiliter & abnegatè, patienterque tuleris ejus subtractionem; ita quòd tunc ab orationis studio non torpeas, nec reliqua opera tua ex usu facienda omnino dilabi permittas: sed sicut melius potueris & intellexeris libenter quod in te est facias; nec propter ariditatem, seu anxietatem mentis quam sentis te totaliter negligas.

2. Multi enim sunt qui cum non bene eis successerit, statim impatientes fiunt aut desides. *Non enim semper est in potestate hominis via ejus*, sed Dei est dare &

consolari quando vult, & quantum vult, & cui vult, sicut sibi placuerit, & non ampliùs. Quidam incauti propter devotionis gratiam seipso destruxerunt; quia plus agere voluerunt quàm potuerunt, non pensantes suæ parvitatæ mensuram, sed magis cordis affectum sequentes, quàm rationis iudiciũ. Et quia maiora præsumpserunt quàm Deo placitum fuit, idcirco gratiam perderunt. Facti sunt inopes & viles relictĩ, qui in cælum posuerant nidum sibi: ut humiliati & depauperati discant non alis suis volare, sed sub pennis meis sperare. Qui adhuc novi sunt & imperiti in via Domini, nisi consilio discretorum se regant facilius decipi possunt & elidi.

3. Quòd si suum sentire magis sequi quàm aliis exercitatis credere velint, erit eis periculosus exitus; si tamen retrahi à proprio conceptu non valuerint. Rarò sibi ipsis sapientes ab

aliis regi humiliter patiuntur. Melius est modicum sapere cum humilitate & parva intelligentia, quàm magni thesauri scientiarum cum vana complacentia. Melius est tibi minus habere, quàm multum, unde posses superbire. Non satis discretè agit qui se totum lætitiæ tradit, obliuiscens pristinæ inopiæ suæ, & casti timoris Domini, qui timet gratiam oblatam amittere. Non etiam satis virtuosè sapit, qui tempore aduersitatis & cuiusque gravitatis nimis desperatè se gerit, & minùs fidenter de me quàm oportet, recogitat ac sentit.

4. Qui tempore pacis nimis securus esse voluerit, sæpe tempore belli nimis dejectus & formidolosus reperiatur. Si scires semper humilis & modicus in te permanere, necnon spiritum tuum bene moderari & regere, non incideres tam cito in periculum & offensam. Consilium bonum est, ut

K iiij

152 DE IMITAT. CHRISTI  
fervoris spiritu concepto mediteris  
quid futurum sit abscedente lumine.  
Quod dum contigerit, recogita & de-  
nuo lucem posse reverti, quam ad cau-  
telam tibi, mihi autem ad gloriam, ad  
tempus subtraxi.

5. Utilior est enim talis probatio,  
quàm si semper prospera pro tua vo-  
luntate haberes. Nam merita non sunt  
ex hoc æstimanda, si quis plures visio-  
nes aut consolationes habeat; vel si pe-  
ritus sit in Scripturis, aut in altiori po-  
natur gradu; sed si vera fuerit humi-  
litate fundatus, & divina caritate re-  
pletus: si Dei honorem purè atque in-  
tegrè semper quærat: si seipsum nihil  
reputet & in veritate despiciat, atque  
ab aliis etiam despici & humiliari ma-  
gis gaudeat quam honorari.





*De vili æstimatione suiipſius in oculis  
Dei.*

## CAP. VIII.

## DISCIPULUS.

I. **L**OQUAR *ad Dominum meum*, <sup>\*Gen.18.27.</sup>  
*cum ſim pulvis & cinis.* Si me  
 ampliùs reputaſſero, ecce tu ſtas con-  
 tra me; & dicunt teſtimonium verum  
 iniquitates meæ, nec poſſum contra-  
 dicere. Si autem me vilificaverò & ad  
 nihilum redeſſero, & ab omni propria  
 reputatione deſecero, atque ſicut ſum  
 pulverizaſſero, erit mihi propitia gra-  
 tia tua & vicina cordi meo lux tua: &  
 omnis æſtimatio quantulacumque mi-  
 nima in valle nihilitatis meæ ſubmer-  
 getur, & peribit in æternum. Ibi enim  
 oſtendes me mihi quid ſum, quid fui,  
 & quo deveni: quia nihil ſum, & neſ-  
 civi. Si mihi ipſi relinquer, ecce nihil

& tota infirmitas. Si autem subito me respexeris statim fortis efficior, & novo repleor gaudio. Et mirum valde est quòd sic repente sublevor, & tam benignè à te complector, qui proprio pondere semper ad ima feror.

2. Facit hoc amor tuus gratis præveniens me, & in tam multis subveniens necessitatibus, à gravibus quoque custodiens me periculis, & ab innumeris, ut verè dicam, eripiens malis. Me siquidem malè amando me perdidi: & te solum quærendo & purè amando, me & te pariter inveni, atque ex amore profundius ad nihilum me redegi. Quia tu, ô dulcissime Jesu, facis mecum supra omne meritum meum, & supra quàm sperare audeam vel rogare.

3. Benedictus sis Deus meus, quia licèt ego omnibus bonis sim indignus, tua tamen nobilitas & infinita bonitas numquam cessat benefacere etiam in-

LIBER III. Cap. IX. 155  
gratis & longè à te adversis. Converte  
nos ad te ut simus grati, humiles & de-  
voti: quia salus nostra tu es, virtus &  
fortitudo nostra.

---

*Quòd omnia ad Deum, sicut ad finem  
ultimum sunt referenda.*

C A P. IX.

S A L V A T O R.

I. **F**ILI ego debeo esse finis tuus  
supremus & ultimus, si verè  
desideras esse beatus. Ex hac intentio-  
ne purificabitur affectus tuus sæpius ad  
seipsum & ad creaturas malè incurva-  
tus. Nam si te ipsum in aliquo quæris,  
statim in te deficis & arescis. Omnia  
ergo ad me principaliter referas, quia  
ego sum qui omnia dedi. Sic singula  
considera sicut ex summo bono ma-  
nantia: & ideo ad me tamquam ad  
suam originem cuncta sunt reducenda.

2. Ex me pufillus & magnus, dives & pauper tamquam ex fonte vivo aquam vivam hauriunt: & qui mihi fponte ac liberè deferviunt, gratiam pro gratia accipient. Qui autem extra me voluerit gloriari, vel in aliquo privato bono delectari, non ftabiletur in vero gaudio, neque in corde fuo dilatabitur; fed impiedietur multipliciter, & anguftiabitur. Nihil ergo tibi de bono adfcribere debes, nec alicui homini virtutem attribuas; fed mihi totum da Deo tuo, fine quo nihil habet homo. Ego totum dedi, ego totum re habere volo; & cum magna diftrictione gratiarum actiones requiro.

3. Hæc eft veritas qua fugatur gloriæ vanitas. Et fi intraverit cæleftis gratia & vera caritas, non erit aliqua invidia, nec contractio cordis, neque privatus amor occupabit. Vincit enim omnia divina caritas, & dilatat omnes animæ vires. Si rectè fapis in me folo

gaudebis, in me solo sperabis; quia nemo bonus; nisi solus Deus, qui sum super omnia laudandus, & in omnibus benedicendus in sæcula sæculorum, Amen.

*Quòd spreto mundo dulce est servire  
Deo.*

## CAP. X.

## DISCIPULUS.

1. **N**UNC iterum loquar Domine, & non filebo; dicam in auri-  
bus *Dei mei, Domini mei, Regis mei,* <sup>Ps. 67. 25.</sup>  
*qui est in excelsis: O quàm magna mul-* <sup>Ps. 30. 20.</sup>  
*titudo dulcedinis tuæ Domine, quam ab-*  
*scondisti timentibus te!* Sed quid es aman-  
tibus? quid toto corde tibi fervienti-  
bus? Verè ineffabilis dulcedo contem-  
plationis tuæ, quam largiris amanti-  
bus te. In hoc maximè ostendisti mihi  
dulcedinem caritatis tuæ, quia cùm

158 DE IMITAT. CHRISTI  
non essem fecisti me: & cùm errarem  
longè à te reduxisti me ut servirem tibi:  
& præcepisti ut diligam te.

2. O fons amoris perpetui quid dicam de te! Quomodò potero tuū obli-  
visci, qui meū dignatus es recordari,  
etiam postquàm contabui & perij? Fe-  
cisti ultra omnem spem misericordiam  
cum servo tuo: & ultra omne meritum  
gratiam & amicitiam exhibuisti. Quid  
retribuam tibi pro gratia ista? Non  
enim omnibus datum est ut omnibus  
abdicatis sæculo renuncient, & mona-  
sticam vitam assumant. Numquid ma-  
gnum est ut tibi serviam, cui omnis  
creatura servire tenetur? Non magnum  
mihi videri debet servire tibi: sed po-  
tiùs hoc mihi magnum & mirandum  
apparet, quòd tam pauperem & indi-  
gnum dignaris in servum recipere, &  
dilectis servis tuis adunare.

3. Ecce omnia tua sunt quæ habeo,  
& unde tibi servio. Verumtamem vice

versa tu mihi magis servis quàm ego tibi. Ecce cælum, & terra, quæ in ministerium creasti hominis præsto sunt, & faciunt quotidie quæcumque mandasti. Et hoc parum est, quin etiam Angelos in ministerium hominis ordinasti. Transcendit autem hæc omnia, quòd tu ipse homini servire dignatus es, & teipsum daturum ei promifisti.

4. Quid dabo tibi pro omnibus istis millibus bonis? Utinam possem tibi servire cunctis debus vitæ meæ. Utinam vel uno die dignum servitium exhibere sufficerem. Verè tu es dignus omni servitio, omni honore & laude æterna. Verè tu Dominus meus es, & ego pauper servus tuus, qui totis viribus teneor tibi servire, nec umquam in laudibus tuis debeo fastidire. Sic volo, sic desidero: & quidquid mihi deest tu digneris supplere.

5. Magnus honor, magna gloria tibi servire, & omnia propter te con-

temnere. Habebunt enim gratiam magnam qui sponte se subjecerint tuæ sanctissimæ servituti. Invenient suavissimam Spiritus sancti consolationem, qui pro amore tuo omnem carnalem abjecerint delectationem. Consequentur magnam mentis libertatem qui arctam pro nomine tuo ingrediuntur viam, & omnem mundanam neglexerint curam.

6. O grata & jucunda Dei servitus, qua homo veraciter efficitur liber & sanctus! O sacer status religiosi famulatus, qui hominem Angelis reddit æqualem, Deo placabilem, dæmonibus terribilem, & cunctis fidelibus commendabilem! O amplectendum & semper optabile servitium, quo summum promeretur bonum, & gaudium acquiritur sine fine permanens!



*Quòd*



*Quòd desideria carnis examinanda sunt  
& moderanda.*

## CAP. XI.

SALVATOR.

I. **F**ILI oportet te adhuc multa ad-  
discere, quæ necdum bene di-  
dicisti.

DISCIPULUS.

Quæ sunt hæc Domine?

SALVATOR.

Ut desiderium tuum ponas totali-  
ter secundum beneplacitum meum, &  
tui ipsius amator non sis; sed meæ vo-  
luntatis cupidus æmulator. Desideria  
te sæpe accendunt & vehementer im-  
pellunt, sed considera an propter ho-  
norem meum, an propter tuum com-  
modum magis movearis. Si ego sum in  
causa bene contentus eris quomodo.

L

cumque ordinavero; si autem de proprio quæsitu aliquid latet, ecce hoc est quod te impedit & gravat.

2. Cave ergo ne nimium innitaris super desiderio præconcepto, me non consulto; ne fortè postea pœniteat, & displiceat quod primò placuit & quasi pro meliore zelasti. Non enim omnis affectio, quæ videtur bona, statim est sequenda: sed neque omnis contraria affectio ad primum fugienda. Expedit interdum refrænatione uti etiam in bonis studiis & desideriis; ne per importunitatem, mentis distractionem incurras; ne aliis per indisciplinationem scandalum generès; vel etiam per resistantiam aliorum subitò turberis & corruas.

3. Interdum verò oportet violentia uti, & viriliter appetitui sensitivo contraire; nec advertere quid velit caro, & quid non velit: sed hoc magis fatagere, ut subjecta sit etiam nolens spi-

ritui. Et tamdiu castigari debet, & cogi servituti subesse, donec parata sit ad omnia, paucisque contentari discat, & in simplicibus delectari, nec contra aliquod inconveniens murmurare.

---

*De informatione patientiæ, & luctamine adversus concupiscentias.*

## CAP. XII.

## DISCIPULUS.

I. **D**OMINE Deus, ut video patientia est mihi valde necessaria: multa enim in hac vita accidunt contraria. Nam qualitercumque ordinavero de pace mea non potest esse sine bello & dolore vita mea.

## SALVATOR.

Ita est fili, sed nolo te talem quærere pacem, quæ tentationibus careat, aut contraria non sentiat: sed tunc etiam

L ij

164 DE IMITAT. CHRISTI  
te pacem æstima invenisse cùm fueris:  
variis tentationibus exercitatus, & in  
multis contrarietatibus probatus.

2. Si dixeris non posse multa pati;  
quomodò tunc sustinebis ignem Pur-  
gatorij? De duobus malis minus sem-  
per est eligendum. Ut ergo æterna sup-  
plicia futura possis evadere, mala præ-  
sentia studeas pro Deo æquanimiter  
tolerare. An putas quòd homines sæ-  
culi hujus nihil aut parum patiantur?  
Neque hoc invenies, etiamsi delica-  
tissimos quæsieris. Sed habent, inquis,  
multas delectationes & proprias se-  
quuntur voluntates, ideóque parum  
ponderant suas tribulationes. Esto ita  
ut habeant quidquid voluerint; sed  
quamdiu, putas, durabit?

3. Ecce quemadmodum fumus de-  
ficient omnes abundantes in sæculo,  
& nulla erit recordatio præteritorum  
gaudiorum. Sed & cùm adhuc vivunt  
non sine amaritudine, tædio, ac timore

in eis quiescunt. Ex eadem namque re unde delectationem concipiunt sibi, pœnam frequenter recipiunt; & justè illis fit, ut quia inordinatè delectationes quærunt & sequuntur, non sine amaritudine ac confusione eas expleant.

4. O quàm breves, quàm falsæ; quàm inordinatæ atque turpes omnes istæ sunt! Verumtamen illi præ ebrietate ac mentis cæcitate non intelligunt; sed velut muta animalia propter modicum corruptibilis vitæ delectamentum, mortem animæ incurrunt.

Tu ergo fili *post concupiscentias tuas* <sup>Eccl. 18. 30.</sup> *non eas, & à voluntate tua avertere.*

*Delectare in Domino, & dabit tibi promotiones cordis tui.* <sup>Psal. 36. 4.</sup>

5. Etenim si veraciter vis delectari & abundantius à me consolari, ecce in contemptu omnium mundanorum, & in abscissione omnium infimarum delectationum erit benedictio

tua , & copiosa tibi reddetur consolatio. Et quanto plus te ab omni solatio creaturarum subtraxeris , tanto in me suaviores & potentiores consolationes invenies. Sed primò non sine quadam tristitia & labore certaminis ad has pertinges. Obsistet enim inolitata consuetudo , sed meliori consuetudine devincetur. Remurmurabit caro , sed fervore spiritus frænabitur. Instigabit & exacerbat te serpens antiquus; sed oratione fugabitur, insuper & labore utili aditus ei magnus obstruetur.

---

*De obedientia humilis subditi ad exemplum JESU CHRISTI.*

C A P. XIII.

I. **F**ILI qui se subtrahere nititur ab obedientia , ipse se subtrahit à gratia. Et qui quærit habere privata,

amittit communia. Qui non libenter & sponte suo Superiori se subdit, signum est quòd caro sua necdum perfectè sibi obedit, sed sæpe recalcitrat & murmurat. Disce ergo Superiori tuo celeriter te submittere, si carnem propriam optas subjugare. Citius namque exterior vincitur inimicus, si interior homo non fuerit devastatus. Non est molestior & pejor animæ hostis, quàm tu ipse tibi, non bene concordans spiritui. Oportet enim verum te assumere tui ipsius contemptum, si vis prævalere adversus carnem & sanguinem.

2. Quia adhuc nimis inordinate te diligis, ideo plenè te resignare aliorum voluntati trepidas. Sed quid magnum si tu qui pulvis es & nihil, propter Deum te subdis homini, quando ego Omnipotens & Altissimus, qui cuncta creavi ex nihilo, me homini propter te subjeci humiliter? Factus sum enim omnium humillimus & in-

finus, ut tuam superbiam mea humilitate vinceret. Disce obtemperare pulvis. Disce te humiliare terra & limus, & sub omnium pedibus incurvare. Disce voluntates tuas frangere, & ad omnem subjectionem te dare.

3. Exardesce contra te, nec patiaris tumorem in te vivere; sed ita subiectum te ac parvulum exhibe, ut omnes super te ambulare possint, & sicut lutum platearum conculcare. Quid habes, homo inanis, conqueri? Quid fordide peccator potes contradicere exprobrantibus tibi, qui toties Deum offendisti, & toties infernum meruisti? Sed pepercit tibi oculus meus, quia pretiosa fuit anima tua in conspectu meo: ut cognosceres dilectionem meam, & gratus semper beneficiis meis existeres: & ut ad veram subjectionem & humilitatem te jugiter dares, patienterque proprium contemp-  
tum ferres.



*De occultis Dei judiciis considerandis, ne  
extollamur in bonis.*

## CAP. XIV.

## DISCIPULUS.

1. **I**NTONAS super me judicia tua,  
Domine, & timore ac tremore  
concutis omnia ossa mea; & expaves-  
cit anima mea valde. Sto attonitus,  
& confidero: quia *celi non sunt mun-* \* Job. 15. 35.  
*di in conspectu tuo.* Si *in Angelis repe-* \* Apoc. 8. 12.  
*risti pravitatem*, nec tamen pepercisti,  
quid fiet de me? *Ceciderunt stellæ de*  
*caelo*, & ego pulvis quid præsumo?  
Quorum opera videbantur laudabilia,  
cecidērunt ad infima: & qui comede-  
bant panem Angelorum, vidi filiquis  
delectari porcorum.

2. Nulla est ergo sanctitas si ma-  
num tuam, Domine, subtrahas. Nul-  
la sapientia prodest si gubernare desi-

stas. Nulla juvat fortitudo si conservare definas. Nulla secura castitas si eam non protegas. Nulla propria prodest custodia si non adsit tua sancta vigilantia. Nam relictī mergimur & perimus; visitati verò vivimus & erigimur. Instabiles quippe sumus, sed propter te confirmamur; tepescimus, sed à te accendimur.

3. O quàm humiliter & abjectè mihi de meipso sentiendum est! quàm vilipendendum si quid boni videar habere! O quàm profundè me submittere debeo sub abyssalibus judiciis tuis, Domine! ubi nihil aliud me esse invenio, quàm nihil & nihil. O pondus immensum! ô pelagus intransnatabile! ubi aliud nihil de me reperio, quàm in toto nihil. Ubi est ergo latebra gloriæ? ubi confidentia de virtute concepta? Absorpta est omnis gloriatio vana in profunditate judiciorum tuorum super me.

4. Quid est omnis caro in conspectu tuo? *Numquid gloriabitur lutum*<sup>Isai. 29. 16. 45. 9.</sup> *contra formantem se?* Quomodo potest erigi vaniloquio, cujus cor in veritate subiectum est Deo? Non cum totus mundus eriget, quem veritas sibi subiecit; nec omnium laudantium ore movebitur, qui totam spem suam in Deo firmavit. Nam & ipsi qui loquuntur ecce omnes nihil; deficient enim cum sonitu verborum, *Veritas autem*<sup>Ps. 116. 2.</sup> *Domini manet in eternum.*

---

*Qualiter standum sit, ac dicendum, in omni re desiderabili.*

## CAP. XV.

## SALVATOR.

I. **F**ILI sic dicas in omni re: Domine si tibi placitum fuerit, fiat hoc ita. Domine si sit honor tuus, fiat in nomine tuo hoc. Domine si mihi vi-

172 DE IMITAT. CHRISTI  
deris expedire , & utile esse probaveris, tunc dona mihi hoc uti ad honorem tuum. Sed si mihi nocivum fore cognoveris, nec animæ meæ salutî prodesse, aufer à me tale desiderium. Non enim omne desiderium à Spiritu sancto est , etiam si homini videatur rectum & bonum. Difficile est pro vero judicare , utrum spiritus bonus an alienus te impellat ad desiderandum hoc vel illud ; an etiam ex proprio movearis spiritu. Multi in fine sunt decepti , qui primò bono spiritu videbantur inducti.

2. Igitur semper cum timore Dei, & cordis humilitate desiderandum est & petendum quidquid desiderabile menti occurrit ; maximèque cum propria resignatione mihi totum commitendum est , atque dicendum : Domine tu scis qualiter melius est , fiat hoc vel istud , sicut volueris. Da quod vis, & quantum vis , & quando vis. Fac

mecum sicut ſcis , & ſicut tibi magis placuerit , & major honor tuus fuerit. Pone me ubi vis , & liberè age mecum in omnibus. In manu tua ſum , gyra & reverſa me per circuitum. En ego ſervus tuus paratus ad omnia : quoniam non deſidero mihi vivere , ſed tibi : utinam dignè atque perfectè.

*Oratio pro beneplacito Dei perficiendo.*

DISCIPULUS.

3. **C**ONCEDE mihi , benigniſſime Jeſu , gratiam tuam , ut mecum ſit , & mecum laboret , mecúmque uſque in finem perfeveret. Da mihi ſemper deſiderare & velle quod tibi magis acceptum , & cariùs placet. Tua voluntas mea ſit : & mea voluntas tuam ſequatur ſemper , & optimè ei concordet. Sit mihi unum velle & nolle tecum : nec aliud poſſe velle aut nolle niſi quod tu vis aut non vis.

4. Da mihi omnibus mori quæ in

174 DE IMITAT. CHRISTI  
mundo sunt: & propter te amare con-  
temni, & nesciri in hoc sæculo. Da  
mihi super omnia desiderata in te qui-  
escere, & cor meum in te pacificare.  
Tu vera pax cordis, tu sola requies:  
extra te omnia sunt dura & inquieta.

*Psalm. 4. 9.* *In hac pace in idipsum, hoc est, in te  
uno summo, æterno Bono dormiam &  
requiescam.*

---

*Quòd verum solatium in solo Deo qua-  
rendum est.*

CAP. XVI.

DISCIPULUS.

I. **Q**UIDQUID desiderare possum  
vel cogitare ad solatium meum  
non hîc expecto, sed in posterum.  
quòd si omnia solatia mundi solus ha-  
berem, & omnibus divitiis frui possem,  
certum est quòd diu durare non pos-  
sent. Unde non poteris anima mea ple-

nè consolari, nec perfectè recreari, nisi in Deo consolatore pauperum & susceptore humilium. Expecta modicum anima mea, expecta divinum promissum, & habebis abundantiam omnium bonorum in cælo. Si nimis inordinatè ista appetis præsentia, perdes æterna & cælestia. Sint temporalia in usu, æterna in desiderio. Non potes aliquo bono temporali satiari, quia ad hæc fruenda non es creata.

2. Et si omnia bona creata haberès, non posses esse felix & beata : sed in Deo, qui cuncta creavit, tota beatitudo tua & felicitas consistit : non qualis videtur & laudatur à stultis mundi amatoribus : sed qualem expectant boni Christi fideles, & prægustant interdum spiritales ac mundi corde, quorum conversatio est in cælis. Vanum est & breve omne humanum solatium. Beatum & verum solatium quod intus à veritate percipitur. Devotus homo ubi-

176 DE IMITAT. CHRISTI  
que secum fert consolatorem suum JE-  
sum, & dicit ad eum: Adesto mihi, Do-  
mine Jesu, in omni loco & tempore.  
Hæc mihi sit consolatio libenter velle  
carere omni humano solatio. Et si tua  
defuerit consolatio, sit mihi tua volun-  
tas & iusta probatio pro summo sola-  
tio: *Non enim in perpetuum irascēris,  
neque in æternum comminaberis.*

---

*Quòd omnis sollicitudo in Deo statuenda  
est.*

C A P. XVII.

S A L V A T O R.

I. **F**ILI sine me tecum agere quod  
volo: ego scio quid expediat ti-  
bi. Tu cogitas ut homo. Tu sentis in  
multis sicut humanus suadet affectus.

D I S C I P U L U S.

Domine verum est quod dicis. Ma-  
ior est sollicitudo tua circa me, quàm  
omnis



omnis cura, quàm ego gerere possim pro me. Nimis enim casualiter stat, qui non projicit omnem sollicitudinem suam in te. Domine dummodò voluntas mea recta & firma ad te permaneat, fac de me quidquid tibi placuerit. Non enim potest esse nisi bonum quidquid de me feceris.

2. Si me vis esse in tenebris, sis benedictus: & si me vis esse in luce, sis iterum benedictus. Si me dignaris consolari, sis benedictus: & si me vis tribulari, sis æquè semper benedictus.

## SALVATOR.

Fili sic oportet te stare si mecum desideras ambulare. Ita promptus esse debes ad patiendum, sicut ad gaudendum. Ita libenter debes esse inops & pauper sicut plenus & dives.

## DISCIPULUS.

3. Domine libenter patiar pro te  
M

178 DE IMITAT. CHRISTI  
quidquid volueris venire super me.  
Indifferenter volo de manu tua bonum & malum; dulce & amarum; lætum & triste suscipere; & pro omnibus mihi contingentibus gratias agere. Custodi me ab omni peccato, & non timebo mortem nec infernum: dummodò in æternum me non proicias, nec deleas me de Libro Vitæ, non mihi nocebit quidquid tribulationis venerit super me.

---

*Quòd temporales miseriæ exemplo Christi  
aquamiter sunt ferendæ.*

C A P. XVIII.

S A L V A T O R.

I. **F**ILI ego descendi de cælo pro tua salute; suscepi tuas misérias, non necessitate, sed caritare trahente; ut patientiam discerès, & temporales misérias non indignanter ferres. Nam

LIBER III. Cap. XVIII. 179  
ab hora ortûs mei usque ad exitum in  
cruce non defuit mihi tolerantia dolo-  
ris. Defectum rerum temporalium ma-  
gnum habui; multas querimonias de  
me frequenter audiui: confusiones,  
& opprobria benignè sustinui: pro be-  
neficiis ingratitudinem recepi: pro mi-  
raculis blasphemias: pro doctrina re-  
prehensiones.

DISCIPULUS.

2. Domine quia fuisti patiens in  
vita tua, in hoc maximè implendo præ-  
ceptum Patris tui, dignum est ut ego  
miserrimus peccator secundum volun-  
tatem tuam patienter me sustineam: &  
donec ipse volueris onus corruptibilis  
vitæ pro salute mea portem. Nam etsi  
onerosa sentitur præsens vita, facta est  
tamem jam per gratiam tuam valde  
meritoria: exemploque tuo, & tuo-  
rum vestigiis Sanctorum tolerabilior  
infirmis & clarior. Sed & multo ma-

M ij

gis consolatoria quàm olim in Legge veteri fuerat , cùm porta cæli clausa perfisteret : & obscurior etiam via ad cælum videbatur quando tam pauci regnum cælorum quærere curabant. Sed neque qui tunc salvandi & iusti erant antè passionem tuam & sacræ mortis debitum , cæleste regnum poterant introire.

3. O quantas tibi gratias teneor referre , quòd rectam & bonam viam dignatus es mihi & cunctis fidelibus ad æternum regnum tuum ostendere ! Nam vita tua , via nostra : & per sanctam patientiam ambulamus ad te , qui es corona nostra. Nisi tu præcessisses & docuisses , quis sequi curaret ? Heu quanti longè retróque remanerent , nisi tua præclara exempla inspicerent ! Ecce adhuc tepescimus auditis tot signis tuis & doctrinis : quid fieret si tantum lumen ad sequendum te non haberemus ?

*De tolerantia injuriarum: & quis verus  
patiens probetur.*

## CAP. XIX.

SALVATOR.

1. **Q**UID est quod loqueris, fili? Cessa conqueri, considerata mea & aliorum Sanctorum passione. *Nondum enim usque ad sanguinem resti-* \* Heb. 12. 4. *tisti.* Parum est quod tu pateris in comparatione eorum qui tam multa passi sunt, tam fortiter tentati, tam graviter tribulati, tam multipliciter probati & exercitati. Oportet te igitur aliorum graviora ad mentem reducere, ut leviùs feras tua minima. Et si tibi minima non videntur, vide ne & hoc tibi faciat tua impatientia. Sive tamen parva sive magna sint, stude cuncta patienter sufferre.

2. Quanto meliùs ad patiendum te

M iij

disponis, tanto sapientiùs agis, & ampliùs promereris; & feres leviùs animo & usu ad hoc non segniter paratus. Nec dicas: Non valeo hoc à tali homine pati, nec hujuscemodi mihi patienda sunt: grave enim intulit damnum, & impropere mihi quæ nunquam cogitaveram; sed ab alio libenter patiar, & sicut patienda videro. Insuper est talis cogitatio, quæ virtutem patientiæ non considerat, nec à quo coronanda erit, sed magis personas, & illatas sibi offensas perpendit.

3. Non est verus patiens qui pati non vult, nisi quantum sibi visum fuerit, & à quo sibi placuerit. Verus autem patiens non attendit à quo homine, utrum à Prælato suo, an ab aliquo æquali, aut inferiori: utrum à bono & sancto viro, vel à perverso & indigno exerceatur. Sed indifferenter ab omni creatura quantumcumque, & quotiescumque ei aliquid adversi acciderit,

LIBER III. Cap. XIX. 183  
totum hoc grantanter de manu Dei accipit, & ingens lucrum reputat: quia nihil apud Deum quantumcumque parvum pro Deo tamen passum, poterit sine merito transire.

4. Esto igitur expeditus ad pugnam si vis habere victoriam. Sine certamine non potes pervenire ad patientiæ coronam. Si pati non vis, recusas coronari. Si autem coronari desideras, certa viriliter, sustine patienter. Sine labore non tenditur ad requiem, nec sine pugna pervenitur ad victoriam.

#### DISCIPULUS.

Fac mihi, Domine, possibile per gratiam quod mihi impossibile videtur per naturam. Tu scis quòd modicum possum pati, & quòd cito deicior levi exurgente adversitate. Efficiatur mihi quælibet exercitatio tribulationis & adversitatis pro nomine tuo amabilis & acceptabilis: nam pa-

M iiij

184 DE IMITAT. CHRISTI  
ti & vexari pro te valde salubre est  
animæ meæ.

---

*De confessione propria infirmitatis , &  
hujus vite miseriis.*

C A P. XX.

D I S C I P U L U S.

*Psal. 38. 5. 1.* **C**ONFITEBOR *adversum me in-*  
*justitiam meam*; confitebor ti-  
bi Domine infirmitatem meam. Sæpe  
parva res est quæ me dejicit & con-  
tristat. Propono me fortiter acturum,  
sed cùm modica tentatio advenerit,  
magna mihi angustia fit. Valde vilis  
quandoque res est unde gravis tenta-  
tio provenit. Et dum puto me aliquan-  
tulùm tutum, cùm non sentio, invenio  
me nunnumquam pænè devictum ex  
levi flatu.

2. Vide ergo, Domine, humilita-  
tem meam, & fragilitatem tibi undi-



que notam. *Miserere mei, & eripe* <sup>Pf. 25. 11.</sup>  
*me de luto, ut non infigar,* <sup>Pf. 68. 15.</sup> non per-  
 maneam dejectus usquequaque. Hoc  
 est quod frequenter me reverberat, &  
 coram te confundit, quòd tam labi-  
 lis sum & infirmus ad resistendum pas-  
 sionibus. Et si non omnino ad consen-  
 sionem, tamen mihi etiam molesta &  
 gravis est earum infectatio; & tædet  
 valde sic quotidie vivere in lite. Ex-  
 hinc nota mihi fit infirmitas mea; quia  
 multò faciliùs irruunt abominandæ  
 semper phantasiæ, quàm discedant.

3. Utinam fortissime Deus Israël,  
 zelator animarum fidelium, respicias  
 servi tui laborem & dolorem; assiste  
 que illi in omnibus ad quæcumque  
 perrexerit. Robora mē cælesti forti-  
 tudine, ne vetus homo, misera caro  
 necdum spiritui subjecta valeat domi-  
 nari: adversus quam certare oportebit  
 quamdiu spiratur in hac vita miserrima.  
 Heu qualis est hæc vita, ubi non

defunt tribulationes & miseriæ; ubi plena laqueis & hostibus sunt omnia! Nam una tribulatione, seu tentatione recedente, alia repente accedit; sed & adhuc priore durante conflictu, aliæ plures superveniunt & insperatæ.

4. Et quomodò amari potest vita habens tantas amaritudines, tot subiecta calamitatibus & miseriis? Quomodò etiam dicitur vita tot generans mortes & pestes? Et tamen amatur, & in ea delectari à multis quæritur. Reprehenditur frequenter mundus quòd fallax sit & vanus; nec tamen facilè relinquitur: quia concupiscentiæ carnis nimium dominantur. Sed alia trahunt ad amandum, alia ad contemnendum. Trahunt quidem ad amorem mundi, *desiderium carnis, desiderium oculorum, & superbia vite*: pœnæ autem ac miseriæ sequentes, & odium mundi pariunt & tædium.

1. Ioan. 2. 16.

5. Sed vincit, proh dolor! dele-

ctatio prava mentem mundo deditam,  
*& esse sub sentibus delicias reputat,* *Iob. 30. 7*  
 quia Dei suavitates, & internam virtutis amœnitatem nec vidit, nec gustavit. Qui autem mundum perfectè contemnunt, & Deo vivere sub sancta disciplina student, isti dulcedinem divinam, veris abrenunciatoribus promissam, non ignorant, & quàm graviter mundus errat, varièque fallitur clariùs vident.

---

*Quòd in Deo super omnia bona & dona  
 requiescendum est.*

## CAP. XXI.

## DISCIPULUS.

I. **S**UPER omnia & in omnibus requiesce anima mea in Domino semper, quia ipse est Sanctorum æterna requies. Da mihi, dulcissime & amantissime Jesu, in te super omnem

creaturam requiescere, super omnem salutem, & pulcritudinem: super omnem gloriam & honorem: super omnem potentiam & dignitatem: super omnem scientiam & subtilitatem: super omnes divitijs & artes: super omnem lætitiā & exultationem: super omnem famam & laudem: super omnem suavitatem & consolationem: super omnem spem & promissionem: super omne meritum & desiderium: super omnia dona & munera, quæ potes dare atque infundere: super omne gaudium & jubilationem, quam potest mens capere ac sentire: denique super Angelos & Archangelos & super omnem exercitum cæli: super omnia visibilia & invisibilia: & super omne quod tu Deus meus non es.

2. Quia tu Domine Deus meus super omnia bonus es; tu solus altissimus; tu solus potentissimus; tu solus sufficientissimus & plenissimus; tu solus

suavissimus & solatiosissimus; tu solus pulcherrimus & amantissimus; tu solus nobilissimus & gloriosissimus super omnia: in quo cuncta bona simul perfectè sunt, fuerunt, & semper erunt: atque ideo minus est & insufficiens quidquid præter te ipsum mihi donas, aut de te ipso revelas, vel promittis, te non viso nec plenè adepto. Quoniam quidem non potest cor meum veraciter requiescere, nec totaliter contentari, nisi in te requiescat, omniàque dona, omnemque creaturam transcendat.

3. O mi dilectissime sponse JESU CHRISTE, amator purissime, dominator universæ creaturæ: quis mihi det pennas veræ libertatis ad volandum, & pausandum in te? O quando ad plenum dabitur vacare mihi, & videre quàm suavis es Domine Deus meus! Quando ad plenum me recoligam in te: ut præ amore tuo non sen-

190 DE IMITAT. CHRISTI  
tiam me, sed te solum supra omnem  
sensum & modum, in modo non om-  
nibus noto! Nunc autem frequenter  
gemo, & infelicitatem meam cum do-  
lore porto. Quia multa mala in hac  
valle miseriarum occurrunt, quæ me  
sæpius conturbant, contristant & ob-  
nubilant; sæpius impediunt & distra-  
hant, alliciunt & implicant; ne libe-  
rum habeam accessum ad te; & ne  
jucundis fruar amplexibus præsto bea-  
tis semper spiritibus. Moveat te suspi-  
rium meum & desolatio multiplex in  
terra.

4. O Jesu splendor æternæ gloriæ,  
solamen peregrinantis animæ: apud  
te est os meum sine voce, & silen-  
tium meum loquitur tibi. Usquequo  
tardat venire Dominus meus? Veniat  
ad me pauperulum suum & lætum fa-  
ciat. Mittat manum suam, & miserum  
eripiat de omni angustia. Veni, veni,  
quia sine te nulla erit læta dies aut ho-

ra ; quia tu lætitia mea , & sine te vacua est mensa mea. Miser sum , & quodammodò incarceratus & compedibus gravatus ; donec luce præsentia tuæ me reficias , ac libertati dones , vultumque amabilem demonstres.

5. Quærant alij pro te aliud quodcumque libuerit : mihi aliud interim nihil placet , nec placebit , nisi tu Deus meus , spes mea , salus æterna. Non reticebo , nec deprecari cessabo , donec gratia tua revertatur , mihi que tu intus loquaris.

## SALVATOR.

6. Ecce adsum : Ecce ego ad te , quia invocasti me ; lacrymæ tuæ & desiderium animæ tuæ , humiliatio tua , & contritio cordis tui inclinaverunt me , & adduxerunt ad te.

## DISCIPULUS.

Et dixi : Domine invocavi te , &

192 DE IMITAT. CHRISTI  
desideravi frui te , paratus omnia re-  
spuere propter te. Tu enim prior ex-  
citasti me ut quærerem te. Sis ergo  
benedictus , Domine , qui fecisti hanc  
bonitatem cum servo tuo secundum  
multitudinem misericordiæ tuæ.

7. Quid habet ultrà dicere , Domi-  
ne , servus tuus coram te , nisi ut hu-  
miliet se valde ante te , memor sem-  
per propriæ vilitatis & iniquitatis ?  
Non enim est similis tuû in cunctis  
mirabilibus cæli & terræ. Sunt opera  
tua bona valde , judicia tua vera , &  
providentiâ tuâ reguntur universa.  
Laus ergo tibi & gloria , ô Patris sa-  
pientia : te laudet & benedicat os  
meum , anima mea , & cuncta creata  
simul.



*De*



*De recordatione multiplicium beneficiorum Dei.*

## CAP. XXII.

I. **A**PERI Domine cor meum in lege tua, & in preceptis tuis doce me ambulare. Da mihi intelligere voluntatem tuam: & cum magna reverentia ac diligenti consideratione beneficia tua, tam in generali quam in speciali memorari: ut digne tibi ex hinc valeam gratias referre. Verum scio, & confiteor nec pro minimo puncto me posse debitas gratiarum laudes persolvere. Minor ego sum omnibus bonis mihi præstitis: & cum tuam nobilitatem attendo, deficit præ magnitudine illius spiritus meus.

2. Omnia quæ in anima & in corpore habemus, & quæcunque exterius vel interius, naturaliter vel super-

N

naturaliter possidemus, tua sunt beneficia, & te beneficium, pium, ac bonum commendant, à quo bona cuncta accepimus. Et si alius accipit plura, alius pauciora, omnia tamen tua sunt, & sine te nec minimum haberi potest. Ille qui majora accepit non potest suo merito gloriari, neque super alios extolli, nec insultare minori: quia ille major & melior qui sibi minus adscribit, & in regratiando humilior est atque devotior. Et qui omnibus se viliolem existimat, & judicat indigniorem, aptior est ad percipiendum majora.

3. Qui autem pauciora accepit, contristari non debet, nec indignanter ferre, neque invidere ditiori, sed te potius attendere, & tuam bonitatem maximè laudare, quòd tam sufficienter & affluenter, tam gratis, & libenter, sine personarum acceptione tua munera largiaris. Omnia ex te, & ideo

in omnibus es laudandus. Tu scis quid unicuique donari expediat: & cur iste minùs, & ille ampliùs habeat, non nostrum, sed tuum est hoc discernere, apud quem singulorum definita sunt merita.

4. Unde, Domine Deus, pro magno etiam reputo beneficio non multa habere, unde exterius & secundùm homines laus appareat & gloria; ita ut quis, considerata paupertate ac vilitate personæ suæ, non modò nullam gravitatem, aut tristitiam vel dejectionem inde concipiat; sed potiùs consolationem & hilaritatem magnam: quia tu Deus pauperes, & humiles, atque huic mundo despectos tibi elegisti in familiares & domesticos. Testes sunt ipsi Apostoli tui, quos principes constituisti super omnem terram. Et fuerunt tamen sine querela conversati in mundo, tam humiles & simplices, sine omni malitia & dolo,

ut etiam pati contumelias pro nomine tuo gauderent: & quæ mundus abhorret, ipsi amplecterentur affectu magno.

5. Nihil ergo amatorem tuum, & cognitorem beneficiorum tuorum ita lætificare debet, sicut voluntas tua in eo, & beneplacitum æternæ dispositionis tuæ; de qua tantum contentari debet & consolari, ut ita libenter velit esse minimus sicut alius optaret esse maximus: & ita pacificus & contentus in novissimo sicut in loco primo: atque ita libenter despicibilis & abjectus, nullius quoque nominis & famæ, sicut ceteris honorabilior & major in mundo. Nam voluntas tua & amor honoris tui omnia excedere debet; & plus eum consolari, magisque placere, quam omnia beneficia sibi data vel danda.

*De quatuor magnam importantibus  
pacem.*

C A P. XXIII.

S A L V A T O R.

1. **F**ILI nunc docebo te viam pacis,  
& veræ libertatis.

D I S C I P U L U S.

Fac Domine quod dicis, quia hoc  
mihi gratum est audire.

S A L V A T O R.

Stude fili alterius facere voluntatem  
potius quam tuam. Elige semper  
minus quam plus habere. Quære semper  
inferiorem locum & omnibus subesse.  
Opta semper & ora, ut Dei voluntas  
intègre in te atque in omnibus fiat.  
Ecce talis homo ingreditur fines  
pacis, & quietis.

N iiij

## DISCIPULUS.

2. Domine sermo tuus iste brevis multum in se continet perfectionis: Parvus est dictu, sed plenus sensu & uber in fructu. Nam si posset à me fideliter custodiri, non deberet in me turbatio tam facilis oriri. Nam quoties me impacatum sensio & gravatum, ab hac doctrina me recessisse invenio. Sed tu qui omnia potes & profectum animæ semper diligis, adauge maiorem gratiam; ut possim tuum complere sermonem, & meam perficere salutem.

*Oratio contra malas cogitationes.*

## DISCIPULUS.

<sup>Ps. 70. 12. 3.</sup> **D**OMINE, *Deus meus, ne elongeris à me: Deus meus in auxilium meum respice: quoniam insurrexerunt in me variæ cogitationes & timores magni affligentes animam meam. Quo-*

LIBER III. Cap. XXIII. 199  
modò pertransibo illæsus ? Quomodo  
perfringam eas.

SALVATOR.

*Ego, inquit, ante te ibo, & glorio-* *Isa. 45. 2*  
*fos terre humiliabo. Aperiam januas*  
*carceris, & arcana secretorum reve-*  
*labo tibi.*

DISCIPULUS.

Fac Domine ut loqueris : & fugiant  
à facie tua omnes iniquæ cogitatio-  
nes. Hæc spes & unica consolatio mea  
ad te in omni tribulatione mea con-  
fugere, tibi confidere, te ex intimo  
affectu invocare, & patienter conso-  
lationem tuam expectare.

*Oratio pro illuminatione mentis.*

4. **C**LARIFICA me, bone Jesu, cla-  
ritate interni luminis, & educ  
de habitaculo cordis mei tenebras uni-  
versas. Cohibe evagationes malas, &  
elide vim facientes tentationes. Pu-

N iiiij

gna pro me fortiter, & expugna malas bestias, concupiscētiās dico illecebrosas; ut fiat pax in virtute tua, & abundantia laudis resonet in aula sancta, hoc est, in conscientia pura. Impera ventis, & tempestatibus: dic mari, quiesce; ac Aquiloni, ne flaveris, & erit tranquillitas magna.

*\* Ps. 142. 3.* 5. *Emitte lucem tuam & veritatem tuam*, ut luceant super terram: quia terra sum inanis, & vacua donec illumines me. Effunde gratiam tuam de super: perfunde cor meum rore cælesti: ministra devotionis aquas ad irrigandum faciem terræ, ad producendum fructum bonum & optimum. Eleva mentem pressam molé peccatorum, & ad cælestia totum desiderium meum suspende; ut gustata suavitate supernæ felicitatis pigeat de terrenis cogitare.

6. *Rape me & eripe me ab omni creaturarum indurabili consolatione*: quia nulla res creata valet appetitum



LIBER III. Cap. XXIV. 201

meum plenariè quietare & consolari.  
Junge me tibi inseparabili dilectionis  
vinculo : quoniam tu solus sufficis  
amanti, & absque te frivola & vana  
sunt universa.

*De evitacione curiose inquisitionis super*

*alterius vita.*

CAP. XXIV.

SALVATOR.

**F**ili, noli esse curiosus, nec vagas  
agere sollicitudines. *Quid hoc vel* 10. 21. 22.  
*illud ad te ? tu me sequere.* Quid enim  
ad te utrum ille fit talis vel talis ; aut  
iste sic, & sic agat, vel loquatur ? Tu  
non indiges respondere pro aliis, sed  
pro te ipso rationem reddes. Quid er-  
go te implicas ? Ecce ego omnes co-  
gnosco : & cuncta quæ sub sole fiunt  
video : & scio qualiter cum unoquoque  
sit, quid cogitet, quid velit, & ad quem

finem tendat ejus intentio. Mihi igitur committenda sunt omnia, tu verò serva te in bona pace, & dimitte agitantem agitare quantum voluerit. Veniet super eum quidquid dixerit vel fecerit, quia me fallere non potest.

2. Non sit tibi cura de magni nominis umbra, non de multorum familiaritate, nec de privata hominum dilectione. Ista enim generant distractiones & magnas in corde obscuritates. Libenter loquerer tibi verbum meum, & abscondita revelarem, si adventum meum diligenter observares, & ostium cordis mihi aperies. Esto providus, & vigila in orationibus, & humilia te in omnibus.



*In quibus vera pax cordis, & verus  
profectus consistit.*

## CAP. XXV.

1. **F**ILI ego locutus sum: *Pacem meam*<sup>16. 14. 27.</sup>  
*relinquo vobis, pacem meam do vo-*  
*bis: non quomodo mundus dat ego do vo-*  
*bis.* Pacem omnes desiderant, sed quæ  
ad veram pacem pertinent, non omnes  
curant. Pax mea cum humilibus &  
mansuetis corde. Pax tua erit in multa  
patientia. Si me audieris, & vocem  
meam secutus fueris, poteris multa  
pace frui.

## DISCIPULUS.

Quid igitur faciam?

## SALVATOR.

In omni re attende tibi quid facias,  
& quid dicas: & omnem intentionem  
tuam dirige ad hoc, ut mihi soli pla-  
ceas, & extra me nihil cupias vel quæ-

ras. Sed & de aliorum dictis vel factis nihil temere iudices; nec cum rebus tibi non commissis te implices; & poterit fieri ut parum vel raro turberis.

2. Numquam autem sentire aliquam turbationem, nec aliquam pari cordis vel corporis molestiam, non est præsentis temporis, sed status eternæ quietis. Non ergo æstimes te veram pacem invenisse, si nullam senseris gravitatem, nec tunc totum esse bonum, si neminem patiaris adversarium: nec hoc esse perfectum si cuncta fiant secundum tuum affectum. Neque tunc aliquid magni te reputes, aut specialiter dilectum æstimes, si in magna fueris devotione aut dulcedine: quia in istis non cognoscitur verus amator virtutis; nec in istis consistit profectus & perfectio hominis.

#### DISCIPULUS.

3. In quo ergo Domine?

## SALVATOR.

In offerendo te ex toto corde tuo voluntati divinæ, non quærendo quæ tua sunt, nec in parvo, nec in magno, nec in tempore, nec in æternitate: ita ut una & æquali facie in gratiarum actione perman eas inter prospera & contraria, omnia æquæ lance pensando. Si fueris tam fortis & longanimis in spe, ut subtracta interiori consolatione, etiam ad ampliora sustinenda cor tuum præparaveris, nec te justificaveris, quasi hæc tantæque pati non deberes, sed me in omnibus dispositionibus meis justificaveris; & sanctum laudaveris, tunc in vera & recta via pacis ambularis, & spes indubitata erit, quod rursus in jubilo faciem meam sis visurus. Quod si ad plenum tui ipsius contemptum perveneris, scito quod tunc abundantia pacis perfrueris secundum possibilitatem tui incolatus.

*De eminentia liberæ mentis , quam sup-  
plex oratio magis meretur quàm  
frequens lectio.*

## CAP. XXVI.

## DISCIPULUS.

1. **D**OMINE hoc opus est perfecti viri, numquam ab intentione cælestium animum relaxare ; & inter multas curas quasi sine cura transire : non more torpentis , sed prærogativâ quadam liberæ mentis nulli creaturæ inordinata affectione adhærendo.

2. Obsecrote, piissime Deus meus, præservame à curis hujus vitæ, ne nimis implicer à multis necessitatibus corporis, ne voluptate capiar; ab universis animæ obstaculis, ne molestiis fractus dejiciar. Non dico ab his rebus, quas toto affectu ambit mundus, sive mundana vanitas; sed ab his mi-

seriis, quæ animam servī tui communi maledicto mortalitatis pœnaliter gravant & retardant, ne in libertatem spiritûs, quoties libuerit, valeat introire.

3. O Deus meus, dulcedo ineffabilis, verte mihi in amaritudinem omnem consolationem carnalem, ab æternorum amore me abstrahentem, & ad se intuitu cujusdam boni delectabilis præsentis malè allicientem. Non me vincant, Deus meus, non me vincant caro & sanguis; non me decipiat mundus & brevis gloria ejus; non me supplantet diabolus, & astutia illius. Da mihi fortitudinem resistendi, patientiam tolerandi, constantiam perseverandi. Da pro omnibus mundi consolationibus suavissimam Spiritûs tui unctionem; & pro carnali amore, tui nominis infunde amorem.

4. Ecce cibus, potus, vestis, ac cetera utensilia, ad corporis sustentaculum pertinentia, ferventi spiritui sunt

208 DE IMITAT. CHRISTI  
onerosa. Tribue talibus fomentis tem-  
peratè uti, nōn desiderio nimio impli-  
cari. Abjicere omnia non licet; quia  
natura sustentanda est: requirere au-  
tem superflua & quæ magis delectant,  
lex sancta prohibet; nam aliàs caro ad-  
versus spiritum insolesceret. Inter hæc,  
quæso, manus tua me regat & doceat,  
ne quid nimium fiat.

*Quod privatus amor à summo Bonoma-  
ximè retardat.*

CAP. XXVII.  
SALVATOR.

1. **F**ILI oportet te dare totum pro  
toto, & nihil tui ipsius esse. Sci-  
to quod amor tui ipsius magis nocet ti-  
bi, quàm aliæ res mundi. Secundum  
amorem & affectum quem geris quæ-  
libet res plus vel minùs adhæret. Si fue-  
rit amor tuus purus, simplex, & hinc  
ordinatus,



LIBER III. Cap. XXVII. 209  
ordinatus, eris sine captivitate rerum.  
Noli concupiscere quod non licet ha-  
bere. Noli habere quod te impedire,  
& libertate interiori possit privare. Mi-  
rum quèd non ex toto fundo cordis te-  
ipsum mihi comittas, cum omnibus  
quæ desiderare potes vel habere.

2. Quare vano mœrore consumeris?  
Cur superfluis curis fatigaris? Sta ad  
beneplacitum meum, & nullum patie-  
ris detrimentum. Si quæsieris hoc vel  
illud, & volueris esse ibi vel ibi propter  
tuum commodum, & proprium be-  
neplacitum tuum magis habendum,  
numquam eris in quietudine, nèc li-  
ber à sollicitudine; quia reperietur in  
omni re aliquis defectus; & in omni  
loco erit qui adversetur.

3. Juvat ergo non quælibet res ade-  
pta, vel multiplicata exteriùs, sed po-  
tiùs contempta & decisa ex corde ra-  
dicitus. Quod non tantùm de censu  
æris, & divitiarum intelligas, sed de ho-

210 DE IMITAT. CHRISTI  
noris etiam ambitu, ac vanæ laudationis desiderio: quæ omnia transeunt cum mundo. Munit parum locus si deest spiritus fervoris: nec diu stabit pax illa quæ sita forinsecus, si vacat à vero fundamento status cordis; hoc est, nisi steteris in me; permutare te potes, sed non meliorare. Nam occasione orta & accepta invenies quod fugisti & ampliùs.

*Oratio pro purgatione cordis.*

DISCIPULUS.

4. CONFIRMA me Deus per gratiam sancti Spiritus. Da virtute corroborari in interiori homine, & cor meum ab omni inutili sollicitudine & angore evacuare, nec variis desideriis trahi cujuscumque rei vilis aut pretiosæ; sed omnia inspicere sicut transeuntia, & me pariter cum illis transiturum: quia <sup>\*Eccle 2. 11.</sup> *nihil permanens sub sole, ubi omnia vanitas, & afflictio spiritûs. O quàm*

LIBER III. Cap. XXVIII. 211  
sapientis qui ita considerat!

5. Da mihi Domine cælestem sapientiam, ut discam te super omnia quærere ac invenire; super omnia sapere ac diligere, atque cetera secundum ordinem sapientiæ tuæ prout sunt intelligere. Da prudenter declinare blandientem, & patienter ferre adversantem: quia hæc magna sapientia non moveri omni vento verborum: nec aurem malè blandienti præbere Sireni: sic enim incæptâ pergitur viâ securè.

---

*Contra linguas obtrectatorum.*

C A P. XXVIII.

S A L V A T O R.

1. **F**ILI non ægrè feras si quidam de te malè senserint, & dixerint quod non libenter audias. Tu deteriora de te ipso sentire debes, & neminem infirmiore te credere. Si ambu-

O ij

las ab intra non multum ponderabis volantia verba. Est non parva prudentia filere in tempore malo, & introrsus ad me converti, nec humano iudicio disturbari.

2. Non sit pax tua in ore hominum. Sive enim bene, sive malè interpretati fuerint, non es ideo alter homo. Ubi est vera pax & vera gloria? Nonne in me? Et qui non appetit hominibus placere, nec displicere timet, multa perfruetur pace. Ex inordinato amore ac vano timore oritur omnis inquietudo cordis, & distractio sensuum.

---

*Qualiter instante tribulatione Deus invocandus & benedicendus est.*

C A P. XXIX.

1. **S**IT nomen tuum, Domine, benedictum in sæcula, qui voluisti

hanc tentationem venire super me. Non possum eam effugere, sed necesse habeo ad te confugere, ut me adjuves, & ipsam in bonum mihi convertas. Domine modò sum in tribulatione, & non est cordi meo bene, sed multùm vexor à præsenti tribulatione. Et *nunc*, <sup>10. 12. 27.</sup> Pater dilecte, *quid dicam?* Deprehensus sum inter angustias. *Salvifica me* <sup>10. 12. 28.</sup> *ex hac hora. Sed propterea veni in' hanc horam, ut tu clarificeris*, cùm fuero valde humiliatus, & per te liberatus. *Com-* <sup>Ps. 39. 14.</sup> *placeat tibi, Domine, ut eruas me*; nam ego pauper quid agere possum, & quò ibo sine te? Da patientiam, Domine, etiam hac vice. Adjuva me, Deus meus, & non timebo quantumcumque gravatus fuero.

2. Et nunc inter hæc quid dicam? Domine, *fiat voluntas tua*. Ego bene <sup>Mat. 6. 10.</sup> merui tribulari & gravari. Oportet utique ut sustineam; & utinam patienter donec transeat tempestas, & melius

Q iij

## 214 DE IMITAT. CHRISTI

fiat. Potens est autem omnipotens manus tua, etiam hanc tentationem à me auferre, & ejus impetum mitigare, ne penitus succumbam: quemadmodum  
 \* *Ps. 52. 17.* & priùs sapius egisti mecum, \* *Deus*  
 \* *Es. 18.* *meus, misericordia mea.* Et quanto mi-  
 \* *Ps. 76. 11.* hi difficilius, tanto tibi facilius est \* *hæc*  
*mutatio dextere Excelsi.*

*De divino petendo auxilio, & confiden-  
 tia recuperanda gratiæ.*

CAP. XXX.

SALVATOR.

\* *Nahum. 1. 1.* **F**ILI \* *ego Dominus, confortans in*  
 7. *die tribulationis.* Venias ad me  
 cum tibi non fuerit bene. Hoc est  
 quod maximè impedit consolationem  
 cælestem, quia tardiùs te convertis ad  
 orationem. Nam antequam me inten-  
 tè roges, multa interim solatia quæris,  
 ut recrees te in externis. Ideoque fit,

ut parum profint omnia, donec ad-  
 vertas, quia *ego sum qui eruo sperantes in* <sup>ps. 118. 7.</sup>  
*me*: nec est extra me valens consilium  
 neque utile, sed neque durabile reme-  
 dium. Sed jam resumpto spiritu post  
 tempestatem reconvesce in luce mi-  
 serationum mearum, quia propè sum  
 ego Dominus ut restaurem universa,  
 non solùm integrè, sed & abundanter  
 & cumulatè.

2. *Numquid mihi quidquam est dif-* <sup>Jer. 32. 27.</sup>  
*ficile*, aut ero similis dicenti, & non fa-  
 cienti? Ubi est fides tua? Sta firmiter  
 & perseveranter. Esto longanimis &  
 fortis vir; veniet tibi consolatio in  
 tempore suo. Expecta me, expecta: ve-  
 niam, & curabo te. Tentatio est, quæ  
 te vexat: & formido vanà, quæ te ex-  
 terret. Quid importat sollicitudo de  
 futuris contingentibus, nisi *ut tristi-* <sup>Phi. 2. 27.</sup>  
*tiam super tristitiam habeas?* *Sufficiat* <sup>Mat. 6. 34.</sup>  
*diei malitia sua.* Vanum est & inutile  
 de futuris contingentibus conturbari,

O iiij

216 DE IMITAT. CHRISTI  
vel gratulari, quæ fortè numquam eveni-  
ent.

3. Sed humanum est hujusmodi imaginationibus illudi: & parvi adhuc animi signum tam leviter trahi à suggestionè inimici. Ipse enim non curat utrùm per verum, an falsum illudat & decipiat; utrùm præsentium amore, aut futurorum formidine proster-

<sup>10. 14. 1. &</sup> nat. *Non ergo turbetur cor tuum, ne-*  
<sup>57. Psal. 12. 6.</sup> *que formidet. Crede in me, & in mi-*  
*sericordia mea habeto fiduciam.* Quando tu putas te elongatum à me, sæpe sum propinquior. Quando tu æstimas pænè totum perditum, tunc sæpe majus merendi instat lucrum. Non est totum perditum quando res accidit in contrarium. Non debes judicare secundùm præsens sentire: nec sic gravitati alicui undecumque venienti inhærere, & accipere, tamquam omnis spes sit ablata emergendi.

4. Noli putare te relictum ex toto,



quamvis ad tempus tibi miserim aliquam tribulationem, vel etiam optatam subtraxerim consolationem: sic enim transitur ad regnum cælorum. Et hoc sine dubio magis expedit tibi & omnibus servis meis, ut exercitemini adversis, quàm si cuncta ad libitum haberetis. Ego novi cogitationes absconditas; quia multùm expedit pro salute tua ut interdum sine sapore relinquaris; ne fortè eleveris in bono successu, & tibiipsi placere velis in eo quod non es. Quod dedi auferre possum, & restituere cùm mihi placuerit.

5. Cùm dederò, meum est; cùm subtraxero, tuum non tuli: quia meum est omne datum bonum, & omne donum perfectum. Si tibi immiserò gravitatem aut quamlibet contrarietatem, ne indigneris, neque concidat cor tuum; ego citò sublevare possum, & omne onus in gaudium transmutare.

Verumtamen justus sum, & commendabilis multum cum sic facio tecum.

6. Si rectè sapias, & in veritate aspicias, numquam debes propter adversam dejectè contristari, sed magis gaudere, & gratias agere; immo hoc unicum reputare gaudium, quod

<sup>\* Job. 6. 10.</sup> *affligens te doloribus, non parco tibi.*

<sup>\* Jo. 15. 9.</sup> *Sicut dilexit me Pater, & ego diligo vos, dixi dilectis meis Discipulis: quos utique non misi ad gaudia temporalia, sed ad magna certamina: non ad honores, sed ad despectiones: non ad otium, sed ad labores: non ad re-*

<sup>\* Jo. 15. 16.</sup> *quiem, sed ad afferendum fructum mul-*

<sup>\* Luc. 8. 15.</sup> *tum in patientia. Horum memento, fili mi, verborum.*



*De neglectu omnis creatura, ut Creator  
possit inveniri.*

## CAP. XXXI.

## DISCIPULUS.

1. **D**OMINE adhuc bene indigeo  
majori gratia, si debeam il-  
luc pervenire, ubi me nemo poterit,  
nec ulla creatura, impedire. Nam  
quamdiu res aliqua me retinet non  
possum liber ad te volare. Cupiebat  
liberè volare, qui dicebat: *Quis da-* 2. f. 14. 7.  
*bit mihi pennas sicut columbæ, & vola-*  
*bo, & requiescam?* Quid simplici ocu-  
lo quietius? Et quid liberius nihil de-  
siderante in terris? Oportet igitur om-  
nem supertransire creaturam, & seip-  
sum perfectè deserere, ac in excessu  
mentis stare, & videre te omnium  
Creatorem cum creaturis nihil simile  
habere. Et nisi quis ab omnibus crea-

turis fuerit expeditus, non poterit liberè intendere divinis. Ideo enim pauci inveniuntur contemplativi, quia pauci sciunt se à perituris creaturis ad plenum sequestrare.

2. Ad hoc ergo magna requiritur gratia, quæ animam levet ac suprâ seipsam rapiat. Et nisi homo sit in spiritu elevatus, & ab omnibus creaturis liberatus, ac Deo totus unitus; quidquid scit, quidquid etiam habet, non est magni ponderis. Diu parvus erit & infrâ jacebit, qui aliquid magni æstimat, nisi solum unum, immensum, æternum bonum. Nam quidquid Deus non est, nihil est, & pro nihilo computari debet. Est quippe magna differentia, sapientiâ illuminati, ac devoti viri; & scientiâ litterati, atque studiosi Philosophi. Multo nobilior est illa doctrina, quæ desursum ex divina influenza manat, quàm quæ laboriosè humano acquiritur ingenio.

3. Plures reperiuntur contemplationem desiderare, sed quæ ad eam requiruntur non student exercere. Est magnum impedimentum, quia in signis & in rebus sensibilibus statur, & parum de perfecta mortificatione habetur. Nescio quid est, quo spiritu ducimur, & quid prætendimus, qui spirituales dici videmur: quòd tantum laborem, & ampliorem sollicitudinem pro transitoriis & vilibus rebus agimus, & de interioribus nostris vix rarò plenè recollectis sensibus cogitamus.

4. Proh dolor! statim post modicam recollectionem foras erumpimus: nec opera nostra districta examinatione trutinamus. Ubi jacent affectus nostri non attendimus; & quàm impura sint omnia nostra non deploramus.

*Omnis quippe caro corruerat viam* <sup>Gen. 6, 12.</sup> suam, & ideo sequebatur diluvium magnum. Cùm ergo interior affectus noster multùm corruptus sit, necesse

est ut actio sequens index carentiæ interioris vigoris corrumpatur. Ex puro corde procedit fructus bonæ vitæ.

5. Quantum quis fecerit; quæritur: sed ex quanta virtute agat, non tam studiosè pensatur. Si fuerit fortis, dives, pulcher, habilis, vel bonus scriptor, vel cantor bonus, laborator bonus, investigatur: quàm pauper sit spiritu, quàm patiens, & mitis, quàm devotus, & internus à multis taceatur. Naturâ exteriora hominis respicit, gratia ad interiora se convertit. Illa frequenter fallitur, ista in Deo sperat ut non decipiatur.

---

*De abnegatione suâ, & abdicatione omnis cupiditatis.*

C A P. XXXII.

S A L V A T O R.

I. **F**ILI non potes perfectam possidere libertatem, nisi totaliter ab-

LIBER III. CAP. XXII. 223  
neges temetipsum. Compediti sunt  
omnes proprietarij, & sui ipsorum ama-  
tores, cupidi, curiosi, gyrovagi, quæ-  
rentes semper mollia, non quæ JESU  
CHRISTI; sed sæpe hoc fingentes &  
componentes quod non stabit. Peribit  
enim totum quod non est ex Deo or-  
tum. Tene breve, & consummatum  
verbum: Dimitte omnia, invenies om-  
nia: Dimitte cupiditatem, & reperi-  
es requiem. Hoc mente pertracta: & cum  
impleveris, intelliges omnia.

#### DISCIPULUS.

2. Domine hoc non est opus unius  
diei, nec ludus parvulorum: immo in  
hoc brevi verbo includitur omnis per-  
fectio Religiosorum.

#### SALVATOR.

Fili non debes averti, nec statim  
dejici, auditâ viâ perfectorum; sed  
magis ad sublimiora provocari, & ad

224 DE IMITAT. CHRISTI  
minus ad hæc ex desiderio suspirare.  
Utinam sic tecum esset, & ad hoc  
pervenisses, ut tui ipsius amator non  
esses, sed ad nutum meum purè sta-  
res, & ejus quem tibi præposui Pa-  
tris: tunc mihi valde placeres, & to-  
ta vita tua cum gaudio & pace tran-  
siret. Adhuc multa habes ad relin-  
quendum; quæ nisi mihi ex integro  
resignaveris, non acquires quod po-

<sup>\* Apoc. 3. 18.</sup> stulas. *⁊ suadeo tibi emere à me aurum*

<sup>\* Sap. 7. 14.</sup> *ignitum, ut locuples fias, id est, ⁊ cæ-*

<sup>\* Sap. 7. 8. 9.</sup> *lestem sapientiam, ⁊ omnia infima*  
<sup>10.</sup>

conculcantem. Postpone terrenam sa-  
pientiam, omnemque humanam &  
propriam complacentiam.

3. Dixi viliora tibi emenda pro præ-  
tiosis & altis in rebus humanis. Nam  
vilis & parva, ac pænè oblivioni tra-  
dita, videtur vera & cælestis sapien-  
tia, non sapiens alta de se, nec ma-  
gnificari quærens in terra, quàm mul-  
ti ore tenus prædicant, sed vita longè  
dissen-



LIBER III. Cap. XXXIII. 225  
dissentiant : ipsa tamen est pretiosa  
margarita à multis abscondita.

---

*De instabilitate cordis ; & intentione  
finali ad Deum habenda.*

C A P. XXXIII.

I. **F**ILI noli credere affectui tuo, qui  
nunc est , & citò mutabitur in  
aliud. Quamdiu vixeris, mutabilitati  
subjectus eris, etiam nolens ; ut modò  
lætus ; modò tristis ; modò pacatus ,  
modò turbatus ; nunc devotus, nunc  
indevotus ; nunc studiosus, nunc ace-  
diosus ; nunc gravis, nunc levis inve-  
niaris. Sed stat super hæc mutabilia sa-  
piens & bene doctus in spiritu ; non at-  
tendens quid in se sentiat, vel qua par-  
te flet ventus instabilitatis ; sed ut tota  
intentio mentis suæ ad debitum & op-  
timum proficiat finem. Nam sic pote-  
rit unis & idem, inconcussusque per-  
P

226 DE IMITAT. CHRISTI  
manere, simplici intentionis oculo per  
tot varios eventus ad me imprætermis-  
sè directo.

29 Quantò enim purior est intentio-  
nis oculus, tantò constantius inter di-  
versas itur procellas. Sed in multis ca-  
ligat oculus puræ intentionis: respicit  
enim citò in aliquod delectabile quod  
occurrit. Nam & rarò totus liber quis  
invenitur à nævo propriæ exquisitio-  
nis. Sic <sup>10. 12. 9.</sup> Judæi olim venerant in Be-  
thaniam ad Mariam, & Martham: *non  
propter Jesum tantum, sed & ut La-  
zarum viderent.* Mundandus est ergo  
intentionis oculus, ut sit simplex &  
rectus; atque ultra omnia varia media  
ad me dirigendus.



*Quòd amanti sapit Deus super omnia,  
& in omnibus.*

C A P. XXXIV.

D I S C I P U L U S.

1. **E**CCE Deus meus & omnia. Quid volo amplius? & quid felicius desiderare possum? O sapidum & dulce verbum! sed amanti verbum non mundum, nec ea quæ in mundo sunt. Deus meus, & omnia. Intelligenti factis dictum est: & sæpe repetere jucundum est amanti. Te siquidem præsentem jucunda sunt omnia; te autem absente fastidio sunt omnia. Tu facis cor tranquillum, & pacem magnam, lætitiámque festivam. Tu facis bene sentire de omnibus, & in omnibus te laudare: nec potest aliquid diu sine te placere; sed si debet gratum esse & bene sapere, oportet gratiam tuam adesse.

P ij

228 DE IMITAT. CHRISTI  
fe, & condimento tuæ sapientiæ condi-  
diri.

2. Cui tu fapis, quid ei rectè non  
fapiet? Et cui tu non fapis, quid ei ad  
jucunditatem esse poterit? Sed defi-  
ciunt in sua sapientia mundi sapientes,  
& qui carnem sapiunt: quia ibi pluri-  
ma vanitas, & hîc mors invenitur. Qui  
autem te per contemptum mundano-  
rum, & carnis mortificationem se-  
quuntur, verè sapientes esse cognos-  
cuntur, quia de vanitate ad veritatem,  
de carne ad spiritum transferuntur.  
Istis fapit Deus, & quidquid invenitur  
in creaturis totum referunt ad laudem  
sui Creatoris. Dissimilis tamen & mul-  
tùm dissimilis sapor Creatoris, & crea-  
turæ; æternitatis, & temporis: lucis  
increatæ, & lucis illuminatæ.

3. O lux perpetua, cuncta creata  
transcendens lumina, fulgura corusca-  
tionem de sublimi, penetrantem om-  
nia intima cordis mei! Purifica, lætifi-

ca, clarifica, & vivifica spiritum meum cum suis potentiis ad inhærendum tibi jubilosis excessibus. O quando veniet hæc beata, & desiderabilis hora, ut tua me saties præsentia, & *sis mihi* <sup>Eph. 1. 23.</sup> <sup>Colof. 3. 14.</sup> *omnia in omnibus* ! Quamdiu hoc datum non fuerit, nec plenum gaudium erit. Adhuc, proh dolor ! vivit in me vetus homo, non est totus crucifixus, non est perfectè mortuus. Adhuc concupiscit fortiter adversus spiritum, bella movet intestina, nec regnum animæ patitur esse quietum.

4. Sed tu, qui dominaris potestati <sup>Pf. 43. 26.</sup> <sup>1. f. 67. 32.</sup> <sup>1. f. 58. 12.</sup> *maris, & motum fluctuum ejus mitigas,* *exurge, adjuva me.* Dissipa gentes, <sup>Ecclesi. 17. 7.</sup> *quæ bella volunt : contere eas in virtute tua :* <sup>Ecclesi. 36. 3.</sup> <sup>Eccl. 7.</sup> <sup>Ep. 14. 14.</sup> *ostende, quæso, magnalia tua,* *& glorificetur dextera tua ;* quia non est spes alia, nec refugium mihi, nisi in te, Domine Deus meus.

*Quòd non est securitas à tentatione in  
hac vita.*

C A P. XXXV.

S A L V A T O R.

1. **F**ILI numquam securus es in hac vita, sed quoad vixeris, semper arma spiritualia tibi sunt necessaria. Inter hostes versaris, & à dextris & à sinistris impugnaris. Si ergo non uteris undique scuto patientiæ, non eris diu sine vulnere. Insuper si non ponis cor tuum fixè in me, cum mera voluntate cuncta patiendi propter me, non poteris istum ardorem sustinere, nec ad palmam pertingere Beatorum. Oportet te ergo viriliter omnia pertransire, & potenti manu uti adversus objecta.

*Apoç. 2. 17.* Nam *vincenti datur manna*, sed torpenti relinquitur multa miseria.

2. Si quæris in hac vita requiem, quomodo tunc pervenies ad æternam

requiem? Non ponas te ad multam requiem, sed ad magnam patientiam. Quære veram pacem, non in terris, sed in cælis; non in hominibus, nec in ceteris creaturis, sed in Deo solo. Pro amore Dei debes omnia libenter subire, labores scilicet & dolores, tentationes, vexationes, anxietates, necessitates, infirmitates, injurias, oblocutiones, reprehensiones, humiliaiones, confusiones, correctiones, & despectiones. Hæc juvant ad virtutem: hæc probant Christi tyronem: hæc fabricant cælestem coronam. Ego reddam ei æternam mercedem pro brevi labore, & infinitam gloriam pro transitoria confusione.

3. Putas quòd semper habebis propria voluntate consolationes spirituales? Sancti mei non habuerunt tales, sed multas gravitates, & tentationes varias, magnasque desolationes. Sed patienter habuerunt se in omnibus, &

magis confisi sunt Deo, quàm sibi :  
 \* R<sup>o</sup>. 8. 18. scientes, quia *non sunt condignæ pas-*  
*siones hujus temporis, ad futuram glo-*  
*riam promerendam.* Vis tu statim habe-  
 re quod multi post lacrymas, & ma-  
 gnos labores vix obtinuerunt ? Expe-  
 cta Dominum, viriliter age, & con-  
 fortare; noli diffidere, noli discedere;  
 sed corpus & animam expone constan-  
 ter pro gloria Dei. Ego reddam plenif-  
 simè; ego tecum ero in omni tribula-  
 tione.

---

*Contra vana hominum judicia.*

C A P. XXXVI.

1. **F**ILII jacta cor tuum firmiter in  
 Domino, & humanum ne me-  
 tuas judicium, ubi te conscientia pu-  
 rum reddit & infontem. Bonum est &  
 beatum taliter pati, neque hoc erit  
 grave humili cordi, & Deo magis quàm



LIBER III. Cap. XXXVI. 233  
sibi ipsi confidenti. Multi multa lo-  
quuntur, & ideo parva fides ei est ad-  
hibenda. Sed & omnibus satis esse,  
non est possibile. Etsi Paulus omnibus  
studuit in Domino placere, & omni-  
bus omnia factus est: tamen etiam pro  
minimo duxit, quòd ab humano die  
judicatus fuerit.

2. Egit satis pro aliorum ædificatio-  
ne ac salute quantum in se erat & pote-  
rat: sed ne ab aliis aliquando judicare-  
tur, vel despiceretur cohibere non po-  
tuit. Ideo totum Deo commisit, qui  
totum noverat: & patientia ac humi-  
litate contra ora loquentium iniqua,  
aut etiam vana ac mendosa cogitan-  
tium, atque pro libitu suo quæque ja-  
ctantium, se defendit. Respondit ta-  
men interdum, ne infirmis ex sua ta-  
citurnitate generaretur scandalum.

3. *Quis tu, ut timeas à mortali ho-* isa. 51. 12.  
*mine?* Hodie est, & cras non compa-  
ret. Deum time, & hominum terro-

234 DE IMITAT. CHRISTI  
res non expavesces. Quid potest ali-  
quis in te verbis aut injuriis? Sibi po-  
tius nocet quàm tibi: nec poterit judi-  
cium Dei effugere quicumque est ille.  
Tu habe Deum præ oculis, & noli con-  
tendere verbis querulosis. Quòd si ad-  
præsens tu videris succumbere atque  
confusionem pati, quam non merui-  
sti, ne indigneris ex hoc, neque per  
impatientiam minuas coronam tuam:  
sed potius ad me respice in cælum, qui  
potens sum eripere ab omni confusio-  
ne & injuria, & unicuique reddere se-  
cundùm opera sua.

\* Ro. 2. 6.

---

*De pura & integra resignatione suâ ad  
obtinendam cordis libertatem.*

C A P. XXXVII.

SALVATOR.

I. **F**ILI relinque te & invenies me.  
Sta sine electione & omni pro-

LIBER III. Cap. XXXVII. 235  
prietate , & semper lucraberis. Nam  
& adjicietur tibi amplior gratia sta-  
tim ut te resignaveris , nec resumpse-  
ris.

DISCIPULUS.

Domine quoties me resignabo? &  
in quibus me relinquam?

SALVATOR.

Semper , sicut in parvo sic & in ma-  
gno. Nihil excipio , sed omnibus te  
nudatum invenire volo. Alioquin quo-  
modò poteris esse meus , & ego tuus ,  
nisi fueris ab omni propria voluntate  
intus & foris spoliatus? Quàntò cele-  
riùs hoc ages , tantò meliùs habebis :  
& quantò pleniùs & synceriùs , tantò  
mihi plus placebis , & ampliùs lucra-  
beris.

2. Quidam se resignant , sed cum  
aliqua exceptione : non enim plenè  
Deo confidunt , ideo sibi providere sa-  
tagunt. Quidam etiam primò totos se

offerunt, sed postea tentatione pulsante ad propria redeunt; ideo in virtute minimè proficiunt. Hi ad veram puri cordis libertatem, & jucundæ familiaritatis meæ gratiam non pertinent; nisi integra resignatione, & quotidiana suû immolatione priùs facta; sine qua non stat, nec stabit unio fructiva.

3. Dixi tibi sæpissime, & nunc iterum dico: Relinque te, resigna te, & frueris magna interna pace. Da totum pro toto: nihil exquire, nihil repete: sta purè & inhæsitanter in me, & habebis me. Eris liber in corde, & tenebræ non conculcabunt te. Ad hoc conare, hoc ora, hoc stude, hoc desidera, ut ab omni proprietate possis exspoliari, & nudus nudum JESUM sequi; tibi mori, & mihi æternaliter vivere. Tunc deficient omnes vanæ phantasiæ, conturbationes iniquæ, & curæ superfluxæ. Tunc etiam recedet immoderatus ti-

*De bono regimine in externis , & recur-  
su ad Deum in periculis.*

C A P. XXXVIII.

I. **F**ILI ad istud diligenter tendere debes , ut in omni loco , & actione , seu occupatione externa sis intus liber , & tuiipfius potens , & sint omnia sub te , & tu non sub eis : ut sis dominus actionum tuarum & rector , non servus , nec emptitius : sed magis exemptus , verusque Hebræus in sortem ac libertatem transiens filiorum Dei : qui stant super præsentia , & speculantur æterna : qui transitoria sinistro intuentur oculo , & dextro cælestia : quos temporalia non trahunt ad inhærendum , sed trahunt ipsi ea magis ad bene serviendum ; prout ordinata sunt à Deo , & instituta à summo Opifice ,

238 DE IMITAT. CHRISTI  
qui nihil inordinatum relinquit in sua  
creatura.

2. Si etiam in omni eventu stas, non  
in apparentia externa, nec oculo car-  
nali lustras visa vel audita; sed mox in  
qualibet causa intras cum Moyse in ta-  
bernaculum ad consulendum Domi-  
num: audies nonnumquam divinum  
responsum, & redies instructus de mul-  
tis presentibus & futuris. Semper  
enim Moyses recursum habuit ad ta-  
bernaculum pro dubiis & questionibus  
solvendis: fugitque ad orationis  
adjutorium pro periculis & improbita-  
tibus hominum sublevandis. Sic & tu  
confugere debes in cordis tui secreta-  
rium, divinum intentius implorando  
suffragium. Propterea namque Josue,  
& filij Israël à Gabaonitis leguntur de-  
*Josue 9. 14.* cepti; quia *os Domini prius non inter-*  
*rogaverunt*, sed nimium creduli dulci-  
bus sermonibus, falsâ pietate delusi  
sunt.

*Quòd homo non sit importunus in negotiis.*

CAPUT XXXIX.

SALVATOR.

1. **F**ILI committe mihi semper causam tuam, ego bene disponam in tempore suo. Expecta ordinationem meam, & senties inde profectum.

DISCIPULUS.

Domine satis libenter omnes res tibi committo, quia parum potest cogitatio mea proficere. Utinam non multùm adhærerem futuris eventibus, sed ad beneplacitum tuum incunctanter me offerrem.

SALVATOR.

2. Fili sæpe homo rem aliquam vehementer agitat, quam desiderat: sed

240 DE IMITAT. CHRISTI  
cùm ad eam pervenerit, aliter incipit  
sentire; quia affectiones circa idem  
non sunt durabiles, sed magis de uno  
ad aliud impellunt. Non ergo mini-  
mum est etiam in minimis seipsum re-  
linquere.

3. Verus profectus hominis est ab-  
negatio sui ipsius; & homo abnegatus  
valde liber est & securus. Sed antiquus  
hostis omnibus bonis adversans à ten-  
tationibus non cessat; sed die noctú-  
que graves molitur insidias, si fortè in  
laqueum deceptionis possit præcipita-  
re incautum. *Vigilate, & orate, ut  
non intretis in tentationem.*

\* Mat. 26.  
41.

---

*Quòd homo nihil boni ex se habet, &  
de nullo gloriari potest.*

C A P. X L.

D I S C I P U L U S.

\* Ps. 1. 5. 1. **D**OMINE, quid est homo quòd  
memor es ejus: aut filius ho-  
minis,



*minis, quia visitas eum?* Quid promeruit homo, ut dares illi gratiam tuam? Domine, quid possum conqueri si deferis me? aut quid iustè obtendere possum, si quod peto non feceris? Certè hoc in veritate cogitare possum, & dicere: Domine nihil sum, nihil boni ex me habeo, sed in omnibus deficio, & ad nihil semper tendo. Et nisi à te fuero adjutus, & interiùs informatus, totus efficior tepidus & dissolutus.

2. *Tu autem, Domine, semper idem* Pf. 101. 13.  
*ipse es*, & permanes in æternum: semper bonus, iustus & sanctus: bene, iustè ac sanctè agens omnia, & disponens in sapientia. Sed ego qui ad defectum magis pronus sum, quàm ad profectum, non sum semper in uno statu perdurans: quia septem tempora mutantur super me. Verumtamen citò meliùs fit cùm tibi placuerit, & manum porrexeris adjutricem: quia tu solus sine humano suffragio poteris auxiliari,

Q

& in tantum confirmare , ut vultus meus ampliùs in diversa non mutetur ; sed in te uno cor meum convertatur , & quiescat.

3. Unde si bene scirem omnem humanam consolationem abjicere , sive propter devotionem adipiscendam , sive propter necessitatem , qua compellor te quærere , quia non est homo qui me consoletur : tunc meritò possem de gratia tua sperare , & de dono gratiæ novæ exultare.

4. Gratias tibi , unde totum venit quotiescumque mihi bene succedit. Ego autem vanitas & nihilum ante te , inconstans homo & infirmus. Unde ergo possum gloriari , aut cur appeto reputari ? Numquid de nihilo ? & hoc vanissimum est. Verè inanis gloria , mala pestis , vanitas maxima ; quia à vera retrahit gloria , & cælesti spoliatur gratia. Dum enim homo complacet sibi , displicet tibi ; dum inhiat laudibus hu-

manis, privatur veris virtutibus.

5. Est autem vera gloria, & exultatio sancta gloriari in te, & non in se: gaudere in nomine tuo, non in virtute propria; nec in aliqua creatura gloriari & delectari, nisi propter te. Laudetur nomen tuum, non meum; magnificetur opus tuum, non meum; benedicatur nomen sanctum tuum, nihil mihi autem attribuat de laudibus hominum. Tu gloria mea, tu exultatio cordis mei; In te gloriabor, & exultabo tota die; *pro me autem nihil, nisi in infirmitatibus meis.* 2. Cor. 12. 5.

6. *Querant Iudei gloriam, que ab invicem est, ego hanc requiram, que à solo Deo est.* Omnis quidem gloria humana, omnis honor temporalis, omnis altitudo mundana æternæ gloriæ tuæ comparata, vanitas est & stultitia. O veritas mea, & misericordia mea, Deus meus, Trinitas beata! tibi soli laus, virtus, honor & gloria per infinita sæcula sæculorum. 10. 5. 44.

Q ij

*De contemptu omnis temporalis honoris.*

C A P. XLI.

SALVATOR.

1. **F**ILI noli triftari fi videas alios honorari & elevari, te autem despici & humiliari. Erige cor tuum ad me in cælum, & non contriftabit te contemptus hominis in terris.

DISCIPULUS.

Domine in cæcitate fumus, & vanitate citò feducimur. Si rectè me infpicio injuria mihi numquam facta eft ab aliqua creatura, unde nec juftè habeo conqueri adverfùm te.

2. Quia autem frequenter, & graviter peccavi tibi, meritò armatur contra me omnis creatura. Mihi igitur juftè debetur confufio, & contemptus; tibi autem laus, honor & gloria. Et ni-

si me ad hoc præparavero, quòd velim libenter ab omni creatura despici & relinqui, atque penitus nihil videri, non possum interius pacificari & stabiliri, nec spiritaliter illuminari, neque tibi plenè uniri.

---

*Quòd pax non est ponenda in hominibus.*

C A P. XLII.

S A L V A T O R.

I. **F**ILI si ponis pacem tuam in aliqua persona propter tuum sentire, vel convivere, instabilis eris & implicatus. Sed si recursum habes ad semper viventem & manentem Veritatem, non contristabit te amicus recedens & moriens. In me debet amici dilectio stare : & propter me diligendus est, quisquis tibi bonus visus est & multùm carus in hac vita. Sine me non valet nec durabit amicitia : nec est munda &

Q iij

vera dilectio, quam ego non copulo. Ita mortuus deberes esse talibus affectionibus dilectorum hominum, ut ( quantum ad te pertinet ) optares sine omni humano esse consortio. Tantò homo Deo magis appropinquat, quantò ab omni solatio terreno longiùs recedit. Tantò etiam altiùs ascendit ad Deum, quantò profundius in se descendit, & plus sibiipso vilescit.

2. Qui autem aliquid boni sibi attribuit, gratiam Dei in se venire impedit: quia gratia Spiritus sancti cor humile semper quærit. Si scires te perfectè annihilare, atque ab omni amore creato evacuare, tunc deberem in tecum magna gratia emanare. Quando tu respicis ad creaturas, subtrahitur tibi aspectus Creatoris. Disce te in omnibus propter Creatorem vincere; & tunc ad divinam valebis pertingere cogitationem. Quantumcumque modicum sit, si inordinatè diligitur & ref-

LIBER III. Cap. XLIII. 247  
picitur, retardat à summo bono & vi-  
tiat.

---

*Contra vanam & secularem scientiam.*

C A P. XLIII.

1. **F**ILI non moveant te pulcra &  
subtilia hominum dicta. *Non* <sup>1. Cor. 4.</sup>  
*enim est Regnum Dei in sermone, sed in* <sup>20.</sup>  
*virtute.* Attende verba mea, quæ cor-  
da accendunt, & mentes illuminant:  
inducunt compunctionem, & variam  
ingerunt consolationem. Numquam  
ad hoc legas verbum meum ut doctior,  
aut sapientior possis videri, sed stude  
mortificationi vitiorum; quia hoc am-  
pliùs tibi proderit, quàm notitia mul-  
tarum difficilium quæstionum.

2. Cùm multa legeris & cognove-  
ris, ad unum semper oportet redire  
principium. *Ego sum, qui doceo homi-* <sup>Pf. 118 99</sup>  
*nem scientiam: & clariorem intelligen-* <sup>Et 130.</sup>

Q iiij

*tiam parvulis tribuo*, quàm ab homine possit doceri. Cui ego loquor, citò sapiens erit, & multùm in spiritu proficiet. Væ eis qui multa curiosa ab hominibus inquirunt, & de via mihi serviendi parum curant. Veniet tempus quando apparebit Magister magistrorum, Christus, Dominus Angelorum, cunctorum auditurus lectiones, hoc est, singulorum examinaturus conscientias. Et tunc *scrutabitur Hierusalem in lucernis*, & manifesta erunt *abscondita tenebrarum*, tacebuntque argumenta linguarum.

3. Ego sum qui humilem in puncto eleuo mentem, ut plures æternæ veritatis capiat rationes, quàm si quis decem annis studuisset in scholis. Ego doceo sine strepitu verborum, sine confusione opinionum, sine fastu honoris, sine impugnatione argumentorum. Ego sum qui doceo terrena despiciere, præsentia fastidire, cæle-



stia quærere, æterna sapere; honores fugere, scandala sufferre, omnem spem in me ponere, extra me nihil cupere, & super omnia me ardentè amare.

4. Nam quidam amando me intimè didicit divina, & loquebatur mirabilia. Plus profecit in relinquendo omnia, quàm in studendo subtilia. Sed aliis loquor communia, aliis specialia: aliquibus in signis & figuris dulciter appareo, quibusdam verò in multo lumine revelo mysteria. Una vox librorum, sed non æquè omnes informat: quia intus sum doctor veritatis, cordis scrutator, cogitationum intellectör, actionum promotor, distribuens singulis sicut dignum judicavero.



*De non attrahendo sibi res exteriores.*

C A P. XLIV.

SALVATOR.

1. **F**ILI in multis oportet te esse inscium, & æstimare te tamquam mortuum super terram, & cui totus mundus crucifixus sit. Multa etiam oportet surda aure pertransire; & quæ tuæ pacis sunt magis cogitare. Utilius est oculos à rebus displicentibus avertere, & unicuique suum sentire relinquere, quàm contentiosis sermonibus deservire. Si bene steteris cum Deo, & ejus judicium aspexeris, faciliùs te victum portabis.

DISCIPULUS.

2. O Domine quousque venimus? Ecce damnum defletur temporale, pro modico quæstu laboratur & curritur:

& spiritale detrimentum in oblivionem transit, & vix serò reditur. Quod parum vel nihil prodest, attenditur; & quod summè necessarium est negliger prateritur: quia totus homo ad externa profluit, & nisi citò respiscat, libens in exterioribus jacet.

*Quòd omnibus non est credendum; & de  
facili lapsu verborum.*

## CAP. XLV.

## DISCIPULUS.

I. **D**A mibi auxilium, Domine, de Pf. 59. 13.  
tribulatione, quia vana salus  
hominis. Quàm sæpe ibi non inveni fi-  
dem, ubi me habere putavi! Quoties  
etiam ibi reperi, ubi minùs præsump-  
psi. Vana ergo spes in hominibus; sa-  
lus autem iustorum in te Deus. Bene-  
dictus sis, Domine Deus, in omnibus  
quæ nobis accidunt. Infirmi sumus &

252 DE IMITAT. CHRISTI  
instabiles , citò fallimur & permuta-  
mur.

2. Quis est homo , qui ita cautè  
& circumspèctè in omnibus se custo-  
dire valeat , ut aliquando in aliquam  
deceptionem , vel perplexitatem non  
veniat ? Sed qui in te , Domine , con-  
fidit , ac simplici ex corde quærit ,  
non tam facilè labitur. Et si incide-  
rit in aliquam tribulationem , quo-  
cumque modo etiam fuerit implica-  
tus , citiùs per te eruetur , aut à te  
consolabitur : quia tu non deseres in  
te sperantem usque in finem. Rarus  
fidus amicus , in cunctis amici perse-  
verans pressuris. Tu Domine , tu solus  
es fidelissimus in omnibus , & præter  
te non est talis alter.

3. O quàm bene sapuit sancta illa  
*S. Agatha.* anima , quæ dixit : *Mens mea solidata  
est, & in Christo fundata!* Si ita mecum  
foret , non tam facilè timor humanus  
me sollicitaret , nec verborum jacula

moverent. Quis omnia prævidere ,  
 quis præcavere mala futura sufficit?  
 Si prævisa etiam lædunt sæpe , quid  
 improvisa , nisi graviter feriunt ? Sed  
 quare mihi misero non meliùs provi-  
 di ? Cur etiam tam facilè aliis credi-  
 di ? Sed homines sumus , nec aliud  
 quàm fragiles homines sumus , etiam-  
 si Angeli à multis æstimamur & dici-  
 mur. Cui credam , Domine ? Cui nisi  
 tibi ? Veritas es , quæ non fallis , nec  
 falli potes. Et rursum. *Omnis homo* <sup>Ps. 115. 2.</sup>  
*mendax* , infirmus , & instabilis , labi-  
 lis maximè in verbis : ita ut statim vix  
 credi debeat , quod rectum in facie  
 sonare videtur.

4. Quàm prudenter præmonuisti ,  
 cavendum ab hominibus : & quia *ini-* <sup>Mich. 7. 6.</sup>  
*mici hominis domestici ejus* : nec cre- <sup>Mat. 10. 36.</sup>  
 dendum , si quis dixerit : *Ecce hic , aut* <sup>Mat. 23. 23.</sup>  
*ecce illic* ! Doctus sum damno meo , &  
 utinam ad cautelam majorem , & non  
 ad insipientiam mihi. Cautus esto , ait

quidam, cautus esto, ferva apud te quod dico. Et dum ego fileo, & absconditum credo, nec ille filere potest quod silendum petiit, sed statim prodit me, & se; & abit. Ab hujusmodi rabulis, & incautis hominibus, protege me, Domine, ne in manus eorum incidam, nec umquam talia committam. Verbum verum, & stabile da in os meum; & linguam callidam longè fac à me. Quod pati nolo, facere aliis omnino cavere debeo.

5. O quàm bonum & pacificum est, de aliis tacere: nec indifferenter omnia credere: neque de facili ulterius effari: paucis seipsum revelare: te semper inspectorem cordis quærere: nec omni vento verborum circumferri, sed omnia intima & externa secundum tuæ beneplacitum voluntatis optare perfici. Quàm tutum pro conservatione cælestis gratiæ humanam fugere apparentiam, nec appetere quæ foris admi-

LIBER III. Cap. XLVI. 255  
rationem videntur præbere: sed ea tota sedulitate sectari, quæ dant emendationem vitæ ac fervorem!

6. Quàm multis nocuit virtus scita, ac præproperè laudata! Quàm sæpe profuit gratia silentio servata in hac fragili vita, quæ tota tentatio fertur, & militia.

---

*De confidentia in Deo habenda quando  
insurgunt verborum jacula.*

C A P. XLVI.

S A L V A T O R.

1. **F**ILI sta firmiter & spera in me. Quid enim sunt verba, nisi verba? Per aërem volant, sed lapidem non lædunt. Si reus es, cogita quòd libenter te velis emendare. Si nihil tibi conscius es, pensa quòd velis libenter pro Deo hoc sustinere. Satis parum est ut vel verba interdum sustineas, qui nec-

256 DE IMITAT. CHRISTI  
dum fortia verbera tolerare vales. Et  
quare tam parva tibi ad cor transeunt,  
nisi quia adhuc carnalis es, & homines  
magis quàm oportet attendis? Nam  
quia despici metuis, reprehendi pro  
excessibus non vis, & excusationum  
quæris umbracula.

2. Sed inspice te meliùs, & agnosces quia vivit adhuc in te mundus, & vanus amor placendi hominibus. Cùm enim bassari refugis, & confundi pro defectibus, constat utique quòd nec verus humilis sis, nec verè mundo mortuus, nec tibi mundus crucifixus. Sed audi verbum meum, & non curabis decem millia hominum verba. Ecce, si cuncta contra te dicerentur, quæ fingi malitiosissimè possent, quid tibi nocerent, si omnino transire permitteres, nec plus quàm festucam perpenderes? Numquid vel unum capillum extrahere possent?

3. Sed qui cor intus non habet, nec  
Deum



Deum præ oculis, faciliter movetur verbo vituperationis: qui autem in me confidit, nec proprio judicio stare appetit, absque humano terrore erit. Ego enim sum iudex, & Dominus omnium secretorum: ego scio qualiter res acta est, ego injuriantem novi & sustinentem. A me exiit verbum istud, me permittente hoc accidit, *ut revelentur ex multis cordibus cogitationes.* Ego reum & innocentem judicabo, sed occulto judicio utrumque antè probare volui.

4. Testimonium hominum sæpe fallit: meum judicium verum est; stabit, & non subvertetur. Latet plerumque, ac paucis patet ad singula: numquam tamen errat, nec errare potest, etiam si oculis insipientium non rectum videatur. Ad me ergo recurrendum est in omni judicio, nec proprio innitendum arbitrio. *Iustus enim non conturbabitur, quidquid ei à Deo acciderit.* Etiam si injustè aliquid contra eum prolatum

R

fuerit, non multum curabit. Sed nec vanè exultabit si per alios rationabiliter excusetur. Pensat namque, quia  
*Ps. 7. 10.* *ego sum scrutans corda, & renes: qui non judico secundum faciem & humanam apparentiam. Nam sæpe in oculis meis reperitur culpabile, quod hominum judicio creditur laudabile.*

## DISCIPULUS.

5. Domine Deus, judex juste, fortis & patiens, qui hominum nosti fragilitatem & pravitatem, esto robur meum, & tota fiducia mea: non enim mihi sufficit conscientia mea. Tu nosti quod ego non novi; & ideo in omni reprehensione humiliare me debui, & mansuetè sustinere. Ignosce ergo mihi propitius quoties sic non egi, & dona iterum gratiam amplioris sufferentiæ. Melior est mihi tuâ copiosa misericordia ad consecutionem indulgentiæ, quàm mea opinata justitia pro defen-

LIBER III. Cap. XLVII. 259  
sione latentis conscientia. *Et si nihil* <sup>1. Cor. 4.</sup>  
*mibi conscius sum, tamen in hoc justifi-*  
*care me non possum; quia remotâ mi-*  
*sericordiâ tuâ non justificabitur in con-* <sup>ps. 142. 2.</sup>  
*spectu tuo omnis vivens.*

---

*Quod omnia gravia pro aeterna vita  
sunt toleranda.*

C A P. XLVII.

SALVATOR.

1. **F**ILI non frangant te labores,  
quos assumpsisti propter me;  
nec tribulationes te dejiciant usque-  
quaque: sed mea promissio in omni  
eventu te roboret & consoletur. Ego  
sufficiens sum ad reddendum supra om-  
nem modum & mensuram. Non hîc  
diu laborabis, nec semper gravaberis  
doloribus. Expecta paulisper, & vide-  
bis celerem finem malorum. Veniet  
una hora quando cessabit omnis labor

R ij

260 DE IMITAT. CHRISTI  
& tumultus. Modicum, est & breve  
omne quod transit cum tempore.

2. Age ergo quod agis: fideliter labora in vinea mea, ego ero merces tua: Scribe, lege, canta, geme, tace, ora, sustine viriliter contraria: digna est his omnibus æterna vita, & majoribus præliis. Veniet pax in die una, quæ nota est Domino: non enim erit nox, vel dies, hujus scilicet temporis, sed lux perpetua, claritas infinita, pax firma & requies secura. Non dices tunc: *Quis me liberabit de corpore mortis hujus?* Nec *Psalm. 119. 5.* clamabis: *Heu mihi, quia incolatus meus prolongatus est; quoniam precipitabitur mors, & salus erit indefectiva; anxietas nulla, jucunditas beata, societas dulcis & decora.*

3. O si vidisses in cælo Sanctorum coronas perpetuas, quanta quoque nunc exultant gloria, qui huic mundo olim contemptibiles, & quasi vita ipsa indigni putabantur, profectò te

statim humiliares usque ad terram, & affectares potiùs omnibus subesse, quàm præesse uni: nec hujus vitæ dies lætos concupisceres, sed magis pro Deo tribulari gauderes: & pro nihilo inter homines computari, maximum lucrum duceres.

4. O si tibi hæc scaperent, & profundè ad cor transirent, quomodò auderes vel semel conqueri? Nonnè pro vita æterna cuncta laboriosa sunt toleranda? Non est parvum quid lucrari aut perdere regnum Dei. Leva igitur faciem tuam in cælum. Ecce ego, & omnes Sancti mei mecum, qui in hoc seculo magnum habuere certamen, modò gaudent, modò consolantur, modò securi sunt, modò requiescunt, & sine fine mecum in regno Patris mei permanebunt.

*De die eternitatis , & hujus vite  
angustiis.*

C A P. XLVIII.

D I S C I P U L U S .

I. **O** SUPERNÆ civitatis mansio beatissima! O dies æternitatis clarissima, quam nox non obscurat, sed summa veritas semper irradiat, dies semper læta, semper secura, & nunquam statum mutans in contraria! O utinam dies illa illuxisset, & cuncta hæc temporalia finem accepissent! Lucet quidem Sanctis perpetua & splendida claritate, sed non nisi à longè, & per speculum peregrinantibus in terra.

2. Norunt cæli cives quàm gaudiosa sit illa; gemunt exules filij Evæ quod amara & tædiosa sit ista. Dies hujus temporis parvi, & mali pleni doloribus & angustiis: ubi homo pec-

catis multis inquinatur, multis passionibus irretitur, multis timoribus stringitur, multis curis distenditur, multis curiositatibus distrahitur, multis vanitatibus implicatur, multis erroribus circumfunditur, multis laboribus atteritur, tentationibus gravatur, deliciis enervatur, egestate cruciatur.

3. O quando finis horum malorum! quando liberabor à misera servitute vitiorum? quando memorabor, Domine, tuū solius? quando ad plenum lætabor in te? Quandò ero sine omni impedimento, in vera libertate, sine omni gravamine mentis & corporis? Quando erit pax solida; pax imperturbabilis & secura; pax intus & foris; pax ex omni parte firma? Jesu bone, quando stabo ad videndum te? quando contemplabor gloriam regni tui? quando eris mihi omnia in omnibus? O quando ero tecum in regno tuo, quod præparasti dilectis tuis ab æterno? Relictus

R iiij

264 DE IMITAT. CHRISTI  
sum pauper, & exul in terra hostili;  
ubi bella quotidiana, & infortunia  
maxima.

4. Consolare exilium meum, miti-  
ga dolorem meum, quia ad te suspirat  
omne desiderium meum. Nam onus  
totum mihi est quidquid mundus hic  
offert ad solatium. Desidero te intimè  
frui, sed nequeo apprehendere. Opto  
inhærere cælestibus, sed deprimunt res  
temporales, & immortificatæ passio-  
nes. Mente omnibus rebus superesse  
volo, carne autem invitè subesse co-  
gor. Sic ego infelix homo mecum pu-  
gno, <sup>\* Job. 7. 20.</sup> *Et factus sum mihi metipsi gravis,*  
dum spiritus sursum, & caro quærit ef-  
se deorsum.

5. O quid intus patior dum mente  
cælestia tracto, & mox carnalium tur-  
<sup>\* Ps. 70. 12.</sup> ba occurrit oranti! *Deus meus ne elon-*  
<sup>\* Ps. 26. 9.</sup> *gèris à me, neque declines in ira à ser-*  
<sup>\* Ps. 143. 6.</sup> *vo tuo. Fulgura coruscationem tuam, &*  
*dissipa eas: Emitte sagittas tuas, & con-*




turbentur omnes phantasiæ inimici. Recollige sensus meos ad te: fac me oblivisci omnium mundanorum: da citò abjicere & contemnere phantasmata vitiorum. Succurre mihi, æterna Veritas, ut nulla me moveat vanitas. Adveni cælestis suavitas, & fugiat à facie tua omnis impuritas. Ignosce quoque mihi, & misericorditer indulge, quoties præter te aliud in oratione revolve. Confiteor etenim verè quia valde distractè me habere consuevi. Nam ibi multoties non sum, ubi corporaliter sto aut sedeo: sed ibi magis sum quò cogitationibus feror. Ibi sum ubi cogitatio mea est. Ibi est frequenter cogitatio mea, ubi est id quod amo. Hoc mihi citò occurrit, quod naturaliter delectat, aut ex usu placet.

6. Unde tu, Veritas, apertè dixisti:

*Ubi enim est thesaurus tuus, ibi est & cor tuum.* Si cælum diligo, libenter de cælestibus penso. Si mundum amo, de

*Mat. 6. 21.*

266 DE IMITAT. CHRISTI  
felicitatibus mundi congaudeo, & de  
adversitatibus ejus tristor. Si carnem  
diligo, quæ carnis sunt sæpe imaginor.  
Si spiritum amo, de spiritualibus co-  
gitare delector. Quæcumque enim di-  
ligo, de his libenter loquor & audio,  
atque talium imagines mecum ad do-  
mum reporto. Sed beatus ille homo,  
qui propter te, Domine, omnibus crea-  
turis licentiam abeundi tribuit: qui  
naturæ vim facit, & concupiscentias  
carnis fervore spiritus crucifigit, ut se-  
renatâ conscientîâ puram tibi oratio-  
nem offerat, dignusque sit Angelicis  
interesse choris, omnibus terrenis fo-  
ris & intus exclusis.



*De desiderio æternæ vitæ, & quanta sint  
certantibus promissa.*

C A P. XLIX.

S A L V A T O R.

1. **F**ILI cùm tibi desiderium æternæ beatitudinis desuper infundi sentis, & de tabernaculo corporis exire concupiscis, ut claritatem meam sine vicissitudinis umbra contemplari possis; dilata cor tuum, & omni desiderio hanc sanctam inspirationem suscipe. Redde amplissimas supernæ bonitati gratias, quæ tecum sic dignanter agit, clementer visitat, ardentem excitat, potenter subleuat, ne proprio pondere ad terrena labaris. Neque enim hoc cogitatu tuo aut conatu accipis, sed sola dignatione supernæ gratiæ & divini respectus; quatenus in virtutibus & majori humilitate proficias, & ad futura

certamina te præpares, mihi que toto cordis affectu adhærere, ac ferventi voluntate studeas deservire.

2. Fili sæpe ignis ardet, sed sine fumo flamma non ascendit. Sic & aliquorum desideria ad cælestia flagrant, & tamen à tentatione carnalis affectus liberi non sunt. Idcirco nec omnino purè pro honore Dei agunt, quod tam desideranter ab eo petunt. Tale est & tuum sæpe desiderium, quod insinuaſti fore tam importunum. Non enim est hoc purum & perfectum, quod propria commoditate est infectum.

3. Pete non quod tibi est delectabile & commodum, sed quod mihi est acceptabile, atque honorificum: quia si rectè judicas, meam ordinationem tuo desiderio & omni desiderato præferre debes ac sequi. Novi desiderium tuum, & frequentes gemitus audiui. Jam velles esse in libertate gloriæ filiorum Dei: jam te delectat domus æterna, & cæle-

stis patria gaudio plena, sed nondum venit hora ista, sed est adhuc aliud tempus, scilicet tempus belli, tempus laboris & probationis. Optas summo repleti bono, sed non potes hoc assequi modò. Ego sum; expecta me donec veniat regnum Dei.

4. Probandus es adhuc in terris, & in multis exercitandus. Consolatio tibi interdum dabitur, sed copiosa satietas non concedetur. *Confortare igitur, & <sup>Iosue 1. 6.</sup> esto robustus*, tam in agendo, quàm in patiendi naturæ contraria. *Oportet te novum induere hominem, & <sup>Eph. 4. 24.</sup> in al-*  
*rum virum mutari.* <sup>*1. Reg. 10. 6.*</sup> Oportet te sæpe age  
<sup>*9.*</sup> re quod non vis; & quod vis oportet relinquere. Quod aliis placet processum habebit; quod tibi placet ultra non proficiet. Quod alij dicunt audietur; quod tu dicis pro nihilo computabitur. Petent alij, & accipient; tu petes, nec impetrabis.

5. Erunt alij magni in ore homi-

num, de te autem tacebitur. Aliis hoc, vel illud committetur; tu autem ad nihil utilis judicaberis. Propter hoc natura contristabitur aliquando: & magnum, si silens portaveris. In his & similibus multis probari solet fidelis Domini servus: qualiter se abnegare, & in omnibus frangere queat. Vix enim est aliud tale, in quo mori tantumdem indigeas, sicut videre & pati quæ voluntati tuæ adversa sunt: maximè autem cùm disconvenientia, & quæ minùs utilia tibi apparent, fieri jubentur. Et quia non audes resistere altiori potestati, sub dominio constitutus; ideò durum tibi videtur ad nutum alterius ambulare, ac omne proprium sentire omittere.

6. Sed pensa, fili, horum fructum laborum, finem celerem, atque præmium nimis magnum; & non habebis inde gravamen, sed fortissimum patientiæ tuæ solamen. Nam & pro mo-

dica hac voluntate, quam nunc sponte deferis, habebis semper voluntatem tuam in cælis. Ibi quippe invenies omne quod volueris, omne quod desiderare potueris. Ibi aderit tibi totius facultas boni sine timore amittendi. Ibi voluntas tua una semper mecum nihil cupiet extraneum vel privatum. Ibi nullus resistet tibi, nemo de te conquere-  
tur, nemo impedit, nihil obviabit: sed cuncta desiderata simul erunt præsentia, totumque affectum tuum reficient, & adimplebunt usque ad summum. Ibi reddam gloriam pro contumelia per-  
pessa; pallium laudis pro mœrore; pro loco novissimo sedem Regni in sæcula. Ibi apparebit fructus obedientiæ, gau-  
debit labor pœnitentiæ, & humilis sub-  
jectio coronabitur gloriôsè.

7. Nunc ergo inclina te humiliter sub omnium manibus: nec sit tibi cura, quis hoc dixerit vel jusserit: Sed hoc magnopere curato; ut sive præla-

272 DE IMITAT. CHRISTI  
tus, five junior, aut æqualis, aliquid à  
te exposcerit, vel innuerit, pro bono  
totum accipias, & sincera voluntate  
studeas adimplere. Quærat alius hoc,  
alius illud; gloriatur ille in illo, & iste  
in isto, laudetúrque millies mille: tu  
autem nec in isto, nec in illo, sed in  
tui ipsius gaude contemptu, & in mei  
solius beneplacito ac honore. Hoc op-  
<sup>Ibi. x. 20.</sup>randum est tibi, *ut siue per vitam, si-  
ue per mortem, Deus semper in te glori-  
ficetur.*

---

*Qualiter homo desolatus se debet in  
manus Dei offerre.*

CAP. L.

DISCIPULUS.

1. **D**OMINE Deus, sancte Pater,  
sis nunc & in æternum benedi-  
ctus, quia sicut vis factum est; & quod  
facis bonum est. Lætetur in te servus  
tuus,



tuus, non in se, nec in aliquo alio: quia tu solus lætitia vera, tu spes mea, & corona mea, tu gaudium meum, & honor meus, Domine. \* *Quid habet* 1. Cor. 4. 7. *servus tuus, nisi quod à te accepit*, etiam sine merito suo? Tua sunt omnia, quæ dedisti, & quæ fecisti. \* *Pauper sum*, \* Ps. 87. 16. *& in laboribus meis à juventute mea:* & contristatur anima mea, nonnumquam usque ad lacrymas; quandoque etiam conturbatur ad se propter imminentes passionēs.

2. Desidero pacis gaudium, pacem filiorum tuorum flagito, qui in lumine consolationis à te pascuntur. Si das pacem, si gaudium sanctum infundis, erit anima servi tui plena modulatione, & devota in laude tua. Sed si te subtraxeris, sicut sæpissime soles, non poterit *currere viam mandatorum tuorum*: sed \* Ps. 118. 32. *magis ad tundendum pectus genua incurvantur*, quia non est illi sicut heri, & nudiustertius, \* *quando splendebat lu-* \* Job. 29. 3.

*cerna tua super caput ejus: & sub umbra alarum tuarum protegebatur à tentationibus irruentibus.*

3. Pater iuste & semper laudande, venit hora ut probetur servus tuus. Pater amande, dignum est ut hora hac patiatur aliquid pro te servus tuus. Pater perpetuò venerande, venit hora, quam ab æterno præsciebas affuturam, ut ad modicum tempus succumbat foris servus tuus, vivat verò semper apud te intus. Paululum vilipendatur, humilietur, & deficiat coram hominibus; passionibus conteratur & languoribus: ut iterum tecum in aurora novæ lucis resurgat, & in cælestibus clarificetur. Pater sancte, tu sic ordinasti, & sic voluisti: & hoc factum est, quod ipse præcepisti.

4. Hæc est enim gratia ad amicum tuum, pati & tribulari in hoc mundo pro amore tuo, quotiescumque & à quocumque id permiseris fieri. Sine

consilio, & providentia tua, & sine causa nihil fit in terra. *Bonum mihi, Domine, quòd humiliasti me, ut discam justificationes tuas: & omnes elationes cordis, atque præsumptiones abjiciam. Utile mihi quòd confusio cooperuerit faciem meam, ut te potius, quàm homines ad consolandum requiram. Didici etiam ex hoc inscrutabile iudicium tuum expavescere; qui affligis justum cum impio, sed non sine æquitate ac iustitia.*

5. Gratias tibi qui non pepercisti malis meis, sed attrivisti me verberibus amaris, infligens dolores, & immittens angustias intus, & foris. Non est qui me consoletur ex omnibus, quæ sub cælo sunt, nisi tu Domine Deus meus, cælestis medicus animarum; *qui percutis, & sanas; deducis ad inferos, & reducis. Disciplina tua super me, & virga tua ipsa me docebit.*

6. Ecce, Pater dilecte, in manibus

S ij

tuis ego sum , sub virga correctionis  
tuæ me inclino: percutere dorfum meum,  
& collum meum, ut incurvem ad vo-  
luntatem tuam tortuofitatem meam.  
Fac me pium & humilem difcipulum,  
ficut bene facere confuevifti, ut am-  
blem ad omnem nutum tuum. Tibi  
me, & omnia mea ad corrigendum  
committo: melius eft hîc corripî, quàm  
in futuro. Tu fcis omnia & fingula, &  
nihil te latet in humana confcientia.  
Antequam fiant nofti ventura; & non  
opus eft tibi, ut quis te doceat, aut ad-  
moneat de his, quæ geruntur in terra.  
Tu fcis quid expediat ad profectum  
meum, & quantùm deferviat tribula-  
tio ad rubiginem vitiorum purgan-  
dam. Fac mecum defideratum bene-  
placitum tuum, & ne despicias pecca-  
minofam vitam meam, nulli meliùs,  
nec clariùs, quàm tibi foli notam.

7. Da mihi Domine hoc fcire, quod  
fcendum eft: hoc amare, quod aman-

dum est: hoc laudare, quod tibi sum-  
mè placet: hoc reputare, quod tibi  
pretiosum est: hoc vituperare, quod  
oculis tuis sordescit. Non me finas se-  
cundùm visionem oculorum exteriorum  
judicare, neque secundùm audi-  
tum aurium hominum imperitorum  
sententiare: sed in iudicio vero de spi-  
ritalibus & visibilibus discernere, at-  
que super omnia beneplacitum volun-  
tatis tuæ semper inquirere.

8. Falluntur sæpe hominum sensus  
in iudicando, falluntur & amatores  
sæculi visibilia tantummodò amando.  
Quid est homo inde melior, quia re-  
putatur ab homine major? Fallax fal-  
laciem, vanus vanum, cæcus cæcum,  
infirmus infirmum decipit dum exal-  
tat: & veraciter magis confundit dum  
inaniter laudat. Nam *quantum unus-  
quisque est in oculis tuis, tantum est, &  
non amplius*: ait humilis [ Sanctus ]  
Franciscus.

*Quòd humilibus insistendum est operibus  
cùm deficitur à summis.*

## CAP. LI.

## SALVATOR.

1. **F**ILI non vales semper in ferventiori desiderio virtutum stare, nec in altiori gradu contemplationis consistere: sed necesse habes interdum ob originalem corruptelam ad inferiora descendere; & onus corruptibilis vitæ, etiam invitè & cum tædio portare. Quamdiu mortale corpus geris, tædium senties & grauamen cordis. Oportet ergo sæpe in carne de carnis onere gemere; eo quòd non vales spiritalibus studiis, & divinæ contemplationi indefinenter inhærere.

2. Tunc expedit tibi ad humilia & exteriora operà confugere, & in bonis te actibus recreare; adventum meum,

& supernam visitationem firma confidentia expectare; exilium tuum, & ariditatem mentis patienter sufferre, donec iterum à me visiteris, & ab omnibus anxietatibus libereris. Nam faciam te laborum oblivisci, & interna quiete perfrui. Expandam coram te prata Scripturarum, & dilatato corde currere incipies viam mandatorum meorum. Et dices: *Non sunt condignæ passionēs hujus temporis ad futuram gloriam, quæ revelabitur in nobis.* Ro. 8. 18.

---

*Quòd homo non reputet se consolatione dignum, sed magis dignum verberibus.*

## CAP. LII.

## DISCIPULUS.

I. **D**OMINE non sum dignus consolatione tua, nec aliqua spiritali visitatione; & ideo justè mecum

S iij

agis, quando me inopem & desolatum relinquis. Si enim ad instar maris lacrymas effundere possem, adhuc consolatione tua dignus non essem, & ideo justè mecum agis. Unde nihil dignus sum, quàm flagellari & puniri: quia graviter & sæpe te offendi, & in multis valde deliqui. Ergo vera pensata ratione, nec minima sum dignus consolatione. Sed tu clemens & misericors, qui non vis perire opera tua, ad ostendendum divitias bonitatis tuæ in vasa misericordiæ, etiam præter omne proprium meritum dignaris consolari fervum tuum supra humanum modum. Tuæ enim consolationes non sunt sicut humanæ consolationes.

2. Quid egī, Domine, ut mihi conferres aliquam cælestem consolationem? Ego nihil boni egisse me recolo, sed semper ad vitia pronum, & ad emendationem pigrum fuisse. Verum est & negare non possum. Si aliter di-



cerem, tu stares contra me, & non esset qui defenderet. Quid merui pro peccatis meis, nisi infernum, & ignem æternum? In veritate confiteor, quoniam dignus sum omni ludibrio & contemptu, nec decet me inter devotos tuos commorari. Et licet hoc ægrè audiam, tamen adversum me, pro veritate, peccata mea arguam, ut faciliùs misericordiam tuam merear impetrare.

3. Quid dicam reus, & omni confusione plenus? Non habeo os loquendi nisi tantum hoc verbum: Peccavi Domine, peccavi: miserere mei, ignosce mihi. *Sine me paululum, ut plan-* <sup>Job. 10. 20.</sup> *gam dolorem meum, antequam vadam ad terram tenebrosam, & opertam mortis caligine.* Quid tam maximè à reo & misero peccatore requiris, nisi ut contematur & humiliet se pro delictis suis? in vera contritione, & cordis humiliatone nascitur spes veniæ, reconciliatur

perturbata conscientia, reparatur gratia perditā, tuetur homo à futura ira, & occurrunt sibi mutuò in osculo sancto Deus & pœnitens anima.

4. Humilis peccatorum contritio acceptabile tibi est, Domine, sacrificium, longè suaviùs odorans in conspectu tuo, quàm thuris incensum. Hoc est gratum etiam unguentum, quod pedibus tuis infundi voluisti, *Ps. 50. 19.* quia *cor contritum, & humiliatum numquam despexisti.* Ibi est locus refugij à facie iræ inimici. Ibi emendatur, & abluitur quidquid aliunde contractum est & inquinatum.



*Quod gratia Dei non miscetur sapientibus terrena.*

## CAP. LIII.

## SALVATOR.

I. **F**ILI pretiosa est gratia mea, non patitur se misceri extraneis rebus, nec consolationibus terrenis. Abjicere igitur oportet omnia impedimenta gratiæ, si optas ejus infusionem suscipere. Pete secretum tibi, ama solus habitare tecum: nullius require confabulationem; sed magis ad Deum devotam effunde precem; ut compunctam teneas mentem, & puram conscientiam. Totum mundum nihil æstima: Deo vacare omnibus exterioribus antepone. Non enim poteris mihi vacare, & in transitoriis pariter delectari. A notis & à caris oportet elongari, & ab omni temporali solatio mentem

tenere privatam. Sic obsecrat Beatus  
 \* 1. Pet 2. 11. Apostolus Petrus : *Vt tamquam ad-  
 venas , & peregrinos in hoc mundo se  
 contineant Christi fideles à carnalibus  
 desideriis , quæ militant adversùs ani-  
 mam.*

2. O quanta fiducia erit morituro,  
 quem nullius rei affectus detinet in  
 mundo ! sed sic segregatum cor habe-  
 re ab omnibus æger necdum capit  
 animus , nec animalis homo novit in-  
 terni hominis libertatem. Attamen si  
 verè velit esse spiritalis , oportet eum  
 renunciare tam remotis quàm propin-  
 quis : & à nemine magis cavere quàm  
 à seipso. Si temetipsum perfectè vice-  
 ris , cetera faciliùs subjugabis. Perfe-  
 cta victoria est de semetipso triumphare.  
 Qui enim seipsum subjectum te-  
 net , ut sensualitas rationi & ratio in  
 cunctis obediat mihi , hic verè victor  
 est suû , & dominus mundi.

3. Si ad hunc apicem scandere gli-

fcis, oportet viriliter incipere, & securim ad radicem ponere, ut evellas & destruas occultam & inordinatam inclinationem ad teipsum, & ad omne privatum & materiale bonum. Ex hoc vitio, quòd homo semetipsum nimis inordinatè diligit, pænè totum pendet quidquid radicaliter vincendum est. Quo devicto & subacto malo, pax magna & tranquillitas erit continuò. Sed quia pauci sibiipfis perfectè mori laborant, nec plenè extra se tendunt, propterea in se implicati remanent, nec supra se in spiritu elevari possunt. Qui autem liberè mecum ambulare desiderat, necesse est ut omnes pravas & inordinatas affectiones suas mortificet, atque nulli creaturæ privato amore concupiscenter inhæreat.



*De diversis motibus naturæ & gratiæ.*

## CAP. LIV.

## MAGISTER.

1. **F**ILI diligenter adverte motus naturæ & gratiæ, quia valde contrariè ac subtiliter moventur : & vix nisi à spiritali & intimè illuminato homine discernuntur. Omnes quidem bonum appetunt, & aliquid boni in suis dictis vel factis prætendunt, ideo sub specie boni multi falluntur. Natura callida est, & multos trahit, illaqueat & decipit; & se semper pro fine habet: Sed gratia simpliciter ambulat, & ab omni specie mala declinat, fallacias non prætendit, & omnia purè propter Deum agit, in quo & finaliter requiescit.

2. Natura invitè vult mori, nec premi, nec superari, nec subesse, nec spon-

te subjugari. Gratia verò studet mortificationi propriæ, resistit sensualitati; quærit subjici, appetit vinci; nec propria vult libertate fungi: sed sub disciplina amat teneri; nec alicui cupit dominari: sed sub Deo semper vivere, stare & esse: atque propter Deum omni humanæ creaturæ humiliter parata est inclinari. Natura pro suo commodo laborat, & quid lucri sibi ex alio proveniat, attendit. Gratia autem non quid sibi utile commodumque sit; sed quod multis proficiat magis considerat. Natura libenter honorem & reverentiam accipit. Gratia verò omnem honorem & gloriam Deo fideliter attribuit.

3. Natura confusionem timet atque contemptum. Gratia autem gaudet pro nomine Jesu contumeliam pati. Natura otium amat, & quietem corporalem. Gratia verò vacua esse non potest, sed libenter amplectitur laborem. Natura quærit habere curiosa

& pulcra, fugit autem vilia & grossa. Gratia verò simplicibus delectatur & humilibus; aspera non aspernatur, nec vetustis refugit indui pannis. Natura respicit temporalia; gaudet ad lucra terrena; tristatur de damno; irritatur levis injuriæ verbo; sed gratia attendit æterna; non inhæret temporalibus; nec in perditione rerum turbatur; neque verbis durioribus acerbatur: quia thesaurum suum & gaudium in cælo, ubi nihil perit, constituit.

4. Natura cupida est, & libentiùs accipit, quàm donat; amat propria & privata; Gratia autem pia est, & communis; vitat singularia, contentatur paucis; *beatius dare* judicat, *quàm accipere*. Natura inclinat ad creaturas, ad carnem propriam, ad vanitatem, & discursus; sed gratia trahit ad Deum & ad virtutes; renunciat creaturis; fugit mundum; odit carnis desideria; restringit evagationes; erubescit in publico



blico apparere. Natura libenter aliquod solatium habet externum, in quo delectetur ad sensum; sed gratia in solo Deo querit consolari, & in summo Bono super omnia visibilia delectari.

5. Natura totum agit propter lucrum & commodum proprium, nihil gratis facere potest, sed aut æquale, aut melius; aut laudem, vel favorem pro benefactis consequi sperat; & multum ponderari sua gesta & dona concupiscit. Gratia verò nihil temporale querit, nec aliud præmium quàm Deum solum pro mercede postulat; nec amplius de necessariis temporalibus desiderat; nisi quantum hæc sibi ad affectionem æternorum valeant deservire.

6. Natura gaudet de amicis multis, & propinquis; gloriatur de nobili loco & ortu generis: arridet potentibus; blanditur divitibus; applaudit sibi similibus. Gratia autem & inimicos di-

ligit; nec de amicorum turba extollitur; nec locum, nec ortum natalium reputat, nisi virtus ibi major fuerit; favet magis pauperi, quàm diviti; compatitur plus innocenti, quàm potenti; congaudet veraci, non fallaci; exhortatur semper bonos meliora charismata æmulari, & Filio Dei per virtutes assimilari. Natura de defectu, & molestia citò conqueritur; Gratia constanter fert inopiam.

7. Natura omnia ad se reflectit; pro se certat & arguit: Gratia autem ad Deum cuncta reducit, unde originaliter emanant; nihil boni sibi adscribit, nec arroganter præsumit; non contendit, nec suam sententiam aliis præfert: sed in omni sensu & intellectu æternæ sapientiæ ac divino examini se submittit. Natura appetit scire secreta, & nova audire: vult exterius apparere, & multa per sensus experiri: desiderat agnosci, & agere unde laus & ad-

miratio procedit. Sed gratia non curat nova nec curiosa percipere ; quia totum hoc de corruptionis vetustate est ortum , cùm nihil novum & durable sit super terram. Docet itaque sensus restringere ; vanam complacentiam & ostentationem devitare ; laudanda & dignè miranda humiliter abscondere ; ac de omni re , atque in omni scientia utilitatis fructum , atque Dei laudem & honorem quærere. Non vult se nec sua prædicari ; sed Deum in donis suis optat benedici , qui cuncta ex mera caritate largitur.

8. Hæc gratia supernaturale lumen , & quoddam Dei speciale donum est , & propriè electorum signaculum , & pignus salutis æternæ ; quæ hominem de terrenis ad cælestia amanda sustollit , & de carnali spiritalem facit. Quanto igitur natura ampliùs premitur & vincitur , tanto major gratia infunditur , & quotidie novis visitationibus

292 DE IMITAT. CHRISTI  
interior homo secundum imaginem  
Dei reformatur.

---

*De corruptione naturæ, & efficacia  
gratiæ divinæ.*

C A P. LV.

D I S C I P U L U S.

I. **D**OMINE Deus meus, qui me  
creasti ad imaginem & simili-  
tudinem tuam, concede mihi hanc  
gratiam, quam ostendisti tam ma-  
gnam, & necessariam ad salutem: ut  
vincam pessimam naturam meam tra-  
hentem ad peccata, & in perditionem.

\* Ro. 7. 23. \* *Sentio enim in carne mea legem peccati  
contradicientem legi mentis meæ, & ca-  
ptivum me ducentem ad obediendum sen-  
sualitati in multis: nec possum resiste-  
re passionibus ejus, nisi assistat san-  
ctissima gratia tua, cordi meo arden-  
ter infusa.*

2. Opus est gratia tua, & magna gratia, ut vincatur natura *ad malum* <sup>Gen. 3. 21.</sup> *semper prona ab adolescentia sua.* Nam eâ per primum hominem Adam lapsâ, & vitiatâ per peccatum, in omnes homines pœna hujus maculæ descendit: ut ipsa natura, quæ bona & recta à te condita fuit, pro vitio jam & infirmitate corruptæ naturæ ponatur, eo quòd motus ejus sibi relictus ad malum & inferiora trahit. Nam modica vis, quæ remansit, est tamquam scintilla quædam latens in cinere. Hæc est ipsa ratio naturalis circumfusa magna caligine, adhuc judicium habens boni & mali, veri falsique distantiam, licet impotens sit adimplere omne quod approbat: nec pleno jam lumine veritatis, nec sanitate affectionum suarum potiatur.

3. Hinc est, Deus meus, quòd *con-* <sup>Ro. 7. 22.</sup> *delector legi tuæ secundum interiorem hominem,* sciens *mandatum tuum fore bo-* <sup>Ro. 7. 12.</sup>

*num, justum, & sanctum*; arguens etiam omne malum & peccatum fugiendum.

<sup>1bid. 7. 25.</sup> *Carne autem servio legi peccati*, dum magis sensualitati obedio quàm ratio-

<sup>1bid. 18.</sup> ni. Hinc est quòd *velle bonum mihi adjacet, perficere autem non invenio*. Hinc sæpe multa bona propono, sed quia gratia deest ad adjuvandum infirmitatem meam, ex levi resistantia resilio & deficio. Hinc accidit, quòd viam perfectionis agnosco, & qualiter agere debeam, clarè satis video: sed propriæ corruptionis pondere pressus ad perfectionem non assurgo.

4. O quàm maximè est mihi necessaria, Domine, gratia tua ad inchoandum bonum, ad proficiendum, & perficiendum! Nam sine illa non possum facere aliquid: omnia autem possum in te confortâte me gratia tua. O verè cælestis gratia, sine qua nulla sunt propria merita, nulla quoque dona naturæ ponderanda; Nihil artes, nihil pulcritudo,

nihil divitiarum, nihil fortitudo, nihil ingenium, nihil eloquentia valent apud te, Domine, sine gratia tua. Nam donaturarum bonis & malis sunt communia: electorum autem proprium donum est gratia, sive dilectio, qua insigniti, digni habentur vita æterna. Tantum eminet hæc gratia, ut nec donum prophetiarum, nec signorum operatio, nec quantalibet alta speculatio aliquid æstimeretur sine ipsa. Sed neque fides, neque spes, neque aliæ virtutes tibi acceptæ sunt sine caritate & gratia.

5. O beatissima gratia, quæ pauperem spiritu virtutibus divitem facis: & divitem multis bonis humilem corde reddis. Veni, descende ad me, reple me mane tua consolatione; ne deficiat præ lassitudine atque ariditate mentis anima mea. Obsecro, Domine, *ut in-* <sup>Gen. 18. 3.</sup>  
*veniam gratiam in oculis tuis:* <sup>2. Cor. 12. 9.</sup> *sufficit*  
 enim *mibi gratia tua*, ceteris non obtentis, quæ desiderat natura. Si fuero

T iiij

296 DE IMITAT. CHRISTI  
tentatus & vexatus tribulationibus  
multis, non timebo mala, dum fuerit  
mecum gratia tua. Ipsa fortitudo mea  
est; ipsa consilium mihi confert & au-  
xilium. Cunctis hostibus potentior est,  
& sapientior universis sapientibus.

6. Magistra est veritatis, doctrix  
disciplinæ, lumen cordis, solamen pres-  
suræ, fugatrix tristitiæ, ablatrix timo-  
ris, nutrix devotionis, productrix la-  
crymarum. Quid sum sine illa, nisi  
aridum lignum, & stirps inutilis ad  
ejiciendum? *Tua ergo me, Domine,  
gratia semper & præveniat & sequatur,  
ac bonis operibus jugiter præstet esse  
intentum.*

\* Orat. Do-  
minica 14.  
post Pentec.





*Quòd nos ipsos abnegare debemus , &  
Christum per crucem imitari.*

## CAP. LVI.

## SALVATOR.

I. **F**ILI quantum à te exire vales ,  
tantum poteris in me transire .  
Sicut nihil foris concupiscere inter-  
nam pacem facit ; sic se interiùs relin-  
quere Deo conjungit . Volo te addif-  
cere perfectam tui abnegationem in  
voluntate mea sine contradictione &  
querela . *Sequere me : Ego sum via ,* Mat. 9. 9.  
Io. 14. 6.  
*veritas , & vita.* Sine via non itur ; sine  
veritate non cognoscitur ; sine vita non  
vivitur . Ego sum via , quam sequi de-  
bes , veritas cui credere debes , vita  
quam sperare debes . Ego via inviola-  
bilis , veritas infallibilis , vita intermi-  
nabilis . Ego sum rectissima via , veritas  
suprema , vita vera , vita beata , vita in-

## 298 DE IMITAT. CHRISTI

*Io. 8. 51.* creata. Si manseris in via mea, *cognosces veritatem, & veritas liberabit te,* & apprehendes vitam æternam.

*Mat. 19. 17.* 2. *Si vis ad vitam ingredi, serva mandata.* Si vis veritatem agnoscere,

*Ibid. 21.* crede mihi. *Si vis perfectus esse, ven-*

*Luc. 9. 23.* *de omnia.* *Si vis esse discipulus meus, abnega te ipsum.* Si vis beatam vitam possidere, præsentem vitam contemne. Si vis exaltari in cælo, humilia te in mundo. Si vis regnare mecum, porta crucem mecum. Soli enim servi crucis inveniunt viam beatitudinis, & veræ lucis.

### DISCIPULUS:

3. Domine JESU CHRISTE, quia arcta erat vita tua, & mundo despecta, dona mihi te cum mundi despectu imitari. *Mat. 10. 24 Io. 13. 16.* *Non enim major est servus domino suo, nec discipulus super magistrum.* Exerceatur servus tuus in vita tua, quia ibi est salus mea, & sanctitas vera. Quidquid extra eam lego, vel audio, non me

recreat, nec plenè delectat.

## SALVATOR.

4. Fili quia hæc scis, & legisti <sup>Jo. 13. 17.</sup>  
omnia; beatus eris, si feceris. *Qui* <sup>Jo. 14. 21.</sup>  
*habet mandata mea, & servat ea, ipse*  
*est qui diligit me: & ego diligam eum,*  
*& manifestabo ei meipsum: & faciam* <sup>Eph. 2. 6.</sup>  
*eum confedere mecum in Regno Patris* <sup>Apoc. 3. 21.</sup>  
*mei.*

## DISCIPULUS.

Domine igitur sicut dixisti & promifisti, sic utique mihi promereri contingat. Suscepi de manu tua crucem, portabo eam usque ad mortem sicut imposuisti mihi. Verè vita boni monachi crux est, sed dux paradisi. Incœptum est, retro abire non licet; nec relinquere oportet.

5. Eia fratres, pergamus simul, Jesus erit nobiscum: propter JESUM suscepimus hanc crucem; propter JE-

300 DE IMITAT. CHRISTI  
sum perseveremus in cruce. Erit ad-  
jutor noster, qui est dux noster &  
præcessor. En Rex noster ingreditur  
ante nos, qui pugnabit pro nobis. Se-  
quamur viriliter, nemo metuât terro-  
res; *simus parati mori fortiter in bello,*  
*nec inferamus crimen gloriæ nostræ, ut*  
*fugiamus à cruce.*

---

*Quòd homo non sit nimis dejectus quando  
in aliquos labitur defectus.*

C A P. LVII.

I. **F**ILI magis placent mihi patien-  
tia & humilitas in adversis, quàm  
multa consolatio & devotio in prospe-  
ris. Ut quid te contristat parvum fa-  
ctum contra te aut dictum? Si amplius  
fuiſſet, moveri non debuiffes. Sed  
nunc dimitte transire: non est primum,  
nec novum, nec ultimum erit, si diu

vixeris. Satis virilis es quamdiu nihil obviat mali aut adversi. Bene etiam consulis, & alios nosti roborare verbis; sed cùm ad januam tuam venit repentina tribulatio, deficis consilio & robore. Attende magnam fragilitatem tuam, quam sæpius experiris in modicis objectis; cùm tamen ista pro salute tua fiant.

2. Cùm hæc & similia contingunt, propone ut meliùs nosti, ex corde crucis meæ supplicium: & si te tetigerit adversitas, non tamen dejiciat, nec diu implicet. Ad minus sustine patienter, si non potes gaudenter. Et si minùs libenter audis, atque indignationem sentis, reprime te, nec patiaris aliquid inordinatum ex ore tuo exire, unde parvuli scandalizentur. Citò conquiescet commotio excitata; & dolor internus, revertente gratia, dulcorabitur. Adhuc vivo ego Dominus juvare te para-

302 DE IMITAT. CHRISTI  
tus, & solito ampliùs consolari, si con-  
fusus fueris mihi, & me devotè invoca-  
veris.

3. Animæquior esto, & ad majorem sustinentiam accingere. Non est totum frustratum si sæpius percipis te tribulatum, vel graviter tentatum. Homo es, & non Deus, caro, & non Angelus. Quomodò tu posses semper in eodem statu virtutis permanere, quando hoc defuit Angelo in cælo, & primo homini in paradiso, qui non diu steterunt? Ego sum, qui mœrentes erigo sospitate, & suam cognoscentes infirmitatem ad meam proveho divinitatem.

#### DISCIPULUS.

4. Domine, benedictum sit verbum tuum, *dulce super mel & favum ori meo.* Quid facerem in tantis tribulationibus & angustiis meis, nisi me confortares tuis sanctis sermonibus?

*\*Psal. 118, 11.  
16. 118, 103.*

Dummodò ad portum salutis tandem perveniam, quid curæ est quæ & quanta passus fuero? Da finem bonum; da felicem ex hoc mundo transitum. Memento meî Deus meus, & dirige me recto itinere in regnum tuum. Amen.

---

*De altioribus rebus , & occultis judiciis  
Dei non scrutandis.*

## CAP. LVIII.

I. **F**ILI caveas disputare de altis materiis, & de occultis Dei judiciis: cur iste sic relinquitur, & ille ad tantam gratiam assumitur. Cur etiam iste tantum affligitur, & ille tam eximie exaltatur. Ista omnem humanam facultatem excedunt; nec ad investigandum divinum iudicium ulla ratio prævalet vel disputatio. Quando ergo hæc suggerit inimicus, vel quidam curiosi

inquirunt homines , responde illud

<sup>Ps. 118.</sup> Prophetæ : *Justus es Domine , & re-*

<sup>137.</sup> *Etum judicium tuum.* Et illud : *Judicia*

*Domini vera , justificata in semetipsa.*

Judicia mea metuenda sunt , non discutienda , quia humano intellectui sunt incomprehensibilia.

2. Noli etiam inquirere , nec disputare de meritis Sanctorum , quis alio sit sanctior , aut quis major fuerit in regno cælorum. Talia generant sæpe lites , & contentiones inutiles ; nutriunt quoque superbiam & vanam gloriam : unde oriuntur invidia & dissensiones , dum iste istum Sanctum , & alius alium conatur superbè præferre. Talia autem velle scire ac investigare , nullum fructum affert , sed magis displicet Sanctis ; quia *non sum*

<sup>1. Cor. 14.</sup>  
<sup>33.</sup>

*Deus dissensionis , sed pacis ;* quæ pax magis in humilitate vera , quàm in propria exaltatione consistit.

3. Qui-



3. Quidam zelo devotionis trahuntur ad hos vel ad illos ampliori affectu, sed humano potius quàm divino. Ego sum qui cunctos condidi Sanctos; ego donavi gratiam, ego præstiti gloriam. Ego novi singulorum merita; *ego præveni eos in benedictionibus dul-* *ps. 4. 26.*  
*cedinis meæ.* Ego præcivi dilectos ante sæcula; ego eos elegi de mundo, non ipsi præelegerunt. Ego vocavi per gratiam, attraxi per misericordiam, ego perduxì eos per tentationes varias. Ego infudi consolationes magnificas, ego dedi perseverantiam, ego coronavi eorum patientiam.

4. Ego primum & novissimum agnosco; ego omnes inæstimabili dilectione amplector. Ego laudandus sum in omnibus Sanctis meis; ego super omnia benedicendus sum & honorandus in singulis, quos sic gloriosè magnificavi, & prædestinavi sine ullis

306 DE IMITAT. CHRISTI  
præcedentibus meritis propriis. Qui ergo unum de minimis meis contempserit, nec magnum honorat, quia pusillum, & magnum ego feci. Et qui derogat alicui Sanctorum, derogat & mihi & ceteris omnibus in Regno cælorum. Omnes enim unum sunt per caritatis vinculum; idem sentiunt; idem volunt, & omnes in unum se diligunt.

5. Adhuc autem ( quod multo altius est ) plus me, quàm se suaque merita diligunt. Nam supra se rapti, & extra propriam dilectionem tracti, toti in amorem meum pergunt, in quo & fruitivè quiescunt. Nihil est quod eos avertere possit, aut deprimere; quippe qui æterna veritate pleni, igne ardescunt inextinguibilis caritatis. Taceant igitur carnales & animales homines de Sanctorum statu differere, qui non norunt nisi privata gaudia

diligere. Demunt & addunt pro sua inclinatione , non prout placet æternæ Veritati.

6. In multis est ignorantia , maxime qui parum illuminati rarò aliquem perfectâ dilectione spirituali diligere norunt. Multùm adhuc naturali affectu , & humana amicitia ad hos vel ad illos trahuntur ; & sicut in inferioribus se habent , ita de cælestibus imaginantur. Sed est distantia incomparabilis eorum , quæ imperfecti cogitant , & quæ illuminati viri per revelationem supernam speculantur.

7. Cave ergo , fili , de istis curiosè tractare , quæ tuam scientiam excedunt ; sed hoc magis satage & intende , ut vel minimus in Regno Dei queas inveniri. Et si quispiam sciret , quis alio esset sanctior , vel major haberetur in Regno cælorum , quid hæc ei notitia prodesset , nisi se ampliùs

ex hac cognitione humiliaret coram me, atque in majorem mei nominis laudem exurgeret ? Multo acceptius Deo facit, qui de peccatorum suorum magnitudine, ac virtutum suarum parvitate, quàmque longè distat à perfectione Sanctorum cogitat, quàm is, qui de majoritate illorum disputat vel parvitate. Melius est Sanctos devotis precibus & lacrymis exorare, ipsorumque gloriosa humili mente implorare suffragia, quàm secreta eorum vana inquisitione perscrutari.

8. Illi bene atque optimè contentantur, si homines scirent contentari, & vaniloquia sua compescere. Non gloriantur de propriis meritis; quippe qui sibi nihil bonitatis sed totum mihi adscribant, quoniam ipsis cuncta ex infinita caritate mea donavi. Tanto amore divinitatis & gaudio su-

pereffluenti replentur; ut nihil eis defit gloriæ, nihilque deesse possit felicitatis. Omnes Sancti quanto altiores in gloria, tanto humiliores in seipfis, mihiq; viciniore, & dilectiores existunt. Ideoque habes scriptum, quia

*mittebant coronas suas ante Deum. Et ceciderunt in facies suas coram Agno; & adoraverunt Viventem in secula seculorum.* Apo. 4. 10.  
5. 14.

9. Multi quærunt, *quis major sit in Regno celorum*, qui ignorant, cum minimis erunt digni computari. Magnum est vel minimum esse in cælo, ubi omnes magni sunt: quia omnes filij Dei vocabuntur, & erunt.

*Minimus erit in mille, & peccator centum annorum morietur.* Cum enim quærerent Discipuli: *Quis major esset in Regno celorum?* tale audierunt responsum: *Nisi conversi fueritis, & efficiamini sicut parvuli, non intrabitis in* Isa. 60. 22.  
65. 20.  
Mat. 18. 1.  
Mat. 18. 3.  
& 4.

*Regnum cælorum. Quicumque ergo se humiliaverit sicut parvulus iste, hic est major in Regno cælorum.*

10. Væ eis, qui cum parvulis humiliare se sponte dedignantur: quoniam humilis janua cælestis Regni eos non admittet intrare. *Væ etiam divitibus qui habent hîc consolationes suas: quia pauperibus intrantibus in Regnum cælorum, ipsi stabunt foris ejulantes. Gaudete humiles, & exultate pauperes, quia vestrum est Regnum Dei, si tamen in veritate ambulatis.*
- \* Luc. 6. 24. \* Mat. 5. 3. \* Luc. 6. 20. \* 3. Reg. 2. 4.*

---

*Quodd omnis spes & fiducia in solo Deo figenda est.*

## CAP. LIX.

## DISCIPULUS.

1. **D**OMINE quæ est fiducia mea quam in hac vita habeo? aut

quod majus solatium meum ex omnibus apparentibus sub cælo ? Nonne tu, Domine Deus meus, *cujus misericordiae non est numerus* ? Ubi mihi bene fuit sine te ? Aut quando malè esse potuit præsentē te ? Malo pauper esse propter te, quàm dives sine te. Eligo potius in terra tecum peregrinari, quàm sine te cælum possidere. Ubi tu, ibi cælum : atque ibi mors & infernus, ubi tu non es. Tu mihi in desiderio es : & ideo post te gemere, & clamare, & exorare necesse est. In nullo denique possum confidere plenè, qui in necessitatibus auxilietur opportunis, nisi in te solo Deo meo. Tu es spes mea, & fiducia mea : tu consolator meus, & fidelissimus in omnibus adjutor.

2. *Omnes, quæ sua sunt, quærunt :* <sup>1. hil. 2. 21.</sup> tu salutem meam & profectum meum solummodò prætendis, & omnia in

312 DE IMITAT. CHRISTI  
bonum mihi convertis. Etiam si variis tentationibus & adversitatibus exponas, hoc totum ad utilitatem meam ordinas; qui mille modis dilectos tuos probare consuevisti. In qua probatione non minùs diligere debes & laudari, quàm si cælestibus consolationibus me repleres.

3. In te ergo, Domine Deus meus, pono totam spem meam & refugium: omnem tribulationem & angustiam meam constituo; quia totum infirmum & instabile invenio, quidquid extra te conspicio. Non enim proderunt multi amici; neque fortes auxiliarii adjuvare poterunt; neque prudentes consiliarii responsum utile dare; neque libri Doctorum consolari; nec aliqua pretiosa substantia liberare; nec locus aliquis secretus contutari: si tu ipse non assistas, juves, confortes, consoleris, instruas & custodias.



4. Omnia namque, quæ ad pacem videntur esse & felicitatem habendam, te absente nihil sunt, nihilque felicitatis in veritate conferunt. Finis ergo omnium bonorum, & altitudo vitæ, & profunditas eloquiorum tu es: & in te super omnia sperare fortissimum est solatium servorum Dei. \* *Ad te sunt oculi mei, in te confido*, Deus meus, misericordiarum Pater. Benedic, & sanctifica animam meam benedictione cælesti: ut fiat habitatio tua sancta, & sedes æternæ gloriæ tuæ; nihilque in templo tuæ divinitatis inveniatur, quod oculos tuæ majestatis offendat. \* *Secundum magnitudinem bonitatis tuæ, & multitudinem miserationum tuarum respice in me*, & exaudi orationem pauperis servi tui, longè exulantis in regione umbræ mortis. Protege & conserva animam servuli tui inter tot discrimina.

\* Ps. 140. 8.

\* Ps. 24. 1.

\* Ps. 68. 17

314 DE IMITAT. CHRISTI  
mina vitæ corruptibilis; ac comitan-  
te gratia tua dirige per viam pacis  
ad patriam perpetuæ claritatis.  
Amen.

*Explicit Liber tertius.*





# DE IMITATIONE CHRISTI.

LIBER QUARTUS.

*De Sacramento Eucharistiae, sive de sacra  
Communione.*

---

VERBA CHRISTI.



**V**ENITE *ad me omnes, qui la-* Mat. 11, 28.  
*boratis, & onerati estis, &*  
*ego reficiam vos, dicit Do-*  
*minus. Panis, quem ego da-* Ioan. 6, 52.  
*bo, caro mea est pro mundi vita. Acci-* Mat. 26, 26.  
*pite, & comedite, hoc est corpus meum,*

1. Cor. 11. 24. *quod pro vobis tradetur : hoc facite in  
 Ioan. 6. 55. meam commemorationem. Qui mandu-  
 cat carnem meam , & bibit sanguinem  
 Ioan. 6. 64. meum , in me manet , & ego in illo. Ver-  
 ba , quæ ego locutus sum vobis , spiritus ,  
 & vita sunt.*

---

*Cum quanta reverentia Christus sit  
 suscipiendus.*

## CAP. I.

## DISCIPULUS.

1. **H**ÆC sunt verba tua , Christe ,  
 veritas æterna , quamvis non  
 uno tempore prolata , nec uno in loco  
 conscripta Quia ergo tua sunt verba  
 gratanter mihi & fideliter cuncta sunt  
 accipienda. Tua sunt , & tu ea protuli-  
 sti ; & mea quoque sunt , quia pro salu-  
 te mea edidisti. Libenter suscipio ea  
 ex ore tuo , ut aptius inferantur cordi  
 meo. Excitant me verba tantæ pieta-

tis plena dulcedinis & dilectionis. Sed terrent me delicta propria: & ad capienda tanta mysteria me reverberat impura conscientia. Provocat me dulcedo verborum tuorum, sed onerat me multitudo vitiorum meorum.

2. Jubes ut fiducialiter ad te accedam si tecum velim habere partem: ut immortalitatis accipiam alimoniam si æternam cupiam obtinere vitam & gloriam. *Venite*, inquis, *ad me omnes*, Mat. 11, 28. *qui laboratis & onerati estis, & ego reficiam vos.* O dulce & amicabile verbum in aure peccatoris, quo tu, Domine Deus meus, egenum & pauperem invitas ad communionem tui sanctissimi corporis. Sed quis ego sum, Domine, ut ad te præsumam accedere? *Ecce celi calorum te non capiunt*, & 3. Reg. 8, 27. tu dicis: *Venite ad me omnes.*

3. Quid sibi vult ista piissima dignatio, & tam amicabile invitatio? Quomodò ausus ero venire, qui nul-

lius boni mihi conscius sum, unde pos-  
 sim præsumere? Quomodò te intro-  
 ducam in domum meam, qui sæpiùs  
 offendi benignissimam faciem tuam?  
 Reverentur Angeli & Archangeli, me-  
 tuunt Sancti & Iusti, & tu dicis: *Ve-  
 nite ad me omnes*? Nisi tu, Domine,  
 hoc diceres, quis verum esse crederet?  
 Et nisi tu juberet, quis accedere atten-  
 taret? Ecce Noe vir iustus, in arcæ  
 fabrica, centum annis laboravit, ut  
 cum paucis salvaretur; & ego quomo-  
 dò me potero una hora præparare, ut  
 mundi Fabricatorem cum re & essen-  
 tia sumam?

*Gen. 6. 14.*

*Exod. 25. 10.*

4. Moyſes famulus tuus, magnus  
 & ſpecialis amicus tuus, arcam ex li-  
 gnis impuſtribilibus fecit, quam &  
 mundiffimo veſtavit auro, ut tabulas  
 Legis in ea reponeret: & ego putrida  
 creatura audebo te Conditorem Le-  
 gis, ac vitæ datorem tam facilè ſuſci-  
 pere? Salomon ſapientiſſimus Regum

*Reg. 6. 38.*

Israël , magnificum templum septem annis in laudem nominis tui ædificavit : & octo diebus festum dedicationis ejus *ibid. 8.* celebravit : mille hostias pacificas obtulit : & arcam fœderis cum clangore buccinæ & jubilo in locum sibi præparatum solemniter collocavit. Et ego felix & pauperrimus hominum quomodò te in domum meam introducam, qui vix mediam expendere devotè novi horam ? & utinam vel semel dignè ferè mediam !

5. O mi Deus , quantum illi ad placendum tibi agere studuerunt ! Heu , quàm pusillum est quod ago : quàm breve expleo tempus cùm me ad communicandum dispono ! Rarò totus collectus , rarissimè ab omni distractione purgatus. Et certè in tuæ salutari Deitatis præsentia , nulla deberet occurrere indecens cogitatio , nulla etiam occupare creatura : quia non Angelum , sed Angelorum Dominum sus-

320 DE IMITAT. CHRISTI  
cepturus sum hospitio.

6. Est tamen magna distantia inter arcam fœderis cum suis reliquiis , & mundissimum corpus tuum cum suis ineffabilibus virtutibus : inter legalia illa sacrificia , futurorum præfigurativa ; & veram tui corporis Hostiam , omnium antiquorum sacrificiorum completivam. Quare igitur non magis ad tuam venerabilem inardesco præsentiam ? Cur non majori me præparo sollicitudine ad tua Sancta sumenda , quando illi antiqui sancti Patriarchæ & Prophetæ , Reges quoque & Principes cum universo populo , tantum devotionis demonstrarunt affectum erga cultum divinum.

7. Saltavit Rex devotissimus David coram arca Dei totis viribus , recolens beneficia olim indulta Patribus ; fecit diversi generis organa , psalmos edidit , & cantari instituit cum lætitia , cecinit & ipse frequenter in cithara , Spi-  
ritu



ritus sancti afflatus gratia, docuit populum Israël toto corde Deum laudare, & ore confono diebus singulis benedicere & prædicare. Si tanta agebatur tunc devotio, ac divinæ laudis extitit recordatio coram arca testamenti; quanta nunc mihi & omni populo Christiano habenda est reverentia & devotio, in præsentia Sacramenti, in sumptione excellentissimi corporis Christi?

8. Currunt multi ad diversa loca pro visitandis reliquiis Sanctorum, & mirantur auditis gestis eorum; alta ædificia templorum inspiciunt, & osculantur sericis & auro involuta sacra ossa ipsorum. Et ecce tu præsens es hîc apud me in altari, Deus meus, Sanctus Sanctorum, Creator hominum, & Dominus Angelorum. Sæpe in talibus videndis est curiositas hominum, & novitas invisorum: & modicus reportatur emendationis fructus, maxi-

mè ubi est tam levis sine vera contritione discursus. Hic autem in Sacramento altaris totus præsens es, Deus meus, homo CHRISTUS JESUS: ubi & copiosus percipitur æternæ salutis fructus, quotiescumque fueris dignè ac devotè susceptus. Ad istud autem non trahit levitas aliqua, nec curiositas, aut sensualitas; sed firma fides, devota spes, & sincera caritas.

9. O invisibilis conditor mundi Deus, quàm mirabiliter agis nobiscum! quàm suaviter, & gratiosè cum electis tuis disponis, quibus temetipsum in Sacramento sumendum proponis! Hoc namque omnem intellectum superat: hoc specialiter devotorum corda trahit, & accendit affectum. Ipsi enim veri fideles tui, qui totam vitam suam ad emendationem disponunt, ex hoc dignissimo Sacramento magnam devotionis gratiam & virtutis amorem frequenter recipiunt.

10. O admirabilis & abscondita gratia Sacramenti, quam norunt tantum Christi fideles: infideles autem, & peccatis fervientes experiri non possunt! In hoc Sacramento confertur spiritualis gratia, & reparatur in anima virtus amissa, & per peccatum deformata reddit pulcritudo. Tanta est aliquando hæc gratia, ut ex plenitudine collatæ devotionis non tantum mens, sed & debile corpus vires sibi præstitas sentiat ampliores.

11. Dolendum tamen valde est & miserandum super tepiditate & negligentia nostra, quod non majori affectu trahimur ad Christum sumendum: in quo tota spes salvandorum consistit & meritum. Ipse enim est sanctificatio nostra & redemptio: ipse consolatio Viatorum, & Sanctorum æterna fructio. Dolendum itaque valde, quod multi tam parum hoc salutare mysterium advertunt, quod cælum lætificat,

& mundum conservat universum. Heu cæcitas & duritia cordis humani, tam ineffabile donum non magis attendere, & ex quotidiano usu etiam ad in-advertentiam defluere!

12. Si enim hoc sanctissimum Sacramentum in uno tantum celebraretur loco, & ab uno tantum consecraretur Sacerdote in mundo; quanto putas desiderio ad illum locum, & ad talem Dei Sacerdotem homines afficerentur, ut divina mysteria celebrari audirent? Nunc autem multi facti sunt Sacerdotes, & in multis locis offertur Christus: ut tantò major appareat gratia & dilectio Dei ad hominem, quanto latiùs est sacra Communio diffusa per Orbem. Gratias tibi Jesu bone, pastor æterne, qui nos pauperes, & exules dignatus es pretioso corpore & sanguine tuo reficere; & ad hæc mysteria percipienda etiam proprii oris tui alloquio invitare dicendo: *Venite ad me omnes*

Mat. 11, 28.

*qui laboratis , & onerati estis , & ego reficiam vos.*

---

*Quòd magna bonitas & caritas Dei in hoc Sacramento exhibetur homini.*

## C A P. II.

I. **S**UPER bonitate tua , & magna misericordia tua, Domine, confilium accedo ego miser & æger ad salvatorem : esuriens & sitiens ad fontem vitæ : pauper & egenus ad Regem cæli , servus ad Dominum, creatura ad Creatorem, desolatus ad meum pium consolatorem. Sed unde hoc mihi, ut venias ad me? Quis ego sum, ut præstes mihi teipsum? Quomodò audeat peccator coram te apparere? & quomodò tu dignaris ad peccatorem venire? Tu nosti servum tuum, & scis quia nihil boni in se habet unde hoc ipsi præstes. Confiteor igitur vilitatem

meam, agnosco tuam bonitatem; laudopietatem, & gratias ago propter nimiam caritatem. Propter temetipsum enim hoc facis, non propter mea merita: ut bonitas tua mihi magis innotescat, caritas amplior ingeratur, & humilitas perfectiùs commendetur. Quia ergo tibi hoc placet, & tu sic fieri iussisti, placet & mihi dignatio tua: & utinam iniquitas mea non obsistat.

2. O dulcissime & benignissime JESU, quanta tibi reverentia, & gratiarum actio cum perpetua laude pro susceptione sacri corporis tui debetur; cujus dignitatem nullus hominum explicare potens invenitur! Sed quid cogitabo in hac Communionem, in accessu ad Dominum meum, quem debite venerari nequeo, & tamen devote suscipere desidero? Quid cogitabo melius & salubrius, nisi meipsum totaliter humiliando coram te, & tuam infinitam bonitatem exaltando supra me?

Laudo te , Deus meus , & exalto in æternum. Despicio me , & subijcio tibi in profundum vilitatis meæ.

3. Ecce tu Sanctus Sanctorum , & ego sordes peccatorum. Ecce tu inclinaste ad me , qui non sum dignus ad te respicere. Ecce tu venis ad me , tu vis esse mecum , tu me invitas ad convivium tuum. Tu mihi dare vis cælestem cibum , & panem Angelorum ad manducandum : non alium sanè , quàm te ipsum , *panem vivum , qui de celo descendisti , & das vitam mundo.* Joan. 6.

4. Ecce , unde dilectio procedit , & qualis dignatio illucescit. O quàm magnæ gratiarum actiones & laudes tibi pro his debentur ! O quàm salutare ac utile consilium tuum , cùm istud instituisti ! quàm suave , atque jucundum convivium cum teipsum in cibum donasti ! O quàm admirabilis operatio tua , Domine , quàm potens virtus , quàm ineffabilis veritas tua ! *Dixisti* Gen. 1. & Psal. 148.

enim, & *facta sunt omnia*: & hoc factum est quod ipse iussisti.

5. Mira res & fide digna, ac humanum vincens intellectum, quòd tu, Domine Deus meus, verus Deus & homo, sub modica specie panis & vini integer contineris, & sine consumptione à fumente manducaris! Tu Dominus univerforum, qui nullius habes indigentiam, voluisti per Sacramentum tuum habitare in nobis: conserva cor meum & corpus immaculatum; ut lætâ & purâ conscientîâ sæpius valeam tua celebrare mysteria, & ad meam perpetuam accipere salutem, quæ ad tuum præcipuè honorem, & memoriale perenne sanxisti & instituisti.

6. Lætare anima mea, & gratias age Deo pro tam nobili munere, & solatio singulari in hac lacrymarum valle tibi relicto. Nam quoties hoc mysterium recolis, & Christi corpus accipis, toties tuæ redemptionis opus agis, & par-



ticeps omnium meritorum Christi efficiaris. Caritas etenim Christi numquam minuitur, & magnitudo propitiationis ejus numquam exhauritur. Ideo nova semper mentis renovatione ad hoc disponere te debes, & magnæ salutis mysterium attenta consideratione pensare. Ita magnum, novum, & jucundum tibi videri debet cum celebras, aut Missam audis, ac si eodem die Christus primùm in uterum Virginis descendens homo factus esset: aut in cruce pendens pro salute hominum pateretur & moreretur.

---

*Quòd utile sit sæpe communicare.*

C A P. III.

I. **E**CCE ego venio ad te, Domine, ut bene mihi sit ex munere tuo, & lætificer in convivio sancto tuo, *quod parasti in dulcedine tua pauperi, Deus.* Ps. 67. 11.

of. 85. 4.

Ecce in te est totum quod desiderare possum & debeo; tu salus mea & redemptio, spes & fortitudo, decus & gloria. *Latifica ergo hodie animam servi tui, quoniam ad te, Domine JESU, animam meam levavi.* Desidero te nunc devotè ac reverenter suscipere; cupio te in domum meam introducere, quatenus cum Zachæo merear à te benedici, ac inter filios Abrahæ computari. Anima mea corpus tuum concupiscit, cor meum tecum uniri desiderat.

Mat. 25. 32.

2. Trade te mihi, & sufficit. Nam præter te nulla consolatio valet: Sine te esse nequeo, & sine visitatione tua vivere non valeo. Ideoque oportet me frequenter ad te accedere, & in remedium salutis meæ recipere; ne fortè deficiam in via si fuero cælesti fraudatus alimonia. Sic enim tu misericordissime JESU, prædicans populis, & varios curans languores aliquando dixisti: *Nolo eos jejunos dimittere in domum*

*suam, ne deficiant in via.* Age igitur *Mar. 8. 2.*  
 hoc modo mecum, qui te pro fidelium  
 consolatione in Sacramento reliquisti.  
 Tu es enim suavis refectionis animæ; &  
 qui te dignè manducaverit, particeps  
 & heres erit æternæ gloriæ. Necessa-  
 rium mihi quidem est, qui tam sæpe  
 laboro & pecco: tam citò torpescō &  
 deficio; ut per frequentes orationes  
 & confessiones, ac sacram tui corpo-  
 ris perceptionem me renovem, mun-  
 dem, & accendam; ne fortè diutius  
 abstinendo, à sancto proposito de-  
 fluam.

3. *Proni enim sunt sensus hominis ad Gen. 8. 21.*  
*malum ab adolescentia sua, & nisi suc-*  
 currat divina medicina, labitur mox  
 homo ad pejora. Retrahit ergo sancta  
 Communio à malo, & confortat in bo-  
 no. Si enim modò tam sæpe negligens  
 sum & tepidus quando communico,  
 aut celebros, quid fieret si medelam  
 non fumerem, & tam grande juvamen

non quærerem? Et licet omni die non sim aptus communicare, aut ad celebrandum bene dispositus, dabo tamen operam congruis temporibus divina percipere myſteria, ac tantæ gratiæ participem me exhibere. Nam hæc eſt una principalis fidelis animæ conſolatio, quamdiu peregrinatur à te in mortali corpore, ut ſit ſæpius memor Dei ſui, & dilectum ſuum devota ſuſcipiat mente.

4. O mira circa nos tuæ pietatis dignatio, quòd tu Domine Deus, Creator & vivificator omnium ſpirituum, ad pauperculam digneris venire animam: & cum tota divinitate tua ac humanitate ejus impinguare eſuriem! O felix mens, & beata anima, quæ te Dominum Deum ſuum meretur devotè ſuſcipere, & in tua ſuſceptione ſpiritali gaudio repleri! O quàm magnum ſuſcipit Dominum! quàm dilectum inducit hofpitem! quàm jucundum reci-

pit socium ! quàm fidelem acceptat  
amicum ! quàm speciosum & nobilem  
amplectitur sponsum præ omnibus di-  
lectis , & super omnia desiderabilia  
amandum ! Sileant à facie tua , dulcis-  
sime dilecte mi , cælum & terra , & om-  
nis ornatus eorum , quoniam quidquid  
laudis habent ac decoris , ex dignatio-  
ne tuæ est largitatis : nec ad decorem  
tui pervenient nominis , *cujus sapientiæ Ps. 146. 5.*  
*non est numerus.*

---

*Quòd multa bona præstantur devotè  
communicantibus.*

## CAP. IV.

1. **D**OMINE Deus meus , *præveni Ps. 140. 3.*  
*servum tuum in benedictionibus*  
*dulcedinis tuæ* , ut ad tuum magnificum  
Sacramentum dignè ac devotè merear  
accedere. Excita cor meum in te , & à  
gravi torpore exue me. Visita me in fa-

lutari tuo, ad gustandum in spiritu tuam suavitatem, quæ in hoc Sacramento tamquam in fonte plenariè scatur. Illumina quoque oculos meos ad intuendum tantum mysterium, & ad credendum illud indubitata fide me robor. Est enim operatio tua, non humana potentia: tua sacra institutio, non hominis ad inventio. Non enim ad hæc capienda & intelligenda aliquis idoneus per se reperitur, quæ Angelicam etiam subtilitatem transcendunt. Quid ergo ego peccator indignus, terra & cinis, de tam alto Sacramento investigare potero & capere?

2. Domine in simplicitate cordis, in bona & firma fide, atque in tua iustificatione ad tecum spe ac reverentia accedo: & verè credo, quia tu præsens es hîc in Sacramento, Deus & homo. Vis ergo ut te suscipiam, & me ipsum tibi in caritate uniam. Unde tuam precor clementiam, & specialem ad hoc im-

ploro mihi donari gratiam; ut totus in te liquefiam, & amore pereffluam, atque de nulla consolatione alia me amplius intromittam. Est enim hoc altissimum & dignissimum Sacramentum salus animæ & corporis, medicina omnis spiritualis languoris, in quo vitia mea curantur, passiones frenantur, tentationes vincuntur & minuuntur: gratia major infunditur, virtus incepta augetur, firmatur fides, spes roboratur, & caritas ignescit & dilatatur.

3. Multa namque bona largitus es, & adhuc sæpius largiris in hoc Sacramento dilectis tuis devotè communicantibus, Deus meus, susceptor animæ meæ, reparator infirmitatis humanæ, & totius dator consolationis æternæ. Nam multam ipsis consolationem adversus variam tribulationem infundis: & de imo dejectionis propriæ ad spem tuæ protectionis erigis; atque nova quadam gratia eos intus recreas & illu-

stras: ut qui anxij primùm & sine affectione se ante Communionem senserant, postea refectione cibo, potuque cælesti in melius se mutatos invēniant. Quod idcirco cum electis tuis ita dispensanter agis: ut veraciter agnoscant, & patenter experiantur, quàm nihil ex semetipsis habeant, & quid bonitatis ac gratiæ ex te consequantur. Quia ex semetipsis frigidi, duri ac indevoti, ex te autem ferventes, alacres & devoti esse merentur. Quis enim ad fontem suavitatis humiliter accedens non modicum suavitatis inde non reportat? aut quis juxta ignem copiosum stans non parum caloris inde non percipit? Et tu fons es semper plenus, & superabundans, ignis jugiter ardens, & numquam deficiens.

4. Unde si mihi non licet haurire de plenitudine fontis, nec usque ad satietatem potare, apponam tamen os meum ad foramen cælestis fistulæ; ut  
saltem



saltem inde guttulam modicam capiam ad refocillandam sitim meam, ut non penitus exardeſcam. Et ſi necdum totus cęleſtis, & tam ignitus ut Cherubim & Seraphim eſſe poſſum, conabor tamen devotioni inſiſtere, & cor meum præparare: ut vel modicam divini incendiij flammam ex humili ſumptione viviſici Sacramenti conquiram. Quidquid autem mihi deest, bone JEſu, Salvator ſanctiſſime, tu pro me ſupple benignè ac gratioſè, qui omnes ad te dignatus es vocare, dicens: *Venite ad me omnes, qui laboratis, & <sup>Mat. 11. 28.</sup> onerati eſtis, & ego reficiam vos.*

5. Ego quidem laboro in ſudore vultus mei, dolore cordis torqueor, peccatis oneror, tentationibus inquietor, multis malis paſſionibus implicor & premor: & non eſt qui adjuvet, non eſt qui liberet & ſalvum faciat, niſi tu Domine Deus, Salvator meus: cui committo me & omnia mea, ut me cuſto-

Oratio Ec-  
clesia.

dias & perducas in vitam æternam. Suscipe me in laudem & gloriam nominis tui, qui corpus tuum & sanguinem in cibum & potum mihi parasti. *Presta Domine Deus, salutaris meus: ut cum frequentatione mysterij tui, crescat mea devotionis affectus.*

*De dignitate Sacramenti, & statu  
Sacerdotali.*

C A P. V.

S A L V A T O R.

I. **S**I haberes Angelicam puritatem, & sancti Joannis Baptistæ sanctitatem, non esses dignus hoc Sacramentum accipere vel tractare. Non enim hoc debetur meritis hominum, quòd homo consecret & tractet Christi Sacramentum; ut sumat in cibum panem Angelorum. Grande mysterium, & magna dignitas Sacerdotum, quibus da-

rum est quod Angelis non est concessum. Soli namque Sacerdotes in Ecclesia ritè ordinati potestatem habent celebrandi, & corpus Christi consecrandi. Sacerdos quidem minister est Dei, utens verbo Dei per jussionem & institutionem Dei; Deus autem ibi principalis est auctor, & invisibilis operator, cui subest omne quod voluerit, & paret omne quod jusserit.

2. Plus ergo credere debes Deo omnipotenti in hoc excellentissimo Sacramento, quàm proprio sensui, aut alicui signo visibili. Ideoque cum timore & reverentia ad hoc opus est accedendum. Attende igitur, & vide cujus ministerium tibi traditum est per impositionem manus Episcopi. Ecce Sacerdos factus es, & ad celebrandum consecratus, vide nunc ut fideliter & devotè in suo tempore Deo sacrificium offeras, & te ipsum irreprehensibilem exhibeas. Non alleviasti onus tuum,

sed arctiori jam alligatus es vinculo disciplinæ, & ad majorem teneris perfectionem sanctitatis. Sacerdos omnibus virtutibus debet esse ornatus, & aliis bonæ vitæ exemplum præbere. Ejus conversatio non cum popularibus, & communibus hominum viis, sed cum Angelis in cælo, aut cum perfectis viris in terra.

3. Sacerdos sacris vestibus indutus Christi vices gerit; ut Deum pro se ac pro omni populo suppliciter & humiliter roget. Habet ante se & retro Dominicæ Crucis signum ad memorandam jugiter Christi passionem. Ante se crucem in casula portat, ut Christi vestigia diligenter inspiciat, & sequi ferventer studeat. Post se cruce signatus est, ut adversa quælibet illata ab aliis clementer pro Deo toleret. Ante se crucem gerit, ut propria peccata lugeat: post se, ut aliorum etiam commissa per compassionem defleat, & se

medium inter Deum & peccatores constitutum esse sciat. Nec ab oratione, nec ab oblatione sancta torpescat, donec gratiam & misericordiam impetrare mereatur. Quando Sacerdos celebrat, Deum honorat, Angelos lætificat, Ecclesiam ædificat, vivos adjuvat, defunctis requiem præstat, & se omnium bonorum participem efficit.

*Interrogatio de exercitio ante Communionem.*

C A P. VI.

D I S C I P U L U S.

I. **C**UM tuam dignitatem, Domine, & meam vilitatem penso, valde contremisco, & in meipso confundor. Si enim non accedo, vitam fugio, & si indignè me ingesserò, offensam incurro. Quid ergo faciam, Deus

Y iij

342 DE IMITAT. CHRISTI  
meus, auxiliator meus, & consiliator in  
necessitatibus ?

2. Tu doce me viam rectam ; pro-  
pone breve aliquod exercitium sacræ  
Communione congruum. Utile est  
enim scire qualiter, scilicet devotè, ac  
reverenter tibi præparare debeam cor  
meum ad recipiendum salubriter tuum  
Sacramentum, seu etiam celebrandum  
tam magnum & divinum Sacrificium.

---

*De discussione propriæ conscientiæ , &  
emendationis proposito.*

C A P. VII.

SALVATOR.

I. **S**UPER omnia cum summa humi-  
litate cordis, & supplici reve-  
rentia, cum plena fide, & pia inten-  
tione honoris Dei, ad hoc Sacramen-  
tum celebrandum, tractandum, & su-  
mendum, oportet accedere Dei Sacer-

dotem. Diligenter examina conscientiam tuam, & pro posse tuo, vera contritione, & humili confessione cam munda & clarifica: ita ut nihil grave habeas, aut scias, quod te remordeat, & liberum accessum impediat. Habeas displicentiam omnium peccatorum tuorum in generali, & pro quotidianis excessibus magis in speciali doleas & gemas. Et si tempus patitur, Deo in secreto cordis cunctas confitere passionum tuarum miserias.

2. Ingemisce & dole, quòd adhuc ita carnalis sis & mundanus: tam immortificatus à passionibus, tam plenus concupiscentiarum motibus, tam incustoditus in sensibus exterioribus, tam sæpe multis vanis phantasiis implicatus, tam multum inclinatus ad exteriora, tam negligens ad interiora, tam levis ad risum, & dissolutionem, tam durus ad fletum & compunctionem, tam promptus ad laxiora & carnis com-

344 DE IMITAT. CHRISTI  
moda, tam segnis ad rigorem & fervorem, tam curiosus ad nova audienda & pulcra intuenta, tam remissus ad humilia & vilia amplectenda, tam cupidus ad multa habenda, tam parcus ad dandum, tam tenax ad retinendum, tam inconsideratus in loquendo, tam incontinens ad tacendum, tam incompositus in moribus, tam importunus in actibus, tam effusus super cibum, tam surdus ad Dei verbum, tam velox ad quietem, tam tardus ad laborem, tam vigilans ad fabulas, tam somnolentus ad vigilias sacras, tam festinus ad finem, tam vagus ad attendendum, tam negligens in Horis persolvendis, tam tepidus in celebrando, tam aridus in communicando; tam citò distractus; tam rarò tibi bene collectus; tam subitò commotus ad iram; tam facilis ad alterius displicentiam; tam pronus ad judicandum; tam rigidus ad arguendum; tam lætus ad prospera; tam de-



bilis in adversis; tam sæpe multa bona proponens & modicum ad effectum perducens.

3. His & aliis defectibus tuis cum dolore & magna displicentia propriæ infirmitatis confessis & deploratis, firmum statue propositum emendandi vitam tuam, & semper in melius proficiendi. Deinde cum plena resignatione, & integra voluntate, offer te ipsum in honorem nominis mei in ara cordis tui holocaustum perpetuum, corpus tuum scilicet atque animam mihi fideliter committendo, quatenus sic dignè merearis ad offerendum Deo sacrificium accedere, & Sacramentum corporis mei salubriter suscipere.

4. Non est enim oblatio dignior, & satisfactio major pro peccatis diluendis, quàm seipsum purè & integrè cum oblatione corporis mei in Missa, & in Communione Deo offerre. Si homo fecerit quod in se est, & verè pœ-

<sup>Exe. 33. 11.</sup> nituerit, quotiescumque pro venia & gratia ad me accesserit, *vivo ego Dominus, qui nolo mortem peccatoris, sed*  
<sup>1b. 18. 22.</sup> *magis ut convertatur, & vivat: quoniam peccatorum suorum non recordabor amplius, sed cuncta ipsi indulta erunt.*

---

*De oblatione Christi in Cruce, & propria resignatione.*

## CAP. VIII.

## SALVATOR.

I. **S**ICUT ego meipsum expansis in cruce manibus, & nudo corpore pro peccatis tuis Deo Patri sponte obtuli, ita ut nihil in me remaneret, quin totum in sacrificium divinæ placationis transierit: ita debes & tu temetipsum mihi voluntariè in oblationem puram & sanctam quotidie in Missa, cum omnibus viribus & affectibus tuis, quanto intimius vales, offerre.

Quid magis à te requiro, quàm ut te studeas mihi ex integro resignare? Quidquid præter temetipsum das, nihil curo, quia non quæro datum tuum, sed te.

2. Sicut non sufficeret tibi omnibus habitis præter me; ita nec mihi placere poterit quidquid dederis, te non oblato. Offer te mihi, & da te totum pro Deo, & erit accepta oblatio. Ecce ego me totum obtuli Patri pro te, dedi etiam totum corpus meum in cibum, & sanguinem in potum, ut totus tuus essem, & tu meus permaneres. Si autem in teipso steteris, nec sponte te ad voluntatem meam obtuleris, non est plena oblatio, nec integra erit inter nos unio. Ideo omnia opera tua præcedere debet spontanea tuiipfius in manus Dei oblatio, si libertatem consequi vis & gratiam. Ideo enim tam pauci illuminati & liberi intus efficiuntur, quia se ipsos ex toto abnegare nesciunt.

14.33. ciunt. Est firma sententia mea : Nisi quis renuntiaverit omnibus, non potest meus esse discipulus. Tu ergo si optas meus esse discipulus, offer te ipsum mihi cum omnibus affectibus tuis.

---

*Quòd nos & omnia nostra Deo debemus offerre, & pro omnibus orare.*

## CAP. IX.

## DISCIPULUS.

I. **D**OMINE omnia tua sunt, quæ in cælo sunt & in terra. Desidero me ipsum tibi in spontaneam oblationem offerre, & tuus perpetuò permanere. Domine, in simplicitate cordis mei offero me ipsum tibi hodie in servum sempiternum, in obsequium & in sacrificium laudis perpetuæ. Suscipe me cum hac sancta oblatione tui pretiosi corporis, quam tibi hodie in præsentia Angelorum invisibiliter assi-

stentium offero : ut sit pro me , & pro cuncto populo tuo in salutem.

2. Domine offero tibi omnia peccata & delicta mea , quæ commisi coram te & sanctis Angelis tuis , à die quo primùm peccare potui usque ad diem hanc , super placabili altari tuo : ut tu omnia pariter incendas & comburas igne caritatis tuæ , & deleas universas maculas peccatorum meorum , & conscientiam meam ab omni delicto emundes , & restituas mihi gratiam tuam , quam peccando amisi , omnia mihi plenè indulgendo , & in osculum pacis me misericorditer recipiendo.

3. Quid possum agere pro peccatis meis , nisi humiliter ea confiteri & lamentari , & tuam propitiationem incessanter deprecari ? Deprecor te , exaudi me propitius , ecce ego asto coram te , Deus meus. Omnia peccata mea mihi maximè displicent , nolo ea umquam ampliùs perpetrare : sed pro eis doleo

350 DE IMITAT. CHRISTI  
& dolebo quamdiu vixero ; paratus  
sum pœnitentiam agere , & pro posse  
satisfacere. Dimitte mihi Deus meus,  
dimitte mihi omnia peccata mea pro-  
pter nomen sanctum tuum:& salva ani-  
mam meam , quam pretioso sanguine  
tuo redemisti. Ecce ego committo me  
misericordiæ tuæ, resigno me manibus  
tuis. Age mecum secundum bonita-  
tem tuam , non secundum meam mali-  
tiam & iniquitatem.

4. Offero etiam tibi omnia bona  
mea , quamvis valde pauca & imper-  
fecta ; ut tu ea emundes & sanctifices ;  
ut ea grata habeas & accepta tibi fa-  
cias , & semper ad meliora trahas ; nec  
non ad beatum & laudabilem finem  
me pigrum & inutilem homuncionem  
perducas.

5. Offero quoque tibi omnia pia de-  
sideria devotorum , necessitates paren-  
tum, amicorum, fratrum, sororum, om-  
niûmque carorum meorum , & eorum

qui mihi vel aliis propter amorem tuum benefecerunt: & qui orationes & Missas pro se, suisque omnibus, dici à me desideraverunt & petierunt, sive in carne adhuc vivant, sive jam sæculo defuncti sint: ut omnes sibi auxilium gratiæ tuæ, opem consolationis, protectionem à periculis, liberationem à pœnis advenire sentiant; & ut ab omnibus malis erepti gratias tibi magnificas læti persolvant.

6. Offero etiam tibi preces & hostias placationis, pro illis specialiter qui me in aliquo læserunt, contristaverunt, aut vituperaverunt, vel aliquod damnum vel gravamen intulerunt; pro his quoque omnibus, quos aliquando contristavi, conturbavi, gravavi, & scandalizavi, verbis, factis, scilicet scienter vel ignoranter: ut nobis omnibus pariter indulgeas peccata nostra, & mutuas offensiones. Aufer, Domine, à cordibus nostris omnem suspicio-

352 DE IMITAT. CHRISTI  
nem, indignationem, iram, & discer-  
ptionem: & quidquid potest lædere  
animas nostras, & fraternam dilectio-  
nem minuere. Miserere, miserere, Do-  
mine misericordiam tuam poscenti-  
bus; da gratiam indigentibus: & fac  
nos tales existere, ut simus digni gratia  
tua perfrui, & ad vitam proficiamus  
æternam. Amen.

---

*Quod sacra Communio de facili non  
est relinquenda.*

C A P. X.

S A L V A T O R.

I. **F**REQUENTER recurrendum est  
ad fontem gratiæ, ac divinæ mi-  
sericordiæ; ad fontem bonitatis, & to-  
tius puritatis: quatenus à passionibus  
tuis, & vitiis curari valeas, & contra  
universas tentationes & fallacias dia-  
boli fortior, atque vigilantior effici  
merea-



mercaris. Inimicus sciens fructum & remedium maximum in sacra Communionem positum, omni modo & occasione nititur fideles & devotos, quantum praevallet, retrahere atque impedire.

2. Cum enim quidam sacrae Communioni se aptare disponunt, peiores Satanæ immisiones patiuntur. Ipse namque spiritus nequam (ut in Iob scribitur) *venit inter filios Dei*: ut sollicitâ illos nequitia perturbet, aut timidos nimium reddat & perplexos: quatenus affectum eorum minuat, vel fidem impugnando auferat: si forte aut omnino Communionem relinquant, aut cum tepore accedant. Sed non est quidquam curandum de versutiis & phantasiis illius, quantumlibet turpibus & horridis; sed cuncta phantasmata in caput ejus sunt retorquenda. Contemnendus est miser & deridendus; nec propter insultus ejus & com-

354 DE IMITAT. CHRISTI  
motiones, quas suscitatur, sacra est  
omittenda Communio.

3. Sæpe etiam impedit nimia solici-  
tudo pro devotione habenda, & an-  
xietas quædam de confessione facien-  
da. Age secundum consilium sapien-  
tum; & depone anxietatem & scrupu-  
lum; quia impedit gratiam Dei, & de-  
votionem mentis destruit. Propter ali-  
quam parvam tribulationem vel gra-  
vitatem, sacram ne dimittas Commu-  
nionem: sed vade citius confiteri, &  
omnes offensiones aliis libenter indul-  
ge. Si verò tu aliquem offendisti, ve-  
niam humiliter precare, & Deus liben-  
ter indulgebit tibi.

4. Quid prodest diu tardare Con-  
fessionem, aut sacram differre Com-  
munionem? Expurga te cum primis,  
exspue velociter venenum, festina ac-  
cipere remedium, & senties melius,  
quàm si diu distuleris. Si hodie propter  
istud dimittis, cras forsitan aliud ma-

jus eveniet : & sic diu posses à Communionem impediri , & magis ineptus fieri. Quanto citius vales à præsentī gravitate atque inertia teipsum excutias : quia nihil prodest diu anxari , diu cum turbatione transire , & ob quotidiana obstacula se à divinis sequestrare. Immo plurimùm nocet diu Communionem protelare : nam & communiter gravem torporem solet inducere talis protelatio. Proh dolor ! quidam tepidi & dissoluti , moras confitendi libenter accipiunt , & Communionem sacram idcirco differre cupiunt , ne ad majorem suū custodiam dare se teneantur.

5. Heu quàm modicam caritatem & debilem devotionem habent , qui sacram Communionem tam faciliter postponunt ! Quàm felix ille Deoque acceptus habetur , qui sic vivit , & tali puritate conscientiam suam custodit , ut etiam omni die communicare para-

Z ij

356 DE IMITAT. CHRISTI  
tus, & bene affectus esset, si ei liceret;  
ac sine nota id agere posset. Si quis in-  
terdum abstinet humilitatis gratia, aut  
legitima impediēte causa, laudan-  
dus est de reverentia. Si autem torpor  
obrepserit, seipsum excitare debet, &  
facere quod in se est, & Dominus ade-  
rit desiderio suo pro voluntate, quam  
specialiter respicit.

6. Cū verò legitimè præpeditus  
est, habebit semper bonam volunta-  
tem & piam intentiōnem communi-  
candi, & sic non carebit fructu Sacra-  
menti. Potest enim quilibet devotus  
omni die, & omni hora ad spiritalem  
Christi Communionem salubriter, &  
sine prohibitione accedere; & tamen  
certis diebus, & statuto tempore, cor-  
pus sui Redemptoris cum affectuosa  
reverentia Sacramentaliter debet sus-  
cipere, ac magis laudem Dei & hono-  
rem prætere, quàm suam quærere  
consolationem. Nam toties mysticè

communicat, & invisibiliter reficitur, quoties Incarnationis Christi mysterium, passionemque devotè recolit, & in amorem ejus accenditur.

7. Qui aliter se non præparat nisi instante festo, vel consuetudine compellente, sæpius imparatus erit. Beatus qui se Domino in holocaustum offert quoties celebrat aut communicat. Non sis in celebrando nimis prolixus aut festinus, sed serva bonum & communem modum eorum cum quibus vivis. Non debes aliis generare molestiam & tedium, sed communem servare viam secundum Majorum institutionem: & potiùs aliorum servire utilitati, quàm propriæ devotioni vel affectui.



*Quòd Corpus Christi, & sacra Scriptura  
maximè sunt animæ fideli necessaria.*

## CAP. XI.

I. **O** DULCISSEME Domine JESU, quanta est dulcedo devotæ animæ tecum epulantis in convivio tuo : ubi ei non alius cibus manducandus proponitur, nisi tu unicus dilectus ejus, super omnia desideria cordis ejus desiderabilis. Et mihi quidem dulce foret in præsentia tua ex intimo affectu lacrymas fundere, & cum pia Magdalena pedes tuos lacrymis rigare. Sed ubi est hæc devotio ? ubi lacrymarum sanctarum copiosa effusio ? Certè in conspectu tuo & sanctorum Angelorum tuorum totum cor meum ardere deberet, atque ex gaudio flere. Habeo enim te in Sacramento verè præsentem, quamvis aliena specie occultatum.

2. Nam in propria te ac divina claritate conspiciere oculi mei ferre non possent, sed neque totus mundus ad fulgorem majestatis gloriæ tuæ subsisteret. In hoc ergo imbecillitati meæ consulis, quòd te sub Sacramento abscondis. Habeo verè & adoro, quem Angeli adorant in cælo, sed ego adhuc interim in fide, illi autem in specie ac sine velamine. Me oportet contentum esse lumine veræ fidei, & in ea ambulare, donec aspiret dies æternæ claritatis, & umbræ figurarum inclinentur. *Cum autem venerit quod perfectum est*, cessabit usus Sacramentorum, quia in cælesti gloria Beati non egent medicamine sacramentali: gaudent enim sine fine in præsentia Dei, facie ad faciem gloriam ejus speculantes: & de claritate in claritatem abyssalis Deitatis transformati gustant Verbum Dei carnem factum, sicut fuit ab initio, & manet in æternum.

1. Cor. 13. 10.

3. Memor cūm sim horum mirabilium, grave mihi fit. tedium, etiam quodlibet spiritale solatium; quia quamdiu Dominum meum aperte in sua gloria non video, pro nihilo duco omne quod in mundo conspicio & audio. Testis es tu mihi Deus, quia nulla res me consolari potest, nulla quietare, nisi tu Deus meus, quem desidero æternaliter contemplari. Sed non est hoc possibile durante me in hac mortalitate. Ideo oportet ut me ponam ad magnam patientiam, & me ipsum in omni desiderio tibi submittam. Nam & Sancti tui, Domine, qui tecum jam in regno cælorum exultant, in fide, ac patientia magna dum viverent adventum gloriæ tuæ expectabant. Quod illi crediderunt, ego credo; quod illi speraverunt, ego spero; quod illi pervenerunt, per gratiam tuam me venturum confido. Ambulabo interim in fide, exemplis confortatus



Sanctorum. Habebo etiam libros sanctos pro solatio & vitæ speculo, atque super hæc omnia sanctissimum corpus tuum pro singulari remedio & refugio.

4. Duo namque mihi necessaria permaximè sentio in hac vita, sine quibus importabilis mihi foret ista miserabilis vita. In carcere corporis hujus detentus duobus egere me fateor, cibo scilicet ac lumine. Dedisti itaque mihi infirmo sacrum corpus tuum ad refectionem mentis & corporis, & posuisti *lucernam pedibus meis*; *Pf. 112. 15.* *verbum tuum*. Sine his duobus vivere non possem: nam verbum Dei lux est animæ; Sacramentum autem tuum panis vitæ. Hæc possunt etiam dici mensæ duæ, hinc & inde in gazo-phylacio Ecclesiæ sanctæ positæ. Una mensa est sacri altaris habens panem sanctum, id est, corpus Christi preciosum: altera est divinæ legis conti-

362 DE IMITAT. CHRISTI  
nens doctrinam sanctam, erudiens fidem rectam; & firmiter usque ad interiora velaminis, ubi sunt sancta sanctorum, perducens. Gratias tibi, Domine Jesu, lux lucis æternæ, pro doctrinæ sacræ mensa, quam nobis per servos tuos Prophetas & Apostolos; aliósque Doctores ministrasti.

5. Gratias tibi, Creator ac Redemptor hominum, qui ad declarandam toti mundo caritatem tuam, cœnam paraasti magnam: in qua non agnum typicum, sed tuum sanctissimum corpus & sanguinem proposuisti manducandum: lætificans omnes fideles convivio sacro, & calice inebrians saluari: in quo sunt omnes deliciæ Paradisi, & epulantur nobiscum Angeli sancti, sed suavitate feliciori.

6. O quàm magnum & honorabile est officium Sacerdotum, quibus datum est Dominum majestatis verbis sacris consecrare, labiis benedicere,

manibus tenere, ore proprio sumere, & ceteris ministrare! O quàm mundæ debent esse manus illæ, quàm purum os, quàm sanctum corpus, quàm immaculatum cor Sacerdotis, ad quem toties ingreditur Auctor puritatis. Ex ore Sacerdotis nullum nisi sanctum, nullum nisi honestum & utile verbum procedere debet, qui tam sæpe Christi accipit Sacramentum.

7. Oculi simplices & pudici esse debent, qui Christi corpus intueri: manus puræ atque in cælum elevatæ, quæ Creatorem cæli & terræ solent contrectare. Sacerdotibus specialiter in Lege dicitur: *Sancti estote, quoniam ego sanctus sum, Dominus Deus vester.* Lev. 19. 2. & 10. 7.

8. Adjuvet nos gratia tua omnipotens Deus, ut qui officium Sacerdotale suscepimus, dignè ac devotè in omni puritate tibi & conscientia bona famulari valeamus. Etsi non possu-

364 DE IMITAT. CHRISTI  
mus in tanta innocentia vitæ conver-  
sari ut debemus, concede nobis ta-  
men dignè flere mala quæ gessimus,  
& in humilitatis ac bonæ voluntatis  
proposito tibi ferventiùs de cetero  
deservire.

---

*Quòd magna diligentia se debeat commu-  
nicaturus Christo preparare.*

C A P. XII.

SALVATOR.

I. **E**GO sum puritatis amator, &  
dator sanctitatis. Ego cor pu-  
rum quæro, & ibi est locus requie-  
tionis meæ. Para mihi cœnaculum  
grande stratum, & *faciam apud te pas-  
cha cum Discipulis meis.* Si vis ut veniam  
ad te, atque apud te maneam; expur-  
ga verus fermentum, & munda cor-  
dis tui habitaculum. Exclude totum  
sæculum, & omnem vitiorum tumultum.

*Mat. 14. 15.  
& Luc. 22.  
12.  
1. Cor. 5. 7.*

tum: sede *tamquam passer solitarius in Ps. 101. 8.*  
*teſto*, & cogita excessus tuos in *ama- Iſai. 38. 15.*  
*ritudine anime* tuæ. Omnis namque  
 amans suo dilecto amatori optimum  
 & pulcherrimum præparat loeum,  
 quia in hoc cognoscitur affectus sus-  
 cipientis dilectum.

2. Scito tamen te non posse satis-  
 facere huic præparationi ex merito  
 tuæ actionis, etiamsi per annum inte-  
 grum te præparares, & nihil aliud in  
 mente haberes. Sed ex sola pietate &  
 gratia mea permitteris ad mensam  
 meam accedere, ac si mendicus ad  
 prandium vocetur divitis, & ille nihil  
 aliud habeat ad retribuendum bene-  
 ficiis ejus, nisi se humiliare, & regra-  
 tiari. Fac quod in te est, & diligenter  
 facito, non ex consuetudine, non ex  
 necessitate, sed cum timore, cum re-  
 verentia & affectu accipe corpus dile-  
 cti Domini Dei tui dignantis ad te ve-  
 nire. Ego sum qui te vocavi, ego sum

qui jussi fieri; ego supplebo quod tibi deest: veni, & suscipe me.

3. Cùm gratiam devotionis tribuo, gratias age Deo tuo: non quia dignus es, sed quia tuî misertus sum. Si non habes fervorem, sed magis aridum te sentis, insiste orationi, ingemisce & pulsa: ne desistas donec merearis micam aut guttam gratiæ salutaris accipere. Tu meî indiges, non tuî ego indigeo. Nec tu me sanctificare venis, sed ego te sanctificare ac meliorare venio. Tu venis ut ex me sanctificeris, & mihi uniaris; ut novam gratiam recipias, & de novo ad emendationem accendaris. Noli negligere hanc gratiam; semper præpara cum omni diligentia cor tuum, & introduce ad te dilectum tuum.

4. Oportet autem ut non solùm præpares te ad devotionem ante Communionem, sed ut etiam te sollicitè conserves in ea post Sacramenti perceptio-

nem. Nec minor custodia pòst exigitur, quàm antè devota præparatio. Nam bona postmodùm custodia, optima iterum est præparatio ad majorem gratiam consequendam. Ex eo quippe valde indispositus quis redditur, si statim fuerit nimis effusus ad exteriora solatia. Cave à multiloquio, mane in secreto & fruire Deo tuo. Ipsum enim habes, quem totus mundus tibi auferre non potest. Ego sum cui te totum dare debes, ita ut jam ultrà non in te, sed in me absque omni solitudine vivas.

---

*Quòd toto corde anima devota Christi  
unionem in Sacramento affectare debet.*

## CAP. XIII.

## DISCIPULUS.

**Q**UIS mihi det, Domine, ut inveniam te solum, & aperi-

tibi totum cor meum , & fruar te sicut desiderat anima mea : & jam nemo despiciat , nec ulla creatura me moveat , vel respiciat , sed tu solus mihi loquaris , & ego tibi , sicut solet dilectus ad dilectum loqui , & amicus cum amico convivari ? Hoc oro , hoc desidero , ut tibi totus uniar , & cor meum ab omnibus creatis rebus abstraham , magisque per sacram Communionem , vel frequentem celebrationem cœlestia & æterna sapere discam. Ah Domine Deus , quando ero tecum totus unitus & absorptus , meique totaliter oblitus ? Tu in me , & ego in te ; & sic nos pariter in unum manere concede.

<sup>\* Cant. 5. 10.</sup> 2. Verè tu es dilectus meus , *electus ex millibus* , in quo complacuit animæ meæ habitare omnibus diebus vitæ suæ. Verè tu pacificus meus , in quo pax summa & requies vera , extra quem labor & dolor , & infinita miseria. *Verè*

<sup>\* Pro. 3. 15.</sup>

tu



*tu es Deus absconditus, & consilium tuum* <sup>Iob. 21. 16.</sup>  
*non est cum impiis, sed cum humilibus,*  
*& simplicibus sermo tuus.* O quàm sua-  
 vis est spiritus tuus, Domine, qui ut  
 dulcedinem tuam in filios demonstra-  
 res, pane suavissimo, de cælo descen-  
 dente, illos reficere dignaris! *Verè* <sup>Deut. 4. 7.</sup>  
*non est alia natio tam grandis, quæ ha-*  
*beat Deos appropinquantés sibi, sicut tu*  
*Deus noster ades universis fidelibus tuis,*  
 quibus ad quotidianum solatium, &  
 cor erigendum in cælum, te tribuis  
 ad edendum & fruendum.

3. Quæ est enim alia gens tam in-  
 clyta sicut plebs Christiana? Aut quæ  
 creatura sub cælo tam dilecta ut ani-  
 ma devota, ad quam ingreditur Deus  
 ut pascat eam carne sua gloriosa? O  
 ineffabilis gratia! ô admirabilis digna-  
 tio! ô amor immensus homini singu-  
 lariter impensus! Sed quid retribuam  
 Domino pro gratia ista, pro caritate  
 tam eximia? Non est aliud quod gra-

370 DE IMITAT. CHRISTI  
tius donare queam, quàm ut cor meum  
Deo meo totaliter tribuam & intimè  
conjungam. Tunc exultabunt omnia  
interiora mea cùm perfectè fuerit uni-  
ta Deo anima mea. Tunc dicet mihi:  
Si tu vis esse mecum, ego volo esse  
tecum. Et ego respondebo illi: Di-  
gnare, Domine, manere mecum, ego  
volo libenter esse tecum. Hoc est to-  
tum desiderium meum, ut cor meum  
tibi sit unitum.

---

*De quorundam devotorum ardenti de-  
siderio ad corpus Christi.*

C A P. XIV.

*ps. 30. 20.* I. QUAM magna multitudo dulcedi-  
nis tuæ, Domine, quam abscondisti  
timentibus te! Quando recordor devo-  
torum aliquorum ad Sacramentum  
tuum, Domine, cum devotione ma-  
xima, & affectu accedentium; tunc

ſæpius in meipſo confundor & erubeſco, quòd ad altare tuum, & ſacræ Communionis menſam tam tepidè & frigidè accedo: quòd ita aridus & ſine affectione cordis maneo; quòd non ſum totaliter accenſus coram te Deo meo, nec ita vehementer attractus & affectus, ſicut multi devoti fuerunt, qui præ nimio deſiderio Communionis, & ſenſibili cordis amore à fletu ſe non potuerunt abſtinere; ſed ore cordis & corporis pariter ad te Deum fontem vivum medullitus inhiabant, ſuam eſuriam non valentes aliter temperare, nec ſatiare, niſi corpus tuum cum omni jucunditate & ſpiritali aviditate accipiſſent.

2. O verè ardens fides eorum, probabile exiſtens argumentum ſacræ præſentiæ tuæ. Iſti enim veraciter cognoscunt Dominum ſuum in fractione panis, quorum cor tam validè ardet in eis, de Jeſu ambulante cum eis. Longè eſt

A a ij

à me sæpe talis affectus & devotio, tam vehemens amor & ardor. Esto mihi propitius, Jesu bone, dulcis & benigne: & concede pauperi mendico tuo vel interdum modicum de cordiali affectu amoris tui in sacra Communione sentire; ut fides mea magis convalescat; spes in bonitate tua proficiat; & caritas semel perfectè accensa, & cæleste manna experta numquam deficiat.

3. Potens est autem misericordia tua etiam gratiam desideratam mihi præstare, & in spiritu ardoris cùm dies beneplaciti tui advenerit, me clementissimè visitare. Etenim licèt tanto desiderio tam specialium devotorum tuorum non ardeo, tamen de gratia tua illius magis inflammati desiderij desiderium habeo; orans & desiderans omnium talium fervidorum amatorum tuorum participem me fieri, ac eorum sancto consortio annumerari.

*Quod gratia devotionis humilitate, & suiipsius abnegatione acquiritur.*

## CAP. XV.

## SALVATOR.

1. **O**PORTET te devotionis gratiam instantè quærere, desideranter petere, patienter & fiducialiter expectare, gratanter recipere, humiliter conservare, studiosè cum ea operari, ac Deo tempus & modum supernæ visitationis donec veniat committere. Humiliare præcipuè te debes cùm parum aut nihil devotionis interiùs sentis; sed non nimium dejici, nec inordinatè contristari. Dat sæpe Deus in uno brevi momento quod longo negavit tempore. Dat quandoque in fine quod in principio orationis distulit dare.

2. Si semper citò gratia daretur, &

A a iij

pro voto adesset, non esset infirmo homini bene portabile. Propterea in bona spe ac humili patientia expectanda est devotionis gratia. Tibi tamen, & peccatis tuis imputa cum non datur, vel etiam occultè tollitur. Modicum quandoque est quod gratiam impedit & abscondit: si tamen modicum & non potius grande dici debeat, quod tantum bonum prohibet. Et si hoc ipsum grande vel modicum amoveris, & perfectè viceris, erit quod petisti.

3. Statim namque ut te Deo ex toto corde tradideris, neque hoc, vel illud pro tuo libitu, seu velle quæsieris, sed integrè te in ipso posueris, unitum te invenies & pacatum; quia nihil ita bene sapiet & placebit, sicut beneplacitum divinæ voluntatis. Quisquis ergo intentionem suam simplici corde sursum ad Deum levaverit; seque ab omni inordinato amore, seu displicentia cujuslibet rei creatæ evacuaverit, aptis-

simus gratiæ percipiendæ, ac dignus erit munere devotionis. Dat enim Dominus ibi benedictionem suam, ubi vasa vacua invenerit. Et quantò perfectiùs infimis quis renunciaverit, & magis sibi ipsi per contemptum suū moritur, tantò gratia celerius venit, copiosius intrat, & altiùs liberum cor elevat.

4. Tunc videbit, & affluet, & mirabitur, & dilatabitur cor ejus in ipso; quia manus Domini cum eo, & ipse se posuit totaliter in manu ejus usque in sæculum. Ecce sic benedicetur homo qui quærit Deum in toto corde suo, nec in vanum accipit animam suam. Hic in accipiendo sacram Eucharistiam, magnam promeretur divinæ unionis gratiam; quia non respicit ad propriam devotionem & consolationem, sed ad Dei gloriam & honorem.

*Quòd necessitates nostras Christo aperire,  
& ejus gratiam postulare debemus.*

## CAP. XVI.

## DISCIPULUS.

1. **O** DULCISIME atque amantissime Domine, quem nunc devotè desidero suscipere, tu scis infirmitatem meam & necessitatem meam, quam patior; in quantis malis & vitiis jaceo; quàm sæpe sum gravatus, tentatus, turbatus & inquinatus. Pro remedio ad te venio, pro consolatione, & levamine te deprecor. Ad omnia scientem loquor, cui manifesta sunt omnia interiora mea, & qui solus potes me perfectè consolari & adjuvare. Tu scis quibus bonis indigeo præ omnibus, & quàm pauper sum in virtutibus.

2. Ecce sto ante te pauper & nudus



gratiam postulans, & misericordiam implorans. Refice esurientem mendicum tuum; accende frigiditatem meam igne amoris tui; illumina cæcitatem meam claritate præsentiae tuæ. Verte mihi omnia terrena in amaritudinem, omnia gravia & contraria in patientiam, omnia infima & creata in contemptum & oblivionem. Erige cor meum ad te in cælum, & ne dimittas me vagari super terram. Tu solus mihi ex hoc jam dulcescas usque in sæculum, quia tu solus cibus & potus meus, amor meus & gaudium meum, dulcedo mea & totum bonum meum.

3. Utinam me totaliter ex tua præsentia accendas, comburas, & in te transmutes, ut unus tecum efficiar spiritus per gratiam internæ unionis, & liquefactionem ardentis amoris. Ne patiaris me jejunum & aridum à te recedere: sed operare mecum misericorditer, sicut sæpius operatus es cum San-

378 DE IMITAT. CHRISTI  
ctis tuis mirabiliter. Quid mirum si totus ex te ignescerem, & in meipso deficerem; cum tu sis ignis semper ardens & numquam deficiens, amor corda purificans, & intellectum illuminans?

---

*De ardenti amore, & vehementi affectu  
suscipiendi Christum.*

C A P. XVII.

I. **C**UM summa devotione, & ardenti amore; cum toto cordis affectu & fervore desidero te, Domine, suscipere, quemadmodum multi Sancti & devotæ personæ in communicando te desideraverunt, qui tibi maximè in sanctitate vitæ placuerunt, & in ardentissima devotione fuerunt. O Deus meus, amor æternus, totum bonum meum, felicitas interminabilis! cupio te suscipere cum vehementissimo desiderio, & dignissima reverentia, quàm

aliquis Sanctorum umquam habuit & sentire potuit.

2. Et licet indignus sim omnia illa sentimenta devotionis habere, tamen offero tibi totum cordis mei affectum, ac si omnia illa gratissimè inflammata desideria solus haberem. Sed & quæcumque potest pia mens concipere & desiderare, hæc omnia tibi cum summa veneratione, & intimo fervore præbeo & offero. Nihil opto mihi reservare, sed me & omnia mea tibi sponte ac libentissimè immolare. Domine Deus meus, creator meus & redemptor meus, cum tali affectu, reverentia, laude & honore; cum tali gratitudine, dignitate & puritate; cum tali fide, spe, & caritate affecto te hodie suscipere, sicut te suscepit & desideravit sanctissima mater tua gloriosa virgo MARIA, quando Angelo evangelizanti sibi Incarnationis Mysterium humiliter ac devotè respondit: *Ecce ancilla Domini, fiat mihi.* Luc. i. 38.

380 DE IMITAT. CHRISTI  
*hi secundum verbum tuum.*

3. Et sicut beatus Præcurzor tuus, excellentissimus Sanctorum Joannes Baptista in præsentia tua lætabundus exultavit in gaudio Spiritûs sancti, dum adhuc maternis clauderetur visceribus. Et postmodum cernens juxta mare Jesum ambulantiem, valdè se humilians devoto cum affectu dicebat: *Amicus autem sponsi, qui stat, & audit eum, gaudio gaudet propter vocem sponsi*: Sic & ego magnis & sacris desideriis opto inflammari, & tibi ex toto corde me ipsum præsentare. Unde & omnium devotorum cordium jubilationes, ardentis affectus, mentales excessus, supernaturales illuminationes, & cælicas visiones tibi offero, & exhibeo cum omnibus virtutibus & laudibus ab omni creatura in cælo & in terra celebratis & celebrandis, pro me & omnibus mihi in oratione commendatis, quatenus ab omnibus dignè lauderis,

& in perpetuum glorificeris.

4. Accipe vota mea, Domine Deus meus, & desideria infinitæ laudationis, & immensæ benedictionis: qui tibi secundum multitudinem ineffabilis magnitudinis tuæ jure debentur. Hæc tibi reddo, & reddere desidero per singulos dies & momenta temporum, atque ad reddendum mecum tibi gratias & laudes, omnes cælestes Spiritus, & cunctos fideles tuos, precibus & affectibus invito & exoro.

5. Laudent te universi populi, tribus & linguæ, & sanctum ac mellifluum nomen tuum cum summa jubilatione & ardenti devotione magnificent. Et quicumque reverenter ac devotè altissimum Sacramentum tuum celebrant, & plena fide recipiunt, gratiam & misericordiam apud te invenire mereantur, & pro me peccatore suppliciter exorent. Cumque optata devotione,

382 DE IMITAT. CHRISTI  
ac fruitiva unione potiti fuerint, & bene consolati ac mirificè refectione de sacra mensa cælesti abscefferint, mei pauperis recordari dignentur.

---

*Quòd homo non sit curiosus scrutator Sacramenti, sed humilis imitator Christi subdendo sensum sacrae fidei.*

#### C A P. XVIII.

I. **C**AVENDUM est à curiosa, & inutili perscrutatione hujus profundissimi Sacramenti, si non vis in dubitationis profundum submergi, *qui scrutator est Majestatis, opprimetur à gloria.* Plus valet Deus operari, quàm homo possit intelligere. Tolerabilis est pia & humilis inquisitio veritatis, parata semper doceri, & per sanas Patrum sententias studens ambulare.

2. Beata simplicitas, quæ difficiles

quæstionum relinquit vias, & plana ac firma pergit semita mandatorum Dei. Multi devotionem perdiderunt dum altiora scrutari voluerunt. Fides à te exigitur & sincera vita, non altitudo intellectûs, neque profunditas mysteriorum Dei. Si non intelligis, nec capis quæ infra te sunt, quomodo comprehendes quæ supra te sunt? Subdere Deo, & humilia sensum tuum fidei, & dabitur tibi scientiæ lumen prout tibi fuerit utile ac necessarium.

3. Quidam graviter tentantur de fide & Sacramento, sed non est hoc ipsis imputandum, sed inimico. Noli curare, noli disputare cum cogitationibus tuis, nec ad immixtas à diabolo dubitationes responde; sed crede verbis Dei, crede Sanctis ejus & Prophetis, & fugiet à te nequam inimicus. Sæpe multum prodest quòd talia sustineat Dei servus. Nam infideles & peccatores non ten-

rat, quos securè jam possidet: fideles autem devotos variis modis tentat & vexat.

4. Ergo cum simplici & indubitata fide, & cum simplici reverentia ad Sacramentum accede. Et quidquid intelligere non vales, Deo omnipotenti securè committe. Non fallit te Deus, fallitur qui sibi nimiùm credit. Graditur Deus cum simplicibus, revelat se humilibus, dat intellectum parvulis, aperit sensum puris mentibus, & abscondit gratiam curiosis & superbis. Ratio humana debilis est, & falli potest, fides autem vera falli non potest.


5. Omnis ratio & naturalis investigatio fidem sequi debet, non præcedere nec infringere. Nam fides & amor ibi maximè præcellunt, & occultis modis in hoc sanctissimo & superexcellentissimo Sacramento operantur. Deus æternus & immensus, infinitæque potentia

rentia



LIBER IV. Cap. XVIII. 385  
tentia facit magna & inscrutabilia in  
cælo & in terra, nec est investigatio  
mirabilium operum ejus. Si talia essent  
opera Dei, ut facilè ab humana ratio-  
ne caperentur, nec mirabilia essent,  
nec ineffabilia dicenda.

*Explicit Liber quartus.*



Bb

---

## SVMMA PRIVILEGII.

CHRISTIANISSIMI FRANCORUM Regis LUDOVICI XIV. Privilegio die x. Martij anni MDCLXIX. concesso, & die 8. Aprilis ejusdem anni in Typographiæ Parisiensis Codicem relato, cautum est ut Congregationis Sancti Mauri R. P. SUPERIOR GENERALIS *Libros quatuor de Imitatione Christi ad multos Codices M. SS.* ab uno ex Monachis ejusdem Congregationis collatos, per quem maluerit Typographum, néve alius citra ejus consensum edat: uti uberius Diploma ipsum explicat.

*Idem R. P. Superior Generalis facultatem dedit Ludovico Billaine Typographo ac Bibliopole Parisiensi imprimendi libros eosdem de Imitatione Christi, &c. die 10. Januarij 1674.*

# INDEX

## LIBRORUM ET CAPITULUM.

### LIBER PRIMUS.

#### CAPUT I.

- D**E imitatione Christi, & contemptu  
omnium vanitatum mundi. pag. 1
- II. De humili scire, seu cognitione sui-  
ipsius. 4
- III. De doctrina veritatis. 6
- IV. De prudentia in agendis. 11
- V. De lectione sanctarum Scripturarum. 12
- VI. De inordinatis affectionibus. 14
- VII. De vana spe, & elatione fugienda. 15
- VIII. De nimia familiaritate cavenda. 17
- IX. De obedientia & subiectione. 18

B b ij

X.	<i>De cavenda superfluitate verborum.</i>	20
XI.	<i>De pace acquirenda, &amp; zelo proficiendi.</i>	21
XII.	<i>De utilitate adversitatis.</i>	25
XIII.	<i>De resistendo tentationibus.</i>	26
XIV.	<i>De temerario judicio vitando.</i>	31
XV.	<i>De operibus ex caritate factis.</i>	33
XVI.	<i>De sufferentia defectuum aliorum.</i>	35
XVII.	<i>De Monastica vita.</i>	37
XVIII.	<i>De exemplis sanctorum Patrum.</i>	39
XIX.	<i>De exercitiis boni Religiosi.</i>	43
XX.	<i>De amore solitudinis &amp; silentij.</i>	47
XXI.	<i>De compunctione cordis.</i>	53
XXII.	<i>De consideratione humanæ miseriae.</i>	56
XXIII.	<i>De meditatione mortis.</i>	61
XXIV.	<i>De judicio, &amp; pœnis peccatorum.</i>	67
XXV.	<i>De ferventi emendatione totius vite.</i>	72

## LIBER SECUNDUS.

## CAPUT I.

<b>D</b>	<i>E interna conversatione.</i>	81
II.	<i>De humili submissione sui.</i>	87
III.	<i>De bono pacifico homine.</i>	88
IV.	<i>De pura mente, &amp; simplici intentione.</i>	91
V.	<i>De propria consideratione.</i>	93
VI.	<i>De letitia bonæ conscientia.</i>	95
VII.	<i>De amore JESU super omnia.</i>	97
VIII.	<i>De familiari amicitia JESU.</i>	99
IX.	<i>De carentia omnis solatij.</i>	103
X.	<i>De gratitudine pro gratia Dei.</i>	109
XI.	<i>De paucitate amatorum Crucis JESU.</i>	113
XII.	<i>De regia via sanctæ Crucis.</i>	116



LIBER TERTIUS  
de interna consolatione.

CAPUT I.

- D**E interna Christi locutione ad animam fidelem. 127
- II. Quòd veritas intus loquitur sine strepitu verborum. 129
- III. Quòd verba Dei humiliter sunt audienda: & quòd multi ea non ponderant. 131
- IV. Quòd in veritate, & humilitate coram Deo conversandum est. 136
- V. De mirabili affectu divini amoris. 139
- VI. De probatione veri amatoris. 144
- VII. De occultanda gratia sub humilitatis custodia. 148
- VIII. De vili aestimatione suiipsius in oculis Dei. 153
- IX. Quòd omnia ad Deum, sicut ad finem ultimum sunt referenda. 155

- X. *Quòd spreto mundo dulce est ser-  
uire Deo.* 157
- XI. *Quòd desideria carnis examinan-  
da sunt & moderanda.* 161
- XII. *De informatione patientiæ, &  
luctamine adversus concupiscen-  
tias.* 163
- XIII. *De obedientia humilis subditi ad  
exemplum JESU CHRISTI.* 166
- XIV. *De occultis Dei judiciis conside-  
randis, ne extollamur in bonis.* 169
- XV. *Qualiter standum sit, ac dicen-  
dum in omni re desiderabili.* 171
- XVI. *Quòd verum solatium in solo Deo  
quærendum est.* 174
- XVII. *Quòd omnis sollicitudo in Deo sta-  
tuenda est.* 176
- XVIII. *Quòd temporales miseriæ exemplo  
Christi æquanimiter sunt ferendæ.* 178
- XIX. *De tolerantia injuriarum: & quis  
verus patiens probetur.* 181
- XX. *De confessione propriæ infirmitatis.*

- & hujus vitæ miseriis. 184  
 XXI. Quòd in Deo super omnia bona  
 & dona requiescendum est. 187  
 XXII. De recordatione multiplicium be-  
 neficiorum Dei. 193  
 XXIII. De quatuor magnam importan-  
 tibus pacem. 197  
 XXIV. De evitatione curiosæ inquisitio-  
 nis super alterius vita. 201  
 XXV. In quibus vera pax cordis, &  
 verus profectus consistit. 203  
 XXVI. De eminentia liberæ mentis, quam  
 supplex oratio magis meretur quàm  
 frequens lectio. 206  
 XXVII. Quòd privatus amor à summo  
 Bono maximè retardat. 208  
 XXVIII. Contra linguas obrectatorum. 211  
 XXIX. Qualiter instante tribulatione  
 Deus invocandus & benedicen-  
 dus est. 212  
 XXX. De divino petendo auxilio, & con-  
 fidentia recuperandæ gratiæ. 214  
 XXXI. De neglectu omnis creaturæ, ut



*Creator possit inveniri. 219*

XXXII. *De abnegatione sui, & abdicatione omnis cupiditatis. 222*

XXXIII. *De instabilitate cordis, & intentione finali ad Deum habenda. 225*

XXXIV. *Quòd amanti sapit Deus super omnia, & in omnibus. 227*

XXXV. *Quòd non est securitas à tentatione in hac vita. 230*

XXXVI. *Contra vana hominum iudicia. 232*

XXXVII. *De pura & integra resignatione sui ad obtinendam cordis libertatem. 234*

XXXVIII. *De bono regimine in externis, & recurso ad Deum in periculis. 237*

XXXIX. *Quòd homo non sit importunus in negotiis. 239*

XL. *Quòd homo nihil boni ex se habet, & de nullo gloriari potest. 240*

XLI.

*De contemptu omnis temporalis  
honoris.* 244

XLII.

*Quòd pax non est ponenda in ho-  
minibus.* 245

XLIII.

*Contra vanam & secularem  
scientiam.* 247

XLIV.

*De non attrahendo sibi res ex-  
teriores.* 250

XLV.

*Quòd omnibus non est credendum;  
& de facili lapsu verborum.* 251

XLVI.

*De confidentia in Deo habenda  
quando insurgunt verborum ja-  
cula.* 255

XLVII.

*Quòd omnia gravia pro aterna  
vita sunt toleranda.* 259

XLVIII.

*De die aternitatis, & hujus  
vite angustiis.* 262

XLIX.

*De desiderio aeternae vitae, &  
quanta sint certantibus promif-  
sa.* 267

L.

*Qualiter homo desolatus se de-  
bet in manus Dei offerre.* 272

LI.

*Quòd humilibus insistendum est*

*operibus cùm deficitur à summis.*

278

LII. *Quòd homo non reputet se consolatione dignum, sed magis dignum verberibus.*

279

LIII. *Quòd gratia Dei non miscetur sapientibus terrenis.*

283

LIV. *De diversis motibus natura & gratia.*

286

LV. *De corruptione natura, & efficacia gratia divinæ.*

292

LVI. *Quòd nos ipsos abnegare debemus, & Christum per crucem imitari.*

297

LVII. *Quòd homo non sit nimis dejectus quando in aliquos labitur defectus.*

300

LVIII. *De altioribus rebus, & occultis judiciis Dei non scrutandis.*

303

LIX. *Quòd omnis spes & fiducia in solo Deo figenda est.*

310



## LIBER QUARTUS.

De Sacramento Eucharistiæ, sive de  
sacra Communione.

## CAPUT. I.

- C**um quanta reverentia Christus sit  
suscipiendus. 316
- II. *Quòd magna bonitas & caritas Dei  
in hoc Sacramento exhibetur homini.* 325
- III. *Quòd utile sit sæpe communicare.* 329
- IV. *Quòd multa bona præstantur devotè  
communicantibus.* 333
- V. *De dignitate Sacramenti, & statu  
Sacerdotali.* 338
- VI. *Interrogatio de exercitio ante Com-  
munionem.* 341
- VII. *De discussione propriæ conscientiæ,  
& emendationis proposito.* 342
- VIII. *De oblatione Christi in Cruce, &  
propria resignatione.* 346

- IX. *Quòd nos & omnia nostra Deo debemus offerre, & pro omnibus orare.* 348
- X. *Quòd sacra Communio de facili non est relinquenda.* 352
- XI. *Quòd Corpus Christi, & sacra Scriptura maximè sunt animæ fidei necessaria.* 358
- XII. *Quòd magna diligentia se debeat communicaturus Christo præparare.* 364
- XIII. *Quòd toto corde anima devota Christi unionem in Sacramento affectare debet.* 367
- XIV. *De quorundam devotorum ardenti desiderio ad corpus Christi.* 370
- XV. *Quòd gratia devotionis, humilitate, & suiipsius anegatione acquiritur.* 373
- XVI. *Quòd necessitates nostras Christo aperire, & ejus gratiam postulare debemus.* 376
- XVII. *De ardenti amore, & vehementi*

*ti affectu suscipiendi Christum.* 378

XVIII. *Quòd homo non sit curiosus scrutator Sacramenti, sed humilis imitator Christi subdendo sensum sacrae fidei.* 382

FINIS.

# ERRATA.

**I**N Epist. dedicat. circa finem *lin.* 12. diffineretur  
*l.* diffiniretur. *Pag.* 78. *lin.* 4. pigrirare lege pi-  
 gritare. *p.* 138. *lin.* ult. periscutare *l.* perscrutare. *p.*  
 177. *lin.* 1. quàm *l.* quam, *pag.* 179. *l.* 19. tamem *l.*  
 tamen. *p.* 183. *lin.* 1. grantanter *l.* gratanter. *p.* 202.  
*lin.* antepenult. aperies. *l.* aperires. *p.* 211. *lin.* 8. Blen-  
 dientem *l.* blandientem. *p.* 378. *l.* ult. quàm *l.* quam.

